



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

KATETE KAP

PAN

ATAIL JIOUA KAMAU

J I J O J K R A I J ,

ME

KAJIRAUİK JOÑ NI LOKAIA UTA KRIK;

AP

KAPARA KI TON̄ PONAPE.

ME REN

EN AMERIKA JOUPENEPAN PAIPEL,

ME TAPI TAR NU IOK 1816.

KAPARA EU UET.

1905.



UATAUAT EN PUK KAN, O IRA KAN, ME PATA
PENA UIA TAR PUK UET ME
KATETE KAP.

Puk.	Fra.	Puk.	Fra.
1. MATU	28	315. I. Timoti	6
53. Mak	16	320. II. Timoti	4
85. Luk	24	324. Taitoj	3
139. Jon	21	326. Pilemon	1
179. Uiaua	28	328. Men Iperu Kan	13
229. Men Rom Kan	16		
250. I. Men Korint Kan	16	342. Jemej	5
271. II. Men Korint Kan	13	347. I. Pita	5
284. Men Kalejia Kan	6	353. II. Pita	3
291. Men Epijoj Kan	6	356. I. Jon	5
298. Men Pilipai Kan	4	362. II. Jon	1
303. Men Koloji Kan	4	363. III. Jon	1
308. I. Men Tejelonia	5	364. Jutaj	1
312. II. Men Tejelonia	3	366. Kautial	22

3d Edition.

Red. m n p, 11-13-39

40.3172

MONIN PAN MATU RONMAU.

IRA 1.

PUK en uatauatak apena ti kan me tapia ta Jijoj Kraij me nain Tepit, me nain Epream.

2 Epream me uia ta Aijak; Aijak me uia ta Jekop: o Jekop me uia ta Jutaj o ri a kan;

3 Jutaj me uia ta Parej o Jara nain Temar; Parej me uia ta Ejrom; Ejrom me uia ta Aram;

4 Aram me uia ta Aminatap; Aminatap me uia ta Naajon; Naajon me uia ta Jalmon;

5 Jalmon me uia ta Poaj; nain Rekap; Poaj me uia ta Opet me nain Rut; Opet me uia ta Jeji;

6 Jeji me uia ta Tepit me Nanmaraki; Tepit Nanmaraki me uia ta Jolomon, me nain li oti en Uraioj.

7 Jolomon me uia ta Riopoam; Riopoam me uia ta Apaija; Apaija me uia ta Eja;

8 Eja me uia ta Jiojapat; Jiojapat me uia ta Joram; Joram me uia ta Ojaia.

9 Ojaia me uia ta Jotam; Jotam me uia ta Eaj; Eaj me uia ta Ejikaia;

10 Ejikaia me uia ta Mana-

ja; Manaja me uia ta Emon; Emon me uia ta Jojaia;

11 Jojaia me uia ta Jekonaia o ri a kan, nin token ar jalia ue on Papilon;

12 Irail jalia ue on Papilon, muri, Jekonaia me uia ta Jaletiel; Jaletiel me uia ta Joropepel;

13 Joropepel me uia ta Apaiot; Apaiot me uia ta Elaiakim; Elaiakim me uia ta Ejor;

14 Ejor me uia ta Jetok; Jetok me uia ta Ekim; Ekim me uia ta Eliot;

15 Eliot me uia ta Elieja; Elieja me uia ta Matan; Matan me uia ta Jekop;

16 Jekop me uia ta Jojep, me likont ki la Meri, me naitika ta Jijoj, me mmara-naki, Kraij.

17 Ti kan jon Epream lel Tepit me ek paiu, A jon Tepit lel ar jalia ue on Papilon me ek paiu, A on ar jalia ue on Papilon lel Kraij me ti ek paiu.

18 Nan iet tuen Jijoj Kraij a ipui tar: In a Meri me kijnin ion Jojep, ni ara kaik ata ko pena, a lijean aki tar Nen Jarau.

19 A paut Jojep, ol lelapok amen, kan kajanjale ta

i ap kupure ta en okioki kaje la i.

20 A nin tokan a matama-
taua, nar, tounlan men ren
Jioua, para ton i ni a aura-
men, majani, Jojep, nain Te-
pit komui, ter majak ale om
paut Meri; pue Nen Jaraui
me a lijean ki tar.

21 Nan a pan naitika ta ol
men, a komui pan kī on at
a Jijoj, pue a pan kamauri
jon na aramaj kan ni tip ar
kan.

22 Me pukat uiaui er, pue
me joukop en Jioua o a kopa
ta en puai ta, a katiti,

23 Nar, li maipon men pan
lijean ta, o naitika ta ol men,
ir ari pan ki on at a IMANUEL,
ienta, Kot kotikot re tail.

24 Jojep piri ta jon a me
mair ap kapuaia ta me toun-
lan ren Jioua majani on,
apuālia la i a paut.

25 Ap jota uenti re a lao lel
a naitika ta na mejeni men;
i ari ki on at a Jijoj.

IRA 2.

JIJOJ lao naitiki tar Pe-
tliem en Jutia, ni muein
Erot nanmaraki, nar puin ol
lolikon para to jon ni maja-
lan, ko ton Jirujalem,

2 Kalakalelapok, Ia uaja me
ipui tar Nanmaraki en men
Jutia kotikot ia, pue kit nara
tar a uju ni majalan, ap ko
ton poni on i.

3 Erot Nanmaraki lao rona
tar ap majapuek tar, o toun
Jirujalem karoj.

4 I lao kapokon pena leiap
o jounintin ren aramaj kan,

ap kalakalelapok re ir uaja
Kraij pan naitik ta ia.

5 Irail katiti ki on i, Nan
Petliem en Jutia; pue i tuen
joukop me intinie ti,

6 A koa Petliem en Jutia,
jota me tikitik ren joupeti en
Jutia kan; pue Kaon men
pan tapi ta jon komui me
pan kaon nai aramaj en Ijrael
kan.

7 Erot, lao kanai pena puin
me lolikon, ap kalakalelapok
re ir, anjoun uju o para ta.

8 I ari katar ir alan Petliem,
majani, Ko ue, raparapaki jili
jeri puelei o; komail lao tiara
ta i, en kaire ki ton ia, pue I
en ko la poni i.

9 Irail rona tar Nanmaraki
o, irail ko ie la, nar uju me
re nara ta ni majalan, ap ti
on mo rail, a lao u ti on pon
uaja jeri puelei a mia.

10 Irail tiara ta uju o, irail
me peren ta kaualap,

11 Irail petalon on er nan
im o, irail tiara ta jeri puelei
o mi ren Meri in a, re ap tai-
ruki ti on i, poni: irail kapare
ta ar kapua kan, re ap mairon
ki on i kol, o prankinjen, o
mor.

12 Kot me majani on ir re
en ter puro ton ren Erot, re
en pean aue ni apot al, puro
ton jap arail.

13 Irail jom alar, nar, toun-
lan ren Jioua men ap para
ton ren Jojep, ni a auramen,
Majani, U ta, ale jeri puelei
o in a, tana ue lan Ijip, o
ko en kaukaujon uajao, I lao
kaire kin uk, pue Erot pan

rapaki jeri puelel o puen kamata la i.

14 I piri ta, ap ale ta jeri o o in a ni pon, jipal lan Ijip.

15 Kaukaujon ia lao lel Erot a mat ala; puen kapuaia ta joukop ren Jioua men a kopa tar, Jon Ijip me I eker ato Nai ol.

16 Erot lao aja ta me a jaro ki ti er puin ol lolikon, ap makara tar kaualap, o porone lan kame la jeri kan mimi Petllem, o jap janjal on kan, me jounipar riau po ar, o me pei ti jon, tuen anjoun a kala-kalelapok ren puin ol lolikon.

17 I tokan me Jerimaia joukop o kopa tar puai tar, a katiti ki,

18 Nan Rama moro tar, o mauk, o maiei ta, Rejel jonijon ki na jeri kan, a kan injiniman la, pue re jouor mia.

19 A Erot lao mat alar, nar tounlan ren Jioua ap para ta ren Jojep mi Ijip ni a auranmen,

20 Majani, U ta, ale jeri puelel en o in a, ko on nan uein Ijrael; pue ir me lar me rapaki kame la jeri o.

21 I ari u ta, ale jeri puelel o o in a, puro ton jap eu Ijrael.

22 A lao ron me Arkilauj me it nanmaraki en Jutia, uilian la Erot jam a, ap majak ko on uaja o; ari jo, pueki Kot me kauata ki i auranmen, ap uit ue on toror:

23 A ko to mimi nan kanim me atanaki Najaret; pue en kapon me joukop intinta: Ir ki on at a, Najarin men.

IRA 3.

NI muei o Jounpaptaij men, Jon poto to uia-
uia paptaij nanauel en Jutia,
2 Intin ta, Komail en loka
la: pue muein Kot mi er.

3 Pue i me joukop Aijea kop
ki tar, inta ta, Nil eu katiti
jili nanauel, Komail en ko-
kok al en Jioua, o kainene
ta mo a.

4 I Jon me a likau kan un
en kamel, o a uaiuai kilin
man me a katonoton ki; o
kan a kijin mona manjiek
kai, o oni en nanauel.

5 Toun Jirujalem, o touu
Jutia kan, o toun jap kan
liman Jortan, ap ko ie la re i,

6 Irail paptaij lar re a, ue-
oka tar tip ar kan.

7 I lao majani Pariji o Ja-
tuji kai me neter ko ton a
paptaij, ap majani on ir, Ta-
kota, jon en paipa komail,
ij me karaua kin komail en
tana jon ni komakom me ko-
ko to?

8 En kapare ta me kon on
injino kan:

9 Eter kiki on, Nan Epream
me jam at; pue I intai on
komail, Kot me kak on uia
ki on Epream na jeri kai ta-
kai pukat.

10 Jila pot mi er nin tapin
tuka kan: i me tuka karoj
me jo ua mau pan pala ki ti,
o kajapok ala nan iai.

11 Mealel I kin paptaij kin
komail pil on injino; a me
koti to mur i, nan a lapa jon
ia, me na jut I jota mau en
ua; i me pan paptaij kin

komail Nen Jarai, o kiji-
niai:

12 A tanir mimi ni lim a, a
pan kokok kanai on nan a tat
o, o uaja pena a uit akan nan
im en nak; a tip akan a pan
karone ki la kijiniaj jo kun.

13 Jijoj ap koti to jon Ka-
lili, koti ton Jortan ren Jon
puen paptaij la re a.

14 A Jon kan, potoon on,
mak I en paptaij re omui, a
komui koti ton ia?

15 Jijoj kotin majani on i,
En peiki on maj: pue me
mau on kita en kaponia la
uiauia mau karoj. I ari peiki
on.

16 Jijoj lao paptaij lar, ap
matan ata jon ni pil o: a nar,
nalan ap ritini ta mo a, i ari
majani Nen en Kot a koti ti
to mom en muroi, ap kaipoki
ti po a:

17 O nar, nil eu jon na-
lan, katiti, Nai ol, me I poka-
poka.

IRA 4.

NEN Jarai ap kalua ta
lan nanaul Jijoj, puen
jonojon ren tepil.

2 I lao kajjole lar pon pa
naul o ran pa naul, ap men
tunole la.

3 Men jonojon lao para ton
i, a inta ta, Ma komui Nain
Kot, en majani takai pukate
en uia peret ala.

4 A i kotin majani, Nan a
intini ti, Aramaj jota pan kin
me maur aki peret eta, a ma-
jan akan me kin puilipuili
jon ni jilanin Kot.

5 Tepil ap kalua ta lan i
kanim jarai o, o kua tan i
pon konkon en imjarai o,

6 Katiti on i, Ma Nain Kot
komui, en kaja ti pein ko-
mui, pue a intini ti er, A pan
kajila ki na tounlan kai ko-
mui; o re pan ua komui ni
lim ar, pue komui te kate-
kateo kajuk apajon aluulua
omui nin takai eu.

7 Jijoj ap majani on i, A in-
tini ti er, Ko ter pitipiti Jioua,
om Kot.

8 Tepil pil kalua ta lan i
nana eu me ilela kaulapia,
o kapare ton i uein jappa ka-
roj, o ar linan akan;

9 Katiti on i, Me pukate
karoj I pan muet on komui,
ma komui pori ti o poni on
ia.

10 Jijoj ap majani on i, Ko
jon ia, Jetan koa, pue a intini
ti, Ko en poni on Jioua om
Kot, i eta ko en papa.

11 Tepil ap jipo jon i, a nar,
tounlan kai para to apualia
la i.

12 Jijoj lao ania ta me Jon
loti lar nan imton, a koti ie
lan Kalili;

13 O koti ue jon Najaret,
koti ton kaujon Keperniom,
me mimi pon jet, ni kailan
Jepulon o Naptalai;

14 Pue en Aijea joukop
amen a kopa ta en puai ta,
a katiti,

15 Uein Jepulon o Napta-
lai, me pon jet, pali la jon
Jortan, Kalili en men uai
kan:

16 Aramaj akan me mot

apena nan rotarot, tiara tar marain eu lapalap; o me mot pena nan motan me la, marain me janjal on er.

17 I tokan Jijoj a tapi tan kaueue ta, majani, komail en loka la, pue muein nalan mi er.

18 Jijoj kotikot ueit pon oror en lein Kalili, ap tiara ta piron eu, Jaimon me look Pita, o Anteru ri a ol, ir katukatui ti ara uk nan jet; pue ira me joujet.

19 A majani on ira, En ita-uen ia to, I pan uia kin koma joujet en aramaj.

20 Ira matan kaje la ara uk, o itaunen la i.

21 A koti la ekij uaja, ap majani pil eu piron, Jemej nain Jepiti, o ri a ol Jon, mi nin jop, ren Jepiti jam ara, uone on ara uk: i ari moli-
pe ira to.

22 Ira matan kaje la jop o, o jam ara ap itaunen to i.

23 Jijoj kakan jili Kalili, kaueue nan ar im en patak kan, o katete ki ronmau pan mui, o kakela ta me jomau kan, o me luet nan pon en aramaj kan.

24 I ari looki jili kakan Jiria: ir ari ua ton i me jomau kan, me kokoua jomau kai, o matok, o me tepil akai ti poa, o me puepue, o me rerrer, i ari kakelail ir ata.

25 Pokon kalaimun neter me itaunen la i jon Kalili, o Tikapolij, o Jirujalem, o Jutia, o pali la jon Jortan.

IRA 5.

A MAJANI pokon akan, ap koti ta la nin nana eu; a lao kaipoki ti, a uarok kan ap pokon ton i:

2 I ari jara pajon jilan i, majani,

3 Re meit apaii me karakarak; pue na rail uein nalan.

4 Re meit apaii me mauk, pue re pan kamait ala.

5 Re meit apaii me opampap, pue irail pan poe ti jappa et.

6 Re meit apaii me kin men nom o men nim lamalam mau; pue irail pan mue met ta.

7 Re meit apaii me katakata; pue re pan tiar men katak.

8 Re meit apaii me nankapeti makolakol, pue re pan ariri Kot.

9 Re meit apaii me kin tom-pena, pue re pan atanaki jeri en Kot.

10 Re meit apaii me komakom la pueki lamalam, pue uei rail nalan.

11 Komail meit apaii ni aramaj karoj lalaue komail, o koma komail, o kinei likom karoj komail, pueki nai.

12 Komail en injinimau o peren ta kaualap: pueki katinepa mail me lapalap nalan: pue i tuen irail koma la joukop oko me mo mail.

13 Jolepan jappa komail: a ma jol jara jon, ta me pan kanomanomuia ta? nan apan me mal kot, men loka-

tak ala ta, o aramaj en tiaki ti poa.

14 Marainepan jappa komail. Kanim eu me kaukau pon tol jota kak riri la.

15 Pil jota aramaj kin ijk lamp, oki la pan kajak, a, nan pon teu i, puen kamaraipi toun im karoj.

16 Omail marain en janjal mon aramaj, pue irail en uti al omail uiauia mau, ap kapikapina Jam omail me kotikot nalan.

17 Eter kiki on me I ko ton tiaki ti kujenot, o kokop akan: I jota ko ton tiaki ti, a puen kapuaia ta.

18 Pue mealel I katiti ki on komail, Kaitin kijan kujenot pan lokatoka jon, a lao lel kujenot karoj puai ta.

19 Meamen tiaki ti eu kujenot pukat, o pataki aramaj en tiaki ti, nan a pan me tititik nan uein nalan; a meamen uoke, o pataki aramaj en uoke, nan a pan me lapa lap nan uein nalan.

20 Pue I katiti on komail, Ma omail pon jo pei jon pon en jounintin o Pariji, komail jota pan maan petalon on nan uein nalan.

21 Komail rona tar me a looki on toun kaua kan, Ko ter kame la aramaj; o me kame la aramaj, pan kapakon on kateik o:

22 A I kin katiti on komail, Meamen makara ta mal pan jou i, pan kapakon on kateik; o meamen kajoi on jou i, Re-

ka, pan kapakon on momot en kateik o: a meamen inta ta, Koa me puepue, pan kapakon on lein kijinia.

23 Ari, ko ua ko ton pei jaraui om mairon, ap taman ta me jou om men kailok kin uk;

24 En puili ki uiman pei jaraui o om mairon, ko to jon; tom ren jou om, ko ap puro to, kapuaia ta om mairon.

25 Tomotom ren me imuintiti on uk, matan, ni ko kak on; pue me imuintiti on uk te pana lan uk ren jounkapon, o jounkapon te pana lan uk ren joupeti, a ko pan kaje ti on nan imton.

26 Mealel I intai on uk, Ko jota pan ko ta jon uajao, ko lao puain ta karoj.

27 Komail rona tar me a looki on toun kaua kan, Ko ter nenek;

28 A I katiti on komail, Meamen ninar li men puen noroka, nan a nenek ion i er nan kapeti.

29 Ma pali maun maj om kaokaoe uk, en uaika ta jon, kaje jon uk; pue a me mau on uk, kijan uar om lokatok alar, jon uar om pon ta en lokatok ala nan el.

30 O ma pali maun pa om kaokaoe uk, lipoka jon, o kaje jon uk; pue a me mau on uk kijan uar om en lokatok ala, jon uar om pon ta en lokatok ala nan el.

31 Nan a inta tar, Meamen pan kaje la a paut, i en ki on i kijilikau en kamueit.

32 A I intai on komail, Meamen kaje la a paut me jo nenek, nan a kaneneki i; o meamen ale i a paut, me kaje lar, nan a nenek.

33 Komail pil rona tar me a looki on men kaua kan, Ko ter aklikom ki om kop: a ko en kapuai on Kot om kop akan;

34 A I katiti on komail, Ter kau la; ter kau ki la nalan, pue mol en Kot;

35 Pil ter jappa, pue uitipa; pil jota Jirujalem; pueki kanim en Nanmaraki lapalap.

36 Ko pil ter kau ki la mon om, pue ko jota kak on uia ta eu pitonmona en potopot, te tontol.

37 Omail kajokajoi pena en Iei, iei; o Jo, jo; pue me pei jon me, kin tapi ta jon ni me juit.

38 Komail rona tar me a looki to, Maja en tupuk maja; o ni pot en tupuk ni pot.

39 A I katiti on komail, komail ter palian me juit: a meamen pikir uk ni pali maun en likinjap om, en kau on i pali teu.

40 Meamen kateik uk, atia jon om jakit, en iana ki on i om likau pup.

41 Meamen uon kin uk en ian i momait mail eu, en ian i mail riau.

42 Kijakijai on me kin poki-poki re om; o me men muriki re om, ko ter jope ue jon.

43 Komail rona ta me re

inta ta, Ko en pokapoka om jouapual, o me juiti ki me imuintiti on uk.

44 A I kin intai on komail, En pok on me me juiti kin komail, o kamaui me kin kajuiti komail; en uia mau on me kin kailok kin komail, o kapakap akin ir me kin tantat on komail, o koma komail;

45 Pue komail en nain Jam omail me kotikot nalan; pue a kin kapare ta to na katipin pon me mau o me juit akan, o kamorie ti katau pon meappon, o jopon.

46 Pue ma komail pok on me kin pok on komail, ta men katini komail? jounnopue kan jo kin uia tue me?

47 O ma komail ranmau on jou mail, ta me jiki jon me te ko? jounnopue kan jo kin uiaua tue me?

48 Komail ari en lelapoka lar, raj on Jam omail me kotikot nalan a lelapok.

IRA 6.

KOMAIL en kalaka pue komail te kijakija janjal on aramaj, pue re en utial; pue komail te jota anaki katiini eu ren Jam omail me kotikot nalan.

2 Ko ari pan kijakija, eter pok jaui eu mo om, tue me malaun akan, nan im en patak akan, o nani al, pue re en intant ren aramaj. Mealel, I intai on uk, irail anaki puain arail.

3 A koa pan kijakija, ter kajale on pali main pa om

me pali maun pa om kin uia-
uia.

4 Pue om kijakija kan en
mearir; o Jam om me kin
majani nan uaja rir, i en jan-
jal puain on uk.

5 Ko lao uia kapakap, ko
ter raj on me malaun akan;
pue irail men kapakap nan
im en patak kai, o nani al
akan, pue re en janjal on
aramaj Mealel, I intai on ko-
mail, Irail anaki er puain ar.

6 A koe, ni om uia kapa-
kap, en ko on nan pera, o ko
lao ritini ti uanim o, en ka-
pakap on Jam om me koti-
kot uaja rir; o Jam om me
majani uaja rir, pan janjal
katini uk.

7 A ko uia kapakap, ko ter
purepure mal, tue ta me ro-
tarot akan kin uiauia, pue
irail kiki on me re pan puai
ta pueki ar lokaia toto.

8 Komail ari en ter tue
irail: pue Jam omail ani er
meakan me komail men ana-
ki, mon omail poki re a.

9 Nan iet tuen omail pan
uia kapakap; Jam at me ko-
tikot nalan, Mmar omui en
jarani.

10 Mue omui en puai ta,
Kupur omui en uiauia jappa
tue nalan.

11 Koti ki to ranuet at
tunol kaukaule.

12 Lapua jon kit tip at tue
kit me kin lapua ta karoj me
uia tip ion kit.

13 Eter kaluan kit ren me
katikatiamaua kan, a en ni-
kit kit jon ni me juit akan,

Pue mui omui ta mui, o
uiauia, o uau, koko la ta.
Amen.

14 Pue ma komail mak aki
on aramaj tip ar akan, Jam
omail nalan pan mak aki tip
omail akan:

15 A komail kan mak aki
on aramaj tip ar akan, Jam
omail pan kan mak akin ko-
mail tip omail.

16 A, ko pan kaijole, ko ter
ale jon me malaun akan, me
kin maja mauk: pure re kin
uiki la maj ar, pue re en jan-
jal on aramaj liliajoj kaijole
Mealel I intai on uk, Irail
anaki puain ar.

17 A koe, ko pan kaijole,
en ujore mon om, o opui-
nok;

18 Pue ko en ter janjal kai-
jole on aramaj, a on Kot me
kotikot nalan: o Jam om,
me majani uaja rir, pan jan-
jal puain on uk.

19 Komail ter nanak aki on
pein komail ni jappa, uaja
man en mot o mir kin kao-
koe, o uaja men pirap kin
kuli on pirapa la:

20 A komail en nak aki on
pein komail nalan, uaja man
en mot o mir jota kin kaoe,
o uaja me lipirap jota kin
kuli on pirapa la.

21 Pue uaja omail nak mia,
i uaja omail lamalam pil pan
mia.

22 Marainepan uara maja;
ma ko maj lelapok, uar om
pan tir en marain.

23 A ma ko maj jalelapok,
uar om pan tirin rotarot, i

me ma marainepa om me rotarot, tatuen me rotarot kaulalap!

24 Jota me pan kak papa jourmaj ria men, pue a pan kailok ki amen, o peiki on me teu; te a pan puili jon amen, a kan me teu; Komail jota pan kak pariai pena Kot o mamon.

25 I me I intai ki on komail, Eter nonon ki on maur omail, me komail pan nom o nim, pil jota uar omail, me komail pan kapuata ki ta. Maur jo kajompual ajon kijin mona; o uara jon kapuat?

26 Kalelapok on manpir akai nalan; pue re jota kin japuejap, o tolun, o uajapena: ari Jam omail nalan kin kamakamona irail, Komail jo kajompual ajon irail kaulalap?

27 Ij re mail ma a lamlama toto pan kak pein uja pajon tiponenpa eu?

28 A ta me komail non injino ki likau kai? Kalelapok on kiop akan mi nan jap, tuen ar kakair ita: re jota kin totok, o jota monkola pena;

29 A I ap katiti ki on komail, Nan Jolomon ni a kapuata tar kaulalap, jota kin linan tue apot irail pukat.

30 Ari, ma Kot kin kapuata ki ta tip mi nanjap, me kin mia ranuet, a lakop pan lokatok ala nan um, a tatue, a jo pan kapuata ta komail, main ko, me peik tikitik?

31 I me komail ter nonon ki, peipeitok, Ta me kit pan nom, o, Ta me kit pan nim? o Ta me kit pan kapuata ki ta?

32 Pue me pukat me rotarot akan kin raparapaki; pue Jam omail nalan me ani er me komail men anaki me pukat.

33 A komail en rapaki maj muein Kot, o a lelaping, o me pukat pan pauje lan komail.

34 Eter non ki on lakop; pue lakop pan non ki on pein i, A itar on ran eu a me juit.

IRA 7.

KOMAIL ter kajaui mal, pue aramaj te kajaui komail.

2 Pue tuen omail kajaui mal aramaj i tuen re pan kajaui komail; o tuen omail jojon a pan pil jojon on komail.

3 Ta me ko kalelapok ki pul en ni maj en ri om, a jota pao apuali otot apot mi ni pein maj om?

4 Ia tuen om pan intai on ri om, I pan kaje jon pul ni maj om; a, nar, nan otot pot mi ni pein maj om?

5 Malaun amen koa, en kaje jon maj otot apot mi ni pein maj om; ko ap pan kalelapok on kaje jon pul mi ni maj en ri om.

6 Eter ki ti on kiti kai me jarai kot, o pil ter kaje ti on mon puik kai omail el en pur kai, pue re te tiaki ti

po ir, o jope to ke pena koma-
mail.

7 Poki, a komaail pan tunole;
rapaki, a komaail pan tiara ta;
letelet, a, a pan riti ta mo
mail;

8 Pue karoj me pokipoki
kin tunole; o me kin rapara-
paki kin tiara ta; o me kin
letelet nan a kin riti ta mo a.

9 Pue ij re omail, me na
jeri poki kijen peret, pan ki
on i takai eu?

10 O ma a poki mam men,
pan ki on i jerpent?

11 Ma komaail, me jon juit,
aja tuen kijakijai mau on no-
mail jeri pukat, mealel kaua-
lap Jam omail me kotikot
nalan aja tiak en kijakijai on
me mau, me kin poki re i.

12 Meakan komaail men ara-
maj en uiai on komaail, i me
komaail en uiai on ir; pue
nan i kujenot o kokop akan.

13 Komaail en ueit ni uanim
apual; pue me jalatok uanim,
o me janjal al en ko on mela,
o me neter kin ueit ia:

14 Pueki me apual uanim,
o me tetik al en ko on maur,
o me laulau kin tiara ta.

15 Komaail kalaka pueki
jounpatak likom akan, me
kin kapuat aki janjal en jip
ko ton komaail, a loli re jon
en kiti komat akan.

16 Komaail en kajau kin
irail arail ua; Ta, aramaj
pan tolun kerep jon ni ka-
rer; o uan pik jon ni tuka
kamatok.

17 Nan i tue ta tuka mau
karoj kin ua mau; a tuka
juit kin ua juit.

18 Tuka mau jota kak ua
juit, o tuka juit jota kak ua
man.

19 Tuka karoj me jo ua
mau kin pala ti, o kajapok
la nan iai.

20 Komaail ari en kajau kin
ir ar ua.

21 Kaitin karoj me kin ka-
jokajoi on ia, Main, Main,
pan petalon on nan uein na-
lan; a, me kin uiaua kupur
en Jam ai me kotikot nalan.

22 Me neter pan kajoi on
ia ni ran o, Main, Main, kit
jo patapatak jon ni mmarmui;
o ni mmarmui kauja
ki la tepil akan; o ni mmarmui
uia ki tar manaman me
neter?

23 A I pan katiti ki on
irail, I jaja komaail; en ko ue
jon ia, komaail me kin uia ta
me juit.

24 Ari, meamen rona tar ai
patak pukat, o peiki on, I
pan karajai on i ol lolikon
amen, me kaua ta im a pon
paip;

25 Katau ap mori ti, o la-
pake puilipuili ta, o an ama
iripoki ton im o; a, a jota
ronki la pajon; pueki a kau-
kau pon paip.

26 A meamen rona tar ai
patak pukat, ap jota peiki
on, nan a pan raj on ol pue-
pue men, me kaua ta im a
pon pik en oror.

27 Katau ap mori ti, o lapa-

ke puilipuilli ta, o an ama iripoki ton im o; a, a ronki la pajon; o a ronki pajon kaualap!

28 Katekateo, Jijoj lao kaire lar a patak pukat, aramaj an kapina la a patak;

29 Pue me patakan a patakin irail, a jota tue ta jounintin kan.

IRA 8.

JIJOJ lao koti ti to jon nin nana o, pokon kalaimun me neter itauen to i.

2 Ol tukatuk amen ap ko to, tairuki ti jon mo a, katiti, Main, ma komui kupura, komui manaman on kamakolokol ia ta.

3 Jijoj ari, ki ta ue lim a, jaire ki i, ap majani, I men ko en makola ta; Ari, a tukatuk ap matan moti jon.

4 Jijoj ap majani on i, Kalaka, ko te kaire ki aramaj amen; a, ko en ko la, kajale on joumaro pein uk, o ki on mairon eu me Mojej majani, puen kapon on irail.

5 Jijoj lao koti lan Keperniom, jenturion amen ape ton i pokipoki,

6 Katiti, Main, me papai ia men onon nan im o, jomau rerrer, me uairok kaualap ia.

7 Jijoj ari majani i, I pan ko la, kakela ta i.

8 Jenturion o potoon on, Main, I jouar komui en koti lon on nan im ai; a komui en majania ta, me papai ia ap pan kela ta.

9 Pue aramaj amen nai, me

poe ti, jounpei kai kin papai ia: I kin intai on amen, Ko ue, i ari ko la; o on amen, Ko to, i ari ko to; o on me papai ia, En uia ta me, i ari uia ta me.

10 Jijoj me ani me, ap kapina, majani on ir me itauen to kan, Mealel I katiti ki on komail, I kaik ata tiara ta me pojon tue met, jo, jo minan Ijrael.

11 I ap katiti on komail, Nan me neter pan ko to jon ni majalan, o kapinlan, monti on ren Epream, o Aijak, o Jekop, nan muein nalan o;

12 A me puelitan ni uei o pan kokoka jon, ko on nan rotarot liki, uaja re pan maiei, o teterok.

13 Jijoj ap majani on jenturion o, U ko ue; tuen omui pojon, i tuen a pan uiai on komui. Ari me papa o ap kelaila ta, nin kelok ota.

14 Jijoj lao koti lon on im en Pita, ap majani in en a paut, a onon, karakar.

15 I ari jaira ki ta pa a, a karakar ap ko jon; i ari u ta papa irail.

16 Alao joutik apena re ua ton i me neter me tepil ti poa, I ari kaje jon tepil majani, o kakela ta me jomau kan;

17 Pue me Aijea kokopa to en puai ta, a katiti, Nan a ale on pein i at luet akan, o ua at jomau.

18 Jijoj majani pokon kalaimun, pokopokon ton i,

a majani re en jipal lan por i o.

19 Jounintin men ape ton i, o katiti, Main, I pan uaroki on komui jili uaja karoj.

20 Jijoj majani on i, Pokj akan por ar mia, o manpir akan, teu ar pil mia; a Nain aramaj jota uajan kaula ue mon a.

21 Pil amen a toun patak intai on i, Main, kom katar ia la maj, pue I en pura la jarapi ti jam ai.

22 A Jijoj majani on i, Itauen ia to; me me lar akan en jaripi ti pein ar me me lar akan.

23 I lao koti la pon jop pot, ion a kai itauen la i.

24 Nar, ap melimeli ta, nan matau, jop o pan mau i ki ti iluk kan, a i jaimok lar.

25 A uarok kal ap ko to, kaopa ta i, inta ta, Main toro kit; kit pan me la.

26 I ari majani on ir, Ta me komail majak ki, komail meit pojon me tikitik? I ari piri ta, majani an o jet, ap mole lar kaulap.

27 Aramaj kan ap kapika-pina katiti, Tatu en ol men et, me an o jet kin peiki on?

28 I lao lel on por i o, nan uein Kerkajin; aramaj ria men me tepil kai ti poa, koko ton i jon nin joujou kai, me komat kaulap, jota me kak ueit uajao.

29 Ira ari uiriuri ta, itok, Ta me kit en uia re omui, Jijoj, Nain Kot komui? ta

komui koti ton koma kit, jaik anjou i?

30 Nan mi uaja tou puin puik, monamora jili.

31 Tepil ko ap poki re a, inta ta, Ma komui kaje la kit, en majani kit en til on nan puin puik o.

32 I ari majani on ir, U ko on. Irail kari ti jon, re ap til on nan puin puik o, a nar, puin puik kan tan tau i, tan ti on uaja ukuk nan jet, irail ari mop lar.

33 Me jinjila ir kan ap jipo lar, tanatan nan kanim o, kaire ki me; o me uia on me tepil akai ti poa.

34 Nar, toun kanim o pokopokon ton Jijoj; ir tiara ta i, re ap pokipoki i en ko la jon jar arail.

IRA 9.

I ARI koti la nin jop pot, kote la, pur on kanim me teu i mia.

2 A, nar, re ua ko ton i me jomau rerrer men, a puil pon rou a: Jijoj majani ar pojon, ap majani on me jomau rerrer, Nai, ko en kaporapor; koa me japa ta jon ni tip om kan.

3 A, nar, akai jounintin kan katiti nan pon ar, Lap mo lalaue.

4 A Jijoj me ani ar lamalam ap majani, Ta me komail lamalam juit ki nan kapet omail?

5 Pue ia me monai ren inta ta, Koa me japa ta jon tip om; te en inta ta, U ta, alu ue?

6 A pue komail en aja me Nain aramaj utan lapua ta tip kan, (i ap majani on me jomau rerrer o,) U ta, ale ki om, pura ue on teu om.

7 I ari u tar, ko ie lan teu i.

8 Pokon ko ututial me, re kapikapina, o kakaki Kot, me ki on er aramaj manaman me uet.

9 Jijoj koti to jon uajao ap majani ol men me at a Matu, a momot nan teun nopue: ap majani on i, Itauen ia to, I ari u ta, itauen to.

10 Katekateo Jijoj kaipoki ti jakajak nan im o, nar, me rotarot o me juit me neter ko to ian i momot, o a uarok kan.

11 Pariji kan lao utial me, re peitok ren a uarok kan, Ta me kare ta omail joumaj a ian monti ren me rotarot o me juit ko, mona?

12 Jijoj me ania ta me, ap majani on ir, Kaitin me kelail me jounuini kin mau on, a me jomau ota.

13 A komail en ko la kalelapok on kojoi pot et, I kin mau ki pokapok, a lokalok jo; pue kaitin me mau kan me I ko ton looki on kainjino, a me juit kan.

14 Ion en Jon kai ap potoon on, Ta me kit o Pariji kan kaijojole, a ion omui jo?

15 Jijoj majani on ir, Ta, ion en li kamot pan kin mauk, ni ol kamot potopot re rail? a katekateo, eu ran,

ol kamot pauka ta jon, re ap pan mauk.

16 Jota me kin teek on ni likau marin likau kap, pue me teek on en puain ti te tere jon ekij likau, a por pan laut la.

17 Jota me kin touk on potel marin uain kap, pue potel akai te ola, o uain uikitoki ti o potel lokatok la; a re kin touk on potel kap uain kap, ira karoj ari nikinik mau.

18 Nin tokan a majani on ir me pukat, nar, monjap men koti to, poni on i, majani, Nai li men me lar; a komui en koti to, puil po a lim omui, ap pan mauri ta.

19 Jijoj ari koti ta, itauen to i, o a uarok kan pil ian.

20 A nar, li men, me int a puilpuil par naul riau, ko to kai on likin jakar i, o toke ta a likau ni imui:

21 Pue a kiki on inta ta, Ma I toke a likau I pan kelaila ta.

22 A Jijoj jope to, majani i, ap majani on, Nai li o, en injinimau la, om pojon me kakelai uk tar. Li o ari kelaila tar nin kelok ota.

23 Jijoj lao koti er nan im en monjap o, majani jounueneuen, o aramaj kan mamauk:

24 A majani on ir, En kokok; pue li o jota me la, a memair eta. Ir ari kaurur kaualap.

25 Aramaj lao kokoka jon, i ap koti lon on, lima ki ta pa a, li o ari pauri ta.

26 I ari lomuini jili ni jap karoj.

27 Jijoj lao koti la jon uaja o, ol majkun ria men itaue to i, uiriur, inta ta, Nain Tepit, en kupurai kit.

28 I lao koti lon lar nan im o, ol majkun ko ap ko ton i; Jijoj ari majani on ira, Koma kamealela me I kak on uia ta me? Ira potoon on, Iei Main.

29 I ap kotin jaire ki ti maj ara, majani, tuen oma pojon a pan uiai on koma.

30 Maj ara ari ap paat apajon; Jijoj patik majani on ira, majani, Kalaka puen ter kaire ki meamen.

31 A, ira lao ko ie la, katiti jili ni jap karoj.

32 Irail ko ie lar, ap ua ton i ol men me tepil ti po a.

33 Tepil lao kajapauka la, me jaja lokaia ap lokaia; aramaj kan ap kapikapina, inta ta, nan a jo para ta tue ta me nan Ijrael.

34 A Pariji kai katiti, Nan Joumaj en Tepil me a kauj ki jon tepil,

35 Jijoj ap kakan jili ni kanim kan, o kaujon, kauene ta nan ar imenpatak kan, kauene ki on ir ronmau en mui o, o kakela ta me jomau kan, o me luet nan pon en aramaj kan.

36 A majani pokon kan ap kupuro kin ir, pueki re luet alar, o moro pajon, likomata jip kan me jota jilepa rail.

37 I ap majani on a uarok

kan, Nan rak me kalaimun, a men totok me laulau.

38 Komail en kapakap ki, pue Joupeti en rak en porone to men totok kai nan a rak.

IRA 10.

JIJOJ lao molipe pena a uarok ek ria men, ap kamana ta irail en poe ti nen jaot kan, puen kauj ir jon, o en kakela ta me jomau o me luet kan.

2 Nan iet at en uanporon ek ria men: Men maj, Jaimon, me pil at anaki Pita, o Anteru me ri a; Jemej me nain Jepiti, o ri a Jon.

3 Pilip, o Partolomu; Tomaj o Matu jouunopue men; Jemej nain Alpioj, o Lepioj me pil at anaki Tatijoj;

4 Jaimon men Kenan, o Jutaj Ijkariot, men pana la i.

5 Ek ria men pukat me Jijoj porone la, aute ir ala, majani, Eter ueit uan nan uai, o kanim en Jameria eu komail ter petalon on.

6 A en pila ue on jip akan jon en Ijrael, me jalonolar.

7 Komail kakan jili, en kauene ta katiti, muien nalan mi er.

8 Kakela ta me jomau, o kamakole te ma tukatuk kan, o kamauria ta me me lar, o kauja ue tepil kan: komail me tunol er lapalap, en japan kijakija ue ta.

9 Ter kaonopa ta kapinuar omail kol, o jilepa, o peraj, nan omail et kan;

10 Pil ieramen itan omail, o jakit riau, o jut, o jokon kai;

pue tountotok me uar kan ar kijin mona.

11 Kanim eu me komail petalon on, o kaujon eu, kalelapok on tou a me mau; i uaja en momot ia komail lao pura ue jon.

12 Komail petalon on im eu, en ranmau on.

13 O ma im o uar, omail kamaui en ko on; a ma a jouar, omail kamaui en puro ton komail.

14 O meamen jo kajamoi komail, jo ron omail patak kan, komail lao ko la jon im o kanim o, en jepete jon puel nin ne omail.

15 Mealel I intai on komail, Nan a pan monai on Jotom o Komora ni ran en kateik o jon kanim o.

16 Nar, I ap porone komail la, likoma ta jip kan tontola kiti en nanauel; komail ari en kanonama raj on jerpent, o tiak monai raj on muroi kan.

17 En pere ki aramaj: pue re pan pana lan komail momot en kateik kan, o re pan koma komail nan ar im en patak kan;

18 O komail pan uijiki ton monjap, o nanmaraki kai pueki nai, puen kapon on irail, o me rotarot kan.

19 A irail pana la komail, eter matamataua tuen tiak en omail pan inta ta; pue a pan par on komail me komail en katiti, nin kelok ota.

20 Pue kaiti pein komail me pan lokaia, a Nen en Jam

omail me pan kalokaia komail.

21 Jou i pan pana la jou i en kamata la, o jam na; o jeri kai pan imuintiti on me uia irail ta, o kare ir on koma la.

22 O komail pan tantat ren aramaj karoj pueki nai: a meamen tataura ta pan maio tar.

23 A irail koma komail ni eu kanim en jipo lan, ni eu; pue mealel I intai on komail, komail jota pan lela pena kanim en Ijrael kan, Nain aramaj lao para ta.

24 Tounpatak jota me lapa jon na jounpatak, o me papa pil jota me lapa jon na joumaj.

25 Nan me itar me tounpatak raj on na jounpatak, o me papa raj on na joumaj. Ma irail'uia Peeljipop ki joumaj en jou eu, pala re jo pan matan uiai on na tounpatak kan?

26 Ter majak arail; pue jota mearir kot me jo pan janjal ta o me okiok, me jo pan katiarok tar.

27 Me I ap autaute kin komail nan rotarot, i me komail pan katiti nan marain; o me komail ron nan jalon omail, i me komail en katiti pon im kan.

28 Komail ter majak me kin kame la uar, a me jota kak kame la nen: a en majak me kak on kame la pena nen o uar nan el.

29 Jiok ria men jo kin not ki la partin riau? a amen ira

jota pan popi ti nani puel,
ma a jo puili jon Jam omal.

30 A pit en mon omal me
uatok pena o ari.

31 Komail ari en ter majak,
komail me puain lapa jon jioik
me neter.

32 Meamen pan ponajai ia
mon aramaj, nan i me I pan
ponaja ren Jam ai me kotikot
nalan.

33 A meamen ponajai ia
mon aramaj, nan i me I pan
ponaja ren Jam ai me koti-
kot nalan.

34 Ter kiki on me I ko ton
kamuei mau la jappa; kaitin
muei mau me I ko ki to, a
kotloj pot.

35 Pue I ko ton kaliak to-
ror on jam na ol, o on nono
na li, o me pauta ki na ol en
toror on in a.

36 A me imuintiti on ara-
maj pan ion a ta.

37 Me pok on jam a o in a
lapa jon a pok on ia nan a
jouar ia; o me pok on na ol
o li lapa jon a pok on ia nan
a jouar ia.

38 A me jo ale a lopu, o
itauen ia to, nan a jouar ia.

39 Me rapaki maur i pan
katia jon; a me katia jon
maur i pueki nai pan tiara ta.

40 Meamen apualia la ko-
mail, nan a apualia la nai;
o me apualia la nai, nan a
apualia la me katar ia tor.

41 Meamen apualia la jou-
kop men, pueki a joukop, pan
kin ale puain en joukop; o
me apualia la aramaj lelapok

men, pueki a me lelapok, nan
a pan kin ale puain en ara-
maj lelapok men.

42 O meamen pan ki on tal
en pil eu pue amen jeri pukat
en nim, pueki i tounpatak
men, mealel I intai on komail,
a jota pan katia jon puain a.

IRA 11.

KATEKATEO Jijoj lao
kaimuijoke lar a autante
na tounpatak ek ria men
oko, a koti lan pataki jili o
kaueue nan ar kaniin kan.

2 Jon rona tar nan imton
o en Kraij a uiaua kan, a
porone la na tounpatak ria
men,

3 Majani on i, Komui i me
pan para to, te kit en auiaua
to amen.

4 Jijoj kotin majani on ira,
U ko ue kapare on Jon me
pukat, me komail kin ron o
nar.

5 Me majkun kan kin nara
ta uaja; me jo tin ne kin alu
o ari, me tukatuk kan me
makola tar, me jo ron uaja
kin rona ta, me me lar kin
iaja ta, o me jamama kan,
ronmau kin kaueue on.

6 O meit apaili me jota kin
nomanok kin ia.

7 Ira jom lar, Jijoj ap tapi
ta kalelapok ren me pokon
ton i kan, Ta me komail ko
ie lan utial nanaue o? Alik
eu me tuatunailok ki an?

8 A, ta me komail ko ie lan
utial? Ol men me kapuat
aki likau matarok? Nar, men
nan likau matarok kin mimi
nan im en joupeti kan.

9 A, ta me komail ko ie lan utial? Joupkop men? Iei, I intai on komail, me lapa jon joupkop.

10 Pue nan i me a intin ki ti, Nar, I porone la ai uanporon men mo om, me pan kaonopa ta al mo om.

11 Mealel I intai on komail, Nan jota me ipui jon li kan me lapa jon Jon Jounpapa-taij; ari jo, me tikitik nan muein nalan me lapa jon i.

12 Ari, tapi ta jon ni muein Jon Jounpapa-taij koko to lel met, muein nalan ko ki to kelail, o me kelail kan kin kelail kuli on eta.

13 Pue joupkop, o kujenot karoj kin uiaua kokop eta lao lel Jon.

14 A ma komail kameka-mealele, nan iet Ilaija me en ko to.

15 Me jalon a mia en ron, i en rona ta.

16 A ta me I en karajai on ti uet? Nan a raj on jeri kai momot pena nan teun not kan, likilikiuir on arail uarok kan.

17 Katiti, Iet kit uiaua kakajonai on komail, a komail kaik ta kakalok; kit mamauk on komail, a komail kaik ueneuen.

18 Pue Jon para tor, ap jota nom o nim, a irail inta ta nan a ua tepil.

19 Nain aramaj para to nom o nim, irail ari kin inta ta, Nar ol men me kamom mona o joko, me kompokepan me lemai o juit kan. A lama-

lam pan katiarok ki ta a tounpatak kan.

20 Jijoj ap tapi ta kitaue ta kanim kan me a uiai on er a manaman toror kan, pue re jota loka la:

21 Korejon, ko meit karia la! Petjaita, ko meit karia la, pue ma manaman kai me uiaua er nan koa, uia ta nan Tair o Jaiton, irail pan loka la maj o, momot nan likau tuk, o nan paaj.

22 I ap katiti on komail, Nan a pan mararar on Tair o Jaiton ni ran en kateik o, jon komail.

23 A koa, Keperniom me paii ta nalan, pan pijikin ti on el; pue ma manaman akan me uia on uk ier, uia on Jotom, nan a pan mimia ta lao lel ranuet.

24 A I katiti on komail, Nan a pan mararar on Jotom ni ran en kateik o, jon uk.

25 I tokan Jijoj kotin majani, I ap kapikapina komui, Main Jam, Jioua en nalan o jappa, pueki komui me niki-niki ti me pukat jon me loli-kon, o kanonama kan, ap kapare on ir jeri puelel kan.

26 Nan i tue, pue i me komui kupure tar.

27 Uiaua karoj me mueit on ia er jon Jam ai: jota me aja Na, Jam a ota; pil jota me aja Jam, Na ta, o me na kin kajale on i.

28 Komail karoj me pona tar, o toutou lar, en pokon

ton ia, pue I en kamole komail la.

29 Ale on komail upa I, o patak jon ia; pue me tiak katak o karakarak; komail ari pan tiara ta kamolepan nen omail.

30 Pue upa I me monai, o palikilikit ia me mararar.

IRA 12.

NAN i token Jijoj koti la ran en japat, ueit lon on nan mot en kon; na tounpatak kan ap men mona tar, irail ari potoen on tolun uan kon kai, o tunole la.

2 Pariji kai lao utial, re ap potoon on i, Nar, nom tounpatak ko kin uiauaia me jota inen en uia ran en japat.

3 A, a majani on ir, Komail jaik toropua me Tepet uia tar, ni a men jak, o me ian i kan;

4 Tuen a koti lon on nan im en Kot, ap jaka tar peret en kajanjal, me jo inen on i en jak, o pil jo on ir me ian i, joumaro ta kan?

5 O komail jaik toropua nan puk en kapon, tuen joumaro kai nan im en kautok ni ran en japat kin kaopali ran en japat, ap jota tip ar?

6 A I katiti on komail, Nan uaja kij et me lapa jon im en kautok mia.

7 A ma komail lelapok ki kajoi pot et, I kin mau ki poka-pok, a lokalok jo, komail jota pan kateika ta me jo tipa.

8 Pue Nain aramaj me poe ti ran en japat.

9 I lao koti la jon najao ap koti lon on nan ar im en patak:

10 A, nar, ol men mia me pa a motor lar. Irail ari potoon on i, Me inen kakela ta meamen, ran en japat? pue re en ki on i tip a.

11 I ari majani on ir, Ij re mail, me na jip men mia, ma a popi ti on nan por ran en japat, a jo pan pori ti on, ki ta jon?

12 Pala aramaj jo kajompual jon jip men? I me meal-el, me inen en uiauaia mau ran en japat.

13 I ap majani on ol o, Ki ta ue pa om, I ari ki ta ue; ap kelaila tar, tue pali teu.

14 Pariji kan ap ko ie jon, o kapakaparok ki tuen ar pan kame la i.

15 A Jijoj me ania ta, ap kot ie la jon; a pokon kalaimun kai me itauen la i, i ari kakela ta irail karoj;

16 O majani on irail re ter kalooki jili i;

17 Puen kapuaia ta me Aijea, joukop men, kopa ta, katiti,

18 Nar, nai litu men, me I pila tar; me kompokepa I, me I kin lolepote la: I pan aute kin i Nen i, i ari pan kapokapon on me rotarot kan.

19 Nan a jota pan akamai, o uiriuir; jota me pan ron nil a nani al kan.

20 Alik luet a jota pan kae la, o tip ijij a jota pan kakun ti, alao a kaimuijok la a kapakapon.

21 Mmar e me rotarot akan pan peiki on.

22 Me tepil ti poa men ap uijik ton i me majkun, o lotuk; i ari kakela ta i, nan me majkun o me lotuk ap lokaia o nara ta uaja.

23 Aramaj karoj ap kapikapina, katiti, Kaiti nain Tepit i men?

24 A Pariji kai rona tar, re katiti, Nan jota me lap kin kauja ki ue tepil akai, Peeljipop eta joumaj en tepil kan.

25 Jijoj me ani ar lamalam, ap majani on irail, Uei karoj me pein mueit pajon, pan lokatoka lar; kanim karoj o im karoj me pein mueit pajon jota pan puai ta;

26 O ma Jetan kauja ue Jetan, nan a pen mueit pajon; pala muei a pan puai ta?

27 Ma I kakauja ki ue Jetan Jetan, ij me no mail akan pan kauja kin irail? irail ari pan kajakajau komail.

28 A ma I kakauja ki ue tepil Nen en Kot, nan i muein nalan lel on komail ier.

29 Tatue, ia tuen tiak en kuli on nan im en aramaj kelail, ka oe la a kapua kan, ma a jo jalie ti aramaj kelail o? ap pan ka oe la im a.

30 Pue me jo uon ton ia kin uon ue jon ia; o me jo uaja penan ia kin kajapok pajon.

31 I ari katiti ki on komail, Tip karoj, o lalaue pan lapua

jon aramaj; a lalaue on Nen Jarani jota pan lapua jon aramaj.

32 O meamen kaontonkoma Nain aramaj, a pan lapua ta; a meamen kaontonkoma Nen Jarani, a jota pan lapua ta, jota nan maur et, pil jota pali la jon me la.

33 En uia me mau ki pena tuka pot o a ua; te uia me juiti ki pena tuka pot o a ua: pue tuka pot kin tiarok ki a ua.

34 Meit jon en paipa, pala komail me juit, pan kak on kajokajoi me mau? pue jon nan autepan nan kapeti aua kin lokalokaia.

35 Aramaj me mau jon ni autepa mau en kapeti, kin ua ta me mau: a aramaj juit men jon ni autepa juit kin ua me juit.

36 A I katiti ki on komail, Kajoi mal karoj me aramaj inta ta, re pan kapakon on ni ran en kateik o.

37 Pue jon ni om kajokajoi ko pan kapon ki la, o jon ni om kajokajoi ko pan kateik ki ta.

38 Jounintin o Pariji kai potoon on, inta ta, Main, kit men utial kilel eu re omui.

39 A i me kotin majani on ir, Ti juit o nenek kin men utial kilel eu; a jota kilel eu pan janjal on ir, a kilel en joukop Jona ta.

40 Pue tuen Jona a mimi nan kapetin mam kalaimun amen, ran jilu, o pon jili pon; nan i tuen Nain ara-

maj pan mimi nan por en
puel ran jilu o pon jili pon.

41 Toun Ninepa kan pan u
ta ian toun ti uet ni kateik
o, kateika ta; pueki ar rona
ta Jona a patak ap loka la;
a nar, me lapa jon Jona men
mimi met.

42 Li nanmaraki en pali air
men pan u ta ian toun ti uet
ni-kateik o, kateika ta: pue
a koti to jon ni imuin nan
uai kaualap ia, puen kalela-
pok on kupurkon en Jolo-
mon; a, nar, me lapa jon
Jolomon mimi met.

43 Nen jaot men kari ti
jon er aramaj men, a kin
tanatan jili ni jap tan kan,
rapaki uajan kamol, a jota
me a tiara ta.

44 I ari inta ta, I pan
puro ue on im ai, me I ko
to jon er; a lao pur er ap
tiar a tan, o kokok, o linan
lar.

45 I ari ko ie lar, ap uk nen
iji men me juit jon i, irail ari
pokon ton loli, kaujon ia; a
aramaj o me imui juit la, juit
jon nin tapi o. I tuen a pan
imui on ti juit uet.

46 Nin tokan a mamajani on
aramaj kan, nar, in a, o ri a
ol kan potopot liki o, men lo-
kai on i.

47 Amen potoon on i, Nar,
in om o ri om ko potopot liki
o, men lokaia on komui.

48 A i me kotin majani on
i me kaire ki on i; Ij me in
ai? o ij me ri ai ko?

49 I ari kapa ue lim a kan
pon na tounpatak kan, ap

majani, Nar, in ai, o ri ai pu-
kat!

50 Pue meamen uia ta ku-
pur en jam ai me kotikot na-
lan, nan i me ri ai ol, o ri ai
li, o in ai.

IRA 13.

NI ran ota Jijoj me koti la
jon nan im o, ap kaipoki
ti pon oror o.

2 A pokon kalaimun kan
pokon ton i, i ari koti tan
pon jop pot, kaipoki ti; a
pokon o u ta pon oror o.

3 I ari karaja ta kapaka-
parok on irail, majani, Nar,
joumot men potoon kamo-
roki jili;

4 Ni a kamokamorok, uara
kai popi ti pon kailan al, a
man pir juki ti on, noma la;

5 Akai popi ti on uaja ta-
kain, uaja re jota mi nan
puel lol; a pitipit re uoja ta,
aki jota puel mia:

6 Katipin lao takara ta, re
mon la; o aki jota kalaua, re
me lar.

7 O akai popi ti on nan uel
en karer; karer kai kaire tar,
kajok ir alar;

8 A akai popi ti on puel
mau, o ua ta, kapare ta, akai
pan meapuki, akai pan me
uone jok, o akai me jilia
jok.

9 Meamen jalon a mia en
ron uaja, i en ron.

10 A uarok kan ap poto to
potoon on i, Menta komui
karajaraj pataki irail?

11 A kotin majani on irail,
Pueki, a mak ki on komail
en lelaping ki tiak apual en

muein nalan, a, a jota mak ki on irail.

12 Pue me a tunol mia, ekij pil pan ko on, i ari pan tunole lapalap; a me jota a tunol, meakij mia, nan a pan katia jon.

13 I me I karajai on ir patak: pue irail nanar ap jota nara ta; o ronaron ap jota rona ta, o re pil jota lelapok on.

14 Nan irail kaponepan Aijea a kokop me a kopa tar, Ronaron komail pan ron ap jota pan lelapok on; o nanar komail pan nar, a, jota pan ueue ki:

15 Pue aramaj pukat me lolipon tar, o me jalon a pon lar, o maj a kun lar; pue katekateo re te nara ki maj arail, o ron ki jalon arail, o lolikon ki lar, o uiki lar, a I te kakela ta irail.

16 Maj omail meit paii pue re nanar uaja; o jalon omail, pue re ron uaja.

17 Pue mealel I katiti on komail, Joukop o me lelapok me neter me anane utial me pukat me komail utial er, a re jota utial; o en ron me pukat me komail rona tar, a, re jota ron.

18 Komail ari en karon a ta karajepan joumot o.

19 Meamen ron patak en uei o, ap jota tete ki, me imuintiti men ap kuli on pirapa jon me kamoroki tar nan kapeti Nan i men et me ale uara kan ni pon kailan al.

20 A me ale on uara kan ni uaja takain, nan i me ale patak, peren ki a ale er;

21, Ari jota pein kalaua, a; a kin tataur ekij: pue a lao jonojon, o komakom puai tar pueki patak, katekateo a pan popi ki ti.

22 O me ale uara kan nan karer kan, nan i me kin ron patak; a lamalama jappa, o uitin en tipijo kan kin kajoke la patak, ap jolar kaparapar.

23 A me ale uara kan nan puel mau, nan i me kin ale patak, o lelapoka lar; o a kin kaparapar, o ua ta, akai kin pan meapuki, akai uone jok, o akai jili jok.

24 Pil eu karajepa a kaparok ki on irail, majani, Nan muein nalan raj on aramaj men me kamoroki tar uara mau kan nan a motouel:

25 A aramaj me mair, me imuintiti on i men ap ko to kamoroki tar tip mal nan pon uit o, ko ie lar.

26 Katekateo a kaire tar, o ua er, tip kai pil kaparapar.

27 Me papa joumaj o kan, poto to potoon on i, Main, komui jo kamoroki tar uara mau ni jap omui? ia uaja a tipitip jon ia?

28 A majani on ir, Nan me imuintiti men me uia ta. Me papa ko ap potoon on i, Komui kupura pue kit en potoon motia jon tip oko?

29 A majani, Ieramen; pue komail te moti tip kan iana ki uit.

30 Mak ira karoj en tontol

pena lao lel rak : a ni rak o I pan pataki men uaja pena kan, Komail en uaja pena maj tip kan ni kop kai en ijik : a, uit nan ai im en nak.

31 Pil eu karajepa me a kaparok on irail, majani, Nan muein nalan raj on uan katarin eu, me aramaj men ale, patuki ti on ni jap ue :

32 Me uara tikitiki jon uara karoj ; a, a lao ma lar, nan a kalaimun jon tip mal karoj, a uia ta tuka u ta pot, man pir kai kin pokon pena, uenti ni kajona kan.

33 Pil eu karajepa me a kaparok on irail, Nan muein nalon raj on kalep kij me li men ale, oki la nan plaua kajak jilu, lao karoj mut lar.

34 Mepukat Jijoj karajai on pokon o kapakaparok ki ; a jo karajepa, nan a jota majani on ir.

35 Puen kapuaia ta me joukop men kopa tar, katiti, I pan nan au pajon ki karajepa kan ; I pan kapare ta me niki-nikit kan jon nin tapin kaua koko to.

36 Jijoj ap katara pojon pokon o, koti ton nan im eu : a uarok kan ko ton i, potoon on, En kauue ki on kit karajepan tip mal en motauel o.

37 A kotin majani on ir, Me kamoroki jili uara mau, nan i Nain aramaj ;

38 Motauel me jappa ; uara mau kan me toun uei o ; a

tip kan me toun uein me imuintiti men o ;

39 Imuintiti men me kamoroki tar me Tepil ; o rak me kaimuijokepan jappa ; o men uaja pena me tounlan kai.

40 Tuen tip kai lokatok pena, tuia ki kijinia i la ; nan i tuen a pan uiaui jappa lao imuijok la.

41 Nain aramaj pan porone la na tounlan kai, ir ari pan katorora jon ni uei o men kaokaoe karoj, o men kin uiaua me juit ;

42 O kajapok ir pena nan lein kijinia i : nan uajao re pan maiie o teterek.

43 Tounlamalam kan ap pan janjala tar likomata katipin ni uein Jam arail. Meamen me jalon a en ron mia, i en rona ta.

44 Muein nalan pil raj on pail eu mearir nan motouel eu ; me aramaj men katiara tar, a kin puain ti, o peren ta, ko ie la noti ki la a kapua karoj, ap noti ki motauel o.

45 Muein nalan pil raj on jounnot men me raparapaki takai kajompual kai :

46 A lao tiara ta eu me puaipuai lapalap, ap noti ki la a tipijo karoj, notia ta i.

47 Muein nalan pil raj on uk pot me katui ti nan jet, me oro pena meakaroj :

48 Uk o lao tiri lar, irail ura ki lon ton oror, ap monti pena, touk on me mau kan

nan kiam kai, a, kaje la me juit kan.

49 Nan i tuen a pan uiaui jappa lao imuijok la: tounlan kan pan para to, katorora pajon me uia me juit jon ni me uia me mau kan,

50 O kajapok ir lan lein kiniaia, uajan maiie o teterok.

51 Jijoj majani on ir, Komail jo lelapok ki me pukat? Irail potoon on i, lei, Main.

52 Ap majani on irail, I me jounintin kan me lelapok ki lar muein nalan me raj on joumaj en im eu me kin pakijakija jon ni a paii kap o marin.

53 Jijoj lao kaimuijoka la a kaparok ki karajepa pukat, ap koti la jon uajao.

54 A lao koti ton ni jap ue, ap pataki irail ni ar im en patak, irail ari kapikapina, katiti, A lolikon ki jon ia me, o a manaman pukat?

55 Kaiti i nain kapenta o? kaiti in a Meri? o ri a ol kai, Jemej o Jojep, o Jaimon, o Jutaj.

56 O ri a li kan, irail karoj jo ian mimi re tail? Ari ia uaja a anaki jon ia mepukat?

57 Irail ari nomanok ki on i. A Jijoj me majani on ir, Jounkop men jota kin jo kaiparok, ni jap ue ota, o ren jou i kan.

58 I ari jota kapuaia ta manaman kaulap uajao, pueki ar jo kamealele.

IRA 14.

NAN i token Erot monjap rona ta Jijoj a lomu in lar.

2 Ap majani on ion a, Nan i Jon Jounpapataij o; nan a iaja tar; i me kajanjalepan uiauia manaman kaulap.

3 Pue Erot me jaiki ti er Jon, o jali ti er i, o kaje ti i nan imton pueki Erotiaj, en ri a ol Pilip a paut.

4 Pue Jon me kapon on i, Nan me jo pon om pauta ki tar i.

5 A pan kame la i, ari a majak aramaj, pue irail uia joukop ki i.

6 A katekateo ran en Erot ipui ki ti puriok, nain Erotiaj na jeripein kakalok mo rail, o kamakamait Erot.

7 I ari kau la majani me a pan ki on i meakot me a pan poki re a.

8 I lao puili jon er in a, ap potoon on, Komui koti ki to monan Jon Jounpaptaij o nan tal eu.

9 Monjap o ap kalu lar: ari jo pueki a kau lar, o aki ir me ian i momot on kamatip o, a majani en puai ta.

10 I ari porone la, o lipoka jon monan Jon nan imton o.

11 Mon a ap uijiki to nan tal eu, o pana lan jeripein: i ap uijiki ton in a.

12 Ion a kan ap ko to, ale ta uar a, o jari ti, ap ko to jakara ki tan Jijoj.

13 Jijoj me ania ta, ap iana la jop pot taulul lan jap tan eu: katekateo aramaj rona tar, irail itauen to i, japal to jon ni kanim kan.

14 Jijoj koti la, majani po-

kon kalaipun, ap kupuro kin ir la, i ari kakelail ir ta.

15 Alao uaja pon pena, a uarok ko ap ko ton i, katiti, Nan jap tan eu metet, o a uaja poni er; katara ue pokon o, pue re en papan ki kanim kan, notia ta kan ar kijin mona.

16 A Jijoj majani on irail, Jota me irail en pakatara ki la; komail en kijakija ir.

17 Irail potoon, on, At tunol mi met me lapon limau, o mam ria men, i ta.

18 A majani, En ua ir ton ia.

19 I ari majani on pokon o re en monti on nan re o, ap lime ta lapon limau ko, o mam ria men, jara ta nalan, kajakaj ki, pilitiki pajon, ki on lapon oko ren a uarok oko, o a uarok oko ap neek on pokon o.

20 Irail karoj tunole, o mue-meti la: irail ap naki pena kiam ejok riau en moramora.

21 Irail me tunole me impan lima kit, ol eta, o li kai o jeri me ian.

22 Jijoj matan papaiin a uarok kan re en kara tan pon jop pot, pue irail en ti on maj mo a, taulul lan porio, i ari pan katara pajon pokon o.

23 A lao katara la pokon ko, ap koti ta nan nana eu, toror, puen kapakap: uaja pon pena a keleip lar.

24 A jop o mi nan ailepan matau kalujaluj ki iluk kan: pue an me juit.

25 A katekateo nalukepan

pon Jijoj ap kotikot ko ton ir, pon matau.

26 A uarok ko nara ta i keit pon matau, irail majaka tar, inta ta, Nen eu; irail ari uiri-uir, majaka tar.

27 A matan Jijoj majani on irail, Komail en peren ta; Nai; ter majak.

28 Pita potoon on, Main, kom majani I en ueit pon matau en ko ue on komui.

29 A majani, U ko to, Pita kari ti jon pon jop o, ap alu pon matau, koko on Jijoj.

30 A lao tiara ta me an kalaipun ap majaka tar; a pan kiri la, ap uiri tar, Main, tor ia la.

31 Pitipit Jijoj ki ta ue lim a, tapuira ta i, o majani on i, Ko meit jo liki, ta me ko jo pojon ki?

32 Ira lao mi lar nin jop o, ap mole lar.

33 Toun jop ko ap kai on i, poni i, katiti ki, Nan mealel Nain Kot komui.

34 Irail taulul lar, re ap lela ton uein Jenejaret.

35 Toun jap o lao rona tar i, irail porone jili papan ki jap kan, ua ton i me jomau kan;

36 O poki re a pue re en toke imuin a likau ka: a me toke i, ir karoj kelaila tar kaualap.

IRA 15.

JOUNINTIN kai o Pariji, mi Jirujalem, ap poto ton Jijoj kalelapok,

2 Ta me ion omui kan tiaki ki ti potok en men kaua

kan ? pue re jota kin omiom ni ar pan tunole.

3 I ari kotin majani on ir, Ta me komail pil tiaki ki ti kujenot en Kot omail potok kan ?

4 Pue Kot majani er, En kakaki jam om in om : o, Me lalaue jam a te in a, i en kame la.

5 A komail kin inta ta, Meamen kajokajoi on jam a te in a, Mejarau, me ko men paii ki jon ia :

6 O ap jota kin kakaki jam a in a, nan a maiio tar. I tuen omail kin kae ki lar kujenot en Kot omail potok kan.

7 Komail malaun, nan mealel me Aijea kopa ki ta komail,

8 Aramaj pukat kin kaikai ki ton ia nan au ar, o kakakin ia nan au ar ; a nankapet arail me tou jon ia.

9 A me mal ar poniponi ia, ar pataki kajoi en aramaj ; uillian ki kujenot kan.

10 I ari kapokon ir pena, majani on ir, Ron, o kalelapok on :

11 Kaiti me kin ko ti on nan au a kin kajamine la aramaj ; a, me kin ko to jon nan au a, i me kin kajamine la aramaj.

12 A uarok kan ap pototo, potoon on i, Komui me ani me Pariji kan makar ki tar ar rona tar kajoi pot et ?

13 I ari kotin majani, Tuka karoj me Jam ai jo patuki ti, pan koka jon.

14 Puijon irail ; irail kaon majkunepan me majkun kan.

Ma me majkun kalua me majkun, ira karoj pan popi ti on nan por o.

15 Pita ap potoon on i, Kom kotin kauue on kit karajepa pot et.

16 Jijoj majani, Komail pil jo lolikon ?

17 Komail jaik lolikon ki lar me meakot ko on nan aua kin jon ti nan kapeti, ap kin jaka ue jon ?

18 A meakan me ko to jon nan aua kin tapi ta jon nankapeti ; ir me kin kajamine la aramaj.

19 Pue jon nankapeti lamlam juit kin tapi ta jon, lemai kan, o nenek, o kilel, o pirap, o limelimek juit, o lalaue karoj :

20 I me pukat me kin kajamine la aramaj : a jo omiom tunole jota kin kajamine la aramaj.

21 Jijoj ap koti la jon uajao, koti ton uein Tair o Jaiton.

22 A, nar, li en Kenan men ko to jon nan uei o, uiriuri tan i, pokipoki, O Main, nain Tepit ; en kupurai ia ; nai jeripein men me uaiuirok ki tepil men.

23 A, a jota apuali i. A uarok kai ap kai on o poki i, En katara la i ; pue a kin uiriuir muri tail.

24 A i me kotin majani, Jota me I pakatara ton, puin jip en joun Ijrael me jalono-lar, ir eta.

25 Li o ap kai on poni i, kaiti, Main, en apuali ia.

26 I ari kotin majani, Nan

me jo pon ale tunol en jeri kai, kaje ti on puin kiti.

27 A potoon on, Mealel Main: ari kiti kan kin tuno-
tunole moramora kan, me
popi ti jon nin tepel en jou-
maj.

28 Jijoj ap kotin majani on
i, Koa li men me liki kaua-
lap: a pan puai on uk tuen
om mauki. Na jeripein ap
kelaila tar.

29 Jijoj koti la jon uajao,
koti ton niman jet en Kalili;
ap koti ta nan nana eu, kai-
poki ti on.

30 Pokon kalaimun pokopo-
kon penan i, me ua me luet,
o majkun, o lotuk, o me lo-
kalok kan, o me neter ian, re
ap puili ki ti ir mon Jijoj; i
ari kakela ta ir:

31 I me toun pokon ko ua-
pon ki tar, ar ututial me lo-
tuk lokalokaia, o me tukatuk
kelail tar, o me luet alialu, o
me majkun kilon uaja: irail
ari kapikapina Kot en Ijrael.

32 Jijoj ap molipe ton i a
uarok kan majani, I ap poka-
poka pokon uet, pue ran jilu
irail mimi ki re I, a jota kan
ar kijin mona: I jota pan
katar ir la ijejol, pue re te
tupok nani al o.

33 A uarok kan ap potoon
on, Ia uaja je en ale jon ia
pret nanauel uet, puen ka-
matipa pokon kalaimun uet?

34 Jijoj ap majani on ir, Lo-
pon tapa mi re omail? Irail
potoon, on, Me iju, o mam
tikitik kai.

35 I ari majani pokon o re
en monti on nani puel o.

36 I ari lime ta lopon iju
ko o mam kan, kajakaj ki, o
pilitiki pena, ki on a uarok
kan, o a uarok kan ap neek
on toun pokon o.

37 Irail karoj tunole meti
la: irail ap ki ta moramora
kiam iju me lua ti.

38 Irail me ian tunole me ol
pa kit, li kai o jeri pil ian:

39 I ari katara la pokon o,
kara tan pon jop pot, koti
ton uein Maktela.

IRA 16.

PARIJI kai o Jatuji pokon
penan i, uitiuitina i, poki
i en kajale on ir kilel eu jon
nalan.

2 A kotin majani on, Nin-
joutik, komail kin katiti ki,
A pan mau ta; pue lan me
uaitata.

3 A nimanjon, A pan katau:
pue lan me uaitata o rotarot.
Komail meit malaun, komail
kin kajakajani majan lan; a,
komail jo pan kak kajakajani
iren anjou kan?

4 Ti juit o nenek eu kin ra-
parapaki kilel eu; a jota kilel
eu men ki tan ir, kilel en
Jona ta joukop o. I ari kaje
la ir, koti la.

5 A uarok kan lao lel porio,
jota kapinuar arail, re mo-
noke la.

6 Jijoj ap majani on ir, Ka-
laka, o pere ki kalepan Pa-
riji o Jatuji kan.

7 Irail ari kajokajoi nan
pon ar, katiti, Nan pueki jota
kapinuar atail me je ua.

8 Jijoj me ania ta me, ap majani on ir, Komail meit jo pojon, ta me komail kajokajoia nan pon omail, iren omail jota na kijen mona?

9 Komail jo ueue ki, o jo tamataman lapon limau ko ren aramaj lina kit, o kiam kan me komail niki ta lar?

10 O lapon iju ko ren aramaj pa kit, o kiam kan me komail niki ta lar?

11 Tatuen komail jo lolikon ki me kaitin kijen mona me I kajokajoia, pue komail en pere ki kalepan Pariji o Jatuji kan.

12 Irail ap tete ki la a jo majani on re ter pere ki kalepan pret, a, patak en Pariji o Jatuji kan.

13 Jijoj lao koti ton nan uein Jejaria Pilipai, ap kalelapok ren a uarok kan, k aikainoma re ir, Ij me aramaj kiki on me nai?

14 Irail potoon, on, Akai katiti ki me komui Jon Jounpaptaij o; akai me Ilaija; o pil akai me Jerimaia, te amen joukop oko.

15 Ap majani on ir, A, komail, ij me komail kiki on me nai?

16 Jaimon Pita potoon, on katiti, Nan Kraij komui, Nain Kot kamaur.

17 Jijoj kotin majani on i, Ko meit paii Jaimon Parjona: pue kaiti utuka o inta me katiarok ki on uk me, a, Jam ai me kotikot nalan.

18 I ap katiti ki on uk, Pita koa; a I pan kaua ta pon

paip uet ai momotijou; a toun el kan jota pan kak kaoe la.

19 I pan ki on uk kapirepan uanim en muein nalan kan: a meakot ko pirapa jappa pan pirapa nalan; a meakot ko lapua ta jappa pan lapua ta nalan.

20 I ap majani on a uarok kan, irail kalaka ter katiti ki on aramaj men me i Jijoj Kraij.

21 I tokan Jijoj tapi ta kajanjale on a uarok kan, i en ko ta lan Jirujalem, komakom ren joumaj kan o ren leiap o' jounintin, o kame la, o iaja ta ran kajilu.

22 Pita ap potoon on kapokapon on i, katiti, Main, kupura pein komui: a jota pan puai on komui.

23 A i jope on Pita, majani, Koa Jetan en ko la mur I: me kanomonokepa I koa: pue ko jota kapakaparok ki tuen tiak en Kot kan, a tiak en aramaj eta.

24 Jijoj ap majani on a uarok kan, Aramaj men pan itauen ia, i en tonmete ki i, ki ta a lopu, o itauen ia.

25 Meamen me rapaki maur i pan katia jon: o meamen tonmete ki on ia maur i, pan tiara ta.

26 Pue ta me aramaj pan paii ki ta me a anaki pena jappa karoj ap lokatok jon nen i? o ta me a pan ki ta kajapalepan nen i?

27 Pue Nain aramaj pan ko ki to linan en Jam a, iana ki

tounlan kan; i ari ap pan puain on aramaj kan tuen arail uiaua kan.

28 Mealel I ap katiti on komain, Akai ian mimi met, me jota pan me la, ir lao tiara ta Nain aramaj a kotikot ko ki to mui a o.

IRA 17.

KATEKATEO pon uone pon Jijoj uka la Pita, i Jemej, o Jon ri a, kare ir ta lan nana eu, toror.

2 I ap uiki la mo rail: jilan i me linalin raj on katipin: o a likau kan me potapot tue ta marain.

3 A, nar, Mojej o Ilaija para ta mo rail kajokajoi re a.

4 Pita ap pototo, potoon on Jijoj, Main, meit mau atail mimi met; komui kupukupura kit en kaua ta im jilu uaja kij et; eu nomui, eu en Mojej, o eu en Ilaija.

5 Nin tokan a mamajani me, nar, pali en tapuok eu marain katupual irail ti: o nar, nil eu pei ti to jon ni tapuok o, majani, Nai me kompokepa I, me I peren ki tar; komail en ron i.

6 A uarok kan rona tar me, irail popi ti on ni maj ar, majapueka ta.

7 Jijoj ap koti ton ir jair ir, majani, U ta, ter majak.

8 Irail lao jara tar, jota aramaj men me re nar, Jijoj eta.

9 Irail koti ti to jon nana o, Jijoj ap majani on ir, Kalaka, komail ter kaire ki aramaj men me komail nara tar,

lao Nain aramaj iaja ta jon a me lar.

10 A uarok kan potoon kalelapok re a, Ta me jounintin kan katiti ki Ilaija en ko to maj ?

11 A Jijoj kotin majani on ir, Nan mealel Ilaija pan para to maj, kapuaia ta meakaroj.

12 A nai me katiti ki on komain, Ilaija me para to er, irail ari jaja i, o irail uiai on i er meakan re men uia ta. I tuen Nain aramaj pan komakom re rail.

13 A uarok kan ap ajatar me a majani on ir iren Jon Jounpaptaij o.

14 Irail puro to ren pokon o, ol men ap poto to, kelepuki mo a, jakara ta,

15 Main, kupukupura nai ol o, pue a iak, o jonojon kaualap: pue pan pak me neter a kin popi ti nan iai, o nani pil.

16 Nai ari ua ton i ren nomui uarok kan, a irail jota kak kakela ta i.

17 Jijoj ap kotin majani, Ti uet jo peik, o me katiuo, araila ta I pan mimi re mail? araila ta I en kokoua komail? en ua ton ia i.

18 Jijoj ap kitaue ta tepil o; i ari kari ti jon lol i: jeri o ap kelaila tar.

19 Uarok kan ap keleip poto ton Jijoj, potoon, Ta me kit jo kak kauja ki ue jon i?

20 Jijoj majani on ir, Aki omail jota liki: pue mealel I

katiti ki on komail, Ma omail liki laute on uan katarin, komail lokaia on nana uet, En katorora la monen, a pan torora la: a jota meakot me komail jo pan kak on.

21 Ari jon uet jota kaujepa mia, kapakap o kajjole eta.

22 Ni token arail kotikot Kalili Jijoj majani on ir, Nain aramaj pan pana la ni pa en aramaj;

23 Irail pan kame la i, a ran kajilu a pan iaja ta. Irail ari mamauk kaualap.

24 Irail koti ton Keperniom, men ale nopue kai poto ton Pita, potoon on, Omail joumaj jo kin nopue?

25 A potoon on, Iei, I lao petalon on nan im o, Jijoj me kapon on, majani, Jaimon, ia tuen om lamalam? Ij me monjap kin aka puai-puai ki, o aka nopue ki on? na rail jeri kan, te men liki kan?

26 Pita potoon on, Men liki kan, Jijoj ap majani on i, I me jeri kan toror ki.

27 Ari jo, pue kitail te kaaniani irail, ko en ko on nanjet o, kaje ti kaj eu, apia ta mam men me para ta maj; ko lao ki pajon au a, ko pan tiara ta jip en moni eu: i me ko pan ale, puain on ir jon ia o uk.

IRA 18.

I TOKAN a uarok kan poto ton Jijoj, potoon on, Ij me lapalap nan uein nalan?

2 Jijoj ap molipe ton i jeri

puelel men, ki ti on i nan pon irail,

3 Majani, Mealel I katiti ki on komail, Ma komail jo uiki la, uia jon en jeri puelel la, komail jota pan ko on nan uein nalan.

4 Meamen me opampap raj on jeri puelel men et, nan i me lapalap nan uein nalan.

5 O meamen apualia la amen kijin jeri tue men et pueki nai pan apuali ia la.

6 A meamen kaoe la amen kijin jeri pukat me pojon ia, mak eta petelap eu en paotoki on kapin uir a, ap mop la nan matau.

7 Me kariai on jappa aki kaopa kan? pue kaopa kan utan mia; a me kariai on aramaj men me ko ki to kaopa eu!

8 I me pali pa om o ne om kakaoe uk, en lipoka jon, o kaje jon uk: nan mak eta ko en pa tuk o ne tuk ko on maur, ren pa pokon kajapoka la nan iai jakakun.

9 O me pali maj om kaoe uk en uja jon, o kaje jon uk: mak eta ko pali majkun ko on maur, ren maj pokon kajapoka lan iai en el.

10 Kalaka komail te mejuiti ki amen kijin jeri pukat; pue I katiti ki on komail, Nan nalan arail tounlan kin ariariri Jam ai me kotikot nalan.

11 Pue Nain aramaj ko ton katoro la me jalonolar kan.

12 Ta me komail kajakajau? Ma ol men anaki jip meapuki; amen ir jalonolar,

a jo pan kaje la tuek tua men, tan raparapaki jili nan nana kai me jalonolar o?

13 O ma a katiaroka ta i, mealel I katiti ki on komail, a peren ki jip men o, me lapa jon me tuek tua men me jo jalonolar.

14 I tuen Jam omail me kotikot nalan jota kin men amen kijin jeri pukat en lokatok lar.

15 Ma ri om men uia tip on uk, en keleip ki la i, kapon on i tip a: ma a ron uk nap koa kajapala to ri om.

16 A, ma a kan ron uk, ko en uk amen te ria men, pue katiti karoj en katete ki ta nan au en men kair ria men te jili men.

17 A, ma a kan ron irail, en kaire ki momotijou: a, ma a kan ron momotijou, a pan jon en men liki, o me rotarot.

18 Mealel I katiti on komail, Meakot komail pira ti jappa, pan pira ti nalan; o meakot komail lapua ta jappa pan lapua ta nalan.

19 I pil katiti ki on komail, Ma ria men komail mi jappa minimini penan meakot ira pokipoki, nan a pan puai on ira jon Jam ai me kotikot nalan.

20 Pue uaja ria men te jili men pokon penan ia, i uaja I kin mia re rail.

21 Pita ap poto ton i, potoon on, Main, pan pak me tapa I en mak ki ri ai a uia tip on ia? pan me iji pak?

22 Jijoj majani on i, I ap intai on uk, Kaitin iji pak eta: a pan pak iju uat iji jok.

23 I muein nalan raj on namaraki men, me pan kateika ta na litu kan.

24 I ari tapi ta kateika ta, amen ap uijiki ton i, me puai-puant ki on i moni nen.

25 A jota a men puain, na monjap ari majani i en noti ki la, o a paut, o na kan, o a kapua karoj puen puain ta.

26 A litu o ap popi ti, tom, jakara ki tan, Main, kupurai ia, I pan puain on komui karoj.

27 Monjap o ap kupure la litu o, lapua ta, o mak ki a puai-puant.

28 A litu ota ap ko ie la, tiara ta litu men me uaroki i, me puai-puant on i peni apuki; i ari jaiki ti i, o tapuiri ti ni kapin uir a, inta ta, Ko en puain on ia om puai-puant.

29 Litu o ap popi ti on ne a, pokipoki i, potoon on, Mak on ia, o I pan puain on uk karoj.

30 A i me kan, ap ko ie la, kaje ti on i nan imton, lao puain ta.

31 A uarok i litu kan nara tar me uiaui er, irail mauk kaulap, potoon on arail monjap me uiaui er.

32 Na monjap eker to i, majani on i, Ko meit litu juit, I mak ki er on uk om puai-puant, pueki om pokipoki re i:

33 Me jo inen ko en pok on

ri om litu o tuen I pok on uk?

34 Na monjap ari aniani tar, pana lan i ren jounkomakom kan, lao a puain on i a puai-puant karoj.

35 I tuen Jam ai nalan pan uiai on komail, ma komail jo jon nan kupur omail mak ki pena omail uia juit kan.

IRA 19.

JIJOJ lao kaere la katiti pukat, ap koti la jon Kalili, koti ton ni liman Jutia pali la jon Jortan.

2 O pokon kalaimun kai itauen to i, i ari kakela ta ir uajao.

3 Pariji kai pil ko ton i, uitiuitina i, potoon on i, Me inen ol en kaje la mal a paut?

4 A kotin majani on ir, Komail jaik toropua me uia ira ta nin tapi o, uia ira ta ol o li,

5 Ap majani, I me ol pan kaje la jam a o in a, ap kon on a paut eta: ira ari pan aramaj metamen?

6 I me ira jouor me ria men ki, a aramaj tamen. Me Kot kapata pena tar, aramaj ter kaje pajon.

7 Irail potoon on i, Ta me Mojej majani ki kijilikau en kamueta en ko ta, o ol en kaje la a paut?

8 A majani on ir, Omail kapi takai me Mojej main jairen ki on komail en kaje la omail paut kan: a nin tapi o a jota kin tue.

9 I ap katiti ki on komail,

Meamen kaje la a paut ma a jo nenek, ap pauta ki amen, nan a uia nenek: o me pauta ki i me kamueta lar pil uia nenek.

10 A uarok kan potoon on i, Ma i tuen ol a kapapauti on li, a jota mau en kapapaut.

11 A majani on ir, Ol karoj jota pan kak on kaparok pot et, akai ta me a kokop on.

12 Pue me ujul pou kai mia, akai me naitik ujul pou, o akai me ujul pou me aramaj loke ta: o pil akai ujul pou me pein loke ta ir pueki muein nalan. Meamen kak on ua, i en ua.

13 Jeri puelei kai ap uijiki ton i, puen puil po ar lim a kan, o kapakap: a ion a kan kapokapon on ir.

14 A Jijoj majani on ir, Jeri puelei kan en pakatara ton ia, ter kainapui ir jon; pue tue irail muein nalan.

15 I ari ki ta po rail lim a kan, ap koti la.

16 A nar, amen poto ton i, potoon on, Main Mau, ta me mau kot I en potoon uia ta, pue I en anaki maur jo tuk?

17 A majani on i, Ta me ko me mau kin ia? metamen ta me mau, Kot eta: a ma ko men ko on maur, en katakatur eta kujenot kan.

18 A potoon on i, Kujenot ta? Jijoj majani, Ko ter kame la aramaj, Ko ter nenek, Ko ter lipirap, Ko ter impimpa likom,

19 En kakaki jam om, o in om: o Ko en pok on men impa om tue pein uk.

20 Manakap o potoon on i, Me pukat I kin tataur eta koko to: ta me I jaik uia ta?

21 Jijoj majani on i, Ko men lelapoka la, u ko ue noti ki la om kapua karoj, neek on me jamama kan, ko ap pan kapuapua nalan: en ko to itauen ia.

22 A manakap o rona ta kaparok pot o, ap mauka tar kaulap, ko ie la; pue me kapuapua kaulapia.

23 Jijoj ap majani on a uarok kan, Mealel I katiti ki on komail, Me kapuapua jota pan kak on muein nalan.

24 I pil katiti ki on komail, Me monai kamel en til on nan au en tikok eu, ren me kapuapua en ko on nan uein Kot.

25 A uarok kan rona tar me, irail ponopon ki tar kaulap, potoon on, Ari ij me pan kamauri ta?

26 A Jijoj me ani irail, majani, Nan a jo kak ren aramaj; a ren Kot meakaroj meakak.

27 Pita ap poto to potoon on i, Nar, kit me kaje lar at meakaroj, itauen to komui; ta me kit pan anaki?

28 Jijoj majani on ir, Mealel I katiti ki on komail, Me komail itauen ia ta ni uilla, Nain aramaj lao kaipoki ti ni a pajapaj linan, komail pan kaipoki ti pon teun kateik ek riau, kateika ta kainok en Ijrael ejok riau.

29 O karoj me kaje lar ar im kan, o ri a ol li, o jam a, in a, o a paut, o na jeri kan, o jap, pueki nai, nan a pan anaki pan pak meapuki, o iana ki maur jotuk.

30 A me neter me matan pan puant, o me puant pan matan.

IRA 20.

PUE muein nalan raj on monjap men, me jankonai on raparapaki toun totok kai nan a motenkrep eu.

2 A lao inau ki ta on tountotok kai puain ar, ran eu peni eu, ap katar ir alan nan a motenkrep.

3 A pil pur on ni klok kaju, o tiara tar pil akai momot mal nan teun not kan:

4 Ap majani on ir, Komail en pil ko lan motenkrep o, o meakot me inen I pan puain on komail. Irail ari ko la.

5 A pil ko la aon o atun klok, uia ta pil tue ta.

6 A lao klok katinaul eu a pil koti la tiara ta akai momot mal, ap majani on ir, Ta me komail momot ki mal ranuet koko to?

7 Irail potoon on, Aki jota me katoki kit. Ap majani on ir, Komail en pil ko la nan motenkrep o, o meakot inen, i me komail pan puaipuai.

8 Katekateo ninjoutik pena, monjap en motenkrep, majani on na jounkoua, Kapokon pena tountotok kan, o puain on ir, tapi ta jon men puant ko lao lel men matan ko.

9 Me ko on tok ni klok katinaul eu kan pil ko to, re ale puain ar peni eu.

10 A men ko to maj kan, irail kaporapor ki me re pan jiki jon; a irail ale peni tai eu ta, ir karoj.

11 Irail ale er, irail ap lipanete ki monjap mau,

12 Katiti ki, Me pukat me totok klok tai eu, a koa me karaja pena ta irail o kit me kokoua ailepan totok o kati-pin en ranuet.

13 A kapon on amen ir, majani, Nan kaiti me juit I ui ai on uk: ko jo inau ki on ia peni eu?

14 En ale me om, u ko la: I pan puain on me puant pukat raj on uk.

15 A jo man I en pein uia ki me utan ai? Maj om me juit pue ki maj ai me mau?

16 Nan i men puant pan matan, o men matan pan puant: pue me paeker me neter, a, me pila ta kan me laulau.

17 Jijoj kotikot ko ta la Jirujalem ap keleip ki la a uarok kan katoror ir la, ap majani on ir,

18 Nar, kitail koko ta lan Jirujalem; Nain aramaj pan pana lan ren leiap kan, o jounintin, o irail pan kateika ta en kame la.

19 O re pan pana la i ren me rotarot kan pue re en kapikapiti i, o uoki, o lopue ta: a ran kajilu a pan iaja ta.

20 In en nain Jepiti kan ap

ko ki ton i na ol kan, poni i, o poki meakot re a.

21 A majani on i, Ta me ko mauki? A potoon on i, Majani nai ol ria men pukat en monti, amen ira ni pali maun, o amen ni pali main omui nan mui omui.

22 A Jijoj kotin majani, Komail jaja me komail pokipoki. Komail kak on tunole tal eu me I pan tunole, o paptaij ki me I pan paptaij ki? Ira potoon on, Kit me kak on.

23 A majani on ira, Mealel koma pan tunole ai tal eu, o paptaij ki me I pan paptaij ki: a kaitin ai en kamot on ni pali maun I, o pali main I, a, a pan puai on ir me Jam ai kaonop on kan.

24 Me ek ko lao rona tar, ap makara ta pan ira.

25 A Jijoj uoron ir to majani, Komail aja me monjap en me rotarot kan kin poe irail ti, o me lapalap kin kaon irail.

26 A nan a jota pan tue re omail: a meamen men kaon nan pon omail, i en papa komail;

27 O meamen men joumaj re omail, i en litu la komail.

28 Tuen Nain aramaj ko ton kaitin aramaj en papa, a, pue i en papa.

29 Irail koti la jon Jeriko, pokon kalaimun itauen la i.

30 A, nar, ol ria men majkun momot ni kailan al o, ira rona ta me Jijoj kotikot tataulul, re ap likiur, inta ta,

En kupura kit Main Jioua, nain Tepit.

31 A pokon o kitaue ira ta, pue re en nennen, la; a ira kalaute la ara uiriuir, inta, Main Jioua, nain Tepit, en kupura kit.

32 Jijoj ari koti ti on uajao, uoron ira to, majani, Ta me koma men I en uia on koma?

33 Ira potoon on, Main, pue maj at en kapaat pajon.

34 Jijoj ari kupur ira ta, o jair maj ara; a matan maj ara marain ta, ira ari itauen to i.

IRA 21.

IRAIL koko to karen i Jirujalem, mi lar Petpej, nan nana Olipet, Jijoj ap porone la a uarok ria men,

2 Majani on ira, En ko lan kanim monen, a matan koma pan tiara ta aj men me jali ti, o na ian i: en lapua ira, o ua ira ton ia.

3 A ma meamen lokaia on koma, koma en potoon on, Jioua men ale ira ta; i ari pan matan katar ira to.

4 Mepukat uia er, pue me joukop o kopa tar en puai ta, a katiti,

5 En kaire ki on li nain Jai-on o, Nar, omail Nanmaraki kotikot ko ton komui, me opampap, o kaipoki ti pon aj men, o ipuin aj men.

6 A uarok ka ap ko la uia ta tuen a majani on ira.

7 O ua to aj o, o na, o irepa ki po ira ara likau kan, ap kajapuila tan i poa.

8 O pokon kalaimunia irepa ki-ti arail likau kan nani al;

o akai pala ti ran tuka kan, irepa pajon ir nan mo a.

9 O pokon kan me ti on mo a, o me itauen, nijinij, inta ta, Ojana on Nain Tepit: Meit paii me kotikot ko ki to mmaren Jioua; Ojana on me lapalap.

10 Irail koti er Jirujalem, kanim o mokamokit, inta ta, Ij i?

11 Pokon o katiti ki Nan i Jijoj joukop en Najaret en Kalili men.

12 Jijoj ap koti la nan tani-paj en Kot, kaje jon me kiu notinot ia kan, o uikitoki ti tepel en men notin moni kan, o teun me notin muroi kan.

13 O majani on ir, Nan a intini ti er, Im ai pan im en kapakap; a komail uia ki tar i teun men pirap kan.

14 A me majkun o me jikil kan ko ton i nan im en kautok o; i ari kakel ir ta.

15 Leiap o jounintin kan utial me kapuiriameui kan me a uia ta, o aramaj nijinij nan im en kautok o, o katiti, Ojana on Nain Tepit; irail linaranar tar.

16 O kajoi on i, Ko jo ron me irail katiti? Jijoj majani on ir, Iei; komail jaik toropua, Nan au en jeri puelel kan komui me kapuaia tar kapin?

17 I ari koti la jon ir, koti la jon kanim o, koti ton Pedeni: pueti on ia.

18 Manta, a kotikot puro ton kahim o, ap men jak.

19 A majani tuka pik pot pon al o, a koti lan i, a jota tiar meakot mia, ta eta kan, ap majani on i, Ko pan jolar ua koko la. Tuka pik o ap mona la.

20 A uarok kan, nara tar, kapikapina inta ta, Tatuen tuka pik matan mona la!

21 Jijoj kotin majani on ir, Mealel I intai on komail, Ma komail pojon, jo kalikoma, komail pan uia me uiai on er tuka pik pot et, o ma komail kajoi on nana uet, Ko en katorora ue, o ko en lokatok la nan matau; nan a pan puai ta.

22 O meakaroj komail poki kapakap ki pojon, komail pan ale.

23 A lao koti er nan im en kautok o, leiap o joumaj kan pokon ton i nin tokan a uia patak, potoon on, Ia kauatepan omui uiaua me pukat, o ij me kauat komui ta?

24 Jijoj kotin majani on ir, I pan pil kalelapok re omail meakot, ma komail en katiti ki on ia, I pan katiti ki on komail kauatepan ai uiaua me pukat.

25 En Jon a paptaij, a tapi jon ia? men nalan, te me ren aramaj? Irail kapakaparok nan pon arail, katiti, Ma kitail inta ta Men nalan, a pan majani on kitail, Ta me komail jo pojon ki i?

26 A ma kitail inta ta, Me ren aramaj; kitail majak pokon o; pue karoj kin uia joukop ki Jon.

27 Irail ari potoon on Jijoj, katiti, Kit jota potoon. I ari majani on irail, I jota pan kajale on komail me kauat ia en uiaua me pukat.

28 A ia tuen omail lamlam? Ol men mia me na ol ria men; i ari ko ton amen, inta ta, Nai, ko ue totok nan ai motenkrep ranuet.

29 A potoon on inta, I jota pan ko la; ap kalu la, ko la.

30 A pil ko to intai on amen tue ta. A i me potoon on inta, I pan ko la, Main; ap jota puai ta.

31 Ari ij re ira me uia ta kupur en jam ara o? Irail potoon on, Men maj o. Jijoj majani on ir, Mealel I katiti ki on komail, Jounnopue, o lienjaijop kan pan ti on mo mail ko on nan uein Kot.

32 Pue Jon ko ki ton komail uiaua me mau, a komail jota kamealele i; a jounnopue, o lienjaijop kai me kamealele i: a komail ututial ap jota kalu la pue komail en kamealele.

33 Ron pil apot karajepa: Monjap men mia, me notia ta motenkrep eu, o kela pena, o ueira ta teunkrep eu, o kaua ta im en ruk eu, ap neek on joumot kai, momait lan nan uai.

34 Katekateo anjoun raka la, a katara lan na jounnopue kai, ko lan ale ren joumot ko kaparapar.

35 A joumot kan jaiki ti na jounnopue kan, uoki amen, o kame la amen, o kate amen.

36 A pil katara la akai joun-

nopue; irail ari uiai on ir pil tue ta.

37 A ikmuri a katara ton ir na ol, majani, Nan re pan majak nai.

38 A joumot kan nara tar na, irail kajokajoi nan pon irail. Nan i me jokojojokora; kitail en kame la i, a kitail en kulia ta a kapua kan.

39 Irail ari jaiki ti i, o kapapauka jon i nan motenkrep o, o kame la i.

40 Ari monjap en motenkrep o lao para to, ta me a pan uiai on joumot oko?

41 Irail potoon on Nan a pan koma kaualap aramaj juit pukan, a pan neek on akai joumot a motenkrep o, me pan uia nopue on i pupn-reok.

42 Jijoj ap majani on ir, Komail jaik toropua nan Kijilikau kan, Takai eu me joupal kan kaje lar, nan a uia pukenkaimui lar: nan i uiaui en Jioua, nan me kapikapinepa at.

43 I me I katiti ki on komail, Muein Kot pan japa-toka ta jon komail, ap ko on eu kainok me pan kaparapap.

44 O meamen popi ti on pon takai uet pan o lar: a meamen a pan popi ti on poa, a pan juka pajon i.

45 Leiap o Pariji kan rona tar a karajepa kan, irail mui-likia ta me a kaparok kin ir.

46 A irail pan jaiki ti i, re majaka tar pokon o, pue irail uia joukop kin i.

IRA 22.

JIJOUJ pil kotin majani on irail karajai on ir, majani.

2 Muein nalan raj on nanmaraki men me kamatipa kapapauti na ol men.

3 O katara jili na men en katar kai en looki pena me luk ar kan: a, irail kan ko to.

4 A pil porone la akai litu, majani, Katiti ki on me luk ar mia, Nar, I kaonop er ai kamatip: nai kau ol o man ui kai ijika tar, o meakan onop pena o ari: pokon ton kamatip o.

5 A, irail kaurur ki, tana pajon, amen ko on jap ue i, o amen a uia not:

6 O akai jaiki ti na men en katar ko, uia juiti on, kame la.

7 Nanmaraki lao rona tar, ap aniani tar: katara la na tounpei ka, kame la me lol-lap ko, o ijika ta ar kanim o.

8 I ap majani on na aramaj kai, Kamatip ononop pena o ari, a, me luk ar jota kon on.

9 Komail ari en raparapaki jili nani al kan, a karoj me komail tiar, en luke ton kamatip.

10 Na men en katar ko ari raparapaki jili nani al kan kapokon pena karoj me re tiara ta, me mau o me juit karoj: kamatip ari ap toun lar.

11 Nanmaraki lao koti to majani toun kapar en kama-

tip kan, ap majani ol men
me jota mi nan kapuat:

12 I ari majani *on* i, Nan,
ta me ko mi met jota om ka-
puat? I ari japemokit.

13 Nanmaraki ap majani *on*
ion a kai, Jalii ti i pa o ne,
o ua ta jon, kaje ti i *on* nan
rotarot kaualap; uajan uiri-
uir o teterok.

14 Pue me *neter* paekekera
to, a me laulau me pila ta.

15 Pariji kan ap ko pena
kapakaparok tuen ar pan ka-
pinia ta i a patak.

16 Irail ari porone lan i na
rail tounpatak kai, iana ki
ion en Erot kai, potoon *on*,
Main, kit aja me mealel
komui, o komui kin mealel
kaueue ta tiak en Kot, o
jota lipilipili *on* aramaj: pue
komui jota kin me ani jan-
jal en aramaj.

17 Komui ari en katiti ki
on kit kupur omui, Me inen
uia nopue *on* Jija, te jo?

18 A Jijoj me ani ar uitin,
ap majani, Ta me komail
malaun jonojon kin ia?

19 Ki ton ia moni en no-
pue eu. Irail ari ua ton i
peni eu.

20 A majani *on* ir, Mom en
ij, o intin uet?

21 Irail potoon, En Jija. I
ap majani *on* ir, Puain *on*
Jija me japuilim en Jija; o
on Kot me japuilim en Kot
kan.

22 Irail rona ta me, re pui-
riamui ki, ap ko to jon.

23 Ran ota Jatuji kai ko

ton i, me kin inta ta me me
lar kan jota pan kin iaja ta,
ap potoon *on* i,

24 Peitok, Main, Mojej ma-
jani, Ol men me lar jo na
jeri, ri a ol en it pauta ki a
paut, puen kaipui *on* ri a ol
na jeri kai.

25 Maj o pirion eu mi re at
me ol iji men: mejeni pauta
ki tar li men, ap me lar, a
jota na jeri, ap liki *on* ri a ol
a paut.

26 Pil tue karia men, alao
kaiji men.

27 A ikmuri li o pil me lar.

28 Ari ran en iaja ta, ij ren
me iji men ako me a pan a
paut? pue ir karoj me pauta
ki tar i.

29 Jijoj majani, kapon *on*
ir, Komail meit jopon, jo
ueue ki Kijilikau kan, o ma-
naman en Kot.

30 Pue me iaja ta kan jota
kin papaut nan pon irail: a
re raj *on* tounlan en Kot kar
mi nalan.

31 A tuen tiak en me me
lar kan ar iaja ta, komail
jaik toropua me Kot majani
on komail, majani,

32 En Epream a Kot nai, o
en Aijak a Kot, o en Jekop
a Kot? Kaitin Kot en me
me lar kan Kot, a en me
maur eta kan.

33 A pokon o rona tar me,
re ap puiiriamui ki a patak.

34 A Pariji kan lao rona
tar me a kapouia tar Jatuji
kan, irail pokon pena.

35 Amen ir, jounlokaia men,
uitini i peitok,

36 Jounpatak, kujenot eta me lapalap nin kateik o ?

37 Jijoj majani on i, ko en pok on Jioua om Kot, lol on, o inoni on, o lamalam on eta.

38 Nan i kujenot eu men moa, o mealap.

39 O me kariau me raj on eta, Ko en pok on me impa om tue pein uk.

40 I kujenot riau me kateik, o joukop karoj kin tapi ta jon.

41 Pariji kan momot pena ta, Jijoj me kalelapok re ir.

42 Majani, lairen omail lamalama Kraij ? nain ij i ? Irail potoon on, Nain Tepit.

43 A majani on ir Tatuen Tepit kupure Jioua ki i, majani,

44 Jioua majani on ai Jioua, Komui en kaipoki ti on ni pali maun I, alao I uia ki tar me imuintiti on komui kan uitepa om ?

45 Me Tepit uia ki tar Jioua i, pala me na ?

46 Ari jolar aramaj kak on potoon on i meakot, o jolar me pori on kalelapok re a koko la ta.

IRA 23.

J IJOJ ap majani on pokon, o a uarok kan,

2 Majani, Jounintin kan o Pariji kan kin monti pena nan teun Mojej :

3 Karoj me irail kauat on komail, i me komail en apuali o kapuaia ta ; a komail ter alale jon ar uiaua ; pue irail

kin kokop, ap jota kapuaia ta.

4 Pue irail kin kajoka pena kapuan uijik toutou, o ki tan pon aparani aramaj ; ap jota kamarara ki ta jonti tiki ar.

5 O re kin uiaua meakan pue aramaj en ututial : irail kin katelape ta mmarrail, o kalaute la nikailan ar likau kan.

6 O non on teun joupeti kan ni kamatip kan, o lepantam ni im en patak kan.

7 O ranmau pena nan teun not kan ; o aramaj en uiaua Rapai kin ir.

8 A komail ter mmarrail en Rapai : pue metamen me omail joumaj, Kraij eta ; a komail pirion pena.

9 Komail ter jam anaki men jappa : pue metamen me Jam omail, me kotikot nalan.

10 Komail ter mmarrail en joumaj, pue metamen me omail joumaj.

11 A me aka mealap re omail pan papa komail.

12 O me aka monjap ki pein i pan kajapuili ti, o me opampap pan kajapuila ta.

13 A me kariai on komail jounintin o Pariji, malaun ! pue komail kin ritini ti muein nalan mon aramaj kan : pue komail kan petalon on, o komail pil kan katara la me pan petalon on kan.

14 Me kariai on komail jounintin kan o Pariji, malaun !

pue komail kulia ta im en li-
oti kan, uitiuitina ki kapa-
kap rairai; komail ari pan
kateika ta kaualap.

15 Me kariai on komail joun-
intin o Pariji, malaun! pue
komail kin kapikapili pena
jet o jap puen kajouapualia
ta metamen; a i lao loti lar,
nan komail kajuitie la i me
juit lapa jon komail.

16 Me kariai on komail joun
kaon majkun, me kin katiti,
Meamen kau ki la im en kau-
tok o jota imui; a me kau
ki la kol en im en kautok o
imui mia.

17 Komail puepue o maj-
kun: pue ia mealap ren kol,
te im en kautok o me kaja-
raue la kol?

18 O, meamen kau ki la pei-
jarau, jota imui; a me kau ki
la mairon me pon peijarau
imui mia.

19 Komail puepue o maj-
kun: pue ia mealap ren mai-
ron, te peijarau me kajarauie
la mairon?

20 Ari meamen kau ki la
peijarau, kin kau ki la i, o
meakan mi po a.

21 O meamen kau ki la im
jarau, kin kau ki la i, iana
ki i me kin kotikot loli.

22 O me kau ki la nalan, kin
kau ki la mol en Kot, o me
kin kaipoki ti on po a.

23 Me kariai on komail joun-
intin o Pariji, malaun! pue
komail kin mairon ki mint, o
anij, o komin, ap lipoka jon
autepan kapon kajompual
kan, uiaua inen, o kaponlol,
o kamealele: i me pukat ko-

mail en kapuaia ta, o jota li-
poka jon me te kan.

24 Komail jounkapon maj-
kun, me kin kaje jon manin-
mai men, ap katalela kamel.

25 Me kariai on komail joun-
intin o Pariji, malaun! pue
komail kin kamakole ta pali
likin tal o pan, o loli nan me
tir en jokon o likom.

26 Pariji majkun koa, en ka-
makole lolin tal o pan kan
maj, pue pali likin ir en pil
makolakol.

27 Me kariai on komail joun-
intin o Pariji, malaun! pue
komail raj on peijoujou pota-
pot tar kai, me kin janjal li-
nan, a pali loli me tir en ti en
aramaj me lar kan, o kajaot
kan.

28 I tue komail me janjal
inen on aramaj, a loli komail
me tir en malaun, o me juit.

29 Me kariai on komail joun-
intin o Pariji, malaun! aki
komail kin kaukau peijoujou
en joukop kan, o kaptata ta
joujou en me lelapok kan,

30 O katiti, Ma kit kono ran
en jam at ko, kit jota pan ian
ir kame la joukop oko.

31 I me komail pein katiti
ki me komail katautokan me
kame la joukop oko.

32 Komail ari en kaere la
uiaua en jam omail oko.

33 Komail jon en jerpent, o
paipa kan, pala komail pan
piti jon kateikepan el.

34 Ari, nar, I katara ton ko-
mail joukop kai, o aramaj lo-
likon, o jounintin: o akai ir
komail pan kame la o lopue
ta; o akai ir komail pan uoki

nan im en patak kan, o koma
ir pajon kanim kan;

35 Puen lela penan komail
inta makolakol me uikitoki
ti on nani puel, tapita jon
intan Epel lelapok lao lel
intan Jakaraiaj, nain Para-
kaiaj, me komail kame la
nanpon im en kautok o pei-
jarau i o.

36 Mealel, I ap katiti ki on
komail, Me pukat pan puai
on ti uet?

37 O Jirujalem, Jirujalem,
me kin kame la joukop kan,
o kate me pakatara ton uk
kan, pan pak me tapa me I
pan palo pena no mail kan,
tuen litok kin kompuala pena
na purok kan pan lim a, a,
komail kan!

38 Nar, im omail tan lar on
komail.

39 Pue I ap kaire kin ko-
mail, Komail jota pan nar ia
koko la, komail lao katiti ki,
Nan meit pai me ko ki to ni
mmar en Jioua.

IRA 24.

JIJOJ ap koti la, koti ue
jon nan im en kautok o:
a uarok kan ari poto ton i,
puen kajanjale on i tuen im
en kautok o.

2 Jijoj ari majani on ir, Ko-
mail jo ututial me pukat?
mealel I intai on komail, Jota
eu takai pan mi pon eu, me
jo pan ronk pajon.

3 A ni a kotin kaipoki ti pon
tol Olipet, a uarok kan keleip
ko ton i, kalakalelapok, En
kalelapok on kit anjoun me
pukat pan puai ta? o kilele-

pan omui pan koti to, o kai-
mujokepan jappa?

4 Jijoj ari kotin majani on
ir, Kalaka pue meamen te ko-
taue komail.

5 Pue me neter pan liliajoj
kin ia ko to, katiti, Nai me
Kraij; o kotane me neter.

6 Komail pan rona ta mne-
juit kan, o kajoipan mnejuit:
komail kalaka pue komail ter
majak: pue me pukat pan
puai ta, a imui jo karen.

7 Pue kainok eu pan jonjo-
nomaj on eu kainok, o uei eu
on eu uei: o leek, o jomau
kan, pan puai ta, o jap kai
pan rera ta.

8 Me pukat pan tapi en
kompa kan.

9 Irail ap pan pan komail
lan komakom, o kame la ko-
mail: o komail pan jakona-
kon la pan kainok karoj pue-
ki nai.

10 Me neter ap pan makara
ta, o re pan pana la nau pon
ar, o me juiti ki nan pon ar.

11 O joukop likom neter
pan para ta, o kotaue me
neter.

12 O pueki me juit puai ta,
akai pan manlien la.

13 A me katakataur eta pan
maio ta.

14 A ronmau en mnei o
pan kaparapar jili lela pena
jap karoj puen kaponepan
kainok karoj; ap pan imui-
jok la.

15 Komail lao nara ta Kao-
pa kajaot, me Taniel kopa
ta, a u tar nan uaja jarau,
(meamen toropua, i en aja
ta,)

16 Irail mimi Jutia, en tana uan nana kan :

17 O me mi pon im en ter ko on loli puen ale a kapua, ua jon :

18 O me mimi nan jap en ter pur on ale a likau kan.

19 O me juiti on irail me lijeian, o me kin katiti ni ran ko !

20 Komail en kapakap pue komail en ter lipa la ni anjoun kapau, o pil ter ran en japat :

21 Pue i anjoun komakom kaualap ; jota me tue ta jon nin tapin kaua koko to lel met : jo pil koko la ta.

22 O ma ran oko jo kameaulau la jota me pan piti la : a pueki me pila tar kan i me ran oko pan kameaulau ki la.

23 O ma meamen katiti on komail, Nar, ietet Kraij, te monen ; ter kamealele.

24 Pue Kraij likom kai, pan para ta, o joukop likom kai, o kapare ta kilel kalaimun kai o me kamijik, ma re kak on, re pan kotaue ta me pila tar kan.

25 Nar, nai me kop on komail er.

26 Ari, ma re katiti on komail, Nar, nan a kotikot uaja tan o ; ter ko ie on : nar, nan a kotikot uaja rir o ; ter kamealele.

27 Pue tuen liol a tapi ta jon ni majalan, linan la lel on kapinlan ; i tuen Nain aramaj a pan para to.

28 Pue uajan man me lar mia, i uajan ikil kan pan pokon penan.

29 Ran en komakom ko niki lar katipin pan rota la, o maram pan jola lina, o uju kan pan mori ti jon nalan, o uiauiapan nalan kan pan mokita ta :

30 Katapakilenepan Nain aramaj ap pan para ta nalan : o kainok karoj en jappa ap pan mauk, o irail pan nar Nain aramaj a kotikot ko ki to tapuok en nalan kan, me manaman o linan kaualap.

31 Nan a pan porone la na tounlan kan pok jaui lapalap, o re pan kapokon pena na me pila ta kan jon pali paiu, jon tapilan lel on kapi.

32 En kalelapok on karajepan pik tuka pot ; a pon tar, o uili tar, komail aja me rak para tar ;

33 Pil tue ta komail, komail lao tiar me pukat, en aja me a karen tor, a lel er niman uanim.

34 Mealele I katiti on komail, Ti uet jota pan pou la lao me pukat puai tar.

35 Nalan o jappa pan pou la, a, ai kokop jo.

36 A ran o o klok o jota me aja, jota toun nalan kai, jota, Jam ai ta.

37 Tuen ni muein Noa, i tuen Nain aramaj a pan para to.

38 Pue tuen mon nolik lapalap re nom o nim, o papaut o kapapaut, lao lel ran en Noa petalon on nan uarim o,

39 O jaja lao lel nolik puai ta, o karoj ir jon ; i tuen Nain aramaj a pan para to.

40 Ria men ap pan mi nan jap; amen pan pauka jon, o amen lua ti.

41 Li ria men pan itit nan im en plaua; amen pan pauka jon, a amen lua ti.

42 Komail ari en majamajan, pue komail kin jaja klok eu omail Jioua pan para to.

43 A meit komail en aja, ma joumaj en im o kopa tar klok en men lipirap pan ko to, a pan majamajan, a jota pan katara la im a en pala pajon.

44 Komail ari en ononop pue klok eu me komail jo kilele Nain aramaj pan ko ki to.

45 Ari ij me litu lelapok men, me a joumaj kajapuila ta pon im a, puen nene on ir anjou karoj ?

46 Litu o meit paili, me a joumaj para to pan tiara ta i a uiaua tue met.

47 Mealel I intai on komail, A pan kajapuila ta i pon a tipijo karoj.

48 O ma litu juit o lokaia nan kapet i, Ai joumaj papuant a ko to:

49 Ap komakoma a uarok litu kai, o nom o nim, tontola men kamom joko:

50 Joumaj en litu o pan para to ni ran en a jota kopa ta, o ni klok en a jota kilele ta,

51 O a pan pala pajon i, o katorora lan i ren me mallaun kan: i uajan me mauk o teterok.

IRA 25.

MUEIN nalan me raj on li ek, me ua ar lamp kan, ap ko ie la tu on ol kamot men.

2 Me lim men me lolikon, o me lim men me lolipon.

3 Me lolipon ko ua ar lamp kan, ap jota iana ki katirepa.

4 A me lolikon ko ua ar lamp kan, iana ki katirepa.

5 Ol kamot papuant, ir karoj toutou, me mair.

6 Alao nalukepan pon ap looki jili, Nan ol kamot koti tor, komail en ko ie lan i.

7 Li kan ap piri ta, kaonopa ta ar lamp.

8 Me lolipon ko potoon on me lolikon ko, Ki to kijan omail le; pue at lamp kan kun ti er.

9 A me lolikon kao japon inta ta, Ieramen; pue a te jota itar kitail pena: a mak komail en ko on ren jounnot, noti on komail.

10 Irail joma lan not, ol kamot ap koti to; o me onop er ian i petalon on kamatip; uanim ap riti ti er.

11 Li teko puant ko to, inta ta, Main, main, en riti tan kit.

12 A i me japon inta ta, Mealel, I jaja komail.

13 Komail ari en majamajan; pue komail jaja ran o klok me Nain aramaj .koti to.

14 Pue muein nalan raj on monjap men me pan mo-

mait la nan uai, ap ki pena ion a kan, neek on ir a kapua kan.

15 Talent limau me a uatok on amen, o me riau on amen, o eu on amen; tuen ir karoj mau on; ap matan koti la.

16 Me ale a talent limau ap ko ie la noti ki pil talent limau.

17 O me ale riau pil noti ki riau.

18 A me ale metaienu ap ko ie la jari ti on nani puel, oki la moni en a joumaj o.

19 Katekateo a uarai lar monjap me ion a ir oko puro to, ap kateika ta irail.

20 A me a talent limau poto to ua pil akai limau, inta ta, Main, komui me ki ton ia er talent limau: majani, I noti ki on ir er pil akai talent limau.

21 Na monjap majani on i, Meit mau om uia ta, litu mealel: koa me koua ki er mau kapua kai, I pan kaja-puil uk ta pon kapua me neter: ko en joijoi la ren om monjap.

22 O me ale a talent riau ap poto to, inta ta, Main, komui ki ton ia er talent riau: majani, I noti ki er pil talent riau.

23 Na monjap majani on i, Meit mau om uia ta, litu mealel; koa me koua ki er mau kapua kai, I pan kaja-puil uk ta pon kapua me neter: ko en joijoi la ren om monjap.

24 Me ale a talent taieu ap ko to, inta ta, Main, I ajai er

me komui ol patik men, me kin tolun pena uaja komui jota motia ta, o uaja pena me komui jota kapara ta:

25 Nai ari majak, o oki la omui talent nani puel; majani, ietet, omui ta.

26 Na monjap majani, kaiti, Litu juit o ponkake men koa, ko aja me I kin tolun uaja I jota kin mot ia, o uaja pena me I jota kin kapara ta ia;

27 Maka ta koa en koua ki ai moni, I ap ko to ale ijan me utan ai.

28 En ki jon i talent o, o ki on i me a talent ejok.

29 Pue ir karoj me a mia, ekij pan ko on, i ari pan kapuapua: a, me jota a nan a pan karoja jon ma metakij mia.

30 A komail en kaje la pali liki rotarot litu mal o: uajan mauk o teterok.

31 Nain aramaj lao ko ki to a linan, o iana ki to na tounlan jarau kan, ap pan kaimpoki ti pon mol i linan:

32 A kainok karoj ap pan imuijok penan i: i ari pan katoror ir pajon, tue ta jilepa kin ira pajon na jip kan ren kot kan:

33 A pan ki la na jip kan ni pali maun, o na kot kan pali main.

34 Nanmaraki ap pan majani toun pali maun, U ko to komail kompokepan Jam ai, en joujou ki uei eu me kaonop on komail ier jon nin tapin kaua:

35 Pue nai me men mona tar, a komail kijai ia: o men nim pil tar, komail itip pil ton ia: o men likin jap nai, komail apuali ia er:

36 Jota ai likau, komail kalikau ia ta: I jomau tar, komail paj ton ia: o I mi lar nan imton, komail paj ton ia.

37 O me lelapok kan ap pan potoon on kalelapok re a, Main iat kit kilon komui men konot, ap ki ta jak, o men jak pil ap itip pil on komui?

38 Iat kit majani komui men likin jap, ap jouapuali kin komui? o jamama ki likau, ap kalikau ia ta komui?

39 Iat kit nar komui lumum, o nan imton, ap paj ton komui?

40 Nanmaraki pil kotin majani on ir, Mealel I intai on komail, Omail uiai on er amen ri ai pukat tikitik re ir, i me komail uia on ia er.

41 Ap pan majani on ir mi pali main, En ko la jon ia, komail me karia lar, ko lan kijiniai jakakun, me jaunti on tepil o na kan.

42 Pue I men mona tar, a komail jota kija ia; I men nimpil tar, a komail jota itipil ton ia:

43 I men likin jap, o komail jota jouapuali ia: o jota ai likau, a komail jota ki on ia likau: o jomau, o mi nan imton, komail ari jota paj ton ia.

44 Irail pan potoon on kalelapok, Main, iat kit potoon omui men konot, o jak pil, o

men likin jap, o jo likau, o jomau, o mi nan imton, ap jota apuali komui?

45 Nan a pan majani on ir, Mealel, I intai on komail, Omail jota uiai on amen me tikitik ren me pukat, komail jota uiai on ia.

46 Me pukat pan ko ie la nan komakom jakatuk: o me lelapok kan nan maur pota-pot eta.

IRA 26.

J IJOJ lao kaere la majan pukat, ap majani on a uarok kan,

2 Komail aja er pon ria pon pajopa pan puriok, o Nain aramaj pan pana lar en lo-pue la.

3 Leiap, o jounintin kan, o joumaj kai ap pokon penan nan im en leiap lapalap men me Kaiepaj,

4 O kapakaparok ki tuen ar pan pirapa la Jijoj, o kame la.

5 A re inta, Ieramen ran en kamatip, pue aramaj te moro-moron ta.

6 Jijoj kotitot Petani nan im en Jaimon me tukatuk,

7 Li men ua ko to potil alapajta eu en potik me puai lapalap, ap uikitoki ti on pon a katokenmai, ni a kotin konot.

8 A uarok kan utial me, ap me juiti ki tar, inta ta, Menta kaje mal uet?

9 Pue potik uet pan noti ki la, a pan puai puai lapalap, ap neek on me jamama kan.

10 Jijoj lao mani me, ap

majani on ir, Ta me komail kaontonkoma ki li o? pue me mau a uia on ia er.

11 Pue me jamama kai kin mimi ta re omail; a nai jo.

12 Pue a uikitoki ti on uar ai potik uet, nan a nikinikit ia.

13 Mealel I katiti on komail, Nin jap karoj me ron-mau uet kalook ia, me li men et ap uia ta, pan lela penan ia, puen kapikapina i.

14 Amen ek ria men ko, me at anaki Jutaj Ijkariot ap ko ie on ren leiap kan,

15 Kalelapok re rail, Ta me komail pan ki ton ia, ai pan pana ton komail i? Irail ari inau ki on i jip en moni jili jok.

16 I tokan a pik ki ti majamajan anjou mau en pana la i.

17 Ni ran me tapia ta kamatip en pret jo mut, uarok en Jijoj kan pototon Jijoj, potoon on i, Ia uaja komui men kit en kaonop on komui en jak pajopa?

18 A majani, Ko la nan kanim o ren ol men, ap kajoi on i, Joumaj o majani, Anjou I lel er; I pan kamot on pajopa ai uarok kan nan im om.

19 A uarok kan ap kapuaia ta a majan; irail ari kaonopa ta pajopa.

20 Alao joutik pena, a ian a uarok kan kaipoki ti on pajopa.

21 Irail uia konot, ap majani, Mealel I intai on komail, amen komail pan pan ia la.

22 Irail ap mauka ta kaua-lap, uia ki eu kalelapok re a, Main, nai i?

23 A kotin majani, Me ian ia kau on nan tal uet pa a, i me pan pan ia la.

24 Nain aramaj pan pana la tuen a intin ki ti: a nan me karia lar i me Nain aramaj pan ki la! mak ol o en jota ipui ti.

25 Jutaj me pan pana la i, ap potoon itok, Main, nai i? A majani on i, Koa me inta tar.

26 Irail uia konot Jijoj lime ta pret kajakaj ki, o pilitiki pajon, neek on a uarok kan, majani, Ale, tunole; uar ai me uet.

27 A pil lame ta tal eu, kajakaj ki, neek on ir, majani, Komail karoj en nim;

28 Pue int ai me uet men katete kap, me kapuil on me neter, kaponkepan tip kan.

29 A I ap katiti ki on komail, I pan jouor ian komail tunole uan krep, lao lel ran en ai pan ian komail nim kap nan uein Jam ai.

30 Irail kaulia ta kaul pot re ap kotj la pon tol Olipet.

31 Jijoj ap majani on ir, Komail karoj pan nomanoki on ia ponapon uet: pue a intini ti er, I pan kame la Jilepa, o puin jip pan muet pajon.

32 A katekateo I lao piri ta, I pan ti on mo mail ko on Kalili.

33 Pita ap potoon on i, Ma irail karoj nomanok ki komui, I jota pan nomanok.

34 Jijoj majani on i, Mealel I intai on uk, Ponapon uet, malik kaik kokarot, ko pan kamama kin ia pan jili pak.

35 Pita potoon on i, Ma I ian komui koma la, I jota pan kamama ki komui. I tuen a uarok karoj katiti.

36 Jijoj ap kare on ir jap eu me at a Ketjemani, ap majani on a uarok kan, En monti on met, I pan ko la kapakap monen.

37 I ari uk Pita o nain Jepiti na ol ria men, ap mauk, o toutou kaulalap.

38 Ap majani on ir, Kapet I ap mauk kaulalap, I pan me la: komail en mimi met, ian ia majamajan.

39 I ari koti la ekij uaja, popi ti ni maj a, kajakaj majani, O Jam ai, ma a kak tal uet en katorora jon ia: ari jo, kaiti nai, komui ta en uiauia.

40 I ari puro ton a uarok kan, tiar ir ta me mair, ap majani on Pita, Tokota! komail jo kak ian ia klok ta eu?

41 Majamajan o kapakap, pue komail te loti on katiamaua: nan kapeti me peik, a uara me luet.

42 A pil koti la kariau pak, o kajakaj, majani, O Jam ai, ma tal uet jo kak katorora la, ma I jo nim, komui en uia.

43 I ari puro to tiar ir ta pil me mair: pue maj ar toutou.

44 A pil koti la jon ir kaja-

kaj kajili pak, jakaraki majan ota kai.

45 Ap puro ton a uarok kai, majani on ir, En mamair eta, o kamol eta: nar, klok o lel er, o Nain aramaj pana lar ni pa en me juit kan.

46 U ta, kitail koko, la: nar, me pan ia la joma tor.

47 Nin tokan a mamajani, nar, amen ek ria men ko Jutaj para to, o ian i me neter me ua kotloj o lepen tuka, jon leiap kan o joumaj en tounjap o.

48 Men pana la i kopa ki on ir kilel eu, inta ta, Me I metiki, i men; en jaiki ti i.

49 I ap matana ton Jijoj, inta ta, Ponman Main; ap metiki i.

50 Jijoj ap majani on i, Nan, ta me ko ko ki to? Irail ap por on Jijoj, jaiki ti i.

51 A amen ir me ian Jijoj ki ta ue pa a, napki ta a kotloj, lipoka pajon jalon en litu en leiap men.

52 Jijoj ap majani on i, Kapure on om kotloj nan teu i: pue karoj me ale kotloj pan ka ma ki la kotloj.

53 Ko jo lamalama I kapakap ki on Jam ai, a pan katarata ton ia eten tounlan lijon ek riau jama?

54 Ari, pala Kijilikau kan pan puai ta, pue i tuen a utan uiaui?

55 I klok ota Jijoj majani on pokon ko, Lollap men me komail ko ton ale kin ia kotloj o lepen tuka kai? I ian komail patapatak eta nan im

jarau i kaukaule, a komail jota jaik ia ti.

56 A, me pukat uiaui er pue intin en joukop kan en puai ta. A uarok kan ap jipo la, ruki la.

57 Irail me jaiki ti Jijoj, ap kalua ton i ren leiap me Kaiepaij, uaja jounintin o joumaj kan pokon pena ia.

58 A Pita itauen la i uaja tou, ko on im en leiap o, ap petalon on ren litu kan, puen majamajan me pan imui la.

59 Leiap, o joumaj, o jounkapon kan, raparapaki men karauni likom Jijoj, puen kamata la i;

60 A jota me re tiar; pue me neter me karauni likom ko to, ari jota me re tiara ta. Katekateo men karauni likom ria men ap para to,

61 O katiti, Lap men et me katiti, I kak on kaoe la im en Kot, ap jarapa ta pon jili pon.

62 Leiap o ap u ta itok re a, Jo me ko japon ki me? Ta me men kair pukat kin karauni uk?

63 A, Jijoj me japemokit. Leiap o ap majani, inta ta, I ap kau ki la Kot maur, ko en katiti ki on kit me koa Kraij, Nain Kot.

64 Jijoj ap majani on i, Komui me inta ta: ari jo nai me intai on komui, Eu ran komui pan utial Nain aramaj a kapioki ti ni pali maun en manaman, o ko ki-to tapuok en nalan kan.

65 Leiap ap tera pajon a

likau kan, katiti ki, Nan a lalaue; men ta re at apot kair? nar, komail rona tar a lalaue.

66 Ta me komail lamalama? Irail potoon on, Nan a tip on koma la.

67 Irail ap kontipi on jilan i, o uoki i; o akai pikiri ki i ni pa rail,

68 Inta ta, Koa Kraij, en kajau on kit, Ij me pikir uk tar?

69 Pita momot liki, nan pera; a jeripein men ko ton i, inta ta, Koa me ian Jijoj men Kalili o.

70 A i me kamama ki mo rail karoj, inta ta, I ponapon ki me ko inta ta.

71 A poto ue ni palank liki, amen jeripein nara ta i, katiti ki on me impa kan, Nan i me ian Jijoj men Najaret.

72 A pil kamama ki kau la, I jaja ol men et.

73 Katekateo me u uajao kan ap intai on Pita, Mealel koa amen irail; pue nil om katiarok kin uk tar.

74 I ap lalaue, o kau la, inta ta, I jaja ol o. Malik ap kokarot ta.

75 Pita ap taman ta en Jijoj a majan, Malik jaik kokarot ko pan kamama kin ia pan jili pak. I ap ko ie la maiie kaualap.

IRA 27

A LAO ran pajon er, leiap karoj o joumaj kapakaparok ki pena Jijoj puen kamata la i:

2 Irail jalie ti i er, re ap ua la, o kajau on i ren Pontioj Pailot me monjap.

3 Jutaj, me pana lar i, rona tar me a pan kamata la, ap muilikia ta, o puro ki to jip en moni jili jok ko ren leiap o joumaj ko,

4 Katiti ki, Tip ai mia, ai pana la inta makolakol. Irail ari inta ta, Menta re at? koa en apena me.

5 I ari kija ti jip en moni ko nan im jaraui, o jipo la, pein kalujame la i.

6 Leiap ko ale jip en moni ko, inta ta, Nan me jo inen ki ti on ir nan teun moni, aki painepan inta.

7 Irail kapakaparok pena, ap noti ikin ir pon joujou eu, puen jari ti on men likin jap kan.

8 I me uajao at anaki, Pon inta, koko to lel ranuet.

9 Kokop eu me Jerimaia kopa tar ap puai tar, me a katiti, Irail ale-jip en moni jili jok ko, puainepan i me irail men Ijrael puain ta;

10 Ap noti iki ta pon joujou eu, tuen Jioua me kauat on ia.

11 Jijoj ap kotikot niman monjap o: a monjap kalelapok re a, majani, Nanmaraki en men Jutia kan komui? A Jijoj kotin majani on i, Komui me majani.

12 Leiap o joumaj kan karakarauni i, a, a jota mokit.

13 Pailot ap majani on i, Komui jo ron tuen ar karakarauni komui kaulap?

14 I ari jota kotin majani on i meakot; monjap o ap ponopon ki ta kaulap.

15 Ni kamatip o a pupu-reok, monjap kin lapua ta on aramaj me jali ti men, me irail pila ta.

16 Ol lemai men re rail me jali ti, me at anaki Parapaj.

17 Irail lao pokon pena, Pailot majani on irail, Ij me komail men I en lapua tan komail? Parapaj, te Jijoj, me at anaki Kraij?

18 (Pue a mani ar kanoti me re pan ki lar i.)

19 Ilao kaipoki ti pon a teun kateik, a paut porone ton i, majani, Komui ter uiai on meakot ol lelapok men et; pue ai auramen tar i me I lokalok ki kaulap ranuet.

20 A leiap o joumaj kan papain pokon o irail en poki Parapaj, o kame la Jijoj.

21 Monjap kotin majani on ir, Ij re ira me komail men I en lapua tan komail? Irail potoon on, Parapaj.

22 Pailot ap majani on ir, Ta me I en uia ki Jijoj me at anaki Kraij? Irail karoj potoon on, En lopue la i.

23 Monjap majani, Pukita, me juit eta me a uia tar? A, re kalaute la ar uiriuir, En lopue la i.

24 Pailot aja tar me a jouor kak uiaua irail, a, irail pan moro ta, ap lime ta pil, omi-om ni mon pokon o, majani, I ap makolakol jon intan me lelapok men et: komail en jalok.

25 Aramaj karoj ap potoon on, katiti, Int a en kapakon on kit, o nait kan.

26 I ari lapua tan irail Parapaj; o uoke Jijoj, ap kataran lan i en lopue ta.

27 En monjap na jounpei ka ap kalua ton Jijoj nan imtoror eu, ap kapokon ton i jounpei karoj.

28 Irail ap ki jon i a likau kan, o ki on i likau uaitata eu.

29 Irail ira ta mmaren elen teok ka, re ap ki ton pon a katokenmai, o jokon nan lim a pali maun; ir ari kelipuki mo a, o kapikapiti i, inta ta, E, nanmaraki en men Jutia kan!

30 Irail kontipi ti on i, o ale jokon o, pikiri ki i pon katokenmai.

31 Irail kapiti i, re ap ki jon a likau kapuat, ap kapure on utan a likau ko, kalua ue i en lopue la.

32 Irail koko ie to, re ap tiara ta ol en Jairin men, me at anaki Jaimon: i me irail jaiki ti en ua a lopu.

33 Irail lela ton uaja me at anaki Kolkota, ape, uajan pontal en mona eu.

34 Irail ki on i puen nim, pinika tolo ki eti: i jon kij, ap jota nim.

35 Irail ari lopue ta i, o neeka pajon a likau kan, katoropua ki: puen kaponia ta me joukop men kopa tar; Irail neeka pajon re rail ai likau kan, o ai jakit irail katoropua ki ta.

36 Irail monti on uajao, re ap majamajan i:

37 Kokone pon a katokenmai kainakepa, NAN IET NANMARAKI EN MEN JUTIA KAN.

38 Lollap en pirap ria men ian i lopue la; amen mi ni pali maun, amen mi ni pali main.

39 Me tataulul kan kapikapiti i, tuatualok,

40 Katiti, Koa me pan kin kae la imjarai, ap kaua ta pon jili pon, en pein toro uk la. Ma Nain Kot koa en kari ti jon nin lopu en.

41 O pil leiap o joumaj o jounintin kan, kapikapiti i, inta ta,

42 Nan a toro lar akai; pein i a jo kak on. Ma i nanmaraki en Ijrael, i en kari ti jon nin lopu en, a kitail pan kamealele i.

43 A pojon Kot; i en kapita ta i eten ma a kajoi joi i; pue a katiti ki, Nain Kot nai.

44 Lollap en pirap oko me ian i nin lopu, pil kitaue ta i.

45 Jon ni klok uonu lel klok tuau rotarot puain ti jap o.

46 Niman klok tuau Jijoj ap uiri ta, nil lauta ta, inta ta, Ilai, Ilai, lama japaktanai? ienta, Ai Kot, ai Kot, ta me komui kajai ie lar.

47 Akai me u uajao, rona tar me, ap inta ta, Nan a eker Ilaija.

48 A, pitipit amen ir me tan ale lim eu, katui ti on

nan pinika, kau on nin alik eu, ki ton i en nim.

49 Akai me inta, Ieramen, kitail en majamajan ma Ilaija pan para ton toro i.

50 Jijoj pil uiri ta nil lant, ap katara la nen i.

51 A nar, perepa likau en im jaraui o ap pala pajon jon pali poa lel pa; o jap rerrera tar, o paip kai ronki lar;

52 O joujou kai jaripa tar; o joulau neter mamair ap iaja tar,

53 Piri ta to jon ni por en joujou murin a iaja tar, momait ton kanim jaraui o, janjal on me neter.

54 Jenturion, o me ian i jinjila Jijoj nara ta jap a rera tar, o meakan me uiai er, re ap majaka tar kaualap, katiti, Mealel i me Nain Kot.

55 O pil li kai mi uaja tou, ututial, me itauen tor Jijoj jon Kalili, papa i:

56 Akai ir me Meri Maktelin, o Meri in en Jemej i Jojej, o in en nain Jepiti kan.

57 Alao joutik pena, ol en Arimatia men kapuapua, me at anaki Jojep, ion en Jijoj men:

58 I ari poto ton Pailot, poki uar en Jijoj. Pilot ap majani uar a en pana la.

59 Jojep ale er uar a, ap likiti ki pena likau makolakol eu,

60 Ap niki ti on nan a joujou eu me a ueira tar nan paip: i ari katakatapura on takai lapalap eu nan au a, ap koti la jon.

61 A Meri Maktelin, o Meri

teiu, momot pon anim joujou o.

62 Lakop, ran en kaonop, leiap o Pariji kai pokon penan Pailot,

63 Katiti, Main, kit taman tar me ol likom o inta ta, ni a me maur, Pon lao jili pon I pan mauri ta.

64 Komui ari en majani jilepa en joujou o en mia, lao lel ran kajilu, pue a narok kan te ko to nipon, pirapa la i, katiti on aramaj, Nan a iaja tar: pue i me jaj imui pan juiti jon tapi o.

65 Pailot majani on ir, Puin jilepa mimi re mail: komail u ko ue, en katone la uajao tuen omail kak on.

66 Irail ari ko io la, katone la joujou o, kilele ki ti takai, o ki on puin jilepa.

IRA 28.

RAN en japat imuijok lar, manta, a pan ran pajon ni tapin uik, Meri Maktelin o Meri teiu ap ko ton ututial joujou o.

2 A, nar, jap rerrera ta kaualap: pue tounlan men ren Jioua para ti to jon nalan, o katapura jon takai o ni uanin, ap kaipoki ti on po a.

3 Jilani tue ta liol, o a likau me potapot raj on jno.

4 O jilepa kan ap majaka tar, rerrera tar, o likoma ta aramaj me lar kan.

5 Tounlan o kotin majani on li ko, Komail ter majak: pue I aja me komail rapaki Jijoj, me lopue lar.

6 A jonor kot met: pue a iaja tar, tuen a majani. Ko to, utial uaja Jioua niki ti maj o.

7 O tana ue, kaire ki a uarok kan, me a iaja tar jon a mata lar; a, nar, nan a tion mo mail koti lan er Kalili; i uaja komail pan tiara ta i: nar, I kop on komail ier.

8 Irail ari matan tana jon ni joujou o majak o peren kaualap; o tanatan puen kaire ki a uarok kan.

9 Irail tan ko lan kaire ki a uarok kan, nar, Jijoj ap tu on irail, majani, Ranmau. Irail ap kai on pori ti ni aluuilua, o poni on.

10 Jijoj ap majani on ir, Ter majak: ko ue kaire ki ri ai kan pue re en ko ie lan Kalili, i uaja re pan tiar ia.

11 Irail joma lar, nar, akai jilepa kan ko ton kanim o, kajale on leiap kan me uiaui er karoj.

12 Irail lao pokon penan joumaj kan, kapakaparok, re ap puain on jounpei kan kaualap ia,

13 Katiti, Komail kajoia, A uarok kan ko to nipon, pirapala i ni at me mair.

14 A ma kajoi pot et lel on monjap, kit pan kapon on i, o upor kin komail.

15 Irail ari ale moni kan, o uia ta tuen re katiti on ir: a kajoi pot me looki jili nan pon men Jutia kan koko to lel ranuet.


16 A uarok ekamen ko ue on Kalili, nan nana eu, me Jijoj kakalik er on ir.

17 Irail tiara ta i, re poni on i: a, akai me peikajal.

18 Jijoj ap koti ton ir, majani on, katiti ki, Uiapan nalan o jappa karoj mueta ton ia er.

19 Komail ari ko la, o jounpatakia ta toun jap karoj, paptaiji on irail mmar en Jam, o Na, o Nen Jarai.

20 Pataki irail re en katakataure ta meakan I kakalik on komail ier: o, nar, I pan tautaulol jili komail kokola ta, lao lel jappa imnijok la. Amen.



MONIN PAN MAK RONMAU.

IRA 1.

IET tapin Jijoj Kraij Nain
Kot a ronmau;

2 Tuen joukop oko me intinie ti er, Nar, I katara la ai joun kair men mo omui, me pan koki al mo omui;

3 Nil eu me katiti jili nanauel, Komail en koko mon Jioua, en kainene ta a al kan.

4 Maj o Jon kin uia paptaij nin jap tan eu, kaueue ta paptaijapan injino on lapua ta tip kan.

5 Toun Jutia kan, o toun Jirujalem karoj pokon ton i, irail ari paptaij la re a nan pillap Jortan, ueoka ta tip ar kan.

6 Jon me likauia ki tar uin en kamel, o uaiuai ki kilin man; o kankan manjiek o oni en nanauel;

7 O kaueue ta inta ta, Nan me lapa jon ia me itauen ia to, kijin jalepan a jut I jota mau on itioki ti lapua ta.

8 Mealel nai me paptaij kin komail pil: a i me pan paptaij kin komail Nen Jarau.

9 Katekateo ran teko Jijoj koti to jon Najaret en Kalili, ap paptaij lar ren Jon nan Jortan.

10 A matan ni a koti ta jon ni pil o, ap majani nalan a riti tar, o Nen Jarau mom en muroi piri ti ton po a:

11 Nil eu pei ti to jon nalan; katiti, Nai kompokepa I komui, me I peren ki tar.

12 A matan Nen Jarau me kalua ue i jap tan eu.

13 I ari kotikot jap tan o ran pa naul uia jonojon pan Jetan; o tontola man laualo kai; a tounlan kai me apuali i.

14 Katekateo Jon loti lar nan imton, Jijoj ap koti ton Kalili, kaueue ta ronmau en muein Kot,

15 O majani, kokop eu anjou uet, muein Kot puai tar: komail en injino, o kamealele ronmau.

16 Nin tokan a momait niman lein Kalili, nan a tiara ta Jaimon, o ri a ol Anteru, lalait jili: pue ira joujet.

17 Jijoj majani on ira, Koma en itauen ia, I pan uia kin koma joujet en aramaj.

18 Ira matan kaje la ara uk kai, o itauen la i.

19 A lao koti la ekij uaja, ap tiara ta Jemej nain Jepeti, o ri a ol Jon, mi pon jop o uone on ara uk kai.

20 I ari molipe ira to: ira

ari peiti ti jam ara Jepeti
nin jop o ren litu kai, re ap
itauen la i.

21 Irail ko ton Keperniom;
lao ran en japat a koti lon
on nan im en patak, kaueue
ta.

22 Irail me uapon ki a pa-
tak kan; pue a petepet pa-
tapataki, jo tue jounintin
kan.

23 Nan ol men ian mi nan
im en patak o me nen jaot ti
po a; i ari uiri ta,

24 Inta ta, Ko jon kit; ta
me je en uia re omui Jijoj
men Najaret? Komui koti
ton kame kit la? I aja ko-
mui me Nain Kot Jarau.

25 Jijoj ari kitaue ta i, ma-
jani, Ko en nennen la ta, ko
ti jon i.

26 Nen jaot lao kante pa-
jon i, uir lauta ta ap kari ti
jon.

27 Irail ari uapon tar, pe-
peitok nan pon ar, itetok,
Ta kot et? ta patak kap-
pot et? pue nan a patik ma-
jani nen jaot, irail ari peiki
on i.

28 I ari pitipit lomu in jili
nin jap karoj pon anin Kalili.

29 Irail koti ti jon im en pa-
tak o, re ap ian Jemej o Jon
petalon on im en Jaimon o
Antru.

30 A in en Jaimon a paut
me onon ki nan kili kan ka-
rakar; ir ari kaire kin i i.

31 I ari koti ton kaua ki ta
i pa a: ari a karakar ap jara
jon i, i ari u papa irail.

32 Alao joutik pena kati-
pin kiri lar, re ua pena imp-
a me jomau karoj, o me tepil
ti poa.

33 O toun kanim o me imui-
jok pena pan uanim o.

34 I ari kakela ta me jomau
neter, kauja ue jon tepil kai;
o inapui ti tepil kan re ter
lallal, pue re aja tar i.

35 A manta ni a jaik ma-
rain pajon, a koti la uaja rir,
kapakap.

36 Jaimon, o ion a kai, me
itauen la i.

37 Irail lao tiara ta i re ap
katiti, Irail karoj raparapaki
komui.

38 A majani on ir, Kitail
taulul ue on kanim teko, pue
i en pil pataki uajao: pue i
me I ko to ki.

39 I ari pataki jili nan ar
im en patak kai papan ki jili
nan uein Kalili karoj, o ka-
kauj tepil.

40 Ol tukatuk men ap ko
ton i, pokipoki kelipuki, ka-
titi, Ma komui kupure ta
kom pan kamakol ia ta.

41 Jijoj ari kupuro ki, poka
ta lim a, jair i, majani on i,
I men; ko en makolakola ta.

42 A majani ue ta, a tuka-
tuk ap mo ti, i ari makola-
kola tar.

43 I ari patiki ti i, ap katara
la;

44 Majani on i, Kalaka ko
te katiti on meamen: a ko
en ko ue la kajale on pein uk
ren joumaro, o mairon ki ta
me Mojej majani, men kapon
on irail.

45 A, nan a ko ie la kapapara jili, o kajukajui ki, Jijoj ari ap jola kak janjal koti ton kanim o, i ari kin kotikot liki, uaja rir kai; irail pokopokon re a jon ni jap karoj.

IRA 2.

KATEKATEO ran teko, Jijoj pil puro ton Kerpniom, ap looki jili me a kotikot nan im o.

2 Me neter ap matana pena, im o koita la, jola uaja re en autauten ir, jola niman im o: i ari kaueue on ir.

3 Irail ari pokon ton i, ua ko to me jomau rerrer men, me pa men roua.

4 Irail jola kak kai on imp a aki pokon o, irail pala pajon palon en im o, re ap kakiri ti rou me jomau uenti po a.

5 Jijoj me ani ar pojon ap majani on me jomau o, Nai, tip om kan me lapua jon uk tar.

6 A jounintin kai mot uajao, matamataua,

7 Ta me ol men et lallal mal ki? ij men lapua ta tip? Kot eta.

8 Jijoj matan ania ta ar matamataua nan pon ar, ap majani on ir, Menta komail matamataua?

9 Ia me monai ren me intai on me jomau rerrer, Tip om me lapua jon uk tar, te inta ta, U ta, ki ta ki om, u ko ue?

10 A pue komail en aja me Nain aramaj me utan la-

pua ta tip ni jappa, (nan i me a inta ki on me jomau rerrer,)

11 I intai on uk, U ta, ki ta ki om, ko ue lan im om.

12 I ari pitipit u ta, ki ta ki a, alu ue mo rail karoj: irail ari uapon tar, kapina Kot, katiti, Je jaik nara ta tuen met koko to.

13 I ari koti la pon oror en jet o; a ir karoj pokon ton i, i ari patakin ir.

14 Ni a kotikot tauli, ap majani Lipai nain Alpioj a momot kaon arail nopue, ap majani on i, Komui en itauen ia to. I ari itauen to.

15 Katekateo Jijoj kaipoki ti jak nan im a, puin me lemai o me tipan tontola Jijoj o ion a pue re me neter, o re uaroki on i.

16 Puin jounintin o Pariji lao utial i a tontola puin me lemai o me tipan jak, re ap peitok ren ion a, Tatuen a kin nom o nim ren me lemai o me tipan?

17 Jijoj me ania ta ap majani on ir, Kaitin me kelail kin anane jounuini, me jomau ta: Kaitin me lelapok me I ko ton eker a ton injino, me tipan ota.

18 Ion en Jon o Pariji kai kin kaijevole: ir ari ko to itok re a, Ta me ion en Jon o Pariji kaijevole ki, a ion omui jo?

19 Jijoj majani on ir, Ta, puin nain li kamot pan kaijevole nin tokan ol kamot ian

ir? nain ol kamot ian ir, re jota pan kaijevole.

20 A katekateo ol kamot pauka jon ir, re ap pan kaijevole.

21 Jota me kin teik on likau kap ni likau marin; pue likau kap me teik on te kamueta pajon likau marin, por ari pan lauta la.

22 Pil jota me kin touk on uain kap ni potel marin kai; pue uain kap te pala pajon potel ko, o uain uitoki la, o potel ka ola: mak uain kap en touk on ni potel kap.

23 Katekateo a kot en ueit nan mot en kon ran en japat; a ion a kai ap tolun uan kon til ue ta.

24 A Pariji kai kajoi on i, Nar, ta me re uia ki me jota inen uia ran en japat?

25 A majani on ir, Komail jaik toropua ta me Tepit uia ta ni a anane, o men jak, i, o me ian i?

26 Tuen a petalon on nan tanipaj en Kot ni muein Apiata me joumaro, o jak pret kilel, o neek on ir me ian i, me jota inen en tunole, joumaro ta?

27 A majani on ir, Ran en japat me utan papa aramaj, kaitin aramaj utan papa ran en japat:

28 I me Nain aramaj pil utan poe ki ti ran en japat.

IRA 3.

KATEKATEO a pil pur on nan im en patak; a

ol men mia me pa a motora la.

2 Irail ari majamajan i, ma a pan kakela ta i ran en japat; pue re en kainaki i.

3 I ari majani on ol me pa a motora la, U ta.

4 Ap majani on irail, Me inen uia mau ran en japat te uia juit? en kamakamaur te kame la? A re japemokit.

5 Jijoj anian aupuili jili po rail kupuro ki ar kapi takai, ap majani on ol o, Ki ta ue pa om. I ari ki ta ue: pa a ap kelail on pali teiu.

6 Puin Pariji matan ko ie la ren puin ion en Erot kapakaparok ki tuen ar pan kamata la i.

7 A Jijoj uk a uarok kai koti ton ni oror: o pokon kalaimun itauen la i jon Kalili, o Jutia,

8 O Jirujalem, o Itumia, o pali la jon Jortan; o toun liman Tair o Jaiton, pokon kalaimun re rona ta tuen a uia manaman kaulap re ap pokon ton re a.

9 I ari majani on a uarok kai, kijin jop pot en kaonop on i aki pokon o, pue re te tonoton imp a.

10 Pue a kakela tar me neter; ir ari ton on imp a puen toke i, puin me jomau.

11 O nen jaot kai utial i, ap popi ti mo a, uiri ta inta ta, Nain Kot komui.

12 I ari petapet mamajani on ir, re ter kaire kin i.

13 I ari koti ta la nan

nana eu, ap moliye ton i me a kupure ta; ir ari pokon ton re a.

14 I ari katorore ta ekriamen ko, pue re en ieian i, pue a en poron ir jili pata-patak,

15 O pue re en kakela ta me jomau, o kauj tepil kan.

16 A Jaimon a ki on at a Pita,

17 O Jemej nain Jepeti, o Jon ri en Jemej, (me a pil ki on at ara Poanerjej me Nain nanjapue:)

18 O Anteru, o Pilip, o Partolomu, o Matu, o Tomaj, o Jemej nain Alpioj, o Tatioj, o Jaimon men Kenan,

19 O Jutaj Ijkariot me pana la i: irail ari ko ton nan in eu.

20 O pokon pil pokon pena, ir ari jolar kak mona.

21 A jou i ko lao rona ta, re ko ton jaik i; pue re inta ta me a iaka lar.

22 A jounintin kai me ko ti to jon Jirujalem katiti, Nan a katikati Peeljipop, o kaon en puin tepil me a kakauja ki tepil.

23 I ari uoron ir to ap kaparok ki on ir, Pala Jetan pan kauja ue Jetan?

24 Muei eu muei pajon nan a jota pan puai ta.

25 O penainai eu liak toror pajon, a jota pan puai ta.

26 O ma Jetan pein kaonta o liak toror, a jota pan u ta, a pan paka la.

27 Jota me pan kak kulia

ta im en ol kelail, o kaeo la a kapua, ma a jo jalie ti ol o maj; i ari ap pan kuli im a.

28 Mealel I katiti on komail, Aramaj pan lapua jon tip ar kan, o lalaue kan me re lalaue:

29 A meamen lalaue Nen Jaraui jota pan lapua ta, a, a pan komakom jo tuk:

30 Aki ar inta, Nan a katikati nen jaot.

31 Ri a ko o in a, ap ko to u liki o, ilok ton i, ekeker.

32 A pokon o momot imp a; ap intai on i, Nar, in omui o ri omui oko monen kin kainoma komui.

33 I ari japon ir, itok, Ij me in ai, o ri ai?

34 I ari anpuili jili po rail me mot imp a, ap majani, Nar, in ai, o ri ai pukat!

35 Pue karoj me uiauia kupur en Kot, nan i me ri ai ol, o ri ai li, o in ai.

IRA 4.

KATEKATEO a pil kauue ta pon oror: o pokon kalaimun kapili pena i, i ari kara tan pon kijin jop pot, me pepe nan jet o; a pokon o momot pena pon oror.

2 I ari kapakaparok ki on ir karajepan patak me neter, katiti,

3 Ron; Nar, joumot men me poto ton kamoroki jili:

4 Ni a kamokamorok, nan akai me mori ti pon kailan al, puin man pir ap nom ir la.

5 Akai mori ti uaja takain,

uaja puel petepet; a matan oja ta, aki jota puel lol:

6 A katipin takara ta, nan a moni ti; o me la aki jota kalaua.

7 Akai mori ti nan uel en karer, o karer, uoja ta kajoke la, ap jola kaparapar.

8 A akai mori ti nan puel kajalel, o pua ta kaparapar, ua, akai pan pak me jili jok, o akai uone jok, o akai me apuki.

9 A majani on ir, Me jalon a mia en ron uaja, i en ron.

10 I lao keleip la, toun me imp a, o me ekriamen ko, ap kalelapok re a tuen kaparok pot et.

11 A majani on ir, Komail utan aja tiak en muein Kot: a men liki re en aja jon nin kaparok kai me pukat:

12 Pue re nar, a jota nara ta; o ron, a re ter rona ta; pue re te uikitoki la, o tip ar lapua jon ir.

13 I ari majani on ir, Komail ponapon ki kaparok pot et? a pala komail pan aja kaparok karoj?

14 Joumot o me kamoroki jili majan.

15 A me pukat me mori ti pon kailan al, uaja majan mori ti; a re rona ta, Jetan ap ko ton katia jon majan me mori ti er nan kapet arail.

16 O me pukat mori ti nan uaja takain; me rona ta majan o, ap matan popul apuali;

17 A, jota kalaua, ir ari pual

ta maj: a katekateo re jono-jon o komakom ki majan, re ap nomanok ta.

18 O me pukat me mori ti nan uel en karer; me kin rona ta majan,

19 A lamalam en jappa, o kanonepan pail o noroka okotome pual ta, kajoke la majan, ap jota ua.

20 O me pukat me mori ti nan puel kajalel; me kin rona ta majan, o apuali, o kaparapar, akai pan pak me jili jok, o akai me uone jok, o akai me apuki.

21 A kotin peitok re ir, Ta, lamp utan ki ti ni pan kopa o pank? a, jo pon teu i?

22 Pue jota mearir kot, me jo pan katiaroka ta; pil jota me okiok kot, me jo utan kajanjala ta.

23 Meamen jalon a en ron uaja, i en ron.

24 A majani on ir, Komail kalaka me komail ron. Pue tuen omail kijakija a pan tupuk on komail; o a pan katunole laut on komail me ronaron.

25 Pue a mia, pil ekij pan ko on; a, me jo a, me tar ekij mia a pan roja jon.

26 A majani, Nan i tuen muein Kot, raj on ol men me patuki ti nani puel uan tuka;

27 Ap pueti, piri ta nipon o niran, a ua o uoja ta koko ta, i ari jaja tiak a.

28 Pue jap kin pein kauoje ta tuka; maj katoka, ap lukkapa, a muri ua para ta.

29 A katekateo ua ma la a kin matan ki on kapit en tolun, pue a raka la.

30 A pil majani, Ta me kitail en karajai on muein Kot! a ta me kitail en kajojon on?

31 Nan a raj on uan jinapi me mori ti on nani puel me kin me tikitik jon ni ua karoj mi nani puel:

32 A lao mori ti, ap uoja ta kalaimun jon tip kan, o kajona pajon me laut; man pir kai ap kin uenti pan mot a.

33 A kaparok me neter me a karajai on ir, tuen re ueue ki ta.

34 A jo kaparok a jota kin patakin ir: irail lao keleip la, ap kauue on meakan a uarok ko.

35 O ran ota, lao joutik pena, na, a majani on irail, Kitail taulul lan pali o.

36 Irail katara la pokon o, re ap uk i a kotikot pon jop ota, itan la. O pil akai jop tikitik mi re a.

37 Ap melimeli ta, o iluk punapun ton nin jop, ap pui-lipuil, pan mau i ti.

38 I ari jaijaimok nan muri pon uilina: irail ari kaopa ta i, o peitok, Main, komui jo pok on kit, at pan me la?

39 I ari kipa ta, kitaue la melimel, majani jet o, En mola ti. Ap jola an, a mole la.

40 I ari majani on irail, Ta me komail majapuek ki? ta-tuen omail jo liki?

41 Irail majapueka ta kaua-

lap, kajokajoi nan pon ar, Tatuen ol men et me an o jet oke?

IRA 5.

IRAIL ari kote la jet o, ko ton nan uein Katari.

2 I lao koti to jon nin jop o, ol me nen jaot ti po a me tana ton i jon nin joujou kan.

3 Nan i me kaukaujon nan joujou kan; jota me kak jalie ti i, jo jalmatia ti:

4 Pue pan me neter a kin jalie ki ti jal en ne, o jalmata, a nan a kamueta pajon jalmata ko, o jal en ne: a jota me kin kamanta la i.

5 A potopot, nipon o niran, a kin mimi nan nana, o nan joujou kan, uiriuri jili, o pein loke ki i takai.

6 A i lao tiara ta Jijoj a tou, ap matana ton i tairuki ti,

7 Uiriuri ta, inta ta, Ta me i en uia re omui Jijoj Nain Kot lapalap? I kau ki lan komui Kot pue komui en ter kauairok ia.

8 (Pue a majani on i, Nen jaot, ko en ko ti jon ol en.)

9 I ari kotin peitok re a, Ij at om? I ap japon Lijon: pue kit me neter.

10 Ol o nitiniti ki i en ter kauj ir la jon ni jap o.

11 A puin puik kalaimun mi impan nana o monamona jili.

12 A tepil ko nitiniti ki i, inta ta, Katar kit ta, pue kit en til lon nan puin puik o.

13 Jijoj ap in ki on ir. Nen jaot ko ari ko ti jon, til lon on puin puik o; a puik ko ap

ukuk ti *on* nan jet, uaja kon-
kon, ap mopi la (irail me im-
pan ria kit.)

14 A me kamona puin puik
o tana jon kaire ki jili nan
kanim o, o nan jap. Irail
ari ko ie la kalelapok ki me
uiaui er.

15 Irail ko *ton* Jijoj utial
me tanuaran tepil, o me li-
jon, a momot, o mi nan likau,
o me lolikon lar; irail ari ma-
jaka tar.

16 A puin me ututial me
kaire kin irail tuen a uiaui
on i me tanuaran tepil, o
tuen puin puik.

17 Irail ari nitiniti ki i en ko
la jon jap arail.

18 I ari koti *ton* nin jop o,
a me tanuaran tepil o poki i
en mimi re a.

19 A Jijoj jota in ki *on* ma-
jani, U ko ue *on* teu om, o
jou om, o katiti ki *on* ir tuen
manaman me Jioua uiai *on*
uk er, o pok *on* uk.

20 I ari ko la, ap katiti ki
nan Tikapolij tuen manaman
me Jijoj uiai *on* i er: irail
karoj uapon tar.

21 A Jijoj me *ian* jop kote
to jet o porio, aramaj me
neter pokon imp a; i me
kotikot pon oror.

22 A nar kaon en im en pa-
tak men, me at a Jairoj, ape
to; i ari tiara ta i, ap tairuki
ti jon,

23 Nitiniti ki i, katiti, Nai
jeripein men me tora lar: I
poki komui en koti *ton* jaire
ki i lim omui, pue i en kelail;
i ari pan kelaila tar.

24 Jijoj ari *ian* i koti la; o
aramaj me neter itauen, o
tonaton impa.

25 A li men me int a puili-
puili ta par naul riau,

26 O me kalokalok ren joun-
uini kai, o noti ki la a tipejo
karoj, a jota lupa, a tora la,

27 I lao rona ta Jijoj, ap til
lon *on* nan pokon o, likin ja-
kiri, jaira ta a likau.

28 Pue a intata, Ma I toke
a likau I pan kelaila ta.

29 A pitipit puilipuil en int
a mata ta; i ari pamok ki me
uar a kelaila tar.

30 A Jijoj matan kaan ta
me manaman ekij ko jon er,
ap jope to'ni pokon o peitok,
Ij me toke ia?

31 A ion a kai japon ki, Ko-
mui ututial pokon o tonaton
impa omui, a majani, Ij me
toke ia?

32 I ari aupuili jili puen
tiara ta me uia ta me.

33 A li o majak o rerrer,
kaan ta me uiai *on* i er, ap
puro to, tairuki ti imp a, o
ueoka ta meakan.

34 Jijoj ari majani *on* i,
Nai, om pojon me kakelai
uk ta; u ko ue popol, o jare
jon om jomau.

35 A nin tokan a kajokajoi,
men kair kai ap ko to jon
nan im en kaon o, me katiti,
Nom jeripein o me lar; Ta
me komui kaponai Joupe-
ti o?

36 Jijoj ania tar ar kair, ap
majani *on* kaon en im en pa-
tak, Ko ter majak, en pojon
ta.

37 I ari jota in ki meamen

en itauen to i, Pita ta, i Jemej, o Jon ri en Jemej.

38 I ari koti ton im en kaon en im en patak o, o majani ar moramoron, o maiie kaualap.

39 I lao koti lon on, ap majani on irail, Ta me komail moramoron ki, o maiie? jeripein o kaika ta me la, a memair eta.

40 A irail kapikapit kakaurur ki i. A i lao katar ir lar, ap uk jam en jeripein o, o in a, o me ian ira ko, petalon on nan pera uaja jeripein a onon ia.

41 I ari lima ki ta pa a jeripein o, majani on i, Talita kumi; ape, Jeripein, (I intai on uk) pauri ta.

42 A jeripein o matan piri tar, alu; pue par naul riau mi er po a. Irail ari uapon tar kaualap ia.

43 I ari patik majani pue meamen te aja; ap majani kijin mona en ko on i.

IRA 6.

JIJOJ ap koti la jon uajao, ap koti ton ni jap ue; o ion a kai itauen la.

2 Alao ran en japat, i ap patapatak nan im en patak eu: o me neter rona tar ap uapon ki tar, itetok, Lap ki jon ia me pukat? o ia tuen a lolikon, pue en kak on uia manaman pukat?

3 Kaitin i me kapenta, nain Meri, o me ri en Jemej, o Jojej, o Juta, o Jaimon? o ri a li ko, re jo kaukaujon re atail? Irail ari nomanok kin i.

4 Jijoj ap majani on ir, Jou-

kop jota kin jo kaiparok, ni jap ue ota, o ren jou i kai, o ri a.

5 I ari jota kak uia manaman uajao, me jomau kai eta me a puil po ar lim a, o kakel ir ta.

6 I ari uapon ki tar ar jo pojon. Ap pataki jili kanim kan.

7 I ari molipe ton re a ekriamen ko, ap kampuor ir jili; kajapuul irail tan pon ani mal kan;

8 O majani re en ter ua kapin uar arail, jokon ta pot; jo et, jo mona, pil jo moni:

9 A re en ko on jut; o ter ua jakit riau.

10 I ari majani on irail, Im eu me komail petalon on, komail en mimia lao komail jipala ue jon jap o.

11 A me kan kajamo komail, o ron, komail lao ko la jon, komail en jipeta jon ni ne omail puel, puen katete on irail. Mealel I intai on komail, Lao ran en kateik o Jotom, o Komora pan ria la tiki jon kanim o.

12 Irail ari poto pajon jili, katiti ki me aramaj en injino la.

13 O re pil kauja ue tepil me neter, o kei er me jomau kai, o kakel ir ta.

14 Erot nanmaraki men rona ta, (pue a looki jili) ap inta ta, Nan Jon Jounpaptaij o me iaja tar, nan i me manaman kai kin kajanjal ki tar i.

15 A akai me inta, Nan i me Iaija. O pil akai, I me joukop men, te tue amen joukop ko.

16 A, Erot lao rona ta, ap majani, Nan i me Jon, me I lipoka jon ual i: nan a iaja tar.

17 Pue Erot me iloka lan jaiki ti Jon, o jalie ti i nan imton pueki Erotiaj, en Pilip a paut me ri a ol; pue a pauta ki tar i.

18 Pue Jon me kapon on Erot, Nan jota pon omui kulia ta en ri omui a paut.

19 I me Erotiaj kailok ki i, o pan kame la i; a, a jota porion.

20 Pue Erot majak Jon, lel-apok ki me i ol inen men, a jota tip a, i ari taak i; o rona-ron mauki.

21 Katekateo ran toror, ran en Erot a ipui ta puriok, ap kamatipa na joumaj kai, o kapin, o jounkoua kai uein Kalili;

22 A nain Erotiaj na jeripein men koti to, o kakalok kamakamait Erot o me ian kaipoki ti imp a, joupeti o ap majani on jeripein o, Meakot kom poki re I, I pan ki on komui.

23 I ari kau la majani, Meakot komui poki re I, I pan muet on komui lao lel apali en jap ue I.

24 I ari ko ton kalelapok ren in a, Ta me I en poki? A japon ki, Ualin Jon Jounpaptaij o.

25 I ari matan ukuk ton nanmaraki o, poki, intata, I

men komui en, katekateo koti ki to monan Jon Jounpaptaij o, nan tal eu.

26 A nanmaraki o me topai la kaualap; a, aki a kau la, o me kaipokiti imp a kai, a jota kak kajapal.

27 Nanmaraki o ap katara la jounpei men, majani ual i en uijiki to: i ari ko la lipoka jon ual i nan imton o;

28 Ap touk on nan tal eu, ki on ren jeripein o; jeripein o ap ki on ren in a.

29 Ion en Jon ko lao rona ta, re ap ko to ale ta uar a jaripi ti.

30 Uanporon oko pokon ton Jijoj, kaire ki i ar uiauaia ka-roj, o ar kauene ta.

31 A majani on ir, Komail keleip ko ton uaja rir, o kamotole maj: pue me neter purepure ir, irail ari jola pijoki on mona.

32 Irail ari take la kijin jop pot okiok ko la uaja rir.

33 Aramaj utial ar majala uar, me neter aja tar i, ir ari japal ti on maj, tupenan i.

34 A Jijoj lao koti tor majani aramaj neter, ap kupuro kin ir la, aki irail raj on puin jip me jo jilepa rail: i ari patapatakin irail.

35 Katekateo uaja poni er, a uarok kan poto to katiti on i, Uaja rir uaja kij et, o uaja poni er:

36 Kom katar ir la, pue re en uatiuati jili kaujon o kanim kan, noti a ta kan ar mona: pue jota ar tunol meakot.

37 A japon majani on ir, Komail en kijakija ir. Irail ari itok, Ta, je en ko la not en tola ria jok ki pret, puen kija irail?

38 A peitok re ir, Lupon tapa mi re omail? ko ue kalelapok. Irail lao kalelapok re inta ta, Me limau, o mam ria men.

39 I ari majani irail en katorora pajon, monti nan re matarok o.

40 Irail ari monti nan momot kai, apuki ni eu, o limak ni eu, papan eta.

41 I lima ta lupon limau, o mam ria men ko, jara ta nalan kajakaj ki pilitiki pena lupon ko, ap ki on a uarok kai re en nene on irail; o mam ria men ko pil neek on irail karoj.

42 Irail karoj tunole lao meti la.

43 Irail ap oro pena aute-pan kiam ejok riau luan kamatip o.

44 O me toun ian tunole lupon ko impan lima kit.

45 I ari matan papain a uarok kai en pur on nin jop o, ti on maj jipala ue on Petjai-ta, ni a katara pajon aramaj ko.

46 I lao katar ir la ap koti ta la nan nana eu en kapakap.

47 Alao pon pena, jop o mi la nan ailepan matau, a keleip nan jap o.

48 I ari majani ar ponopon, o jaijai, pue an mai ai to: a katatekateo nalukepan pon Jijoj para ton ir, ueit pon jet, tena a pan tau li ir ue ta.

49 A irail utial i a ueit pon jet o, irail kiki on me i ani men, re ap uiri ta:

50 Pue irail karoj utial i, o majapueka tar. I ari matan kajokajoi on ir, majani, En popol: nai; ter majak.

51 I ari kara tan pon jop o, an ap mola ti: ir ari uapon tar kaualap, o pini tar.

52 Pue irail jota taman en lupon oko; pue kapet ar takai lar.

53 Irail lao kote to, re ap inen ton Jenejaret, o kaikai on nan jap o.

54 Irail lao kari ti jon nin jop o irail aja ta i matan,

55 O tanatan jili uaja karoj, o uijiki ton i naja re rona ta me a kot ia, me jomau kan pon pajapaj kai.

56 O kaujon, o kanim, o jap karoj me a kot ia, re puili ki ti nani al kan me jomau kai, pokipoki re en toke i ni imuin a likau; o me toke ta i ir karoj me kakela tar.

IRA 7.

PARIJI o jounintin kai ap pokon ton i, ko to jon Jirujalem.

2 Irail utial ion a kai jamin, (ape, jo omiom) mona, irail lipanete ta.

3 Pue Pariji, o men Jutia kan, jota kin mona ma re jo omiom pupuriok, uiaua en men kaua ar potok.

4 O irail pure jon ar notinot re jota kin mona ma re jo omiom. O pon neter me re rona ta uiaua uiten tal, o pot, o kopa peraj kai, o pank.

5 Pariji ko o jounintin ap itok re a, Ta me ion onui jo uiaua potok en men kaua ko, o mona jo omiom?

6 I ari japon ir majani, Meit mealel en Aijea a kopa tar komail malaun, tuen a intin, Aramaj pukat kin kakakin ia nan au ar, a kapet arail kin tou jon ia.

7 Ari me mal ar kautok ia, patapataki patak me ren aramaj.

8 Pue komail kin kajamalie la pon en Kot, it uiaua potok en aramaj, ape uiten tal o pot kan, o pil okotome me komail kin uia ta.

9 A majani on ir, Nan mealel komail kin kaje la pon en Kot, pue komail en apuali potok omail.

10 Pue Mojej majani, Kakaki jam om in om; o meamen linaranar on jam a in a, i en kame lar:

11 A komail inta ta, Meamen intai on jam a in a, Nan Korpan, ape, me jarau eu, me ko pan paii ki jon ia, i me jota tip a.

12 Komail ari kin jola muet on i en uiai on jam a in a meakot;

13 Kaokaoe ki omail potok, me pein komail tapia ta, majan en Kot: o pil akai uitin kija ta komail kin uiaua.

14 Jijoj moli pe ton imp a aramaj kan, ap majani on ir, Komail karoj en ron ia, o kalelapok on.

15 Jota meakot likin aramaj kin ko on lol i kajamine

la i: a meakan me ko ta jon loli, ir ota me kin kajamine la aramaj.

16 Meamen me jalon a mia, i en ron.

17 A i lao koti ton im eu jon ren aramaj ko, a uarok kan kalelapok ki kaparok o.

18 A majani on ir, Ta, komail pil jo lolikon? Komail jo lelapok ki, meakot likin aramaj ko on loli jota kak on kajamine;

19 Pueki a jota kin ko on nan kapeti, nan puria ta, ap pek ue ta, kamaue ta mona karoj?

20 A majani, Meakot ko ue jon lolin aramaj, i me kin kajamine la i.

21 Pue jon nan lolin aramaj lamalam juit kin tapi to jon, o nenek, o kilel, o kame la aramaj,

22 Lipirap, o noroka, o tip, o likom, o monpil, o narjuit, o linaranar, o lemai, o puepue:

23 Me juit pukat kin tapi ue jon lolin aramaj kajamine la.

24 I ari koti la jon uajao, koti ton uein Tair o Jaiton, koti lon on im eu, o men aramaj men ter tiar i; i ari jota kak riri la.

25 Pue li men me na jeripein nen uaj men ti po a, rona ta i, ap ko ton i, tairuki ti on aluuilua:

26 Li o men Krik men, ipuin Jiria, o Pinijia; i ari pokipoki re a en kauja ue jon na jeripein o tepil.

27 A Jijoj majani on i, Jeri kan en tunole maj: pue me jota mau en kulia jon jeri ar tunol, puen kaje ti on ren kiti kai.

28 A li o potoon on inta ta, Mealel Main: a, kiti kin tunole moramora jon ren jeri kai ni pan tepel.

29 A majani on i, Om katiti pot et me ko en ko ki ue; tepil me pakauja jon er nom jeripein.

30 I lao ko ton im a ap tiara ta me tepil ko jon er, o na jeripein o a onon nan teu i.

31 Jijoj pil pure jon nin uein Tair, o Jaiton ap koti ton lein Kalili, ueit nan uein Tikapolij.

32 Irail ua ton i me jalon pon, o loton men; irail ari pokipoki i en pull po a lim a.

33 I ari uk i koti la jon ni pokon o, ap ki lonon jonti en lim a nan jalon a, o likiti jair lo a;

34 Jara ta nalan, ajmamarata, majani on i, Epata, ape, Uajoka pajon.

35 A pitipit jalon a kan uajoka pajon, o jal en lo a lapua ta, i ari lokai mau.

36 I ari kainapui ti re ter katiti on meamen: a, a kainapui ir, i me re kalaute ki ar katiti jili i;

37 O re uapon tar kaualap intinta, Nan me mau ta a uiaua: a kin karon a ta me jalonpon kai, o kalokaia ta me loton kai.

IRA 8.

RAN teko pokon kalaimun lar, a jota jak ar, Jijoj ap moli pe to a uarok kan, majani on ir,

2 Nan I pokapoka pokon uet, aki ar ian ia pon jili pon, a, jota kijin mona:

3 O ma I katar ir ue ijejol, teu ar, re pan luet koko ue; pue akai ir men ilaue.

4 A uarok kan potoon on, Pala je pan kamatipa pokon uet ni nanauel uet?

5 I ari itok re ir, Lupon me tapa mi re mail? Re potoon on, Me iju.

6 I ari majani pokon en monti: ap lima ta lupon iju ko, kajakaj ki, o pilitiki pena ap nene on a uarok kan pue re en nene; ir ari neek on ir.

7 O pil mam kai me tikitik mia: i ari kajakaj ki, o majani re pil nene.

8 Irail ari mona, o met: re ap touk pena kiam iju en moramora, me lua ti.

9 Me toun ian mona me impan pa kit: i ap katar ir ue.

10 I ap matan ian a uarok koti ton pon kijin jop pot, koti la nan uein Talmanuta.

11 A Pariji kai pokon to, uituiutina, kalelapok re a, pokipoki kilel eu jon nalan.

12 A i me ajmamarata, majani. Ta me ti uet rapa-rapa ki kilel eu? Mealel I intai on komail, Jota kilel eu pan ko ton ti uet.

13 I ari pure jon ir, puro ton nin jop o, jipal lan pali o.

14 A uarok kan monoke la kapinuar ar, lopon tai eu ta mi ni jop o.

15 I ari kapokapon on ir, majani, Kalaka kalepan Pariji ko, o kalepan Erot.

16 Irail ari kajokajoi nan pon ar, Nan at jo ua kapinuar.

17 Jijoj me ania ta, ap majani on ir, Ta me komail kapakaparok ki en jo kapinuar omail? komail jaik kajauia ta, o jo ueue ki tar? komail lolipon ta?

18 Maj omail mia a komail jo nar? a jalon omail, a komail jo ron? a jo taman?

19 Nin tokan ai nene on me lima kit lopon limau, kiam tapa me tiri ki moramora me komail niki ta la? Re potoon on, Me ek riau.

20 O nin tokan lopon iju ren me pa kit, kiam en moramora tapa me komail niki ta la? Re potoon on me iju.

21 A peitok re irail, Ta me komail jo lelapok ki?

22 I ap koti ton Petjaita; ir ari ua ton i ol majkun, o nitiniti ki i en jair i.

23 I ari lima ki ta ol o pa a; o kalua la i jon kanim o, likiti on maj a, o puil po a lim a kan, ap itok ma a jo nara ta uaja.

24 I ari jara ta, inta ta, I nara ta tuka kai likomata aramaj alialu jili.

25 A pil puil pon maj a lim

a kan, o kajara ta i; i ari ke-laila ta, o utial mau aramaj kan.

26 I ari katara lan i im a, majani on, Ko ter pur on kanim o, pil ter kaire ki meamen mi nan kanim o.

27 Jijoj o a uarok kan ap kakan jili kanim en Jejaria Pilipai kan: o ni a kotikot ko ue a itetok ren a uarok kan, Ij me aramaj kiki on me nai?

28 Irail potoon on, Jon Jounpaptaij: a akai Ilaija; a akai amen joukop oko.

29 A majani on ir, A komail, ij me komail kiki on me nai? Pita potoon on inta ta, Kraij komui.

30 I ari kainapui ti re ter kaire ki i on aramaj.

31 I ap tapi ta pataki ir me Nain aramaj en kalokalok, o pakauja jon ren joumaj kan, o joumaro, o jounintin, o en kame la, o kajilu en ran a pan mauri ta.

32 Katiti pot et a pataki ue janjal. A Pita uk i pan kapokapon.

33 A Jijoj jope to aupuili jili pon a uarok kan, ap kapon on Pita, Ko en jipal la mur i, Jetan koa: pue kaitin Kot, aramaj eta me ko puilipuli jon.

34 I lao molipe ton i aramaj kan, o a uarok, ap majani on ir, Meamen pan uaroki on ia, i en pein tonmete ki i, o ua ta a lopu itauen ia to.

35 Pue meamen keleip ki maur i pan katia a jon; a meamen tonmete ki maur i pueki nai o ronmau, nan i me pan tiara ta maur i.

36 Pue ta me aramaj paii ki ma anaki pena jappa, ap katia jon nen i?

37 O ta me aramaj pan ki ta kajapalepan nen i?

38 Ari meamen me nomanok kin ia o ai patak, nan ti juit uet, nan i me Nain aramaj pan nomanok ki, a lao ko ki to linan Jam a tontola tounlan jarau kan.

IRA 9.

A MAJANI *on ir*, Mealel nai me kokop *on komail*, Akai me ian mi met me jota pan me la ir lao utial muein Kot a ko ki to manaman.

2 Katekateo pon uone pon Jijoj ap uk Pita, o Jemej, o Jon, kalua ir ta lan pon nana eu ilela, uaja rir: i ari uiki lar mo rail.

3 A likau me potapota lar me lonalon kaulap jota men lopalop kin kapote la raj *on ir*.

4 Mojej o Ilaija ap para ta: ira me kajokajoi ren Jijoj.

5 Pita ap potoon *on katiti on Jijoj*, Main meit mau atail mimi met: kitail en kua ta im jilu; im omui eu, en Mojej eu, o Ilaija eu.

6 Pue a pini tar; pue re mapueka tar.

7 Pali en tapuok me katu-pual irail ti: o nil eu pei ti jon nin tapuok o majani, Nai

ol men me kompokepa I: komail en ron i.

8 Irail ap nanar jili, ap jolar me re nar, Jijoj eta me ian ir.

9 Irail koko ti to jon nin nana o, a majani *on ir* re ter kaire ki meamen me re nara tar, lao Nain aramaj iaja ta jon a mata lar.

10 Irail ari etia pena katiti pot et nan pon ar, itetok pena tuen ueue en a pan iaja ta.

11 Irail ari peitok re a, Ta me jounintin kan katiti ki me Ilaija en para to maj?

12 I ari japon majani *on ir*, Mealel Ilaija pan ko to maj, kapuaia ta meakan; o tuen a intin iren Nain aramaj me a pan komakom pakauja la jon.

13 A nai me intai *on komail*, Ilaija para to er, o irail uiui *on i er* tuen ar lamalam, tuen a intinie ti.

14 I lao koti ton a uarok kan, ap majani pokon kalaimun kapil ir pena, o jounintin kai peipeitok re ir.

15 A aramaj karoj lao nar i, re ap puiriamui la, o tana pena ranmau *on i*.

16 I ari peitok ren jounintin kai, Ta me komail peipeitok ki re ir?

17 Amen toun pokon o potoon *on katiti*, Main, I poto ki ton komui nai ol men, me ani loton ti po a;

18 A uaja karoj a ti po a, a kin kante pajon i; i ari kin putoput, o teterok ni, o titi lar: nai ari poki uarok omui

kan ren kauja ue jon i; ir ari jota kak.

19 A japon i majani, Komail meit jo peik, arai ta I pan mimi re omail? arai ta I en kokoua komail? en ua ton ia i.

20 Irail ap ua ton i: i lao majani i, nen ap kante pajon i; i ap popi ti nani puel, putoput katakatapure.

21 I me kainoma ren jam a, Arai ta me a kin tue? A potoon on, Ni a naitik.

22 A pak me neter a kin jikon ti on i nan iai, o nani pil, puen kame la i: a ma komui kak uia, en kaponlol on kit, o apualia la kit.

23 Jijoj ap majani on i, Ma ko peik, nan meakan kak on me peik, kamealele.

24 A matan jam en jeri o jonijon uiri ta, Main, I kin peik eta; komui katinai ia ta ai peik.

25 Jijoj majani aramaj tana pena, ap kitaue ta nen jaot majani on, Koa nen japemokit o jalonpon, I intai on uk, en ko to jon i, ko ter pur on.

26 Nen ap uiri ta o kante pajon i, o ko to jon loli: i ari me la; akai me inta, Nan a me lar.

27 A Jijoj me lima ki ta i pa, kaua ta; i ari u ta.

28 I lao koti ton im o a uarok kan peitok okiok re a, Ta me kit jo kak kauja ki ue i?

29 A majani on ir, Jota me jon uet kak pakauja ki ue jon, kapakap o kaijole eta.

30 Irail ap koti la jon uaja-

o kakan Kalili; a men aramaj en jaja me.

31 Pue a pataki a uarok kan majani on ir, Nain aramaj me pana lar pan me juit kan, irail pan kame la i; i lao kame lar a pan mauri ta ran kajilu.

32 A irail ponapon ki a majan, a re majak kalelapok re a.

33 I ap koti ton Keperniom: ni ar kotikot nan im o ap itok re ir, Ta me komail akamai ki nani al o?

34 Irail japemokit: pue nani al o re akamai ki me pan joumaj re irail.

35 I ari kaipoki ti, o molipecton i ekriamen oko, majani on ir, Me aka momo nan i me pan tikitik, o papa.

36 I ari ale kijin jeri men ki ti on i nan pon ar: ap paloti i, majani on ir.

37 Meamen me apuali jeri tue men et pueki nai, nan a apuali ia; o me kin apuali ia, kaitin nai me a kin apuali, a me katar ia tor.

38 Jon me potoon on i, kati-ti, Main, je tiara ta ol men me ikitikin komui a kauja ki ue tepil ko, me jota kin itauen kitail, kit ari inapui ti i, pue a jota ian kit.

39 A Jijoj majani, Eter inapui i: pue me papa kin ia uia manaman, jota pan me mal kin ia.

40 Pue me jo kaokaoe kit kin ian kit.

41 Pue meamen me pa kin ia ki on komail tal en pil eu

aki nain Kraij komail, I katiti on komail, mealel a jota pan katia jon puaip a.

42 A meamen me kaeo amen jeri, pukat me peiki on ia, nan a pan mau on i ma a pautok on petelap eu, kakiri la nan matau.

43 Ma pali pa om kaeo uk, en lipoka jon : nan a pan mau on uk lipok ko on maur, jon me pa pokon en lokatok la nan el, nan kijiniai jakakun :

44 Uaja ar muaj jota kin me la, o kijiniai jota kin kun la.

45 Ma pali ne om kaeo uk, en lipoka jon : nan a me mau on uk en lipok ko on maur, jon ne pokon lokatok la nan el, nan kijiniai jo kun la :

46 Uaja ar muaj jota kin me la, o kijiniai jota kin kun la.

47 Ma pali maj om kaeo uk, en kapita jon : nan a me mau on uk pali maj om ko on nan uein Kot, jon maj pokon pakauja ti on lein kijiniai :

48 Uaja ar muaj jota kin me la, o kijiniai jo kun la.

49 Pue karoj pan tolo ki kijiniai, o koleir pan tolo ki jol.

50 Me mau jol : a me jol jara jon, ta me komail pan kanomanom mau ki ? Komail en ki la nan kupur omail jol, o en minimin pena.

IRA 10.

J IJOJ ap koti la jon uajao, koti to liman Jutia pali la jon Jortan ; aramaj ap pokon ton imp a, i ari pil pur on patakin ir.

2 Pariji kai ap ko ton ale kin i kapeitok, Me inen ol men en mueta ta jon a paut ?

3 A japon ir majani, Ta me Mojej majani on komail ?

4 Irail potoon on, Mojej me mak ki ta intin en kamueta, o kamueta ta i.

5 A kotin majani on ir, Omail kapi takai me a intin ki on komail patak pot et.

6 A nin tapin kaua koko to Kot me uia ta ira ol o li.

7 I me ol pan mue to ki jon jam a o in a, ap pat on a paut.

8 Ira ari pan aramaj ta men : ira ari jola me ria men, pat tai eu.

9 Me Kot kapata pena, aramaj ter ki pajon.

10 A uarok kan lao pokon nan im o re pil kainoma re a tue me.

11 A majani on ir, Ma ol men ka je la a paut, ap pauta ki amen a kin kaneneki i.

12 O li men kaje la a paut, ap pauta ki amen, nan a ne nek.

13 Irail ua ton i jeri puelei kai, pue i en jair ir ; a uarok kan ap kapoui ir ta me ua to ko.

14 A Jijoj majani me ap anian ki tar, majani on ir, Katara ton ia puin jeri puelei, eter inapui irail ti ; pue tue irail me toun uein Kot.

15 Mealel I intai on komail, meamen me kan raj on jeri puelei a mot on muein Kot, nan a jota pan kak on loli.

16 I ari palo irail ti, puil po irail lim a, kamauia ta irail.

17 I lao koti lar nani al o, ol men me tanatana ton i, tairuki ti jon, potoon on, Jounpatak mau, ta me I en uia ta puen ale maur potapot?

18 Jijoj ari majani on i, Ta me ko inta kin ia me mau? metamen me mau, Kot eta.

19 Komui aja kujenot oko, Ter nenek, Ter kame la aramaj, Ter pirap, Ter kineikinei mal, Ter kotaue, Kakaki jam om o in om.

20 I ari potoon on katiti on i, Main, i me pukat I kin uiauia jon ai tikitik koko to.

21 Jijoj mamajani i ap poke la, majani on i, Me ta kij lua: kom koti la noti ki la om paili, nene on me jamama, komui ap pan kapuapua nalan; en puro to ua ta om lopu itauen ia to.

22 I ari mauka ki tar patak pot et, ap kaporapor juit, ko ie la: pue i me kapuapua kaualap ia.

23 Jijoj ap aupuili jili pon a uarok kan, majani on, Nan me apual me kapuapua en ko ton nan uein Kot!

24 A uarok kan ap ponapon ki a majan ko. A Jijoj kotin majani on ir, Main ko, me apual on me kela ki ar kapuapua re en ko on nan uein Kot!

25 Nan me monai kamel en til on nan au en tikok potjon me kapuapua en ko on nan uein Kot.

26 Irail ari me uapon ta kaualap, katiti nan pon ar, Ari ij me pan, kak on maur?

27 Jijoj mamajani po irail, majani, Nan a jo kak on aramaj, a, Kot me a kak on: pue ren Kot karoj meakak.

28 Pita ap katiti ki on i, Nar kit me likitmalie la meakaroj, o itauen jili komui.

29 Jijoj ap majani, Mealel I intai on komail, Jota aramaj men me kaje la im a, o ri a ko, o jam a, o in a, o a paut, o jeri, o jap pueki nai, o ronmau,

30 Me jo pan anaki pan pak me apuki nan maur et, im kai, o jou i, o nono, o jeri, o jap, o komakom; o nan muei koko to maur potapot.

31 A me neter aka momo pan muri; o me aka muri pan moa.

32 Irail kotikot koti ta ue on Jirujalem; a Jijoj ti on mo rail: irail ari me puiriamaui lar, o majak ni ar itauen i la. I ap uk ekriamen oko, appatakin ir meakan me pan uiai on i,

33 Majani, Nar, kitail koko ta lan Jirujalem; a Nain aramaj pan pana lan ren jounmaro ko, o jounintin; ir ari pan kateika ta i en kame la, o katara lan i ren me rotarot ko:

34 Irail pan kapikapiti i, o uoki, o kontipi on, o kame la i; a katekateo ran kajilu a pan iaja ta.

35 Jemej o Jon, nain Jepeti ko, ap ko ton i katiti, Main,

je men komui en uiai on kit meakot me je pokipoki.

36 A majani on ir, Ta me koma men I en uiai on koma?

37 Ira potoon on i, Komui ki on kit en kaipoki ti on komui, amen kit ni pali maun, o amen ni pali main ni muel omui o.

38 A Jijoj majani on ira, koma jaja tiak en oma pokipoki: ta, koma pan kak on tal eu me I tunole? o paptaij eu me I paptaij ki, koma pan paptaij ki?

39 Ira potoon on, Kit meakak. Jijoj majani on ira, Mealel koma pan tunole tal eu me I tunole; o paptaij eu me I paptaij ki, koma pan paptaij ki:

40 A kaiti nai pan ki on en monti ni pali maun I o pali main I; a, a pan puai on ir me a kanikit on.

41 Me ek oko lao ron me, re ap pan makar pan Jemej i Jon.

42 A Jijoj molipe ir to majani, Komail aja men kakaon me rotarot oko kin litilitui kin ir: o me joumaj re ir kin jokonai ir.

43 Ari kaitin i tuen nan pon omail: a meamen me aka momo re mail pan papa komail:

44 A meamen me aka lapa-lap re mail, pan litu la.

45 Pue kaitin poe ti me Nain aramaj ko to ki, a puen papa, o ki ta maur i notepan me neter.

46 Irail ap ko ton Jeriko: i lao koti la jon Jeriko ian

ion a kai, o pokon kalaaimun, Partimioj, ol majkun men nain Timioj, monti pon al o pokipoki.

47 I lao rona ta me i Jijoj men Najaret, ap uiriuri ta, intata, Jijoj, Nain Tepit, en kupurai ia.

48 A me neter kitaue i puen nennen la: a i me kalaute la a uiriur, Nain Tepit, komui en kupurai ia.

49 Jijoj ari uti on uajao, majani ol en paekera to. Irail ari eker a to ol majkun o, katiti on i, En kaporapor mau, u ta; nan a uor on ton uk.

50 I ari puili ki a likau, u ta, ko ton Jijoj.

51 Jijoj majani on i, Ta me ko men I en uiai on uk? Ol majkun intai on i, Main pue I en nara ta uaja.

52 Jijoj majani on i, U ko ue; om peik ia me kakel uk ta. I ari pitipit nara ta uaja, o itauen la Jijoj.

IRA 11.

IRAIL lao kareni Jirujalem koti er Petpej o Petani, pan anin tol Olipet Jijoj me katara la a uarok ria men,

2 Majani on ira, Koma ko la nan kanim monen; koma mi lar, koma pan tiar aj pul men a jali ti me aramaj kaik kara tan po a; en lapua to i, ua to.

3 A ma aramaj itok re oma, Ta me koma uia ki me? koma en japon, Jioua kupukupura i; i ari pan matan katara to i.

4 Ira ari ko la, ap tiara ta aj pul o jali ti likin im, uaja al ria pot tu penai ia; ira ari lapua ta i.

5 A akai ir me mi uajao inta ta, Ta me koma uia lapua ta aj pul men?

6 Ira ari japon ir tuen Jijoj majani; irail ari katar ira la.

7 Ira me ua ton Jijoj aj pul o, o puili ki ti po a ar likau kai; i ari kaipoki ti po a.

8 O me neter irepa lan pajon ar likau kan nani al; o akai pala ti ran tuka kan, irepa ti nani al.

9 Irail mi mo a, o mi muri nijinij, inta ta, Ojana; I meit paii, me koti ki to mmarr en Jioua:

10 Meit kapaii muein jam at Tepit, me koti ki to mmarr en Jioua: Ojana on Kaon lapalap.

11 Jijoj ari koti lon on Jirujalem, o im en kautok: i ari mamajani jili, lao ninjoutik, ap uk ekriamen oko, koti on lon Petani.

12 A jona ta, irail puro to jon Petani, a men jak.

13 Ap majani tuka pik pot mi uaja tou me taen, i ari koti to majani me ua mia; i lao kareni ap tiara ta me jo, ta eta; pue a jaik anjoun rak.

14 Jijoj ari kotin majani on i, Jolar me pan tolun jon uk koko la. A uarok kan rona tar me.

15 Irail taulul ton Jirujalem. Jijoj ari koti lon on im

en kautok, ap kaje la jounnot kai me mi nan im en kautok o, o uikiti ti tepel kai, en jounnot en moni, o teun not en muroi;

16 Ap jola in ki on meamen en ua lan ton im en kautok kapua en tok kai.

17 I ari pataki on ir majani, A jo intini ti er, Im ai pan looki jili jap karoj im en kapakap? a komail me uia ki tar i teun jounpirap kan.

18 Puin jounintin o joumaro rona ta me, re ap matamataua tuen kamata la i: pue re majak i, pue aramaj karoj mauki a patak.

19 Alao ninjoutik, Jijoj koti la jon nin kanim o.

20 Jona ta, irail taulul la, re ap tiar tuka pik o, a moni ti er o ari.

21 A Pita taman ta peitok re a, Main, majani tuka pik o me komui karia lar, a moni ti er.

22 Jijoj japon ir majani, En kamealele Kot.

23 Pue mealele I intai on komail, Meamen me intai on nana uet, Koa en torora ue; o pakauja ue nan matau; o ma a jo kaporapor juit, o me kaporapor me a kajoi pan puai ta, nan a pan puai on i me a inta ta:

24 Nai ari intai on komail, Meakaroj me komail men anak, komail kapakap ki, en kaporapor, komail ari pan puai ta.

25 Komail uiaua kapakap, en kapon ki me tip on komail kan; pue Jam omail

nalan en kapon kin komail tip omail kan.

26 A komail jo kapon ki, Jam omail nalan jota pan kapon kin komail tip omail kan.

27 Irail pure on Jirujalem: ni a momait nan im en kautok puin joumaro, o jounintin, o joumaj ko ton i.

28 Ap peitok re a, Ia tapin om uiaua me pukat? o ij me kauat on komui en uia me pukat?

29 Jijoj japon ir majani, I pan peitok re omail, komail en japon ia, I ap pan intai on komail me I puili jon uia me pukat.

30 Paptaij eu me Jon uia ta, men nalan, te me ren aramaj? en japon ia.

31 Irail ari kakaak nan pon ar, katiti, Ma je inta ta, Men nalan a pan majani, Ta me komail jo kamealele ki i?

32 A ma je inta, Me ren aramaj, re majak aramaj, pue irail karoj kamealele Jon, me i joukop men.

33 Irail ari potoon on Jijoj katiti, Je jaja. Jijoj ari japon majani, I jota pan kaire kin komail me I puili jon uia me pukat.

IRA 12.

JIJOJ ap karajai on irail pataki. Ol men me notia ta mot en krep eu, o kela pena, o ueira ta teun uain eu, o kaua ta im en jinjila, o neek on jounkoua kai, momait la nan uai.

2 Katekateo raka la, ap katara ton jounkoua kai litu men, puen ale kaparapar en mot en krep o, ren jounkoua ko.

3 A irail jaiki ti i, o uoki, ap katara la i kaip.

4 Pil amen litu a katara to; i ari re kajuk, o kaœe la mon a, ap katara la i komakom lar.

5 A pil katara la amen; i me re kame la, o pil me neter, uoki akai, kame lar akai.

6 Na ieroj eu mia, me kompokepa, me a ikmuri katara ton ir, majani Nan re pan majak nai ol.

7 A jounkoua ko katiti nan pon ar, Nan i mejeni men; kitail kame la i, kitail ap joujouki jap ue.

8 Irail ari jaik i, kame la, o kaje jon nan mot en krep.

9 Ari ta me joupeti en mot en krep o pan uia ta? nan a pan koti to kame la jounkoua ko, o neek on akai mot en krep o.

10 Komail jaik torapua kiji-likau uet; Takai eu me joupal ko kaje lar nan a pukakaim lar:

11 I met en Jioua a uiaua, nan a kapuiriamui pa at?

12 Irail ari majamajan jaiki ti i, a, re majak aramaj: pue re aja me a kaparok kin ir: irail ari ko to jon re a, ko la.

13 Irail ap porone ton i Pariji kai, o ion en Erot, pue re en ale ki i a patak.

14 Irail para tor, re kajoi on

i, Main, je aja me mealel komui, o me komui jo papajan aramaj; pue komui jota kin lipilipil ki aramaj, pue komui kin pataki tiak en Kot mealel: Ari ia me inen, no-pue on Jija, te jo?

15 Ta, je en nopue, te je en ter nopue? A i me ani ar uitin, majani on ir, Ta me komail jonojon kin ia? en ua ton ia mouni eu, pue I en kilon.

16 Irail ap ua to. I ari majani on ir, Mom en ij, o kilele me uet? Irail japon, Kilel en Jija,

17 Jijoj ari majani on ir, En koua ki on Jija me a kan, o on Kot me a kan. Irail ari puiriamui ki lar.

18 Jatuji kai, me kin kajo ue mur en me la; ap ko to peitok re a,

19 Main, Mojej me intini ton kit, Ma ol men mue jon a paut jo jeri, nan ri a ol pan pauta ki a oti, puen kaipui on ri a na jeri.

20 Pirion eu ol iji men mia: mealap re ir pauta ki li men, ap me la, jo na.

21 O pil amen pauta ki li o, ap me la jo na: o pil ka-jili men.

22 Irail iji men me pauta ki i, jo jeri: li o ap ikmuri me la.

23 Alao ran en iaja ta, ir mauri ta, ij me pan a paut re irail? pue me iji men oko me uia pauta ki tar i maj o.

24 Jijoj ari kalelapok on ir

majani, Komail meit jaj omail jaja kijilikan, o manaman en Kot.

25 Pue irail lao iaja ta, re jolar kin papaut; pue re raj on tounlan kai.

26 Ari tuen me me lar kan, me re kin iaja ta; komail jaik torapua nan puk en Mojej, tuen Kot majani on i nan tuka o, Nai me Kot en Epream, o Kot en Aijak, o Kot en Jekop?

27 Nan kaitin i me Kot en me me lar kan, a me maur eta: i me komail jaj ki tar kaualap.

28 Jounintin men ronaron ar kajokajoi pena, kajaui me inen a japon ir, ap peitok re a, Kujenot ta me lapalap ren kujenot oko.

29 Jijoj ari majani on i, me lapalap en kujenot ko, Ron Ijrael; Jioua atail Kot, Jioua metamen.

30 O ko en keleip ki Jioua om Kot, pok on i ki lol om, o nen om, o om lamalam, o kel om: nan i mealap ren kujenot oko.

31 O kariau en kujenot me tue ta, Ko en pok on me impa om tue ta pein uk. Jota kujenot eu me lapa jon me pukat.

32 Jounintin o ap potoon on i, Mealel, Main; me inen omui patak: pue Kot metamen; jota pil amen:

33 O en keleip ki i pok on i ki loli, o lamalam, o nen, o kel, o en pok on me impa tue ta pein i, nan i me mau

jon ijik man pon kai, o ka-lokalok.

34 Jijoj majani me a japon inen, ap majani on i, Komui meit jota tou jon nan uein Kot. Ap jolar aramaj poron peitok re a okotome.

35 Jijoj ari patapatak nan im en kautok o, kalelapok re ir, Tatuen jounintin kan kin katiti ki me Kraij nain Tepit?

36 Pue pein Tepit katiti ki Nen Jarau, Jioua majani on ai Jioua, Komui en kaipoki ti pali maun I, I lao uia ki me imuintiti on komui ko uitipa omui.

37 Tepit ari kin uia Jioua ki i; ari tatuen me na i? Aramaj mal ari mauki a patak.

38 A patakin ir majani, Jallok jounintin kan, me kin poponmajo ki ar mi nan likau rairai, o ranmau pena nan uajan not kan,

39 O ar mot nan leppantam nan im en patak kai, o naj:

40 Me kin katia jon li oti kan ar paii, ap liliajoj ki kapakap rairai: irail meit pan komakom kaualap.

41 Jijoj ap kaipoki ti pon awin teun moni, ututial aramaj ar koleira ki ar moni: ari akai me kapuapua me kalaute la arail koleir.

42 Li oti jamama men pil ko to koleira ki moni ria kij, me pat pena uia ta peni eu.

43 I ap moliye a uarok kan, majani on ir, Mealel, I katiti

ki on komail, Li oti men et me koleir lauta jon ir karoj:

44 Pue irail koleira jon ar kapuapua; a i me jamama koleir, kamuja ue ta a paii pokon.

IRA 13.

A LAO koti to jon ni im en kautok amen a uarok oko ap potoon on, Main, kom kotin majani tuen takai pukat, o im pukat!

2 Jijoj kotin majani on i, Ko ututial im kalaimun pukat? nan jota eu takai pan mi pon eu me jo pan ronk ki ti pajon.

3 I lao kaipoki ti pon tol Olipet pon anin im en kautok o, Pita, o Jemej, o Jon, o Antru okiok kalelapok re a,

4 Kom majani on kit tokan me pukat pan puai ta? o kilel en me pukat pan uiaui.

5 Jijoj japon ir majani, Komail pereki pue aramaj te kotaue komail:

6 Pue me neter pan liliajoj kin ia, katiti, Kraij nai; a re pan kotaue ta me neter.

7 Komail lao rona ta muejuit, o mauin kai, komail en ter majak: pue me pukat kop eu; a imui o jo karen.

8 Pue jap kan pan muejuit nan pon ar, o ue kan nan pon ar; o jap kan pan mokita ta, o leek pan puai ta, o kalokalo: a me pukat pan aitik en komakom.

9 A komail en pein kalaka komail: pue re pan pan komail lan ren momot en kateik

kai; o nan im en patak kai komail pan komakom: o komail pan pakauja ue on ren monjap kai pueki nai, puen katete on irail.

10 Ari ronmau en lela pena jap karoj maj.

11 Irail lao jaik komail, o kajela, komail ter matamataua me komail pan japon, komail ter lamalama moa: a meakot me par on komail nin toka ota, i me komail en inta ta: pue kaitin komail me katiti, a, Nen Jarai.

12 Ari aramaj men pan pana la ri a ol eu kame la, o jam na; o puin jeri pan it pei on jam ar o in ar, o ki lan ir en kame lar.

13 A komail pan jakonakon la pan aramaj karoj pue ki nai: a meamen me tataur eta i me pan maiio ta.

14 A komail lao tiara ta kaopa lapalap eu me Taniel kopa to, me u tar uaja jo kon on (me kin tontoro i en aja) me mimi Jutia irail en ruki la nan nana ko:

15 O me mi pon im i en ter ko ti to, ko on loli puen ki la jon me kij:

16 O me mi nan motauel en ter puro to ale a likau.

17 A me juit on me lijean, o me katiti ni ran oko!

18 Komail en kapakap ki omail lip te kainene nani par.

19 Pue ni ran oko komakom pan puai ta, torora jon en Kot a uia ta jappa koko to, o koko la.

20 A ma Kot jo kamote la

ran oko, jota meamen pan kamaur: a, pue ki me kilele ti er oko, me a pila tar kan, ir me a kamote ki lar ran oko.

21 A ma meamen katiti ki on komail, Nar ietet Kraij, te monen; eter peiki on.

22 Pue Kraij likom kai o joukop likom pan para ta, o re pan kapare ta kilel kai o manaman, puen kotaue, ma re kak on, me kilele ti kan.

23 A komail en kalaka: nar, I kopa ki ton komail meakaroj.

24 Katekateo, murin komakom o, katipin pan rota la, o maram pan jola linalin,

25 O uju kan pan popi ti, o uein nalan kan pan mokita ta;

26 Irail ap pan nar Nain aramaj me manaman o linan kaualap, taketake pali en tapuok koko ti to.

27 I ap pan katara pajon na tounlan kai, kapokon pena na me kilele ti kan jon nin jappa karoj lao lela pena nalan.

28 Komail en ale ki tuka pik pot; Kopui pulupul, o peape ap para ta komail aja me rak karen i er:

29 I tue komail, komail lao tiar me pukan puai tar, en aja me a karen tor, ni pan uanim.

30 Mealel I intai on komail, muein ti uet jota pan imuijok la lao lel me pukat puai tar.

31 Nalan o jappa pan jori ti jon: a, ai kokop jo.

32 A ran o pil klok o aramaj jaja, jo, pil tounlan jo, o Na jo, Jam i eta.

33 Komail en kalaka, o majamajan o kapakap: pue komail jaja anjou o.

34 Pue Nain aramaj raj on joupeti men me pan momait la nan uai, ap kajila ki im a ion a kan, nene on ir totok, majani on jilepa o en majamajan.

35 Komail ari en majamajan: pue komail jaja anjou joupeti pan puro to, ma a pan ninjoutik, te nalukepan pon, te kokarot, te nimanjon.

36 Pue a te matana to tiar komail me mair.

37 O me I intai on komail I intai on ir karoj, En majamajan.

IRA 14.

KATEKATEO pon ria pon kamatip en pajopa, o pret jo mut me puriok: o joumaro, o jounintin kai jonojon tuen uitina i jaiki ti, o kame la.

2 A irail kaparok, Ieramen ran en kamatip, pue aramaj te moromoron.

3 I ari kotikot Petani, nan im en Jaimon me tukatuk men, ni a uiaua konot, li men ua tal alapajta en potik eu apual jipiknat; ap lapua ta, kieli ti pon katokenmai en Jijoj.

4 A akai ir me akamai nan pon ar, itok, Ta me potik uet kajamal ki la?

5 Pue a pan lauti on not en

moni ki tola pai jok, men jakija me jamama kan. Irail ari lipanete ki i.

6 A Jijoj majani, Pul jon, i; ta me komail kapoue ki i? nan me mau on ia me a uia ta.

7 Pue me jamama kai mimi ta re omail, men komail en papajan katak on; a nai jo.

8 Nan a uiai er me a kak on: nan a matan kei uar ai on a pan jaripi ti.

9 Mealel I intai on komail, Papana ta jap kan karoj me ronmau pot et pan look ia, me li men et ap uia ta, pan pil kalooki jili kapinepa.

10 A Jutaj Ijkariot, amen me ekriamen oko ap ko ton joumaro kai, puen pana lan ir i.

11 Irail rona ta i, re ap perentar, o kakalik on i moni kai, I ari majamajan anjou kon on pana la i.

12 Tapin ran en pret jo mut, re lao kame la pajopa, a uarok ko peitok re a, Ia uaja komui men je en ti on kaonopa ta pajopa pue komui en jak?

13 I ari katara la a uarok ria men, majani on ira, Koma ko la kanim o, ol men ua pot en pil pan tu on koma: en itauen la i.

14 A im eu me a petalon on, koma en kajoi on ol me kaon, Joupeti majani, Ia ueip poa, uaja I pan ian ai uarok kai mona pajopa?

15 I ari pan kajale on koma ueip poa kalaimun, o me ko-

kok o autant er: i naja komail en kaonop on kitail.

16 A uarok ko ap ko ton kanim o, re ap tiara ta tuen a majani on ira: ira ari kaonopa ta pajopa.

17 Alao joutik pena i o a uarok ekriamen ap koti to.

18 Irail kaipoki ti jakajak, Jijoj majani, Mealel I katiti ki on komail, Amen komail me ian ia monamona me pan pan ia la.

19 Irail ap mamauk papan kin ir, peitok, Nai i? a pil amen, Nai i?

20 A kotin majani on ir, Nan amen ekriamen oko, me ian ia katui ti nan tal uet.

21 Nain aramaj pan pana la tuen a intini ti er: a me karia on me pana la Nain aramaj! mak eta ol o ma a jo ipui ti.

22 Irail uiaua konot, Jijoj me lima ta pret, o kajakaj ki, o pilitiki pajon ap neek on a uarok kan, majani, Ale jak: uar ai uet.

23 A pil lima ta uain, lao kajakaj ki, ap neek on ir: Irail ari nim.

24 A majani on ir, Int ai me uet, men katete kap, me kapuil on me neter.

25 Mealel I intai on komail, I pan jolar nim kijan uain, lao ran en I pan nim kap nan uein Kot o.

26 Irail kaul ta kaul pot, re ap koti ton tol Olipet.

27 Jijoj ap majani on ir, Komail karoj pan peit ia ti ponapon uet: pue a intinie ti

er, I pan kame la jilepa, puin jip ap pan mora pajon.

28 I lao mauri tar, I pan ti on mo omail ko on Kalili.

29 A Pita potoon on i, Ma karoj peit komui ti, a, nai jo.

30 Jijoj majani on i, Mealel I intai on uk, Ranuet, ponapon iet malik kaik kokarot pan ria pak, ko pan kamama kin ia pan me jili pak.

31 A Pita me kalaute la katiti ki, Ma I ian komui kame la I jota pan maan kak kamama ki komui, Irail karoj pil katiti tue ta.

32 Irail ap koti lon on Ketjemani: i ari majani a uarok ko, En monti metet, I pan kapakap.

33 I ari uk Pita, o Jemej, o Jon, ap mauk, o tontonir;

34 Ap majani on ir, Kapet I ap mauk on me la: komail monti on met, o majamajan.

35 I ari koti la ekij uaja ap popi ti on nani puel, o kapakap ki anjou i en kajora la, ma a kaka.

36 I ari majani, Jam ai, Papa, komui me kak on meakaroj; en ira ue jon ia tal uet: ari jo, kaiti nai, komui ta me uiaua.

37 I ari koti to, tiar ir me mair, majani on Pita, Jaimon, ko me mair? ko jo kak ian ia majamajan klok tai eu?

38 Komail en majamajan o kapakap pue komail te jonon, Mealel nen omail me peik, a, uar omail me luet.

39 A pil koti lar, o kapakap tue ota.

40 I lao puro to pil tiar ir me mair (pue maj ar me tou-tou) o irail pil jaga me re en japon.

41 A koti ton ir me kajili pak, majani, Komail en me mair eta o kamol: ari, a lel er klok; nar, Nain aramaj me pana lar ni pan me juit kan.

42 Pauri ta, kitail koko la; nar me pan ia la joma tor.

43 Matan ni a mamajani, Jutaj, amen ekriamen oko iana ki to pokon kalaimun ua kotloj kai, o jokon, irail ko to jon joumaro, o jounintin o me ma kai.

44 A me pana la i me kilele ki on irail, inta ta, Meamen me I metiki nan i ota; jaik i, kanai on, kalua ue i.

45 I lao para tor, ap inen ton Jijoj, inta ta, Main, Main; ap metiki i.

46 Irail ari jaiki ti i, o ka-loe ti.

47 Amen ir me u uajao ap napki ta kotloj pot, jara pajon jalon en litu en joumaro men.

48 Jijoj ap kotin majani on ir, Komail ko ton lollap en pirap men, ua kotloj kai, o jokon puen ale ia?

49 Nan I kin mimi ta re mail kaukaule nan im en kautok o, a komail jota jaik ia: a kijilikau kai en pon la.

50 Irail karoj kaje la i, tana jon.

51 A mankap men mi nan likaute itauen la i; a jeriman kai jaiki ti i:

52 I ari kiriji jon a likau, ap tana la jon ir kilijo.

53 Irail kalua ton Jijoj ren joumaro: a joumaro o joun-intin irail imuijok pena on i.

54 A Pita me itauen me tou ue jon, ko ton im en joumaro: i ari tolo ki litu kai, uia ronaron.

55 A joumaro o puin kateik me raparapaki men kinei ta Jijoj puen kamata la i, a, jota me re tiar.

56 Pue me neter me kineki-nei i, a arial kineki-nei me jota kon pena.

57 Ari akai me u ta kinei ta i, katiti ki,

58 Je rona tar i a inta ta, I pan kae la im en kautok uet me aramaj uia ta, a pon jili pon I pan uiliana ki ta eu me jo monin pan aramaj.

59 A, arail katiti pil jota kon pena.

60 A joumaro lapalap ap u ta nan pon ar ap peitok ren Jijoj, Komui jo japon meakot? ta me irail kineki-nei on uk?

61 A i me nennen la, jota japon. Joumaro o pil itok, majani on i, Kraijkomui, Nain Meapaii?

62 Jijoj ap majani Nai i: o komail pan utial Nain aramaj kaipoki ti ni pali maun Kot, o me ko ki to tapuok nalan.

63 Joumaro ap tera pajon a likan, majani, Menta re at eu pakainak?

64 Komail ron er a lalaue: iairen omail kajakajau? Irail

karoj kajauia ta me a uar kamata la.

65 Akai ap kontipi on i, o pira pena maj a o, o uoki i, ap kajoi on i, En kajau: litu kai pil pikir i.

66 Pita mi pali pa o nan palank, jeripein men ren joumaro ap ko to:

67 Utial Pita a uia ronaron, ap kankakili i, inta ta, Koa me uaroki on Jijoj men Najaret.

68 A i me kamama ki ta, katiti, I jaja, o ponapon ki om katiti. Pita ap ko la liki; malek ap kokarot.

69 Amen jeripein pil nar i, ap katiti on ir me mi uajao, Nan i amen irail oko.

70 A pil kamama ki ta. Katekateo me u imp a kai ap intai on Pita, Mealel amen irail koa: pue men Kalili koa, o nil om raj on ir.

71 I ari lallal kaue, kau la, I jaja ol men et me komail kajokajoia.

72 Ap karia pak en malek a kokarot. Pita ap taman ta en Jijoj a majani on i, Malek jota pan kokarot pak ria pak ko lao kamama kin ia pak jili pak. I lao mataue ta, ap jonijon kaualap.

IRA 15.

A NINJORAN jankonai joumaro kan iana ki joumaj, o jounintin, o jounkateik kapakaparok pena, irail ari jalie ti Jijoj, kalua ue i, pana lan Pailot.

2 Pailot ari itok re a, Nanmaraki en men Jutia komui?

I ari kotin majani, Komui me katiti ki.

3 A joumaro karauna ki i okotome; a, i me jota japon.

4 Pailot pil peitok re a. Kom jo japon? apuali tuen ar karaun kin uk kan.

5 A Jijoj pil jota japon; Pailot ari uapon tar.

6 Nin kamatip o a kin katar on ir me janjal men, meamen me re pila ta.

7 Ol men me at a Parapaj, me jali ti ren me pei tar kai, o me kame la aramaj ni ar pei.

8 A pokon o moromoron ap nitiniti ki i en kapuaia ta tuen a ui ai on ir maj koko to.

9 A Pailot kalelapok re ir, Komail men i en katara lan komail nanmaraki en men Jutia?

10 Pue a me ani ar kanoti joumaro ko kaloe ki ti i.

11 A puin joumaro me nitiniti ki aramaj re en poki i en katar on ir Parapaj.

12 A Pailot pil majani on ir peitok, Ari ta me komail men I en ui ai on i me komail uia nanmaraki en men Jutia ki?

13 A re pil jikajikapala, En lopue ta i.

14 Pailot ap peitok re ir, Puki ta? tip a mia? Irail ari kalaute la ar moromoron, En lopue ta i.

15 Pailot ari men mak on aramaj ko, ap katar on ir Parapaj, o uokia ta Jijoj, ap pana la i puen lopue ta.

16 Jounpei kai ap kalua

ton i nan Pritoriom im en
kateik eu; re ap ekerā pena
jou ar kan.

17 Irail ari kapuata ki ta i
uaitata, o ira ta mmare teok
kan puil pon tapui.

18 Irail ari maini i, nijinij
katiti ki, Nanmaraki en men
Jutia komui,

19 Irail uoki iki i alik pon
tapui, o kontipi ti on i, o
tairuki ti jon likilikom kau-
tok i.

20 Irail kapikapiti i, re ap
ki jon a likau uaitata, o ka-
pure on i utan a likau, re ap
kalua lan i en lopue la.

21 Irail me jikon on Jai-
mon ol en Jairin men, me
jam en Alekjanta o Rupoj,
me koko to jon nan jap, i en
ua a lopu.

22 Irail kalua ton i Kol-
kota, me oroni ki, Uajan jou-
jou.

23 Irail me kanimpila kin
i uain tolo ki eti: a, a jota
urak.

24 Irail kalopue i, re ap
neek pajon a likau kan, ka-
toropua ta me ir karoj pan
anaki.

25 Ninjouaj en nimanjon,
irail kalopue ta i.

26 A ar pakainaki i me in-
tini ti on poa, NANMARAKI
EN MEN JUTIA.

27 Irail kamata la i, iana
ki lollap en pirap ria men;
amen mi pali maun, amen
mi pali main.

28 Kijilikau ari pon la me
kopa ta, I me ian uatauatok
pena puin me uia ta me juit.

29 Irail tataululi lalaue i,
tuatunailok, katiti, Takota!
koa me kaeo la im jaraui o,
ap kua ta pon jili pon,

30 En pein toro uk, ko ti
to jon nin lopu en.

31 Pil joumaro ko o joun-
intin kapikapiti, katiti ki
nan pon arail, Nan a ka-
mauri tar akai; a, pein i a
jota kak.

32 Kraij Nanmaraki en men
Jutia en ko ti to jon nin lopu
en, pue je en utial, o kamea-
lele. O me ian mi nin lopu
ko ira pil laue i.

33 Alao klok uonu, ap rota-
rot lar uaja karoj, lao lel
klok tuau.

34 Klok tuau lar, Jijoj ap
uiri ta, majani, Iloi, Iloi, la-
ma japaktanai? me kaji-
rauiki lar, O Kot, O Kot, ta
me komui kajamal kin ia
lar?

35 Akai ir me u imp a,
rona ta ap inta ta, Nar, nan
a ekek er Ilaija.

36 Amen me tan katui ti
on lim eu nan pinika, kua
tan pon alik eu, ki on i en
nim, intin ta, En papajan:
kitail majamajan ma Ilaija
pan puai ton lapua ti i.

37 Jijoj ap uiri ta laut, ap
katara la nen i.

38 A perepan im en kautok
o me pein pala pajon, jon
pali poa lel pa.

39 Jenturion men me pon
ani, utial i a uiriuir me, ap
katiti, Mealel Nain Kot ol
men et.

40 O pil puin li me kaila

ue, ntutial: akai ir me Meri Maktelin, o Meri in en Jemej meatik, o Jojej o Jelom;

41 Me ian i maj o, nin tokan a kotikot Kalili, o papa i; o pil li me neter me itauen to i on Jirujalem.

42 Alao joutik pena, ki onop, ran en onop on japat,

43 Jojep men Arimatia, me jounlokaia lelapok men, me kajakajik ki muein Kot, i ari jo majak koti ton Pailot, po-ki uar en Jijoj.

44 A Pailot kupukupura ma a mata la: ap eker a ton i jenturion o, itok ma a mata lar uarai.

45 I lao aja tar jon jenturion o, ap katara lan Jojep uar a.

46 I ari ua to likau potapot kajompual, lapua ti i, ap kitim ki pena likau o, jaripi ti i nan joujou eu me ueira ta nan paip lap, o pina ki ti uanim takai lapalap.

47 A Meri Maktelin, o Meri me in en Jojej utial uaja re jaripi ti ia i.

IRA 16.

MANTAN ran en japat o, Meri Maktelin, o in en Jemej, o Jelom, notia ta potik kai, pue re en keie ki Jijoj.

2 Ninjoran nin tapin uik, irail jankonai ton joujou o, lel on ia katipin ap para ta.

3 Irail itok nan pon arail, Ij me pan katapura jon ni joujou o takai ?

4 Irail nar, re ap tiara ta

takai o a katapura jon er:

pue a me kalaipun kanalap. 5 Irail petalon on er nau ueip o, re ap tiara ta mankap men momot pali maun, nan likau rairai potopot; irail ari majaka tar.

6 A majani on irail, Eter majak: komail raparapaki Jijoj men Najaret, me kamata lar: nan a iaja tar; a jouor mi met: utial uajao re jari ti on ia i.

7 Komail ko la, kaire ki a uarok kan, o Pita me a ti on maj mo mail ko on Kalili: i uaja komail pan tiara ta i, tuen a kop on komail er.

8 Irail matana ue jon joujou o; pue re rera tar, o uapon tar: re pil jota katiti on meamen; pue re majak.

9 Jijoj me iaja tar nin tapin uik jankonai, ap para ton Meri Maktelin maj, me a kauja jon tepil iji men.

10 I ari ko ie la katiti on ir me uaroki on i ko, ni ar namauk o jonijon.

11 Irail rona tar me a iaja tar, o me a nara ta i, re jo kamealele.

12 Katekateo a para tan me ria men uiki la, ni ira momait lan nan jap.

13 Ira ap ko la katiti ki on irail me teko: ir ari pil jo kamealele.

14 Katekateo a pil par on ekamen ni ar monamona, o kapokapon on ir ar jo pojon, o kapeti takai, pueki ar jota kamealele ir me nara tar i murin a iaja tar.

15 A majani on ir, Komail ko on jap karoj, o pataki ron-mau on aramaj karoj.

16 Me pojon o paptaij pan mauri la; a me jo pojon, pan komakom la.

17 Kilel pukat pan itauen me pojon oko; Re pan pa kin ia kauja ue tepil ko; re pan katiti jili nil kap ki kai;

18 Re pan ale ta jerpent kai; o ma re nima la men

kame la kot, a jota pan juiti on ir; re pan puil pa ar pon me jomau, ir ari pan kelaila tar.

19 Jioua majani on ir me pukat, ap pauka ta la, ap kaipoki ti pali maun Kot.

20 Irail ari ko ie la, pata-pataki jili uaja karoj, Jioua ian irail uiauia, o kilele ki ti patak manaman kai. Amen.



MONIN PAN LUK RONMAU.

IRA 1.

NAN pueki me *neter* jon
er kapare ta kauene ta
meakan me je kin kameka-
mealele,

2 Tuen me toun ian utial
jon maj koko to, o kauene ta
kin katiti ki on kit;

3 I lame tar me mau I en pil
kaparok intini ue on komui
Main Tiopiloj, pue nai me
lelapok ki meakan koko to,

4 Pue komui en lolikon ki
omui patapatak kan.

5 Ni muein Erot nanmaraki
en Jutia men, nan leiap mia,
at anaki Jakariaj, joun Apaia:
o a paut nain Aron, me at
anaki Ilijapet,

6 Nan ira karoj me lelapok
pan Kot inen ue ta ni en Jioua
a majan karoj, o a kujenot.

7 A nan jota ara jeri, pue
Ilijapet li tapuon men, o ira
karoj likailapa lar.

8 A katekateo, nin tokan a
uiauia jarau pan Kot kaine-
ne a uiauia,

9 Tuen koun en leiap a uia-
uia, nan i a kainen en ijik
pomau ni a petalon on im
jarau en Jioua.

10 A puin aramaj karoj mi
liki uia kapakap anjoun ijik
potik.

11 A tounlan men ap para
ton i, u pali maun pei jarau
en potik.

12 A Jakariaj nara tar i, ap
jalie lar, o majapueka tar.

13 A tounlan o majani on i,
Jakariaj, ter majak: pue om
kapakap puai tar; o om paut
Ilijapet pan naitiki on uk jeri
ol men, a ko pan ki on at a
Jon.

14 A ko pan popol o peren
ta, o me neter pan peren ki a
ipui ti.

15 Pue a pan me lapalap
pan Kot, nan a jota pan jok
uain, pil jo jikalui; a pan tir
en Nen Jarau jon ni a ipui
jon in a.

16 A men Ijrael me neter
me a pan kauikit ton Jioua
ar Kot.

17 Pue a pan ti on mo a,
ni nen en Ilaija o man a, puen
kainoni on jeri kai kapet en
jam ar, o me katiuo kan on
er en meapon kan; puen
kaonopa ta puin aramaj ma-
jal lan Jioua.

18 A Jakariaj kalelapok ren
tounlan o, Ta me I en aja ki
me uet? pue ol laut men
nai, o ai paut pil likailapa
lar.

19 A tounlan japon inta ta,
Kepriel nai, me kin ariariri
Kot, o me pakatara ton katiti

on uk, o kajanjale on uk, ron-mau pukat.

20 Nar ko pan lo ton la, o jaja lokaia, lao lel ran en me pukat puai tar, pueki om jota kamealele ai kajokajoi me pan pona la nin toka o.

21 A puin aramaj auiaui Jakariaj puiriamui ki a puapuant nan im en kautok.

22 I lao petoi to jon, a jota kak lokaia on ir: ir ari kiki on me a utial manaman nan im en kautok o; pue a olol on ir, a jo lokaia.

23 A katekateo ran kan en a uiauia jarai niki la a pure on im a.

24 A katekateo murin ran ko Ilijapet lijeian ta, ap karukia la pein i jounipon limau, inta ta,

25 Meit mau en Kot a uiai on ia ni a majani ia, puen ale jon ia kanomanokepa I nan pon en aramaj.

26 A jounipon lao uonu la tounlan Kepriel pakatara to jon Kot ko ton kanim en Kalili, at anaki Najaret,

27 Ren li maipon kijinnini on ol men at anaki Jojep, joun Tepit, o li maipon o at anaki Meri.

28 A tounlan ap koti ton re a, inta ta Ranmau, komui meit paii, Jioua kotikot re omui: komui me paii ren li kan.

29 A i lao utial i, ap pin ki ti a kajoi, o matamataua me kajoi pot et pan kare ta.

30 A tounlan majani on i, Meri eter majak: pue komui konikon lar ren Kot.

31 A nar, kom pan lijeian ta, o naitika ta ol men, a kom pan ki on at a Jijoj.

32 Nan i pan me lapalap, a pan at anaki jeri en Poet lapalap; o Jioua Kot pan ki on i utan jam a Tepit.

33 A pan kaon la katauto-kan Jekop koko la o muei i jota pan pou la.

34 Meri ap itok ren tounlan, Tatuen me pukat pan uiaui, aki I jaja ol men?

35 A tounlan japon katiti ki on i, Nan Nen Jarai pan ti po om, o manaman en Poet lapalap pan kipa uk ti, i me jarai kot me pan ipui jon uk pan at anaki Nain Kot.

36 A, nar, ri om Ilijapet, a lijeian ta nin tokan a likailapa lar; a aon en a jounipon me uet, me litapuan.

37 Pue jota meakot Kot jo kak on.

38 A Meri inta, Majani litu en Jioua; en kapon on ia tuen omui majani. O tounlan ap koti lar.

39 A Meri u ta matana ton jap uaouaon eu, kanim en Juta;

40 Ap petalon on im en Jakariaj, o ranmaui Ilijapet.

41 Nan a uiaui nin tokan Ilijapet a ron Meri a ranmau on i, jeri ap mokita ta nan kapet i; o Ilijapet me tir en Nen Jarai:

42 O nil laut katiti ki inta ta, Komui meit paii ren puin li, o meit paii ipui en kapet om.

43 A I paii jon ia me, pue in en ai Jioua en koti ton ia?

44 Pue nin tokan omui ran-mau lel jalon ai, jeri ap mo-kita ta nan kapet I pue a peren ta.

45 A nan i me paii me po-jon: pue meakan Jioua kati-ti on i pan pona la.

46 A Meri ari inta ta, Nen I kin kapikapina Jioua.

47 O lol I kin peren ki Kot kamaurepa I.

48 Pue a kupura la na litu li men a jamama: pue nar koko la ti karoj pan kapaii kin ia.

49 Pue nan me lapalap men me uiai on ia er manaman kan; o nan mmara e en kaja-raui.

50 O a kupur kin kipa ti me kin majak tol a nin ti kan karoj koko la ta.

51 A kajale ki ta lim a manaman; a karauana pajon me lemai kan ar lamalam.

52 A kajapuili ti er me alu-uo kan jon teu ar, o kajapuila ta me impai kai.

53 A kameti ki lar me mau kan puin tutupok; o me kapuapuan a katara la jamama.

54 A upor ki na Ijrael, a kupukupura.

55 Tuen a majani on jam atail ko, on Epream, o katau-toka koko la.

56 A Meri kaukaujon re a jounipon jilu, appuroton im a.

57 Ari anjoun Ilijapet lel er puen naitik; i ari naitika ta ol men.

58 O me imp a kai, o jou i ron tuen Jioua kupura i; irail ian i peren ta.

59 Katekateo aol en ran re

poto ton jirkomjaij jeri o; ir ari ki on at a Jakariaj, tuen jam a.

60 A in a inta ta, Nan kaiti; pue a pan at anaki Jon.

61 Irail ari kajoi on i, Nan jota jou om men me at anaki me.

62 Irail ari lolol on jam a o, tuen a men i en at anaki.

63 A i me poki pali en jlet, ap intin inta ta, Nan i me pan at anaki Jon. A irail puiriamui la.

64 A au a ap uajok pajon, o lo a japatoka la, i ari lokaia, kapikapina Kot.

65 A majak ap kipa ti karoj toun uajao; o uiaua pukat me looki jili jap uaouaon en Jutia karoj.

66 A karoj me rona ta kin nikinikit nan kupur arail, inta ta, Tatuen jeri men et a pan imui la? A lim en Kot mimi ta po a.

67 Jam a Jakariaj me tir en Nen Jarauai, o kokopa ta, katiti ki,

68 Kot Jioua en Ijrael meit kapaii; pue a koti er ren ion a ko, o toro ir lar,

69 O kajale ta manaman en kamaur on kitail nan im en na Tepit;

70 Tuen a kokop ki to na joukop kan, irerok to jon jap-pa a tapi ta:

71 Pue jen piti jon me kai-lok kin kit kan, o jon ni pa en me tata kin kit;

72 Puen uia ta a kupur me a kop on jam atail ko, o en kupukupura a inau jaraui;

73 Me a kau la on jam atail
Epream,

74 Puen koti ki ton kitail
je en piti jon ni pa en me
kailok kin kitail, je en papa
i, jo majak,

75 O uia me mau, o kapon
mo a potapot.

76 A komui, jeri, pan at
anaki joukop eu Poet lapa-
lap: pue komui pan ti on
mon Jioua puen kaonop
mo a;

77 Puen kauene on na ara-
maj kamaur en lapua ta tip
ar kan,

78 Pueki en Kot a kupur
mealel; me marain takara ki
ton kitail jon nalan,

79 Puen kamaraini toun
pali rotarot, o mot en me la,
o en kainene on atail ueit ni
al en peren.

80 A jeri o kakaire ta, o
nenin, o a kin mimi nanauel
i lao janjal ton Ijrael.

IRA 2.

NAN a uiaui ran teko, Jija
Akojtoj porone lan jappa
kan re en uatok pena puen
nopue.

2 (A uatok uet tapi ta jon
ni Jairinioj me kakaon Jiria.)

3 Irail ari pokon ton uatok
ti, karoj inen ton utan jap
ue ar.

4 O Jojep pil ian ko ta la
jon Kalili kanim eu Najaret,
ko on Jutia, kanim en Tepit,
at a Petliem (pueki joun
Tepit, o kija.)

5 Puen ian uatok, i o Meri
a paut me lijeian la kapet i
ualik.

6 Ari ni ara kaujon uajao,
ap lel er anjon i puen naitik.

7 I ari naitika ta na mejeni
men, ap kitim ki pena likan
en jeri kai, o puili ti on teun
kamona aj; aki im en kairu
a koita la.

8 Jilepan jip kai mimi jap
o, jinjila ar puin jip nipon.

9 O, nar, tounlan men ren
Jioua para ton ir, o linan
Jioua ap takara ta uajao; ir
ari majaka tar.

10 A tounlan o majani on
ir, Eter majak; pue, nar, I
ko ki ton komail ronmau me
kaperen mealel, me pan pan
ki pena toun jap karoj.

11 Pue Kamaur men naitiki
on komail er ranuet, kanim
en Tepit, me Kraij Jioua.

12 A nan kilele on komail;
Komail pan tiara ta jeri a ki-
tim ki pena likau en jeri kai,
a onon nan teun kamona aj.

13 Matan tounlan me neter
toun kapara tounlan o, kapi-
kapina Kot inta ta,

14 En kalinana Kot nalan,
o jappa en popol me mau on
aramaj.

15 Katekateo puin tounlan
koti ta la jon ir, pure on
nalan, jilepan jip kai ap inta
ta nan pon ar, Kitail en ko
lan Petliem, kalelapok ki me
ap uiaui er, me Jioua kajan-
jala ton kitail.

16 Irail ari matana to, re
ap tiara ta Meri o Jojep, o
jeri o, a onon nan teun ka-
mona aj.

17 Irail tiara ta re ap ka-

kair jili me re kajoi on ir iren jeri o.

18 A karoj me rona ta puiriamui ki en jilepan jip ko ar kajokajoi on ir.

19 A Meri nikinikit me pukat, o matamatana ki.

20 A jilepan jip ko puro-puro to kapikapina Kot, o ki on nau i, pueki ar rona ta o tiara ta me pukat, tuen a katiti ki on ir.

21 Katekateo pon uali pon en jirkomjaij jeri o, re ki on at a Jijoj, tuen tounlan me ki on mon a nai er.

22 Alao niki lar ran en a pein kamakamaui tuen Mojej a kapon, re ap ua ton Jirujalem i, puen ki on i ren Kot;

23 (Tuen a intini ti on kapon en Kot, Mejeni ol karoj pan jarai on Kot;)

24 O puen olu ki tuen a katiti nin kapon en Kot, Kinuet me ria men, o muroi pulapul ria men.

25 A, nar, nan ol men mi Jirujalem at a Jimion; ol o me kapon o kaper, auiauo to kapol en Ijrael: o Nen Jarai titi po a.

26 A Nen Jarai me kajale on i me a jota pan me la i lao nar Jioua Kraij.

27 O Nen Jarai me a koti ki ton im en kautok o: a jam a o in a ua ton jeri Jijoj, puen uiai on i tuen uiaua pon,

28 I ap palo ti i, kapikapina Kot, inta ta,

29 Main, komui en kajomauar ia popol, tuen omui manjan:

30 Pue maj ai utial er omui Kamaur,

31 Me komui kaua tar impan aramaj kan;

32 Marain men jare ta men liki kan, o me linan en nomui aramaj en Ijrael ko.

33 A Jojep o in a puiriamui ki meakai re kaire kin i.

34 Jimion ari kamauia ta irail, o kajoi on Meri in a, Nar jeri men et me kajapuila tan kapopi ti o kaua ta me neter men Ijrael; o men kilele me re pan kaontonkoma;

35 (Nan kotloj pan toko ti kapet om) pue me neter en muilikia ta.

36 Nan Ana li joukop men, nain Panuel men Ejer; me likailapa lar, me papaut par iju jon a maipon;

37 O nan a li oti men me ma ki par uali naul paiu, me jota kin ko to jon nan im en kautok, pue a kin papa Kot kaijejol o kapakap nipon o niran.

38 I ari petalon to nin toka o, pil ian kapina Kot, o kajukajui ki i on karoj me auiauo to kamaur jon Jirujalem.

39 Irail kanikie la karoj tuen kapon en Kot, re ap puro ton Kalili, pue utan kanim ar Najaret.

40 A jeri o me uiaua koko ta, me nenin o lelapok; o kupur en Kot mi po a.

41 Nan jam a papaut kin ko ta on Jirujalem par iroka to, ian kamatip en pajopa.

42 I lao par naul riau, irail ko ton Jirujalem tuen ar kamatiip.

43 Irail kanikie la ran kan, ni'ar pure, Jijoj jeri, ap puant monti Jirujalem; a Jojep, i in a jaja.

44 A ira kiki on me a ieian pokon o, re japal koko to ran eu; ir ari raparapaki i nan pon jou ar kan o impa kan.

45 Ira jo tiar i, re ap pur on Jirujalem raparapaki i.

46 A katekateo pon jili pon re ap tiara ta i nan im en kautok o, momot tontola puin joumaj, patapatak pena.

47 A karoj me rona ta i me puiriamui ki a kupurkon, o a japajapon.

48 Ira tiara ta i, re puiriamui ki: a in a majani on i, Nai, ta me kom uiai on kit ier me uet? nar jam om o nai raparapaki komui joni-jon.

49 A majani on ir, Ta me koma rapa kin ia? Koma jo men I en apuali tok en Jam ai?

50 Ira ari jota ueue ki a majani on ira.

51 I ari ian ira koti ton Najaret, o papa ira: a in a niki-nikit a kajoi nan kupur a.

52 Jijoj ari kupurkon koko ta, o matan, o majamaj pan Kot o aramaj koko ta.

IRA 3.

NI mnein Taipirioj Jija, par katinaul alim, ni tokan Pontioj Pailot kaon ta Jutia, o Erot monjap en uein Kalili, o Pilip ri a monjap en Ituria,

o liman Trakonaitoj, Laijeniaj, monjap en Apailin,

2 Anaj i Kaiepaij me joumaro lapalap, majan en Kot ap ko ton Jon, nain Jakariaj nanauel o.

3 I ari kakan jili jap kan ni liman Jortan, kaueue ta pap-taij en kainjino on lapua ta tip kan;

4 Tuen a intini ti on nan puk en kajoi en Aijea joukop o, inta ta, Nil en meamen katiti ki jili nanauel, Komail en kokok mon Jioua en kainene ta a al kai.

5 Uao karoj pan autaut, o nana o tol karoj pan malol ti; o me jopon kan pan kainen ta, o uaja uaouaon pan patapat ta;

6 O aramaj karoj pan utial kamaur me ren Kot.

7 I ari katiti ki on me pokopokon ton i pue re en pap-taij re a, E! puin paipa kai, ij me panaui komail en piti jon anian pan ko to?

8 Komail en kapare ta me mau on injino, eter kiki on, Nan jam at Epream: pue nai me katiti ki on komail Kot me kak on uia ki on Epream jeri kai takai pukat.

9 A nan jila pot mi lar nin tapin tuka kan: ari tuka me jo kaparapar mau pan pala ti, kaje ti nan iai.

10 Aramaj kai ap itok re a, Ari ta me je en uia ta?

11 A japon, katiti on ir, Meamen me a jakit riau, i en ki on ren me jota a: o me kan a kijin mona mia, i en pakijakij.

12 Nan jounnopue kai ap ko ton ian paptaij itok re a, Main, ta me kit en uia ta?

13 A majani on ir, Komail ter atia jon me para jon a kakalik on komail.

14 A jounpei kai pil kalela-pok re a, inta, A ta me kit en uia ta? A majani on ir, Komail ter morouo on amen, ter impimpa meamen; o en nennen ki puaipuai omail.

15 A aramaj ko kajikajik ki, o karoj matamataua ma Jon me Kraij, te jo;

16 Jon ap japon intai on ir, I kin paptaij kin komail pil, a me lapa jon ia kotikot koko to, kijin jal en a jut I jo mau on lapua ta: nan i me pan paptaij ki komail Nen Jaraui o kijiniai:

17 Me a tanir mi nan lim a, nan a pan kokok tat a, a pan uaja pena uan plaua nan teu i; a tip kan a pan ijik ki kijiniai jo kakun.

18 A para jon me pukat me neter a panapanau aramaj pataki.

19 A Erot nanmaraki men, me Jon kapon on ki Erotiaj me ri a ol Pilip pauta ki, o tip kan me Erot uia tar,

20 A pil kalapa ki la eu, nan a jalie ti Jon nan im-ton.

21 Katekateo aramaj karoj paptaij lar o Jijoj ian paptaij lar, o uia kapakap, nalan ap riti tar,

22 A Nen Jaraui, mom en muroi ap pei ti ton i, o nil eu pei ti to jon nalan katiti ki,

Nai kompoke pa I komui; I kin kupura mau kin komui.

23 A Jijoj me impan jouni-par jili naul, me (re kiki on) nain Jojep, me nain Ilai,

24 Me nain Matat, me nain Lipai, me nain Melkai, me nain Jana, me nain Jojep,

25 Me nain Matataiaj, me nain Emo, me nain Neom, me nain Ejlai, me nain Nake,

26 Me nain Maat, me nain Matataiaj, me nain Jemei, me nain Jojep, me nain Juta,

27 Me nain Joana, me nain Rija, me nain Joropepel, me nain Jaletial, me nain Nirai,

28 Me nain Melkai, me nain Attai, me nain Kojam, me nain Elmotam, me nain Er,

29 Me nain Joje, me nain Elieja, me nain Jorim, me nain Matat, me nain Lipai,

30 Me nain Jimion, me nain Juta, me nain Jojep, me nain Jonan, me nain Eliakim,

31 Me nain Melia, me nain Minan, me nain Matata, me nain Netan, me nain Tepit,

32 Me nain Jeji, me nain Opet, me nain Poaj, me nain Jalmon, me nain Najon,

33 Me nain Aminatap, me nain Eram, me nain Ejrom, me nain Perej, me nain Juta,

34 Me nain Jekop, me nain Aijak, me nain Epream, me nain Tira, me nain Nekor,

35 Me nain Jarok, me nain Rakau, me nain Pelek, me nain Ipa, me nain Jala,

36 Me nain Kainan, me nain Arpakjat, me nain Jem, me nain Noa, me nain Lemek,

37 Me nain Matujala, me nain Inok, me nain Jaret, me nain Malalil, me nain Kainan,

38 Me nain Inoj, me nain Jet, me nain Atam, me nain Kot.

IRA 4.

NAN Jijoj tir en Nen Jarai, ap koti to jon Jortan, Nen Jarai me kare lan nanauel,

2 Tepil ap jonojon ki pon pa naul. A ran ko a jota konot: a re lao niki la, ap men konot.

3 Tepil intai on i, Ma komui Nain Kot, en majani takai uet en uia pret la.

4 A japon, majani, A intini ti er, Kaitin pret ta me aramaj pan mamura ki, a majan kan ren Kot.

5 A tepil ap uk i ta uan nana ilela eu, o kajanjale on i uein jappa karoj uaja ta kij.

6 Tepil intai on i, I pan ki on komui man en me pukat, o linan: pue a muet on ia er; a meamen me I men ki on er, I ki on er.

7 A ma komui poni ia, karoj pan japuilim omui la.

8 Jijoj japon majani on i, Ko la mur I, Jetan; pue a intini ti er, Nan Kot eta Jioua, ko en poni o papa.

9 I ap uk i ko ton Jirujalem, o kua tan pon koman im en kautok, intai on i, Ma Nain Kot komui, en pein kaje komui ti:

10 Pue nan a intini ti er,

A pan kajinjila ki na tounlan kai komui, puen kolakol komui.

11 Ir ari pan tapuir komui pue komui te pan kajuk pajon aluuilua omui nin takai.

12 Jijoj me japon majani on i, Nan a inta ta, Ko ter jon Jioua om Kot.

13 Tepil kanikie la a jonojon, ap ko ie jon rer ekij.

14 A Jijoj kotin pure lan Kalili ni manaman en Nen Jarai: a nan i me lomuin jili jap kan.

15 A pil kaueue ta nan ar im en patak ka, karoj kapi-kapina i.

16 A koti ton Najaret uaja a kakaujon ia maj: o tuen a kin uiauia, a koti lon on nan im en patak, ran en jonti, ap u ta tontoropua.

17 Nan puk en Aijea joukop me pana ton i. A i lao pak pajon puk o, ap tiara ta uaja a intini ti on loli,

18 Nan Nen en Jioua titi po I, pueki a kei ia ta pue I en kaueue on ronmau me jamama kan; a katar ia ton kapole me lol ola kai, o kati ki on me koja tar ar pan lapua ta, a me majkun ar pan nar uaja, o me komakom kai ar pan maiio ta.

19 O en kopa ta par mau ren Kot.

20 I ari ki pena puk, kapure on jounpatak, monti. Irail karoj ian mi nan im en patak kankakil i.

21 I ari pikiki ti kaueue on

ir, Kijilikau uet kapon lar ranuet.

22 Ir karoj katete ta i, o pui-riamui ki kajoi kompok kai me u jon nan jilan i. Irail ari itok, Kaiti nain Jojep i?

23 I ari majani on ir Nan komail pan kapakaparok on ia, Jounuini en kakela pein uk ta: meakan je ron er me uiaui Keperniom, en uia ta ni jap omui uet.

24 A majani, Mealel I intai on komail, Jota joukop men pan kaiparoka ta nin jap ue.

25 A nai me katiti mealel ki on komail nan li oti me neter mi Ijrael ni muein Ilaija ni tokan nalan mata ta par jilu o jounipon uonu, ni leek lapalap kipa ti jap karoj;

26 A jota jap eu me Ilaija pakatara ton Jerepta eta, kanim eu en Jaiton, ko ton li oti men.

27 O me tukatuk me neter mi Ijrael muein Ilaija joukop o; a jota amen irail kakela ta, Neman ta men Jiria.

28 Irail nan im en patak o rona ta meakan, re ap makara ta kaualap,

29 U ta, pijikon la i jon kanim o, o ki la pon aol o uaja ar im en kautok kau ia, pue re en pijikon ti i katapurepure.

30 A i koti to jon nan pon ar, koti la jon,

31 I ap koti ti ton Keperniom, kanim en Kalili eu, o patapatakin ir ran en jonti ko.

32 Ir ari puiiriamui ki a pa-

tak ko: pue me manaman a patak.

33 A nan im en patak o ol men me nen jaot ti po a, me uiriuri ta,

34 Inta ta, U ko ue; ta me je en uia re omui Jijoj men Najaret? kom koti ton kauje ta kit? I aja me komui Nain Kot Jarau.

35 Jijoj ari kitakitaue i, majani, En nennen la, o petoi to fon lol i. A tepil kaje ti i nan pon ar, petoi jon lol i, a, jo kamatok i.

36 Irail ari puiiriamui la kakajoi nan pon ar, peipeitok, Tatuen majan pot et! pue me patik o manaman a kin mamajani nen jaot kai, ir ari kin petoi joni.

37 I ari lomu in jili jap kan.

38 I ap u ta jon nan im en patak o, ap koti lon on im en Jaimon. A in en Jaimon a paut me jomau karakar kaualap; irail ari pokipoki i re a.

39 A i kot u po a, majani jomau, ap jara jon; i ari matan u ta apuali ir.

40 Katipin lao kiri ti la, me ar jomau mia jomau kai, re ap ua ton i ir; i ari ki ta po irail karoj lim a o kakel ir ta.

41 O tepil kai me kari ti jon me neter, uiriuri ta, intin ta, Nan Kraij komui, Nain Kot. I are kitaue ir ti, re ter lokaia: pue re aja me i Kraij.

42 Alao uaja ran pajon, a koti la jipal on uaja rir: a

pokon o raparapaki i, o p'ok-
kon ton re a, koliti i pue a
en ter koti ue jon.

43 I majani on ir, I en pil
pataki on muein Kot nan
kanim teko: pue I me I pa-
katar ki tor.

44 I ari patapataki jili nan
im en patak en Kalili kan.

IRA 5.

KATEKATEO aramaj
tonaton imp a puen
ronaron en Kot a majan,
Jijoj ap kotikot pon kailan
le en Kalili,

2 Ap majani kijin jop ria
pot me pepe nan le o: a joun-
lait kai joma lar, uituiten ar
uk kai.

3 I ari kara tan pon apot
jop ko, uar en Jaimon, poki
i en kai la ekij uaja jon ni-
man jap. I ari kaipoki ti
pataki aramaj ka jon nin
jop o.

4 I lao era la kauene ta, ap
majani on Jaimon, Komail
en ko ie on nan matau, ap
katui ti on omail uk ka puen
jaik.

5 A Jaimon japon katiti ki,
Main je lalait pon lao lel
met, a jota jaik at: ari jo,
omui majan me I pan katui
ki ti uk en.

6 Irail uia ta me, re ap oro
pena mam me neter: ar uk
o la, o ari.

7 Irail ari olole kija rail ko,
me mimi nin apot jop, pue
re en ko to ian ir. Irail ari
ko to, katire jop ria pot, ir
ari pan maui ti.

8 Jaimon Pita nara ta, ap

pori ti jon Jijoj, inta ta, Main
Jioua, kom koti ue jon ia;
pue ol juit men nai.

9 Pue a puiuiamui, o ir ka-
roj, pueki jaik en mam ko
me re jaiki ti;

10 O Jemej, o Jon, nain Je-
piti ko, me ieian Jaimon. A
Jijoj majani on Jaimon, Eter
majak; ko pan jaiki ti ara-
maj koko la.

11 Irail kai ki lon on niman
jap ar jop ko, re ap kaje la
karoj itauen to i.

12 Katekateo, ni a kotikot
nan kanim eu, nar ol men
tukatuk kaualap; nara ta
Jijoj ap pori ti jon pokipoki
re a, inta ta, Jioua ma komui
mauki, kom pan kak kakel
ia ta.

13 I ari ki ta ue lim a, ma-
jani, I men ko en makola-
kola ta: A matan a tukatuk
moti er.

14 I ari inapui ti en ter
man kaire ki meamen: a
ko la kajale on pein uk ren
joumaro, o olu puen kakela
ta, tuen Mojej majani puen
katete on irail.

15 A nan i me a lolooki jili
kaualap ki: o pokon lapalap
kai pokon ton i puen ron, o
puen kakela jon ar luet kan.

16 I ari jipo jon koti on
nanauel, o kapapak ia.

17 A katekateo ran eu, ni a
uia patapatak Paraji kai o
jounintin ma me mot imp a,
me pokon to jon kanim en
Kalili kan, o Jutia, o Jiruja-
lem: o manaman en Jioua
mia, kakel ir ta.

18 A nar, aramaj kai roua

ko to ol men me rerrer, irail
ari raparapaki en kai ki on i
imp a, o en ki ti on i mo a.

19 A re jo kak kai ki on i
imp a pueki pokon o, re ap
tau tan pon im o, o kakiri ti
i a onon pon ki a, jon pon im
o, nan pon ar, mon Jijoj.

20 A i me ani ar pojon, ap
majani on i, Ol, tip om me
lapua jon uk tar.

21 A jounintin kai o Pariji
kai ap kapakaparok, peipei-
tok, Ij i men et me kin la-
laue? Ij me kak on lapua
ta tip? Kot eta.

22 A Jijoj me ani ar lama-
lam, ap majani on ir, Ta me
komail kapakaparok ki lol
omail?

23 Ia me monai re ira, en
inta, Tip om en lapua jon
uk, te inta, U ta, alu?

24 A pue komail en aja me
Nain aramaj manaman jappa
en lapua ta tip kan, (a ma-
jani on me jomau rerrer) U
ta, ale ki om, ko ie on teu
om.

25 A matan a u ta mo ar,
ki ta me a uon poa, a ko ie
on teu i, kapikapina Kot.

26 Irail me puiriamui la, o
me kapikapina Kot, o me tir
en majak, inta ta, Je nara ta
me kapuiriam ka rannet.

27 A mur en me pukat, ap
kot ie to, majani jounnopue
men, me at a Lipai, a mo-
mot kapokapon nopue: i ari
majani on i, Itauen ia to.

28 I ari kaje la a meakaroj,
u ta, itauen la i.

29 Lipai ari kamatipa i

nan im a: o pokon kalaimun
en jounnopue o akai me ian
mot ia.

30 O jounintin kai o Pariji
lipanete ta a uarok kai, inta
ta, Ta me komail nom o
nim tola ki jounnopue, o me
tipan?

31 Jijoj ari japon majani
Nan kaitin me kelail joun-
uini pan mau on; a me jo-
mau eta.

32 Kaitin me lamalam mau,
me I ko ton eker on injino;
me juit kan.

33 Irail ari itok re a, Menta
ion en Jon kaijejol, o kapa-
kap, o pil ion en Pariji kai,
a ion omui kan nom o nim?

34 A kotin itok re ir, Ta,
komail kak on kaijejole la
ion en li kamot nin tokan ol
kamot re ir?

35 A katekateo, ol kamot
pan pauka jon ir, ir ari pan
kaijejol ran ko.

36 A pil majani kaparok
on ir; Jota me pan teik on
likau kap ni likau marin, pue
likau kap te tera jon, o me
tera jon meakap jota pan
paroki on me marin.

37 O pil jota me kin touk
on uain kap ni potil marin,
pue uain kap te palan pajon
potil ko, o potil ko pan loka-
toka la.

38 O uain kap en tok on
potil kap; o karoj pan puai
ta.

39 Jota ol men me nim uain
ma pan it iau ki meakap;
pue a inta ta, Nan me ma
me mau jon.

IRA 6.

KATEKATEO ran en japat kariau a kotin ueit nan motouel en kon kai; o ion a ap tolun uan kon, o uom, iririj nan pa arail.

2 A Pariji kai itok re irail, Ta me komail niaua ki me japa en uiaua ran en japat?

3 Jijoj me japon majani on ir, Komail jaik torapua lel on me Tepit uia ta, ni a tutupok, o ion a kan;

4 Tuen a petalon on nan im en Kot, o ale ta, o jaka pret me kajanjal, o nene on irail me ian i; nan me japa en jak, joumaro eta?

5 A majani on ir, Nan Nain aramaj me Jioua en japat.

6 A katekateo eu japat, a koti lon on im en patak eu kauue ta: o ol men mia me pali pa a maun motora lar.

7 A jounintin kai o Pariji kai majamajan i, ma a pan kakeila ta i ran en japat; pue re en impimpa i.

8 A i me ani ar lamalam, ap majani on ol o me pa a motora lar, U ta mo irail. I ari u ta mo irail.

9 Jijoj ap majani on irail, I pan itok re omail meakot; Me inen uia me mau ran en japat, te uia me juit? en kamauri la aramaj, te kame la?

10 I ari mamajani jili po irail, ap majani on ol o, En kapa ue pa om. I ari ki ta: o pa a o me kelaila ta tue me teiu.

11 Irail ari makara ta kaua-

lap; re ap kapikapiki pena me re pan uiai on Jijoj.

12 A katekateo ran teko, a koti ta lan nan nana, katakataur a kapakap on Kot lao lel ran pajon.

13 Alao marain pajon, ap molipe pena ion a kai: ap pila jon ir ekriamen, ki on mmar arail uanporon kai;

14 Jaimon me a ki on at a Pita, o Anteru ri a, o Jemej, o Jon, o Pilip, o Partolomu,

15 Matu, o Tomaj, o Jemej nain Alpioj, o Jaimon me pil at a Jelotej,

16 O Jutaj ri en Jemej, o Jutaj Ijkariot me pana la i.

17 I ari ian ir koti ti ton nan jap, o puin ion a, o pokon kalaimun men Jutia, o Jirujalem, o men jakara karen i Tair o Jaiton, irail pokopokon ton ron i, o kakela ta jon ar jomau kan;

18 O me koua ki nen jaot ka; irail ari kakela ta.

19 A pokon o karoj jon toke i; pue manaman kin koko jon i o kakel ir karoj.

20 I ap mamajani ion a kai, majani on ir, Komail jamama meit paii: pue nan omail muein Kot.

21 Komail tutupok meit paii: pue komail pan mueimet. Komail mamauk meit paii: pue komail pan peren ta.

22 Komail meit paii aramaj kailok kin komail, o liak toror jon komail, o kaintin ta juit komail, o uatok ko-

mail juit, pueki Nain aramaj.

23 Komail en peren ta, ni ran o, lujaluj ki peren: pue, nar, omail puain pan me lapalap nalan: pue nan tue ta jam ar ko me uiai on er joukop ko.

24 A komail meit karia me kapuapua! pue komail anaki er omail peren.

25 Komail meit karia me meti er! pue komail pan tupoka la. Komail meit karia me popol! pue komail pan mauk, o jonijon.

26 Komail me karia aramaj karoj kakaire kin komail mau! pue nan tue jam ar ko uiai on joukop likom ko.

27 A nai me intin tai on komail me ronaron, En pok on me kailok kin komail, en uia mau on me tatakin komail,

28 En kamaui me kin kajuiti komail, o kapakap kin ir me kin imuinti on komail.

29 A meamen pikir uk, pali likin jap om en pan on pali teiu; o me atia jon om likau pup, ko ter inapui ti en ter pil ale om jakit.

30 En ki on karoj me pokipoki re omail; o me atia jon omail kapua eter poki re en kapuro to.

31 A tuen komail men aramaj en uiai on komail, i me komail en uiai on ir.

32 Pue ma komail pok on me pokapoka komail, ta me en kataman ki on komail? pue me tipan kin pok on me tipan.

33 A ma komail uiaua mau on me uia mau on komail, ta me en kataman ki on komail? pue me tipan kin uia pil tue ta.

34 O ma komail liki on me komail aka puainok ki, ta me en kataman ki on komail? pue me tipan kin liki on me tipan puen ale puain.

35 O komail en pok on me kailok kin komail, o kama-kamaui, o liki, jo aka puainok; a puain omail pan me lapalap, o komail pan jeri en Melapalap: pue nan i me kupurai on me jo kataman o me tipan.

36 Komail en kalanan, raj on Jam onail me kalanan.

37 Eter kajani, a komail jota pan pakajani: eter ka-teika ta, o komail jota pan pakateika ta: en lapua ta, a komail pan lapua:

38 En kijakija, a a pan tupuk on komail; me laut, tonaton, pata pena, katir, aramaj pan ki ton komail. Pue jon en komail kiki ta i tuen re pan tupuk on komail.

39 A kotin kaueue on ir kaparak pot; Ta, me majkun pan kakare me majkun? ira jo pan popi ti pena nan por o?

40 Toun patak jota me lapajon joumaj; a me lelapok karoj me raj on a joumaj.

41 Ta me ko apualie ki pul mimi ni maj en ri om, a jota apuali otot pot, mimi nin maj om?

42 A tatuen ko pan intai on

ri om, Bi ai, I en ki jon pul ni maj om, a ko jota nar otot pot ni pein maj om? Ko meit malaun, en ki jon maj otot pot ni maj om, a ko ap pan nar uaja puen ki jon pul ni maj en ri om.

43 Pue tuka mau jota pan ua juit; pil jota tuka juit pan ua mau.

44 Pue tuka karoj kin pein katiarok ki a ua. Pue aramaj jota kin tolun jon ni pik karer, pil jo tuka mal re pan tolun jon uan krep.

45 Ol mau kin kiki ta jon nan kapet i mau kanona mau; o ol juit kin kiki ta jon nan kapet i juit kanona juit: pue nin kanonan kapet i au a kin kajokajoi jon.

46 A ta me komail aka joumaj kin ia, a jo uia me I kajokajoi on komail?

47 Meamen ko ton ia, o ron ai kajoi kan, o uia ta, I pan kaaja komail me a raj on:

48 Nan i me raj on ol men me kaua ta im eu, o ueir lol, o pajone ti pon paip: o lapake puili to, o aat maiiai on im o, ap jo kae la, pue a kaukau pon paip.

49 A meamen ronaron a jota uia ta, nan i raj on ol men me kaua ta im eu jo pajone ti, nan puel; a lapake puil maiiai on, im ap matan ronki pajon; o a ola kaua-lap.

IRA 7.

JIJOJ kaimuijoka la a kaue-ne ta nan pon en pokon o, ap koti lon ton Keperniom.

2 O jenturion men me a litu men me kajompual on i, joman tar tora lar.

3 I lao ron ki Jijoj, ap porone ton i men Jutia ma kai, poki re a en koti ton kakela ta na litu men.

4 Irail para ton Jijoj poki-poki re a, inta ta, Nan me mau me komui pan uiai on me uet:

5 Pue a pok on toun jap at, o kaua tan kit im en patak eu.

6 Jijoj ap ian ir to. A ni a kareni ton im o, jenturion o ap porone uan i kompok kai, katiti ki, Main, kom ter kaponai komui; pue I jouar komui en petalon on pan im ai:

7 Nai ari jota kin aka me I mau on poto ton komui: a komui en majania ta, a nai litu o pan kakela ta.

8 Pue joumaj men nai, puin men pei kin mi imp ai, o nai kin intai on amen, Ko ue, i ari kin ko la; o on amen, Ko to, i ari kin ko to; o on ai litu, en uia me, i ari kin uia ta.

9 Jijoj lao me ani me pukat, ap puiriamui ki la i, jope to majani on puin aramaj me itauen to i, I ap katiti ki on komail, me I jaik tiar pojon lapalap on me uet, nan jota ren men Ijrael.

10 A me pakatara to ka purer im a o, re ap tiara ta litu o a kakela tar.

11 A mantan ran o, a koti ton kanim eu, Nein: o ion a kai ian i, o puin aramaj.

12 I lao karen i uanim en kanim, o, nar, ol me lar men me re ua, ieroj en li oti men: o toun kanim o me neter me ian i.

13 Joupeti lao majani i, ap poke la, majani on i, Eter mauk.

14 I ari koti on toke rou; a me roua ap uti, I ap majani, Manakap, nai me intai on uk, Pauri ta.

15 A me me lar ap mota ta, pik ki ti lokaia. Jijoj ap ki on i ren in a.

16 Majak ap kipa ir ti: irail kapikapina Kot, inta ta, Nan joukop lapalap me para ta re atail; o Nan Kot me koti er ren na aramaj.

17 A kajoi pot et iren i looki jili papan Jutia, o li-man jap kan.

18 Ion en Jon me kaire kin i me pukat.

19 A Jon me eker a to ion a ria men katar ira lan Jijoj, itok, Kaitin komui i me pan para to? te je en auiaui amen?

20 Ol ko para ton i, re ap inta ta, Jon Jounpaptaij porone kit ton komui, kalelapok, Kaiti komui i me pan para to? te je en auiaui amen?

21 A nin toka ota a kotin kakela ta me jomau neter, o me luet, o me tanu ar an nen juit kai; o kapaat pajon maj en me majkun kai.

22 Jijoj ap japon majani on ir, Komail u ko ue, kaire ki Jon meakan komail nara tar, o ron er; tuen me majkun

kai nara ta uaja, o me luet kin alialu, o me tukatuk makolakola tar, o me jalonpon kin ron uaja, o me me la kin kamauri ta, o ronmau me kaeneu on me jamama ka.

23 O nan i meit paii me jota tipakol kin ia.

24 En Jon a uanporon joma lar, Jijoj ap pik ki ti kalelapok ren puin aramaj iren Jon, Ta me komail ko ie lan nanuel o en utial? Kaiti alik me tuatuallok ki an.

25 A ta me komail ko lan utial? Ol men me kapuata a ki likau matarok? Nar, me mi nan kapuat linan, o potin konot, kin molan ki im en Joupeti.

26 A ta me komail ko lan utial? Joukop men? Mealel nai me intai on komail, nan me lapa jon joukop men.

27 Nan i me intin kaire ki, Nar, I katara ue mo om ai uanporon, me pan kokok mo om.

28 Pue I katiti ki on komail, Nan jola me lapa jon Jon Jounpaptaij me ip ue jon li kan: a me tikitik nan muein nalan, me lapa jon i.

29 A puin aramaj, o puin jounnopue ronaron, kapikapina Kot, pue re paptaij lar ren Jon.

30 A Pariji, o jounkaeneu kai kaontonkoma en Kot a majan nan pon ar, pue re jota ian paptaij re a.

31 A Jioua majani, Ta me I en kajajon on ti uet? a ta me re raj on?

32 Nan re raj on puin jeri momot uajan notinot, loka-lokaia nan pon ar, inta ta, Kit kajonai er on komail, a komail jo kakalok; o kit mamauk kin komail a komail jota kin jonijon.

33 Pue Jon Jonnpaptaij jota kin nom pret pil jo nim uain, koko to; a komail katiti ki me a tanuaran tepil.

34 Nain aramaj para tor nom o nim; komail intin ta, Nar ol kamom mona, o joko, o uarok en jounnopue, o me tipan?

35 A me lolikon kin kapoka-pon ki na kan.

36 A Pariji men poki i en konot re a. I ari koti lon on nan im en Pariji o kaipoki ti konot.

37 A nar, li men, toun kanim o, me tipan, lao aja me Jijoj kotikot konot nan im en Pariji o, ap ua to kokon alapajta en potik,

38 Monti on ni aluuilua likin jakar i jonijon, o pikiki ti uiten ki pil en maj a aluuilua, o limuie ki a puilipepe, o metiki a aluuilua kan, o keia ki potik o.

39 A Pariji o me luke to i nara ta me, ap lamalama katiti ki, Ma ol men et jonkop, a pan aja tuen li me toke i; pue me tipan.

40 A Jijoj japon majani on i, Jaimon, I men intai on uk meakot. I ari inta ta, Main, en majani to.

41 Nan ol en not men me ria men puaipuant on; amen

ira me puaipuant ki kuarta lima puki, a amen kuarta limai jok.

42 A jota ar men puain ki on, I ari katak lapua ira ta. En katiti on ia me pan pok on i me laut re ira?

43 Jaimon japon katiti ki, I lamalama nan me a lapua jon me laut. Jijoj majani, Ko meit inen kajauia ta.

44 I ari jopei ton li o, majani on Jaimon, Kom ututial li men et? I para ton ni im om, a jota pil me ko ki on ia en uiten ki ne I: a i me uiten ki pil en maj a ne I, o limuie ki a puilipepe.

45 Ko jota kin metiki ia: a li men et jota kin tuki ti a metimetiki ne I lao lel met.

46 Ko jota kin kei ki ual I potik: a li men et me uxor ki ne I poman.

47 Nan i me I katiti kin uk, Nan tip a me neter me lapua jon i; pue a kin pokapoka kaualap: a me a lapua ta me tikitik, nan me pokapoka me tikitik.

48 I ari majani on li o, Tip om kan lapua tar.

49 A me toun ian mot konokonot ap peitok nan pon ar, Ij men et me kin pil lapua ta tip kan.

50 I ap majani on li o, Om pojon me toro uk lar: en ko ue popol.

IRA 8.

A KATEKATEO, a kakan jili kanim o kaujon kan, patapatak o katete ki ron-

mau en muein Kot: o ekria-
men ko me uaroki on i,

2 O nan li kai me kajare
jon ar nen juit kai, o jomau
kan, Meri me Maktelin, me
tepil iji men kari ti jon,

3 O Joana me Juja en Erot
a juat pauta ki, o Jujana, o
pil akai me neter, me upa ki
i ar kapua kai.

4 Me neter pokopokon o ko
pena re a jon kaunim karoj, a
kotin kaparok on ir:

5 Joumot men ko lan kamo-
roka ta uan tuka kai: a ni a
kamokamorok, akai mori ti
pon kailan al; ap tiaka la, o
manpir kai noma la.

6 A akai mori ti pon paip;
a lao uoja ta, ap moni ti
pueki jota lamuilamuir.

7 A akai mori ti nan uel en
karer; a karer ian uoja ta
kajokia la.

8 A akai mori ti nan puel
mau, puai ta, kaparapar pan
pak meapuki. A er pena a
kauene me pukat, ap majani,
Me jalon a mia en ron uaja,
i en ron.

9 A a uarok ko ap kaléla-
pok ki ueue en kaparok pot
et.

10 I ari majani, A ki on
komail er en aja mearir kan
en muein Kot; a akai en aja
jon ni kaparok kai; pue na-
nar uaja re en ter nara ta, o
ronaron re en ter lolikon ki.

11 Nan ietet ueue en kapa-
rok pot et: Nan majan en
Kot me uan tuka ko.

12 Me mori ti nani al o,
nan irail me rona ta; tepil

ap ko to muri kaoja jon ma-
jan nan kapet arail, pue re
te kamealele kamauri ta.

13 O me mori ti nin paip
ko, nan me rona ta, apuali
majan popol; a me pukat
jota kalaua, re kin rer kame-
alele ekij, re ap jonojon popi
ti.

14 O me mori ti nan uel en
karer kai, nan me rona ta re
ap ko ie la tirop ki lamalam
en kapua kai, o peren en
jappa, ir ari jota kin puai ta.

15 O me mori ti nan puel
mau, nan me rona ta, re ap
niki ta la nan kapeti inen o
mau, kaparapar potapot.

16 Jota ol ijik lamp me pan
puain ki kopa eu o jo ki ti
on pan pank; pue a kin ki
ti on nan utipa, pue me kai
on imp a re en nar lin a.

17 Pue jota mearir kot me
jo pan katiaroka ta; pil jota
me okiok kot me jo pan ka-
tete ta.

18 Komail en kalaka tuen
omail ronaron: pue me a
mia, ekij pan ko on; a me
jota a mia, ekij, tena me a,
pan katia jon.

19 In a o ri a ka ap ko to
on i, ir ari jota kak kai on
imp a pueki pokon o.

20 O akai kaire ki inta ta,
In omui o ri omui ol kai mi
liki o, itok komui.

21 A japon majani on ir,
Nan in ai, o ri ai me pukat
me kin ronaron en Kot a
majan o apuali.

22 Katekateo ran eu a ian
a uarok kai, koti ton nin jop

pot: majani on ir, Kitail en kote ta le uet porio. Irail ari tanatan ko ie la.

23 O ni ar tanatan koko ue, a jaimoka la: ap melimeli ta nan le o; a jop puillipuil, a pan maui ti.

24 Irail kai on re a, kaopa ta i katiti ki, Main, main, je pan me la. I ari pauri ta kitane ta melimel o, o iluk en jet o; ir ari tuki ti, ap mole lar.

25 I ap itok re ir, Ia omail pojon? Irail majaka tar puiriamui ki, kalelapok nan pon ar, Tatuen ol men et! pue a kin majani an o jet, ir ari uti on.

26 Irail ap lela ton jap en toun Katara, me mimi pon anin Kalili.

27 I lao kari ti, ol men tu on i, me ko ie to jon kanim o, me tanuwaran puin tepil uarai, o me kili jo, o a jota kin kaujon nan in, pue a kin mimia nan por en jou-jou kai.

28 I lao tiara ta Jijoj ap uiri ta, pori ti jon mo a, niti-nit itok, Ta me I en uia re omui Jijoj Nain Kot me lap-alap? I pokipoki komui en ter komai ia la.

29 Pue a majani er nen jaot en kari ti jon ol o. Pue pan me neter a jaiki ti i: i ari kin jal ki jal mata kai, o jal en ne kai; i ari kaoe la, tepil ap tana ki ton i nanauel o.

30 Jijoj ap itok re a, Ij at om? A inta, Lijon: pueki tepil me neter kin til lon lo li.

31 Ir ari pokipoki i a ter majani re en ko ie on nan matau.

32 Nan puin puik mi uajao monamona jili nin nana o: ir ari pokipoki i en muet on ir re en til lon irail. I ari muet on ir.

33 Tepil ko ap kari ti jon ol o, ap til lon on puin puik o: o puin puik o ap tana ti on pon aol o uaja konkon ko ti on le o, re ap mop la.

34 Me kamakamona ir nara tar me uiai er, re ap tan tau, ko to kaire ki jili nan kanim o pil nan jap.

35 Irail ap ko ie lan kalelapok me uiai er; re ap ko ton Jijoj tiara ta ol me tepil ko kari ti jon lol i momot impan Jijoj a kapuat er, o lolikon lar: ir ari majaka tar.

36 Me toun ian utial me ap kaire kin ir tuen me tannaran tepil a kakela tar.

37 Toun jap eu men Katara karoj pokipoki i en kot ie la jon re irail: pue re majaka tar kaulap; i ari kot kara ton jop o, ap puro to.

38 A ol o, me puin tepil kari ti jon er, poki re a en mimi ta imp a: a Jijoj katara ue i, mamajani,

39 En pure ue teu om, kaju-kajui ki tuen Kot a uia on uk. I ari ko ie la ap kaju-kajui ki nan kanim o tuen Jijoj a uiaui on i er.

40 Katekateo Jijoj lao pur er, puin aramaj peren ran-maui i; pue re karoj auiaui i.

41 A, nar, Jairoj ol men

joumaj en im en patak ape to; ap pori ti jon Jijoj, o poki i en koti la ni im a:

42 Pue na ieroj, jeripein men me a par naul riau, i ari toro lar. A ni a kotikot koko to pokon tonaton imp a.

43 A nan li men me int a puilpuil par me naul riau, me puain ki on jounuini kai a meakaroj, a, a jota kak kelaila ta,

44 Nan i me ape to mur i, toke ni kailan a likau, a puilpuil en int a matan mata ta.

45 Jijoj majani, Ij me toke ia? Irail inta ta, Jota, Pita o me toun ian imp a, ap inta ta, Main, pokon et me tonaton on komui o antira komui, a, komui itok, Ij me toke ia?

46 Jijoj ari majani, Nan meamen toke ia; pue I paam me manaman ko jon ia er.

47 A li o aja me a jo riri tar, ap majapueka tar, ape to, pori ti jon mo a, ap katiti ki mon aramaj karoj, me a toke i, o tuen a kelaila tar matan.

48 Jijoj ap majani on i, Nai li, en popola ta: om pojon me kakel uk ta; a ko ue popol.

49 A nin tokan a mamajani, amen poto to jon ren joumaj en im en patak o, katiti ki on i, Nom jeripein o oni lar; en ter kaponai Jonpeti o.

50 A Jijoj me ani, ap japon i, majani, Eter majak: en peiki on eta, i ari pan kelaila ta.

51 A i koti lon on ni im a, jota me a muet on en ian petalon on, Pita ta, o Jemej, o Jon, o jam en jeripein, o in a.

52 Irail karoj jonijon, o mauk ki i; Jijoj ari majani, Eter mauk; nan a jota me la, a me mair eta.

53 Irail ari kaurur ki i, pue re aja me a me lar.

54 I ari ki ie jon ir karoj, ap lima ki i pa a, uoron on i, majani, Jeripein, en pauri ta.

55 Nen i ap pure on i, i ari u ta matan: o Jijoj majani kijin mona en ko on i.

56 A jam a in a me puiria-mui la: a i me inapui ti re ter katiti ki on meamen me uiui.

IRA 9.

JIJOF ap molipe pena a uarok ekriamen ko, kamana ta, o kajapuul irail ta pon tepil ko, o re en kakela ta me jomau.

2 I ari katar ir lan kaueue ta muein Kot, o kakela ta me jomau.

3 A majani on ir, Komail ter ua itan omail meakot, jo jokon, pil jo et, pil jo plaua, pil jo moni; pil jo jakit riau.

4 O im eu komail petalon on komail kaujon ia, komail lao jipala ue.

5 A meamen kan apuali komail, komail lao jipala ue jon kanim o, en itika jon puel ni ne omail puen katete ta irail.

6 Irail ari poto pajon, kakan jili kanim ka, kaueue ta ron-

mau, o kakela ta me jomau kai.

7 Erot, nanmaraki men, rona ta a uiaua kan : i ari pini tar, pueki akai katiti ki me Jon iaja tar;

8 O akai inta ta me Ilaija para tar; o akai inta me joukop en kuaa men puro tor.

9 A Erot inta ta, Nan Jon I lipoka jon mon a; a ij i me I ronarona jon tuen me pukat? I ari men utial i.

10 A nanporon ko puro tor, re ap kaire kin i ar uiaua kan. I ari uk ir, keleip koti la uaja rir, pali lan Petjaita kanim eu.

11 O toun jap o aje lar, re ap itauen la i: i ari apuali irail, o kauue on ir muein Kot, o kakel ir ta me a men kakela ta.

12 Alao uaja poni er, ekriamen ko, ape to, intai on i, En katara ue pokon uet, pue re en poto pajon nin kanim kan, o kaujon, pueti, o rapaki kan ar kijin mona; pue je mimi nanauel et.

13 A majani on irail, Komail en kamona ir. Irail inta ta, Jolar kan at, lopon limau o mam ria men ta; ari pala je en ko lan noti ton puin aramaj uet kijin mona.

14 Pue irail me impan lima kit. I ari majani on a uarok ko, En kamot ir ti, me limak ni eu en mot uajakij.

15 Irail ari uia ta, o kamot ir ti.

16 Jijoj ap lime ta lopon

limau ko, o mam ria men, jara ta nalan, kajakaj ki, pilitiki pena, ki on a uarok ko, pue re en nene on pokon o.

17 Irail ari jak, o mue meti la: o kiam ejok riau re ki pena moramora lua ti on ir.

18 A katekateo a keleip kapakap, a uarok ko ian; a kotin itok re irail, majani, Ij me aramaj intin ta me nai?

19 Irail japon, Jon Jounpaptaij; a akai me inta Ilaija; o pil akai inta ta, me amen joukop en kuaa iaja tar.

20 A majani on ir, A, ij me komail inta ta me nai? Pita japon, katiti ki, Nan Kraij Kot.

21 A i me patik inapui ti irail re ter kaire ki aramaj me;

22 Mamajani, Nain aramaj en kalokalok; o me ma ka, o joumaro ka, o jouuintin ka, pan kaje la i, o kamata la, a ran kajilu a pan iaja ta.

23 A majani on irail, Meamen pan itauen ia i en tonmete ki pein i, o kaukaule ale a lopu, itauen ia to.

24 Pue meamen keleip ki pein maur i, pan katia jon: a meamen me katia jon maur i pueki nai, nan i pan naka ki.

25 Pue ta pan mau on aramaj men me anaki pena japapa karoj, ap pein kajalono la, o kajapoka la?

26 Pue meamen nomanok kin ia, o ai kajoi, nan i Nain aramaj pan nomanok ki i lao

koti to ni pein a linan, o linan en Jam a, o na tounlan jaraui kan.

27 A mealel I ap katiti on komail, akai me ian mot met me jota pan me la, ir lao utial mucin Kot.

28 A katekateo pon uali pon mur en a majani me pukat, i ap uk Pita, o Jon, o Jemej, koti ta la pon nana en pnen kajakaj.

29 A ni a kajakaj, mom en maj a torora ta, o a likau potapota la, o jironaron.

30 A, nar, ol ria men uia kajokajoi re a, ira mé Mojej o Ilaija.

31 Me para to linan, kapakaparok ki komakom me a pan kamata ki la Jirujalem.

32 A Pita o me ian i me toutou ki mair: ir lao piri ta re ap utial a linan o ol ria men ian kotikot imp a.

33 Katekateo ira koti ue jon re a, Pita ap intai on Jijoj, Meit mau Main, atail mimi met: kitail en kua ta im jilu; eu nomui, o eu en Mojej, o eu en Ilaija: pue a jaja me a kajokajoi.

34 Ni a uiaua kajokajoi, pali en tapuok katupual ir ti, ir ari majaka ta ar til lon nan tapuok.

35 O nil en pei ti to jon nalan, inta ta, Nai me kompokepa I: en karona i.

36 A nil o lao roji ti Jijoj ap keleip la. Ir ari kanikinikit, re jota katiti on meamen ran teko kijan ar utial ko.

37 Katekateo mantan ran o, re koti ti to jon nan nana o, pokon kalaimun ap tu on i.

38 A, nar, ol ni nan pokon o uiri ta, inta ta, Main, I poki-poki komui en majani na I ol men pue nan i ai ieroj en.

39 A, nar, ani men jaiki ti i, ari matan a uiri ta, o a kin raki i, i ap putaput, o pil komakoma i, jota man tuki ti jon i.

40 Nai ari poki er uarok omui ko re en kauja ue jon i; ir ari jota kak.

41 A Jijoj kotin majani, Ti melt jo peik, o katiuo, arai ta I en ieian komail, o kokona komail? En ua to nom ol o.

42 A ni a alialu koko to, tepil ap kaje ti i, o raki. A Jijoj kitaue ta nen jaot o, o kakela ta jeri o, ap kapure on i ren jam a.

43 A irail karoj puiriamui ki en Kot a mauaman. A, nin tokan ar puiriamui ki en Jijoj a uiaua, nan a majani on a uarok kan,

44 Kajoi pukat en kaloli ti nan jalon omail; pue Nain aramaj pan pana la ni pa en aramaj.

45 A, irail jota lolikon ki a majan, pue a riri jon ir i me irail jaja ki; irail ari majak en kalelapok ki re a majan pot et.

46 Irail ap akamai ki pena, me pan lapalap re irail.

47 A Jijoj me ani lamalan nan kapet arail, ap ale jeri men ki ta imp a,

48 O majani on ir, Meamen apuali jeri men et pueki nai, nan me kin apuali ia; a meamen me pan apuali ia, nan me kin apuali me katar ia to; pue me opampap re omail, nan me pan lapalap la.

49 A Jon potoon on katiti ki, Main je ap tiara ta meamen ikitiki komui, kauja jon tepil kai; kit ari inapui ti, pueki a jota uaroki on kit.

50 A Jijoj majani on i, Eter inapui ti i; pue me jo kaontonkoma kit nan me kin upor kin kit.

51 Katekateo a lel er iran a pan pauka ta la, a majamajala uar, tena a pan koti ta lan Jirujalem.

52 Ap katara ue uanporon kai: ir ari ti on koti ton kanim en men Jameria puen kaonopa ta mo a.

53 Irail ari jota kajamo i, pueki a majala uan Jirujalem.

54 A Jemej i Jon a uarok nara ta me, re ap jakara ki on i, Main kom jo men je en eker a ti to kijiniai jon nalan puen ijik ir ta, tuen Ilaija?

55 A i me jope to, kapon on, ap majani, Komail kin jaja nan kapet omail.

56 Pue nan kaiti en kame la aramaj me Nain aramaj ko ki to, a en kamauri la. Irail ari taulul ue on eu kanim.

57 Katekateo, irail kotikot koko to, nan ol men potoon on i, Main, I pan uaroki on komui uaja karoj.

58 Jijoj ari majani on i, Nan

pokj kai teu ar mia, o man pir paj ar; a Nain aramaj jota uaja en kaula ue mon a.

59 A majani on amen, Ko en itauen ia to. I ari inta ta, Main, komui en majani I en pure ue jaripi ti jam ai maj.

60 Jijoj majani on i, Me me lar kai re en pein jaripi ti ar me lar kai; a koa en ko ue kauene ta muein Kot.

61 O pil amen inta ta, Main, I pan uaroki on komui; a komui majani I en ko ue kamurimur me mimi ni im ai.

62 Jijoj ap majani on i, Nan jota me ale ti men ueir puel, ap puioaka jon, pan uar on ni muein Kot.

IRA 10.

MUR en me pukat Jiona katorora ta pil me ijia-kan, ap kampuor ir ue mo a, kakan jili kanim kan o jap karoj me pein i men koti lan ia.

2 I ari majani on ir, Nan rak kalaimun lar, a men totok me laulau: komail ari kapakap ki on Kot en katara ton a rak men totok kai.

3 Komail poto pajon: nar, I katar komail ue tena jippul tontola kiti komat kai.

4 Eter ua moni, jo et, jo jut; pil eter mokit on aramaj nani al.

5 A im eu komail petalon on loli, en inta maj, Banmau im uet.

6 A ma uan pol mimi uajao omail pol en poti ti on;

ma jo a pan puro ton komail.

7 O im ota komail en mia nom, o nim me re kiki on komail: pue me totok kin uar puain a: Eter kakan jili mal im kar.

8 A kanim eu komail petalon on loli, me tou a kajamo komail, en nom meakan re kijakija komail:

9 En kakela ta me joman mi uajao, katiti ki on ir, Muein Kot karen komail er.

10 A kanim eu komail petalon on loli, me tou a jo kajamo komail, komail koko jili nani al kai katiti ki,

11 Lel puel en omail kanim me tonon kit je kin jipeta jon puen katete ta komail: ari jo komail en mealel ki me muein Kot karen komail er.

12 Nai me katiti ki on komail, me Jotom pan komakom marara jon kanim o, ni ran o.

13 Korejin, ko meit karia la! Petjaita ko meit karia la! pue ma manaman kai ulai er nan koa, me uiai er nan Tair o Jaiton, re pan injino ta maj o, momot nan tuk en likau, o nan paaj.

14 A Tair o Jaiton pan komakom marara jon koa.

15 A koa Keperniom, me paii ta nalan, pan pijikon ti on el.

16 Me ronaron komail nan a kin ronaron ia; o me kan komail nan a kin kan ia; o me kan ia nan a kin kan me katar ia to.

17 A me ijiakan ko ap puro to peren ta, katiti, Main, nan tepil ka me uti on kit, ki mmarm omui.

18 A majani on ir, I nara tar Jetan likomata liol a popi ti jon nalan.

19 Nar, I kamana ta komail en tiaki ti pon jerpent, o maniran ka, o en poe ti me juit karoj: nan jota meakot pan ka juiti on komail.

20 Ari ieramen, eter peren ki me, me nen kan uti on komail er; a nan mmarm omail intini ti on nalan me komail en peren ki ta.

21 Nan i tokan Jijoj kupura peren ta, ap majani, I ap kapikapina komui, Jam ai, Joupeti en nalan o jappa, pueki komui me kanikit meakan jon me lolikon kai o kanonama, ap kajanjala ton jeri puelei kai; nan i met Jam ai; pue nan me komui kupure tar.

22 Jam ai muet on ia er meakaroj: a jota me aja me Na, Jam a eta; o me Jam a, Na eta, o me Na pan kajanjala on i.

23 I ari jope ton a uarok ko, okiok majani on ir, Irail meit paii me ututial me komail ututial er:

24 Pue nai me katiti ki, me joukop me neter o joupeti anane utial me komail utial er, a re jaik nar; o re en ron me komail ronaron a re jaik.

25 A, nar, jounlokaia men u ta, jonojon kin i, itok, Main,

ta me I en uia ta puen nai-naki maur jo tuk ?

26 A majani on i, Ta me intini ti on nin kateik o ? tatuen om tontoropua ?

27 A japon, inta ta, Jioua om Kot me ko en keleip ki, pok on i ki lol om, o nen om, o om lamalam, o kel om ; o me imp om tue pein uk.

28 A majani on i, Ko meit japon inen : nan i ko en uia ta, a ko pan me kamauri lar.

29 A nan a men kapon ki pein i, ap kalelapok ren Jijoj, A ij me imp ai me I en kom-poke ki ?

30 A Jijoj japon majani, Nan ol men momait jon Jirujalem ko ti lan Jeriko, ap loti lar pan lollap kai me kulia jon i a likau kan, o koma, o kaje la i pan me la.

31 A leiap men me momait mal uajao ; a nara tar i, til ue ta, taulul lar.

32 O pil Lipait men mi uajao, kai on, utial i, ap til ue ta, taulul lar.

33 A men Jameria men momait, koko to uaja a mia ; i lao nara tar i, ap pokapoka i,

34 O kai on imp a pira pena a pal kai, kieli ti le o uain loli, o ki tan i pon pein na aj, ua ton i nan im en kairu eu apapuali i.

35 A manta a pan ko ie la, ap ki ta jilin riau, ki on ren joumaj o, intai on, En apuali lap : a meakij ko iana ki, I pan kapon on uk, I lao puro to.

36 A ij ren me jili men pu-kat, me koa uia kompoke ki on me popi ti nan pon puin lollap ?

37 A potoon on, Me kin ka-tak on i. Jijoj ap majani on i, U ko ue, alale jon.

38 Katekateo, irail petalon on nan kanim eu, o li men Mata kajamo i lon on im a.

39 O nan ri a li men mia, me at a Meri, me momot ni aluuilua en Jijoj, ronaron a majan.

40 A Mata jopijok ki a to-tok, ap poto to re a, jakara ki, Main, komui jo injino ki ri ai li o a lokit ia la en keleip totok ? Kom majani on i en ian ia.

41 A Jijoj kotin majani on i, Mata, Mata, ko meit non ki o jopijok ki okotome :

42 A me ta kot me inapot, a Meri me pila ta puaij mau eu, me jota pan katia jon.

IRA 11.

KATEKATEO, ni a uia kapakap monen, alao era la, a uarok men ap potoon on i, Main, kaneue on kit kapakap, tuen Jon me pataki ion a kai.

2 I ari majani on ir, Komail uiaua kapakap, en jakajakara ; Jam at me kotikot nalan, Minar omui en jaraui ta, Mue i omui en puai ta. Kupur omui en uiaui jappa tue nalan.

3 En kaukaule kijakija kit.

4 Lapua jon kit tip at ; pne kit kin pil lapua ta karoj ar jo kapon on kit. Eter kare

on kit en jonojon; a en kapita jon kit ni me juit.

5 A majani on ir, Ij re omail me na jou i men nua, o me pan ko on re a ni ailep en pon, o jakara ki i, Ri ai, en ki to maj lapon jilu;

6 Pue jou I men me paj ton ia, a nan jota ai men kijakija ki i?

7 A me mot nan im o pan japon inta ta, Eter kaponai ia: nan uanim a riti ti er, o nai jeri kai ian ia mair; I jota kak piri ta kijakija uk.

8 Nai me katiti ki on uk, Ma a jo piri ta kijakija i aki a jou i men a pue a nitinit, a pan pauri ta kijakija i lel a meti la.

9 Nai ari katiti ki on komail, Poki, a, a pan pakatar on komail; o raparapaki, a komail pan tiara ta; letalet a pan riti ta on komail.

10 Pue karoj me pokipoki kin tunole; o me raparapaki kin tiara ta; a, a pan riti jon mon me letalet.

11 Ma nom ol men poki pret ren amen komail, ta, a pan ki on i takai eu? o ma a poki mam men, a pan ki on i kamijik men?

12 O ma a poki kutor eu, a pan pan on i maniran?

13 Ma komail me japa aja iren kijakija mau omail jeri kai; nan mealel kanalap Jam omail nalan pan ki on Nen Jaraui ren me pokipoki re i?

14 I ari uiaua kakauj tepil men, me loton. A katakateo, tepil lao kari ti jon er,

me loton ap lokalokaia, o aramaj puiriamui ki.

15 A akai ir katiti ki, Nan Peeljipop joumaj en tepil kan, me a kauja ki jon tepil ka,

16 O akai jonojon i, pokipoki kilel eu jon nalan.

17 A i me ani ar lamalam, majani on ir, Muei karoj me pein mue pajon kin lokatok la; o jon eu pein mue pajon nan a pan mom la.

18 Ma Jetan pein kaontonkoma i, tatuen muei pan puai ta? aki komail katiti ki me I kin nua Peeljipop ai kakauja ki jon tepil.

19 Ma I uia Peeljipop ai kauja ki ue tepil kai, ij me nom kan kin uia kakauja ki ue? irail ari pan kajauia ta komail.

20 A ma I kela ki lim en Kot kakauja ki tepil kai, nan mealel muein Kot karen ton komail ier.

21 Ol kelail men autaut jinajila im a, a kapua kan me nikinik mau.

22 A amen kelaila jon i lao ko ton i, o kaloe ti i, a pan jaroki jon i pera me a kelaila ki, o kulia jon a kapua karoj.

23 Me jo ian ia nan me kin kaontonkom ia; o me jo ian ia uaja pena nan me kin kamora pajon.

24 Nen jaot pakauja jon er aramaj men, a kin kakan jili nan moj kan, raparapaki kamol, a, jo me a tiara ta, ap inta ta, I pan pure on im ai me I ko to jon ia.

25 I lao para to, ap tiar

me a kokok er, o kapuata tar.

26 Nan a ko ie to jon, uk me iji men juita jon pein i; irail ari petalon on loli, o kaujon ia; a ol o me imui la juiti jon a tapi tar.

27 A katekateo ni a kauene ta me pukat, li men me toun ian pokon o uiri ta, katiti ki on i, Meit mau nan kupur eu me uia ta komui, o titi me komui titi er.

28 A i majani, Ari jo, nan ir me pail jon, me kin rona-ron en Kot a majan, o uia ta.

29 Aramaj pokopokon antera i, i ap majani, Ti meit katiuo: ar raparapaki kilel eu; a jota kilel eu pan pan on ir, kilel en Jona joukop eta.

30 Pue nan Jona en toun Ninipa ar kilel, tue ta Nain aramaj pan kilel en ti uet.

31 Li joupeti men airilan pan u ta nin kateik o, kateika ta aramaj en ti uet: pue nan i me poto to jon imuilan jappa puen ron en Jolomon a kajokajoi, a nar, me lapa jon Jolomon mimi met.

32 Toun Ninipa pan u ta nin kateik o, kateika ta aramaj en ti uet: pue ir me injino ta aki Jona a kauene; a, nar, me lapa jon Jona mimi met.

33 Jota me kin ijik lamp, ap ki lan uaja rir, pil jo pan kopa, a pon teu i, pue karoj kai-kai on re en nar a marain.

34 Nan maj a marain en uar a: nan i maj om marain, uar om pan tir en marain; a maj om me juit, uar om pan tir en rotarot.

35 En kalaka pue marain mi lol om te rotarot.

36 Ma nar om tir en marain kaualap, jota kija me rotarot, karoj pan tir en marain, tuen lamp umpumpul kin jenjere uk ta.

37 A ni a katiti, nan Pariji men luke i en konot re a; i ari koti lon on konot.

38 A Pariji o utial i, ap pui-riamui ki a jo omiom mon konot.

39 A Jijoj majani on i, Nan komail Pariji kai kin uiten likin tal o plet; a lol omail me tir en komat, o jokon.

40 Nan puepue komail, kaitin me uia ta pali liki, pil uia ta loli?

41 A maka ta en kijakija ue tuen komail kak on; a, nar, karoj pan mau on komail.

42 A karia on komail Pariji! pue komail kin kamo a ta katin o ru, o tukatik karoj, ap til ue ta kapon, o pok on Kot: mak komail en uia ta me pukat, o pil iana ki me puko.

43 Karia on komail Pariji! pue komail noroka nan im en patak, o uia kajamo nan im en not.

44 Karia on komail jounintin, o Pariji, malaun! pue komail likoma ta joujou, me jo janjal, o aramaj alialu poa kin jaja ir.

45 Nan jounlokaia men ap potoon on i, Main, komui kin impimpa kin kit omui katiti me.

46 A majani, pil karia on

komail jounlokaia kai! pue komail kin autaute ki aramaj katoutou kan, a pein komail jota kin kamarara ki katoutou ko jonti en pa om.

47 Karia *on* komail! pue komail kin kaonopa ta joujou en joukop oko, o jam omail me kame ir la.

48 Nan mealel pein komail kaire ki me komail apuali uiaua en jam omail ko: pue irail kame ir la, a komail kaonopa ta joujou ar.

49 Nan i kupur en Kot kaueue ta, I pan katara ton ir joukop kai, o uanporon kai, o akai ir re pan kame la o morauo *on*:

50 Pue inta en joukop kan, me komakoma lar jon tapin kua koko to en kapakon *on* ti uet;

51 Jon intan Epel lao lel intan Jakaraiaj me kame la nan pon en pei jaraiui o im jaraiui: mealel I katiti ki, A pan kapakon *on* ti uet.

52 Karia *on* komail jounlokaia kai! pue komail kaje lar ritipan lolikon: pein komail jota kin petalon *on*, o me pan petalon *on* kai, komail kin inapui ti.

53 A ni a katiti *on* ir meakan, nan jounintin kai, o Pariji nitiniti ki i, o korian en kajokajoi toto:

54 Majamajan i, o raparapaki en jaik meakot jon nan au a, pue re en impimpa i.

IRA 12.

NIN toka o aramaj me neteren ia imuijok pena,

kajukajuka ta, a pik ki ti majani *on* ion a kai maj, Komail en kalaka kalep en Pariji kan me malaun.

2 Pue jota me okiok kot me jo pan kajanjala tar; pil jota mearir jo pan katiaroka tar.

3 Nan me komail katiti ki nin pali rotarot pan ronaron nin pali marain, o me komail pataki nan jalon a nan pera, pan lolooki jili pon im.

4 I intin tai *on* komail kompokepa I, Eter majak me kin kame la uara, ap jola kak uia meakot.

5 A I pan kaaja komail me komail en majak; En majak me kak kame la aramaj ap kak ki la nan el; Nan i me komail en majak.

6 Kijin man pir lim men jo kin puaina ki ue partin ri au, o jota amen ira me Kot pan malie la.

7 A lel *on* pit en ual omail uatanat er. Komail ari en ter majak: pue komail me kajompuala jon man pir me neter.

8 I pil intin tai *on* komail, Meamen kaintin tai ia nan pon en aramaj, nan i Nain aramaj pan kaintin ta mon Kot na tounlan kan:

9 A me kamama kin ia ren aramaj nan me pan kamama la mon Kot na tounlan kan.

10 O meamen kaontonkoma Nain aramaj pan lapua ta; a, me lalaue Nen Jaraiui nan a jota pan lapua ta.

11 Katekateo re ua komail lonon iin en patak kai, o ren

jouunkateik, komail ter pao lamalama me komail en inta ta, o tue japon;

12 Pue Nen Jarani pan paktaki komail me komail en inta ta nin toka o ta.

13 A amen toun pokon o intai on i, Main, en majani on ri ai ol o, pue i en nene on ia joujou o.

14 A majani on i, Nan, ij me kajapuul ia ta en jouunkapon la o ol en nene re omail?

15 A majani on ir, En kalaka nōroka: pue nan kaitin maur en aramaj kapua me a anaki er.

16 I ari kaparok majani on ir, Jap en ol kapuapua men me kaparapar kaualap:

17 I ari lamalama lame ta, inta ta, Ta me I en uia ta, pueki jola uaja en uikinik ia ai kapua.

18 I ari inta ta, Nan iet me I pan uia ta: I pan palan pajon ai im en nak kai, o kaua ta me lauta jon kai; nan I uaja i pan niki ta la ai tipijo karoj.

19 A I pan intai on nen I, Nen I, nak en par me neter nikinik on uk er; en molalai, nom, o nim, o peren ta.

20 A, Kot ap majani on i, Puepue men koa, ponapon uet nen om pan kateika ta: a ij me pan anaki kapua pukkat me ko nanak pena?

21 Nan tue me kin kanikinik on pein i, a jo kapuaparen Kot.

22 A majani on a uarok ko, Nan i me I katiti ki on komail er, Eter lamalama maur omail, me komail pan nom; pil ieramen uara, me komail pan likania ki.

23 Maur me kajompnuala jon mona, o uara me mau jon kapuat.

24 Lamalama repen ka: pue re jota kin patuk pil jo oro pena; o pil jota ar im en nak, jo kalip; a Kot kin kamokamona ir: a komail jo kajompnuala jon puin man pir?

25 Ij komail aki a lamalama me pan kak uje on uar a tuponan pa eu?

26 Ma komail jo kak uia me monai, ta me komail lamalama ki okotome?

27 En tataak kiop ka, tuen ar uojuoja ta: re jota kin totok, o ira ta; a I intai on komail, Jolomon ni a linan kaualap jota kin linan raj on eu ir.

28 Ma Kot kapnata ta kijin re me kin nimi nani puel ranuet, a lakop a pan kaje ti nan kijinia, a jo pan matan likania ta komail me pojon tikitik?

29 A komail en ter non ki kan omail kijin mona, o kan omail pil, o komail ter lol ria pot.

30 Pue me pukan toun jap karoj kin non ki: a Jam omail me ani me komail men anak metakan.

31 A komail en raparapaki muein Kot maj; pue metakan pan pauj on.

32 Penainai tikitik, komail ter majak; pue nan Jam omail men komail en mueini ki jappa.

33 En noti ki la omail kapua, o kijakija; o kaonop on komail et me jo kin ola, o nak on nalan me jo pan miri la, a uaja lollap jo kin kai on, o pil jo majonuta la.

34 Pue uaja omail kapua mia kapet omail pil pan mia.

35 Pon lonalon omail en jikita pena, a jer omail en ijijik;

36 O komail en pein paroki on puin aramaj auiaui er joupeti, a pan koti to jon kamatip en kapapaut; pue i lao koti to letelet, re en matan riti ta jon mo a.

37 Litu ko meit paii me joupeti koti tor tiar ar majamajan: mealel I intai on komail, a pan pein jikita pena i, o kamot irail ti on mona ap pan apapuali ir.

38 O ma a para to ni klok kariau, te kajilu, ap kotin majani ir majamajan, nan me paii litu ko.

39 A komail en aja ma ol mau mi im o tekope to anjoun lollap pan para ta, a pan majamajan, o jo muet on im a en kuli:

40 Komail ari en ononop pue Nain aramaj pan para to anjoun komail jaja.

41 Pita ap kalelapok re a, Main, kit eta te karoj komui kin kapakaparok ki me?

42 Jioua ap majani, Ij juat mau o katak, me a joumaj

pan kajinjila ki a penainai, puen nene on ir jak ar pureok?

43 Litu meit paii me a joumaj para to tiar a uiauia tue met.

44 I intai on komail, mealel a pan kajapuila tan i pon a meakaroj.

45 A, ma litu o pan lamlama, Ai joumaj puapuant; o a pan komakoma ol litu o li litu kai, o nom, o nim, o kamom joko;

46 Joumaj en litu o pan para ton i jo majamajan, o jo auiaui i, o a pan lipoka pajon i, o kajapoka lan nan pon me likom kai.

47 A, litu men me aja kupur en a joumaj, a, jota kaonopa ta pein i, pil jota uia ta tuen kupur a, nan i me pan komakom lar kaualap.

48 A, me jaja, o me uia ta me uar komakom, nan i me pan komakom tikitik. Pue meamen me a koua lapalap, nan i me pan kapakon ki me lapalap; o meamen me aramaj ki on me lapalap nan i me re pan atia jon me lapalap.

49 I ko ton jaun ti kijinia i jappa; a ta me I en uia ta, me a jaun ti er?

50 A nan ai paptaij eu me I en paptaij ki; a tatuen ai uaiuiroka ta lao a era la!

51 Komail lamalama me I ko ton kamueimaui jappa? I katiti, Kaiti; a, puen kamueijuiti:

52 Pue koko la me lim men

toun im eu pan liak toror pajon, me jili men palien ria men ni eu; o ria men palien jili men ni eu.

53 Jam a pan mue jon na, o na mue jon jam a; o in a mue jon na li, o na li mue jon in a; o in a en mue jon en na a paut, o en na a paut en mue jon in a.

54 A majani on puin aramaj, Komail lao utial tapuok u ta jon kapilan, komail kakajajui, Nan katan pan mor; o nan mealel.

55 O komail nar an air u to, komail kajajui, Nan a pan karakar; ap puai ta.

56 Nan malaun komail, komail kin kakajajui maj en nalan o jappa; a ta me komail jo aja ki anjou uet?

57 Mealel, a, ta me komail jo pein kakajajui ki me inen?

58 Ni om ian me imuintiti on uk koko on ren jounkapon, en lamalamatuen ko pan kapiti la jon i; pue a te pana lan uk jounkateik, a jounkateik pana lan uk ren kaon, a kaon kaje uk ti nan imton.

59 I katiti ki on uk me ko jota pan piti la, ko lao puain ta nik kaulap.

IRA 13.

NIN toka o akai ian mia me kaire kin i men Kalili kai me int ar Pailot kapuil on man ijij tom kai.

2 Jijoj ari japon itok re ir, Komail lamalama me men

Kalili pukat me juiti jon men Kalili karoj pueki ar tikiti rau puko?

3 Nai me inta, Jo; a, ma, komail jo injinjino ta, komail karoj pan lokatoka la tue ta.

4 O me ek uali men ko, me im ruk en Jiloam popi ti poa o kame ir la, komail lamalama me re me juiti jon aramaj kan me kaukaujon Jirujalem?

5 Nai me intai on komail, Jo: a ma komail jo injinjino ta, komail karoj pan lokatoka la tue ta.

6 A pil kaparok on ir me uet; Nan ol men mia me a tuka pik pot patuk erjap ue; i ari ko ton tiar ua, a jota me a tiara ta.

7 I ap majani on joumot en jap ue, Nar, par jilu I ko ton rapaki uan tuka pik pot et, a jota me I tiara ta; en pala ti; ta me a pina ki mal uaja?

8 A nan a japon intai on i, Main, en pui jon pil par uet, pue I en ueueir nin tapi, o ki on puel kamau:

9 A me a kaparapar, me mau; a jo, kom ap en pala ti i.

10 A nan a uia patapatak nan im en patak eu ran en japat.

11 A nar, nan li men me jomau tar par naul ualu, me koja pena, a jo kak kajinen ta.

12 Jijoj majani i, ap moli pe to, majani on, Li, koa me la pua ta jon om jomau.

13 I ap poka tan po a lim a ka: i ari inen ta, ap kapikapina Kot.

14 A joumaj en im en patak o makara ki ta pan Jijoj a kakela ta i ran en japat, ap katiti ki on aramaj ko, Ran nonu aramaj en totok: nan ir ota me komail en ko ton kakela ta, a ieramen ran en japat.

15 Jioua ap japon majani on i, Malaun koa, komail karoj jo kin lapua ta na kau o aj jon teu i, o kalua ton kanim pil?

16 A li men et, me nain Epream, me Jetan jali ti par lel naul ualu, me jo mau en lapua ta ran en japat?

17 A majani ue meakan, o kaontonkoma kai ap nomanoka tar: a puin aramaj peren ki manaman kan me a uia ta.

18 A majani on ir, Ta me I en kaparoki on muein Kot? a ta me I en karajai ki on?

19 Nan a paroki on uan jini-pa, me ol men ale patuki ti nani puel, ap uoja ta, uia tuka kalaimun; o manpir kai juki ti nan kajona kai.

20 A pil majani, Ta me I en kaparok ki on muein Kot?

21 Nan a tue ta kalep me li men ale oki la nan kajak en plaua jilu, lao karoj muta la.

22 I ari kakan jili kanim, o kaujon kai, patapataki, kotikot koko ton Jirujalem.

23 Amen ir ap itok re a, Main, me laulau pan kamauri ta? A majani on ir,

24 En niani en petalon on

nan uanim tetik: pue I katiti ki on komail, nan me neter pan jonojon petalon on, me jota pan kaka.

25 Joumaj en im lao u, riti ti uanim, a komail u liki, pikiki ti letalet pan uanim, inta ta, Main, Main, en riti ta jon kit; a i me pan majani on komail, I jaja komail, uaja komail ko jon ia:

26 Komail ap pan pikiki ti, inta ta, Kit me nom o nim impa omui, o komui pil patapatak nani al at ka.

27 A i me pan majani, I intai on komail, I jaja komail uaja komail ko jon ia; en ko ue jon re I, komail karoj me uiauia juit.

28 Nan jonijon o teterok ki ni pan puai tar, komail lao nar Epream, o Aijak, o Jekop, o joukop kan, mi lar nan muein Kot, a komail pijikon la jon.

29 Nan re pan ko to jon nan majalan, o nan kapilan, o nan apan, o nan airilan, o re pan monti nan muein Kot.

30 O nar, nan me puant pan puota la, o me matan me pan puant.

31 Ran ota Pariji kai ap ko to intai on i, En koti ue jon met, pue Erot pan kame la komui.

32 A majani on ir, Komail u ko ue, kajoi on pokj o, Nar, I kin kakauja ue tepil o ka-makamauri ranuet, o lakop, a kajilu en ran I pan kaera la.

33 Ari jo I en kakan jili

ranuet, pil lakop, pil pali; pue jota joukop men pan kin kame la pali la jon Jirujalem.

34 O Jirujalem, Jirujalem; me kin kamekame la joukop ko, o kajuk me pakatara ton uk; pan pak me neter I pan palo ti pena nom kan, tue ta litok men kin kaompual pena na kan pan pa a, a, komail kan!

35 Nar, im om me taan la on uk: mealel I katiti ki on uk, Komail pan jola nar ia, lao lel komail iuta ta, Nan i meapaii me ko ki to mmarr en Jioua.

IRA 14.

NAN a puai ta, ni a koti lon on im en Pariji joupeti men puen jak pret nan japat eu, me re majamajan i.

2 A nar, nan ol men idn mia me lijonapo.

3 Jijoj japon majani on puin jounlokaia o Pariji, itok re ir, Me jo inen en kakela ta ran en japat?

4 Ir ari nennen ta. I ap apuali i, kakela ta, o katara ne;

5 Ap kotin majani, Ij re omail me na aj te kau popi ti on nan por, jo pan pitipiti on, apia ta jon ni ran en japat?

6 A irail jota kak japon ki i meakan.

7 I ari kapakaparok ki on ir me toun kapar, ni a majani tuen ar pilata teu ar impan monjap; majani on ir,

8 Koa lao paluke ton kamatip, ter monti on leppantam, pue me lapa jon uk te paluke to;

9 O me luke to uk, o i, pan majani on uk, Ki on ol men et teu om; a ko pan nomanok ko ti to on nau rauillap.

10 A koa lao paluke, en ko to monti on nan rauillap; pue me luke uk lao para to en majani on uk, Nan, komui en koti ta to: koa ari pan kaintin ta nan pon en me toun kapara kamatip.

11 Pue meamen aka koti to ki nan i pan me tikitik; o me aka me tikitik nan i pan me lapalap.

12 Ap pil majani on me luke to i, Kom lao uia ta konot en ninjouaj te ninjoutik, eter luke to me kompo-kepa om ko, pil jo ri om, o jou om, o jo me kapuapua impa om; pue re te luke uk, o puain on uk.

13 A koa uia kamatip, en luke to me jamama, o me pali tuk kai, o me jikilikil, o me majkun:

14 Koa ari pan paii ta; pue irail jota pan kak puain on uk: pue ko pan puai puai ran en joujou mau kan iaja ta.

15 A amen ir me toun kapara kamatip o ron a mamajani me, ap intai on i, Nan i me paii me pan jak pret nan muein Kot.

16 A majani on i, Nan ol men me uia ta kamatip lapalap, o luke pena me neter;

17 O katara la ion a men
• nin token kamatip puen kaire
kin ir me pan toun kapara,
Komial uko to; pue karoj
niki penai er.

18 Nan irail uia ki eu ikitiki
okotome. Amen intai on, I
ap notia to kijin jap ue, I en
ko lan kilon, I men koa en
katar ia la.

19 Amen inta ta, I puain
tar kau ol pakai limau, I ap
pan ko lan jon ir: I men koa
en katar ia la.

20 Pil amen inta ta, I ap
pauta ki li men, nan I jota
ko la.

21 Ion a o ari puro to, kaire
ki a joumaj meakan. Jou-
maj o aniani tar majani on
ion a o, En tana ue nani al
laut, o al en kanim, o kapo-
kon to me jamama kan, o me
pali tuk, o me jikilikil, o me
majkun;

22 A ion a o inta ta, Main
nan a uiai er tuen omui ma-
jan, a teun akai pil mia.

23 Joumaj o ap majani on
ion a o, En kakan jili nani al
kan papain ir to, pue im ai
en toun lar.

24 Pue nai me intai on uk,
Nan jota meamen ir me pa-
luke pan jon ai kamatip.

25 Nan pokon kai kalaimun
itauen to i: i ari jope on ma-
jani on ir,

26 Meamen ieian ia, jo malie
la jam a, o in a, o a paut, o
na jeri kai, o ri a ol, li ka, o
pil pein maur i, nan i jota
pan kak ai uarok.

27 A meamen jo ki ta a

lopu, o itauen ia to, jota pan
kak ai uarok.

28 Pue ij omail me pan kaua
ta im en taulik eu, me jo pan
monti maj, lamalama me pan
puain a, ma a pan kak ka-
nikie la?

29 Pue a te jaripa ta ap
jota kak kanikie la, o karoj
me ian utial pan kaurur ki i,

30 Inta ta, Ol men et pikiki
ti kau im, ap jo kak kanikie
la.

31 O ij monjap pan mauin
on amen monjap, jo pan
monti maj, lamalama ma a
pan kak kaloe ki ti aramaj
nen, aramaj ria nen?

32 Te ni ar tou pajon a pan
porone ue on poki me pan
karepan muei mau.

33 Nan tue meamen komail
me jo mora jon a meakaroj,
nan a jota pan kak ai uarok.

34 Jol me mau; a ma jol
jolar nomanoma, ta me a pan
kanomanom mau ki?

35 Nan a jota mau on nan
puel, pil jo nan kit; a aramaj
kin kaje lar. Meamen jalon
a mia en ron uaja, i en ron.

IRA 15.

NAN jounnopue kai o me
tipan ap kaikai ton imp
a puen ron i.

2 A Pariji kai, o jounintin
lipalipanete, inta ta, Nan ol
men et kin kompoke ki me
tipan, o ian ir jakajak.

3 I ari kajojon on ir kaparok
pot et,

4 Ij re omail me na jip mea-

puki, meamen ir jalono lar a jo pan pulli ki ti tuek tua men ko nanauel ap raparapaki me jalono lar men, lao tiara ta i?

5 A i lao tiara ta i, a kin kapaika ta, injinimau.

6 A lao puro ton teu i, a kin ekerā pena jou i kai, o me imp a, intai on ir, En ian ia injinimau pue I tiara tar nai jip men me jalono lar.

7 I intin tai on komail, nan peren pil pan lapalapa la nalan pueki me tipan metamen loka lar, jon ar peren kin me tuek tua men me jota tipan.

8 O ij li men me a jip en moni ejok, me a jalono jon ejip, a jo pan ijik lamp, o kokok im, raparapaki a lao tiara ta?

9 I lao tiara tar a kin ekerā pena jou i kai, o me imp a, intai on ir, En ian ia peren ta; pue I tiara ta me I jalono jon.

10 Nan I katiti ki on komail, me peren kin lapalap nan pon en tounlan ren Kot pueki me tipan men loka lar.

11 A majani, Ol men mia me na ol ria men:

12 A meatik re ira intai on jam a, Jam ai, ki to puaij ai en kapua kan. I ari nene on ira a kapua kan.

13 Katekateo na meatik oro pena a kapua kan, ap lip lan nan uai, o kajakajamala ki a kapua kamom joko.

14 I alao kamoja ue ta a

kapua, leek lapalap ap puai ta jap o; I ari tutupok la.

15 I ari ko ie totok on me puelitan jap o men; i ap katara la i puen kamona na puin puik.

16 A nan a pan kamona ki pein i tip kai me puik kin kan: a, jota me re ki on i.

17 A katekateo i lao lolikon la, ap inta ta, Litu puainok metapa mi ren jam ai me kan ar mona mearak, o purenmet a nai pan ma ki la jo kan ai mona?

18 I pan u ta pure ue ren jam ai, o intai on i, Jam ai, nai me uia tar tip on nalan, o komui,

19 I jouar komui en naina kin ia: en uia kin ia litu omui men.

20 I ari u ta, puro ton jam a. A ni a mi uaja tou, jam a kilona ta i, o poka la, piti-piti ton i, o palo ti i, metiki i.

21 A na me intai on i, Jam ai, nai me uia tar tip on nalan, o on komui, I jouar komui en naina kin ia.

22 A, jam a majani on na litu kai, Ua to likau kajompual, likauia ta i; o ki on nin jonti en pa kijin mata, o jut nin ne ko;

23 O ua to kau pul ui, o kame la; kitail en jak, o peren ta:

24 Pue nai ol men et me me lar, ap iaja tar; o jalono lar, ap tiaroka tar. Irail ari ap peren ta.

25 A na ol mejeni mi nan jap: o ni a koko to, kareni im o, ap rona ta kaul o kakalok.

26 I ari eker a to litu men kainoma re a arail uiaua.

27 I ari intai on i, Ri om pur er; o jam om me ijika tar kau pul ui, pueki a tiara ta i me maur, o kelail.

28 I ari makara ta, kan petalon on: nan jam a ap petoi to jon, o pokipoki.

29 I ari japon intai on jam a, Nar, par me neter I kin totok on komui, o jota omui majan me I kaeo la; a jota kot men me komui ki on ia pue I en kamatipa ki kompokepa I kai:

30 A matan nom ol ko tor me kamoja ue on li juit kan om kapua kai, kom ap ijik on i kau pul ui o.

31 A majani on i, Nai ol, koa kin mimi ta re I, o ai kapua karoj om kapua.

32 Me mau kitail en kapopol, o kaperen: pue ri om men et me me lar, ap mauri tar; o jalono lar, ap katiaroka tar.

IRA 16.

NAN a pil kaparok ki on a uarok kai majani, Nan ol men me kapuapua mia, me na juat, me kaintin ta a peitilakit a koua kapua.

2 I ari eker a to i, ap majani on i, Tatuen ron pot I kin ron er jon uk? en ueoka ta om uiaua juat; pue ko pan jolar ai juat.

3 Juat ap matamataua, Ta me I en uia? pue ai joumaj me ki jon ia ai koua juat: nan I jota kak ueueir; a pokipoki, I nomanok ki.

4 I ap lame ta me I en uia ta, I lao jouor uia juat, irail en kajamo ia lon on im ar kan.

5 I ari eker a to me puaipuant on a joumaj kai, ap itok ren amen ir, Ta me om puaipuant on ai joumaj?

6 A japon, Kalon en le me uali puki. A intai on i, Ale om puk, monti pitipit, intinie ti on me pa puki.

7 A pil itok ren amen, Ta me om puaipuant? A japon, Nan kopa en uan plaua me apuki. A intai on i, Ale om puk, intini ti me uali jok.

8 Joupeti o kapina juat me juit, pue a katak tetekop; pue toun jappa et, nin ti arail me lolikona jon toun kan marain.

9 I kapakaparok ki on komail, Pein komail en uia kompokepa omail, me kapuapua kai; pue komail lao jamama la, re en kajamo komail lon on kaujon koko la ta.

10 Meamen me apapuali eu me tikitik nan i me kin apuali me lapalap: o me jo apapuali me tikitik nan me pan jo apuali me kajompual.

11 Ma komail jo apapuali paii pali pa, ij me pan liki on komail paii pali poa?

12 O ma komail jo apapuali en amen a kapua, ij me pan liki on komail me utan omail?

13 Jota litu men me kak litui pena joumaj ria men: pue a pan kan amen, o apuali me teiu; te apuali amen,

o juiti ki me teiu. Komail jota kak pariai pena Kot o mamou.

14 O Pariji kai me kin no-roka kapua, pil karonā mea-kan, ir ap kaurura ki i.

15 A majani on ir, Nan komail me kin kapokapon pein komail ren aramaj; a Kot kiu me ani nan kapet omail: pue me kajompual ren aramaj kin me mal ren Kot.

16 Nan kateik o joukop kan kin mia koko to lel Jon: muein Kot ap kauēue ta koko to, a karoj kin uikiti on.

17 Nan me monai lan o jappa en kajora la, jon ekij kateik en kajopona lar.

18 Meamen me kamueta ta a paut, ap pāuta ki amen, nan me nenek; o me pauta ki me ol kamueta ta nan i me nenek.

19 Nan ol me kapuapua me kapuata ki likau uaitata o matarok, o me kaomot ran karoj.

20 O ol jamama men, me at a Lajaroj, me re kaukaule puili ti pan a uanim o, me kinj mulatok.

21 O a men tunole ki moromora me popi ti jon ni tepel en ol me kapuan: o kiti kai me kai on tamotamor a kinj kan.

22 Katekateo me jamama me lar, o tounlan pui me itan ta lan ni maramar en Epream: o ol kapuapua pil me lar o jaripi ti;

23 Ap jara ta nan el uaiui-roka tar, ap utial Epream mi

uaja tou, o Lajaroj mi nan maramar a o.

24 I ari uiriuri ta inta ta, Jam ai Epream, en kupurai ia, o katara to Lajaroj puen itip pil ki a jonti en pa ki on ni lo I; pue I uairoka tar nan iai uet.

25 A Epream majani, Nai, en katamau nan koa tunol er om mau kan jappa, a, Lajaroj a me juit kan: a met nan i me peren tar, a koa me uai-uairoka tar.

26 O pil meakot me kae la, pue uao apual eu mimi nan pon en komail o kit: pue meamen men jipala ue re om en jota kak; pil jota re ir pan kak ko ton kit.

27 Nan a pil intin ta, Nai me pokipoki re omui jam ai, pue komui en porona ue i ren jam ai;

28 Pue ri ai ol me lim men; pue i en ko ie on re ir en katiiti on ir, pue re te pil lela ton uaja uairok uet.

29 Epream majani on i, Nan Mojej, o joukop kai mimi re ir; re en pojon ir.

30 I ari japon, Kaitik, main, jam ai Epream; ma meamen ko ie on ir jon joujou, re pan injino ta.

31 A majani on i, Ma re jo ron Mojej o joukop ko, re jota pan pojon la, ma meamen iaja tar jon me lar.

IRA 17.

A MAJANI on a uarok kai, Nan a jota kak kaopa kai en jo puai ta: a i meit karia la me re ko ki to!

2 Nan a pan mau on i ma petelap eu en pautok on ni kapin uir a, ap kaje ti nan matau, jon a kae la jeri men pukat.

3 En pein kalaka komail: Ma ri om uia tip on uk, en panau i; a ma a injino ta, en lapua ta i.

4 Ma a uia tip on uk pan iji pak ran eu, o puro ton uk pan iji pak ran eu inta ta, I injino tar, ko en lapua ta i.

5 A uanporon ko inta ta, Main en kalaute la at peik.

6 Nan Jioua majani, Ma omail liki lauti on uan kati-rin komail pan intai on tuka jikamor pot et, Ko en uja jon tapi, kajau on nan matau; o nan a pan uoke uk.

7 A ij re omail, me litu om men motimot o kamokamona man ka, pan intai on i, ni a puro to jon motauel o, En ko on mot on mona?

8 A jo pan matan intai on i, En kaonopa ta kan ai, o pirai uk ta, o apuali ia, I lao nom o nim tar; ko ap pan nom o nim?

9 Ta, a pan kapina litu o a uia ta me a majani on i? Nan kaiti.

10 Pil tue komail, komail niai er meakan me kakalik on komail, en inta ta, Je meit litu mal: nan konepa at me je uia ta.

11 Nan a puai ta ni a koti ton Jirujalem, a kotin ueit nan uein Jameria, o Kalili.

12 O ni a petalon on kanim eu, nan ol ek tukatuk me koko ton i, me uti on kaila ue:

13 Irail nil laut inta ta, Main Jijoj, en kupurai kit.

14 I lao majani ir, ap majani on, Komail ko ie la kajan-jale on pein komail ren joumaro ko. Irail ari kelaila ta ni ar koko la.

15 Amen ir, kaan me a kelaila tar, ap puro to nila ta kapina Kot,

16 O pori ti jon aluuilua kapikapina i: ari men Jameria men i.

17 Jijoj kotin majani, Jo meek me kelaila tar? a ia me tua men oko?

18 Jota me puro ton kapina Kot, ol en liki men et eta.

19 A majani on i, U ta, u ko ue: om peik me kakel uk tar.

20 Pariji kai kalelapok re a tokan ta muein Kot pan puai ta: a majani on ir kaueue ta, Nan muein Kot jota kin jan-jal koko to:

21 Irail jota pan inta ta, Nar met! o, nar monen! pue nar nan muein Kot mi lar nan pon omail.

22 A majani on a uarok kai, Katekateo komail pan men nara tar ran eu en Nain aramaj, a komail jota pan kaka.

23 Irail pan intai on komail, En nar met; o nar monen: komail ter tuki on ir, ter itauen ir la.

24 Pue tuen liol me kin

linalin jon pali lan, lel pali lan teiu; i tuen Nain aramaj ni ran o.

25 A nan a en komakom kaualap maj, o jakanakan la pan ti uet.

26 Tue ran en Noa, nan ran ko en Nain aramaj pan tue ta.

27 Irail me nom, o nim, o kapapaut lao lel ran en Noa a petalon on nan uarim o, ran en nolik puili ti, katu-puali ti karoj.

28 Pil tue ta ran en Lot o; re nom, o nim, re notinot o japajap, o kaukau im.

29 A ran ota en Lot a ko ie jon Jotom, kijiniai o nanja-pue ap mori ti jon nalan, iji-ka ta ir karoj.

30 Nan tuen a pan uiaui ran en Nain aramaj o a jan-jala to.

31 Ni ran o, meamen mi pon im, o a kapua mi nan im a, i en ter ko ti on ale: o me mi-mi nan jap, i en ter puro to.

32 Tamataman en Lot a paut.

33 Meamen keleip ki maur i, me pan popi jon: a me ton-mete ki maur i nan me pan kamauri tar.

34 Nai me intai on komail, nipon o, ol ria men pan onion pena; amen ira pan pauka jon, o amen ira pan mimia ta.

35 Li ria men pan irij pena plaua; amen pan pauka jon, amen pan mimia ta.

36 Ol ria men pan mi nan jap: amen pan pauka jon, amen pan mimia ta.

37 Irail japon itok re a, Ia

Main? A majani on ir, Uaja uara mia, nan i uaja puin ikel pan pokopokon.

IRA 18.

NAN a kapakaparok ki on ir majani, aramaj en potin kapakap, re en ter poni tar.

2 Mamajani, Nan jounka-pon men mi kanim eu, me jo lan Kot, pil jo injino ki aramaj:

3 O pil li oti men mi kanim o; me poto to pokipoki re a, En paupora ki on ia me imuintiti on ia.

4 A nan a kan maj o; a katekateo a monamon lol ki, Nan I jota majak Kot, pil jo injino ki aramaj;

5 A, pueki li oti men et a katairon ia nan I pan pau-pora ki on i pue a te pure-pure ko to kaponai ia.

6 Jioua ap majani, Komail en karon a me jounkapon java o kin inta ta.

7 A Kot, a jo pan paupora ki me kilele ti kan, me kin jonijon on i niran nipon, pala puapuant?

8 Nai me katiti ki on ko-mail nan a pan matan pau-pora kin ir. Ari jo, Nain ara-maj lao para to, ta, a pan tiar peik ni jappa?

9 I ari kapakaparok ki on me kin aka pon ki pein irail, a, aka jopon ki akai:

10 Nan ol ria men me ko ta ton im en kautok puen ka-pakap; amen Pariji o amen jounnopue.

11 Pariji o me kajinen ta kapakap ki pein i, Main Kot, I kin kapina komui, ai jota tue ta akai aramaj, me kin jokon, o japa, o nenek; o pil jota tue ta jounnopue men et.

12 I kin kaikaijole pan ria pak uik eu, o koleir jon ai kapua karoj.

13 A jounnopue o me u, jo jara ta nalan, ap pikir maramar a, inta ta, Main Kot, en kupurai ia me tipan.

14 Nai me inta ta, ol men et ko ti ton im a kapona la mon me teiu; pue karoj me aka kapon ki pein ir pan kajopona lar; meamen kaja-puili ti pein i nan i me pan kajapuila ta.

15 Irail ap ua ko ton i puin jeri puelel, puen jair ir; a a uarok kai nar, re ap kapon on ir.

16 A, Jijoj uoron ir, majani, En katar puin jeri pue en ko ton ia, eter inapui ir ti: pue nan tuen ir toun muein Kot.

17 Mealel I intai on komail, Meamen kan ale muein Kot tue ta kijin jeri men, nan a jota pan petalon on.

18 A monjap men itok re a, Main, mau, ta me I en uia ta puen joujou ki maur jakatuk?

19 Jijoj ari majani on i, Ta me kom inta ki me I me mau? jota me mau men, Kot eta.

20 Komui aja kujenot oko, Eter nenek, Eter kame la

aramaj, Eter lipirap, Eter impimpa mal, Kakaki jam om o in om.

21 I ari inta ta, Nan me pukat I kin uiaua jon ai naitik koko to.

22 Jijoj me ani meakan, ap majani on i, Komui meit mot jaik; en noti ki la om kapua karoj, o nene on me jamama kan, a ko pan kapuapua nalan: a ko ap itauen ia to.

23 A i rona ta me, ap mauk kaualap: pue a kapuapua kaualap.

24 Jijoj majani me a mauk kaualap, ap majani, Nan me apual on me kapuapua en petalon on nan muein Kot!

25 Pue nan me monai-kamel en til lon nan por en tikok jon ol kapuapua petalon on nan muei en Kot!

26 Irail me ronaron ap itok, Ari, ij me pan kak on maur?

27 A majani, Me aramaj akan jo kak on, Kot pan kak on.

28 Pita ap inta ta, Nar, kit me likit malie lar meakaroj, ap itauen komui lar.

29 A majani on ir, mealel I intai on komail, Nan jota meamen likit malie la im a, o jam a in a, o jou i, o a paut, o na ka, pueki muein Kot,

30 Me jo pan anaki me lapalap pali et, o ni anjou teiu maur jakatuk.

31 Jijoj ap uk ekriamen ko, majani on ir, Nar, je koko ta lan Jirujalem, o me joukop ko intinie ki Nain aramaj pan pona la.

32 Pue nan a pan pana lan ren me rotarot ko, o re pan kapikapiti i, o ki jon uau i o kontipi on i.

33 O re pan uoki i, o kame la; a kajilu en ran, a pan iaja ta.

34 Irail ari jota maan ueue ki me pukat, a kajoi pot et me riri jon ir, re pil jo loli-kon ki me a katiti ki on ir.

35 A katekateo ni a kareni Jeriko, nan ol majkun men, moimot pon kailan al, poki-poki;

36 O ronaron pokon o taululi ap peitok me.

37 Ir ari inta ta me Jijoj men Najaret taululi.

38 I ari uiri ta, poki-poki, Jijoj, Nain Tepit, en kupurai ia.

39 A me alu mo a me kiti-kitau i, pue en nennen la; i ari uiriuir laut, inta, Nain Tepit, kom kot en kupurai ia.

40 Jijoj ari koti ti on uajao majani ol o en pakatara ton i; a i lao karen i ap itok re a,

41 Majani, Ta me ko men I en uiai on uk? I ari inta ta, I men nar uaja.

42 A Jijoj majani on i, En nar uaja; om peik me kamauri uk ta.

43 A pitipit a nara ta uaja, o itauen to i, kapikapina Kot: o aramaj karoj, ututial me ap kapikapina Kot.

IRA 19.

NAN Jijoj koti lon ton Jeriko, ap taulul lar.

2 Nar, nan ol men me at

anaki Jakioj me joumaj en jounnopue kai, me kapua-pua.

3 Nan a jon nar Jijoj puen kalelapok ki; a a jota kak pueki pokon o, o a jakakair.

4 I ari tana ue mo a, tau ta lan tuka jikamor pot, puen nar i; pue a pan ueit uajao.

5 Jijoj lel uajao, ap jara ta, majani i, majani on i, Jakioj en matana ti to; pue I en kaujon ni im om ranuet,

6 I ari matan tau ti, o kajo mo i peren ta.

7 Irail nara ta me, re ap lipanete ki, inta ta, Nap a joma lar paj ren me tipan.

8 A Jakioj u katiti ki on Jioua, Nar, Main, apor en ai kapua karoj I kin kijakija ki me jamama kai; o ma I katia jon meakot ren amen, I kin puain japal on pan pa pak.

9 A Jijoj majani on i, Maur ap para ton nan im uet ranuet, pue nan i nain Epream.

10 Pue Nain aramaj para ton rapaki o kamauria ta me jalono lar.

11 A ni ar ronaron me pukat, nan a iana ki kaparok pot pataki, pueki a karen i er Jirujalem, o pueki ir kajikajik ki me muein Kot karen tor.

12 Nan a majani, Jounpeti men me koti lan nan uai puen nini mmarr e ap pan puro to.

13 I ari molipe to na papa ek, o ki on ir moni paun ejok, majani on ir, En kajuklola ki I lao puro to.

14 A ion a kai kailok kin i, o porone la muri, inta ta, Je kan ol men et en kaon kit.

15 Katekateo, a pur er, kajuila tar, ap majani papa ko en molipe to me a ki on moni o, puen aja tuen ar kajuiklola ki ar koua, amen amen.

16 Men maj ap para to inta ta, Main, omui paun me kare tar paun ejok.

17 A majani on i, Me mau, ko meit papa man: pueki om kanakanai on me tikitik, ko pan poe ti kanim ejok.

18 O amen ap para to, inta ta, Main, omui paun me kare tar paun limau.

19 A pil majani on i, Koa en poe ti kanim limau.

20 O pil amen para to inta ta, Main, nar, ietet omui paun, me I kin nikit nan et en:

21 Pue I majak komui pue me petikan men komui: kom kin ale ta me kom jo ki ti, o uaja pena me kom jo patuki ti.

22 A majani on i, Jon nan pein au om, I pan kateika kin uk, litu juit koa. Ko ajai er me ol petikan men nai me kin ale ta me I jo ki ti, o uaja pena me I jo patuki ti:

23 Ari, ta me ko jo kajuiklola ki ai moni, pue I pur er I en ale utan ai o ij a.

24 A majani on ir me u imp a, Ale jon i paun o, ki on ren me a paun ejok.

25 Irail intai on i, Main, nan a nainki er paun ejok.

26 Pue I intai on komail, Meamen me a mia, ekij pan ko on; a me jota a; nan a puitikatik ia pan kamoja ue ta.

27 A me pukat, me imuintiti on ia, o kan I en kakaon ir, en kapokon ir to, o kame ir la mo I.

28 Era lar a majani tue met, ap ti bn, koti ta lan Jirujalem.

29 Alao koti ton Petpej o Petani, pan anin tol Olipet, ap porona ue a uarok ria men,

30 Majani, Koma ko lan kanim monen; nan uajan petalon koma pan tiara ta aj pul men jali ti, me aramaj jaik kara tan po a, en lapua to i.

31 A ma meamen itok re oma, Ta me koma lapua ki ta i? i me koma en japon i; Pueki Jioua kupukupura.

32 A ira me pakatara ue, ap ko to, o tiara ta tuen a majani on ira.

33 A ni ira lapua ta aj pul, me na kai ap itok re ira, Ta me koma lapua ki jon aj pul men et?

34 Ira japon pueki Jioua kupukupura i.

35 Ira ari ua to i on Jijoj; re ap irepa ta ar likau kai pon aj pul o, o kamot on po a Jijoj.

36 Irail ueit koko ue, re ap irepa pajon ar likau nani al.

37 I lao karen i er, ni man tol Olipet, ion a karoj pikiki ti kaul o nijinij on Kot, kapi-

kapina ki i a manaman kai me re tiar;

38 Inta ta, Meit pail Nan-maraki en me koti ki to ni mmarr en Jiona o; en popol nalan, o me linan poa kau-alap.

39 A akai Pariji kijan pokon o intai on i, Main, en kapon ion omui ko.

40 I ari japon ir, majani on, I katiti ki on komail ma me pukat nennen la, takai pukat pan matan katete ta.

41 A lao karen, majani kanim o, ap tontonir ki,

42 Mamajani, Ma ko ajai ier, a ma ko aja ni nom ran ranuet meakan utan om pol! a met re riri jon er maj om.

43 Pue katekateo eu ran, puin me imuintiti on uk pan ueira ta uarauar katu uk pena, o kapit uk pena, o pinai uk ti pali karoj.

44 Irail pan karonki uk la, kapatapat on nani puel, o tou om kan; o re pan kati-par uk ta; pue ko jaja an-joun om pan kaonop.

45 I ari koti lon on im en kautok, ap jikon jon men notinot en kapua;

46 Majani on ir, Nan a intini ti er, Im ai im en kapakap; a komail uia ki teun lollap kai.

47 I ari kaukaule pataki nan im en kautok o. A jou-marolapalap, o jounintin kai, o joumaj en aramaj rapaki kamata la i,

48 A re jota kak tiar me re

en uia ta: pue aramaj karoj apuali i kaualap.

IRA 20.

NAN a puai ta, ran ko, ni a kotin patapataki aramaj ko nan im en kautok, o kauue ta ronmau, nan jou-marolapalap o jounintin, o tia ma kai poto ton i,

2 Kalekalelapok re a, inta ta, Kaire kin kit me kapi komui en uiaua me pukat? o me kauat komui ta?

3 A japon majani on ir, I pan itok re omail meakot; komail en japon ia:

4 En Jon a paptaij, men nalan, te me ren aramaj?

5 Irail kapakaparok nan pon ar, inta ta, Ma je inta ta, Men nalan; a pan itok, Ta me komail jo kamealele ki i?

6 A ma je inta ta, Me ren aramaj; toun jap karoj pan kate kit, pue re kamealele me joukop men Jon.

7 Irail ari japon, me re jaja uaja a u jon ia.

8 Jijoj ap majani, Ari, I pil jota pan kaire kin komail kapi me I uiaua ki me pukat.

9 I ap kapakaparok on ir me uet; Nan ol men me motia ta motauel en uain eu, ap liki ti on jounmot kai, o momait lon nan uai kauka-jon ia.

10 Katekateo lao raka la a katara ue na papa men on jounmot ko, pue re en kaka to jon a motenuain, a

joumot ko uoki i, ap katara ue kaiip.

11 A pil katara ue amen papa, nan re pil uoki i, o uia juit on i, kajapoka ue kaiip.

12 A pil katara ue me kajili men: ir ari koma i, o kajapoka lar.

13 Joupeti en motenuain o, ap majani, Ta me I en uia ta? I pan porone la nai mejen i ol men: tena re pan majak i re lao nara tar i.

14 A joumot ko nara ta i, re ap kaparok nan pon ar, inta ta, Nan me jokajokara men i: kitail en kame la i, pue jokara en it u on kitail.

15 Irail ari kajapoka jon i nan motouel o, kame la i. Ta me joumaj en motauel o pan uiai on ir?

16 Nan a pan koti to kame la joumot ko, ap liki ti on akai. Ir rona ta re ap inta ta, Kot en kaititi.

17 A majani ir, majani on, Tatu en intin uet, Nan takai en me joupal ko kajapoka lar me it takai en pukkaim lar?

18 Meamen me popi ti pon takai en pan kamatoka tar; a, me a popi ti on po a, a pan pitaka pajon i.

19 I token joumaro lapalap, o jounintin kai raparapaki en jaiki ti i; ir ari majak aramaj: pue re mulikia ta me a kapakaparok kin ir.

20 Irail ari majamajan i, o porone to liporok kai, me kin uia kin pein irail aramaj mealel, pue re en kapini ta i a kanee ta, puen pana lan i

ni lim en nanmaraki, o ni a kapi.

21 Irail itok re a, inta ta, Main, je aja me komui kin mealel majani, o patapataki, a komui jota kin lipilpil meamen, pue komui kin patapataki tiak en Kot mealel.

22 Me inen uia toun jap on Jija, te jo?

23 A i kilele ti ar uituitina, ap majani on ir, Ta me komail jonojon kin ia?

24 Kapare to moni eu. Tikitik en ij, o kilel? Re japon, inta ta, En Jija.

25 A majani on ir, En puain on Jija utan a kan, o on Kot utan a kan.

26 Irail ari jota kak kapini ta i a kaueue mon aramaj: ir ari puiriamui ki a japon, re ap japemokit.

27 Jatuji kai ap ko ton i, me kin inta ta, nan jota mur en me la; ir ari itok re a,

28 Inta ta, Main, Mojej intini ton kit, Ma ol men me jon a paut li tapuon, ri a ol en ale i a paut, kaipui on ri a ol jeri kai.

29 Nan ol iji men uan li ta men mia; a mejen i re irail pauta ki li men ap me la, jota na jeri.

30 A amen ir pauta ki i, pil me la, jota na jeri.

31 O pil amen; o pil tue ta me iji men a jota na irail jeri.

32 A ikmuri li pil me la.

33 Ari, murin me la ij me i pan a paut? pue me iji men pauta ki tar i.

34 Jijoj japon majani on ir, Toun jappa et kin kapapaut o kijinnin pena:

35 A me kilele ti mau en lel on jap teiu, o en kamaura ta jon me la, nan re jota kapapaut o kijinnin pena:

36 Nan re pil jota kin me la: pue re paroki on tounlan ko; o re jeri en Kot, pue kijan kamaur.

37 Me jounjou kan ar pan kamauria ta, Mojej me katete ta nin tokan a ututial tuka pot o, inta ta, me Jiona en Epream a Kot, o en Aijak a Kot, o en Jekop a Kot.

38 Pue nan kaitin i Kot en me me la, a en me maur oko; pue karoj me kamaur on i.

39 Akai jounintin japon, katiti, Main, omui katiti me mau.

40 Irail ap jola kak peitok re a.

41 I ari itok re ir, Tatuen ar inta ta me nain Tepit Kraij?

42 Pue pein Tepit katiti ki nan puk en kaul, Jioua majani on ai Jioua, Komui en kaipoki ti pali maun I.

43 I lao uia ki me imuintiti on komui utipan aluuilua omui.

44 Tepit ari kin Jioua ki i, a tatuen a pan kin na?

45 Nan karonan aramaj karoj a majani on a uarok ka,

46 Kalaka puin jounintin, me kin mauki momait jili nan likau pup rairai, o mauki ranmau pena nan im en not

kai, o uaja ile la nan im en patak, o leppentam ar toun kapar kamati.

47 Me kin kae la im en li oti kai, likilikom kapakap rairai: nan irail pan komakom kaulap.

IRA 21.

NAN a jara ta, mamajani me kapuapua kai uia koleir.

2 Nan li oti men me a majani a koleira ki partin riau.

3 A majani, Mealel I intin tai on komail, li oti men et a koleir me lapa jon arail karoj:

4 Pue me pukan uiaua koleira ki on Kot kijan ar kapuapua; a i kijan a jamama karoje la a paii lao niki lar.

5 A akai ir kajokajoia im en kautok tuen a kapuata ki takai kajompual kai, o mairon kai, i ari majani,

6 Me pukat me komail ututial, katekateo eu ran, pan ronki pajon, katipara la.

7 Irail itok re, inta ta, Main, a pan pona la iat? o kilel ta pan paramoa me pukat ap pan puai ta?

8 A majani, Kalaka pue komail te leji lar; pue nan me neter pan para ki to ni mmarre I, inta ta, Nai me Kraij; o a lel er anjou i o: komail ari ter itanen irail.

9 A komail lao ron muel juit, o morauo kai, eter majak: pue me pukat pan uiani maj; a, a mot jaik imuijok la.

10 Ap majani on ir, Toun-jap eu pan muei juit on tounjap eu, o uei eu muei juit on eu uei :

11 O jappa pan rorok jili kaulap, o leek, o jomau kai pan mia; o nan janjal kamajapuek kai, o kilel kai pan para ta nalan.

12 A, maj mon me pukat, re pan jaiki ti komail, o koma komail, o pana lan komail nan im en patak kai, o imton, pue komail pan jali ti ren monjap, o joumaj pueki nai.

13 A nan a pan uiki la katekin komail.

14 Komail en lame ta me komail jota pan kaonopa ta me komail pan japon :

15 Pue nai me pan kalokaia komail, o kalolikoni la pue me kailok kin komail en jota kak kalikoma, o uon jon.

16 Nan me uia ta komail, o ri omail, o jou omail, o kom-pok omail, pan pana la komail; o akai komail re pan kapi en kame la.

17 O aramaj karoj pan kailok kin komail pueki nai.

18 A nan jota pit en mon omail pit pan taponoka la.

19 Komail ari kalolmaui komail impimpai.

20 Komail lao nara tar Jirujalem antera ki pena jounpei kai, en lelapok ki me a lel er iran a pan lokatoka la.

21 Me toun mimi Jutia kan re en tana ta lan nan nana kai; o me mimi nan uaran jap, re en piti la jon; o me mimi ni kailan jap kai, en ter puro to.

22 Pue nan ran en komakom kaulap me pukat, pue karoj me intin i ti er en ponala.

23 Nan me juit on me lijeian, o me katiti jeri ran ako! pue lokalok pan lapalap uijap et, o komakom ren aramaj pukat.

24 Irail pan kama ki la kotloj, o jalia ue on nan uai: o toun uai kai pan tiaki ti pajon Jirujalem, lao lel anjoun toun uai kan puai tar.

25 Nan katapakilena pan mimi ni katipin, o maram, o uju kai; o nin jappa aramaj pokon pan kalokalok, o pinitar; o nan matau pan anian melimeli tar.

26 Nan kapet en aramaj o ki lar ar majak, o majamajan me pan uiaui kan jappa; pue urepan nalan pan mokita ta.

27 Irail ap pan nara ta Nain aramaj a kotikot ko ki to ni tapuok manaman o linan kaulap.

28 Me pukat piki ti uiauia, komail en jara ta, o kajinen ta; pue a lel er omail pan kamaiio ta.

29 I ari kapakaparok on ir, majani; Nar tuka pik pot, o tuka karoj;

30 Re uoja tar, komail nar o pein aja me rak karen tor.

31 Nan tue komail, komail nar me pukat uiaui er, komail en aja me muein Kot karen tor.

32 Mealel I intai on komail, Ti uet jota pan imui la mon me pukat puai tar.

33 Nalan o jappa pan lokatoka la; a, ai kajoi kai jota pan lokatoka la.

34 Komail ari en pein kala-ka, pue komail te kapet en mona, o kamom joko, o nonon ki maur et, ran o kapuiriamui komail.

35 Pue likoma ta injar eu a pan injare ti toun jappa karoj.

36 Komail ari majamajan, o potin kapakap, pue komail en joni ti mau on piti jon me pukat me pan uiaui, o en pat on Nain aramaj.

37 Niran nan a kotin uiauia patak nan im en kautok o; a nipon a kot ie to, kotikot tol Olipet.

38 O nan irail karoj jankonai pokon ton i nan im en kautok o, puen ron i.

IRA 22.

NAN kamatip en pret jo-mut karen tor, kamatip en pajopa.

2 Joumaro lapalap kai, o jounintin raparapaki tuen kamata la i; pue re majak aramaj.

3 Jetan ap til lon Jutaj me intin ta Ijkariot, amen irail ekriamen ko.

4 I ari ko ie la ren joumaro lapalap kai, o kapin, kalelapok iren a pan pana lan ir i.

5 Ir ari mauki, re ap inau ki ta me re pan puain on i moni kai.

6 I ari inau ta, o raparapaki

iren pana lan ir i jo moromoro.

7 Ran en pret jo mut ap lel, anjoun pajopa en kame la.

8 I ari porone la Pita o Jon, majani, U ko on, kaonop on kit pajopa, pue je en jak.

9 Irail itok re a, la uaja komui men je en kaonop?

10 A majani on ir, Nar, komail lao petalon er kanim o, nan ol men pan tu on komail, ua jar en pil; en itauen i nan im eu me a pan petalon on.

11 Komail en kajoi on ol mau me nan im o, Joumaj o kalelapok re om, la nan pera poa, uaja I pan ian ai uarok ko jak pajopa?

12 I ari pan kapare on komail ueip poa kalaimun autaut er; i uaja komail en kaonopa ta.

13 Ira ari ko ie la, re ap tiara ta tuen a majani on ira: ira ari kaonopa ta pajopa.

14 Klok lao lel, nan i kaidaki ti, o a uarok ekriamen ian i.

15 I ap majani on ir, I anane en ian komail jak pajopa uet mon I kame la:

16 Pue I katiti ki on komail me I jolar pan pil jaka me, alao kapon la nan muein Kot.

17 I ari lima ta tal, o kajakaj ki, ap majani, En ale, neek nan pon omail;

18 Pue nai me intai on komail, I pan jolar nim kijan uan uain, muein Kot lao puai tar.

19 I ari lima ta pret, kaja-kaj ki, o pilitiki pajon, ap neek on ir, majani, Nan uar ai me uet, me pana lan komail: komail en uia me uet tamataman ia.

20 O pil tal en nim imuilan konot en joutik, majani, Nan tal uet katete kap en inta I, me kapuil lan komail.

21 A, nar, pa en me pan ia la, me ian ia ni pon tepel et.

22 Nan mealel Nain aramaj pan pana la tuen a kauat on: a nan me karia ol me pana la i!

23 Irail ari pikiki ti itok nan pon ar, ij re ir me pan uia ta men?

24 Irail pil akamaik ki nan pon ar, me pan uatok me lapalap re irail.

25 A majani on ir, Nan kaon kan en toun uai kin joko-jokona irail; o me joko-jokona i kin uatouatok ti me uiaula mau.

26 A komail jota pan tue ta; a me lapa jon re omail, nan i en meatik; o mealap en tue ta me kin papa.

27 Pue ij me lapa jon re ir, me kin kaipoki ti jak, te me kin papa? kaitin me kin kaipoki ti jak? a nai likoma ta me kin papa re omail.

28 Nan komail me ieian ia ai komakom.

29 Nai ari kilele ti on komail uei eu, tuen Jam ai kilele ti on ia;

30 Pue komail en nom o nim impan ai tepel ni mue I,

o monti pon pajapaj kai, ka-teik kainok en Ijrael ejok riaa.

31 Jioua ap majani Jaimon, Jaimon, nar, Jetan non kin uk, puen kokok uk tue ta uan plaua:

32 A, nai me kapakap kin uk, pue om pojon ter mokonaiti: a ko lao uikitoki la, en katone ti ri om ko.

33 Nan a katiti ki on, Main, I pan itauen komui lel nan imton, o kame la.

34 A majani, Pita, I intai on uk, Nan malek jota pan kokarot, ko lao kamama ki me ko ajai ia.

35 A kotin itok re irail, Ni ai katar komail ue, jo moni, o jo et, o jut, o meakot me komail jo ale? Re ap inta, Jota.

36 I ari majani on ir, A met, me a et mia, en ua, o pil a moni: o me jo a kotlaj, i en noti ki la a likau, noti apot.

37 Pue I intin tai on komail, me intin kin ia en kapon on ia, Nan a ian me uia juit kai uatouatok ti pena: pue me intin kaire kin ia me kaimuijok la.

38 Irail inta ta, Main, nar, iet kotloj ria pot. A majani on ir, Ari i eta.

39 I ari koti la, ap koti lan tol Olipet, tuen a kin uia; o a uarok ko itauen to i.

40 I lao lel uajao, nan a majani on ir, Komail en kapakap pue komail te jonojon.

41 I ari torora jon ir, tou la en takai eu a kapir ap keli-puki kajakaj.

42 Jakajakara, Jam ai, Ma komui mauki, kotin lima ue, jon ia tal uet: ari jo, kaitin nai, komui ta en uia ta.

43 Nan tounlan men para to jon nalan katina ta i.

44 I uaiunairok niani a kajakaj: o a pitoua likomata inta tinitini ti on nani puel.

45 A u ta jon a kajakaj, o pur on a uarok ko, nan a tiar ir me mair ki ar mauk,

46 Majani on ir, Ta me komail me mair ki? pauri ta, o kapakap, pue komail te jono-jon.

47 A ni tokan a mamajani, nar, pokon, o me at anaki Jutaj, amen ir ekriamen, ti on mo ir, kaikai ton impan Jijoj metiki i.

48 A Jijoj majani on i, Jutaj ko pan pan ki la metik eu Nain aramaj?

49 Irail me imp a nar me pan uiaua, re intai on i, Main, je jo pan uoki iki ir kotlaj?

50 Amen ir uoki litu en joumaro lapalap men, a jaron jalon a pali maun.

51 Jijoj ap majani, katiti ki, Ari, me uet. I ari toke ta jalon a, o kakela ta i.

52 Jijoj ap majani on joumaro lapalap ka, o jilepa en im en kautok, o joumaj, me ko ton i, Tena lollap men komail koko ton ua kotlaj, o katiu kai?

53 Ni ai kaukaule nan omail im en kautok, komail jota maan por on ia: a anjou omail anjou uet, o muein rotarot.

54 Re ap jaiki ti i, o uk, kaula ton i nan im en joumaro lapalap o. A Pita me itauen to, me tou ue jon.

55 Irail lao jaun ti kijiniaian nan paj o, o monti pena, Pita ap ian ir monti.

56 A jeripein men nar i a mot on kijiniaian, o kankakil i, inta ta, Nan ol men et me ian i.

57 I ari kamama ki, inta ta, Li, I jaja i.

58 Katekateo amen tiara ta i, inta ta, amen irail koa. A Pita inta ta, Ol, nan kaitin.

59 Katekateo, klok eu muri, amen inta ta, kau la, Mealel amen irail lap me uet; pue nan men Kalili i.

60 Pita inta ta, Ol, I ponapon ki om kajoi. A pitipit ni a lokalokaia malek ap kokarota ta.

61 Jiona ap jope to majani Pita. Pita ap taman ta en Jioua a majan, tuen a majani on i, Mon malek kokarot, ko pan kamama kin ia pan me jili pak.

62 Pita ari ko ie la, jonijon injino.

63 O aramaj akai me kolakol Jijoj ap karauni i, uoki.

64 Irail pira ta maj a, re ap pikir i ni maj a, o itetok re a, Kajau me pikir uk tar?

65 O me neter me re lalaue
kaoe ki i.

66 Alao ran pajon joumaj
kai, o joumaro lapalap o
jounintin, pokon pena, o ka-
lua i ton nan momot en ka-
teik, itok,

67 Kraij koa? en katiti on
kit. A majani on ir, Ma I
intai on komail, komail jota
pan kamealele:

68 A ma I itok komail, ko-
mail jota pan japon, pil jo
lapua ia ta.

69 Katekateo eu ran Nain
aramaj pan monti ni pali
maun en manaman en Kot.

70 Ir karoj ap itok, Ari Nain
Kot komui? A majani on,
Komail me inta ta nai i.

71 Irail inta ta, Ari menta
apot katete? pue pein kit
rona jon nan pein au a.

IRA 23.

NAN irail karoj kajinen ta,
kalua ton i Pailot.

2 Irail ari pik ki ti impimpa
i, inta ta, Je tiara ta lap me
uet a kin likilikom on ara-
maj, o inapue ti re ter toun
jap on Jija, katiti ki me pein
i Kraij Nanmaraki men.

3 Pailot ari japon itok re,
a Nanmaraki en men Jutia
komui? A japon, majani,
Komui me majani.

4 Pailot ap majani on jou-
maro lapalap, o aramaj po-
kon, Jota tip me I tiar ren ol
men et.

5 Nan irail me linaranar,
katiti ki, Nan a kin kapei ta
aramaj, patapataki jili Jutia,

tapi ta Kalili koko to lel jap
net.

6 Pailot ron ki ta Kalili, ap
itok ma i ol en Kalili men.

7 A i lao rona ta me men
uei en Erot, ap katara lan i
ren Erot, me pil kotikot Jiru-
jalem nin toka o.

8 Erot lao majani Jijoj, ap
peren ta kaualap; pue me
uarai a kin anane utial i,
pueki a rona ta iren i; o a
pil men utial a uia mana-
inan.

9 I ari kalekalelapok re a;
a, nan a jota man japon i.

10 Nan joumaro o jounintin
kai kajinen ta o impimpa i
kaualap.

11 A Erot o na jounpei kai
mamala ki i, o laumaum on,
o kapuata ki i likau linan, o
kapure on i ren Pailot.

12 A ran ota Pailot o Erot
me injinimau pena; pue maj
o ira me imuintiti pena.

13 Pailot lao uorona pena
joumaro lapalap, o monjap, o
arawaj kai.

14 Ap majani on ir, Komail
ua ton ia ol men et, tena ta a
kotakota ue aramaj; a nar, I
kalekalelapok re a nan pon
omail karoj, a nan jota tip a,
tuen komail ueueloke i:

15 Jo, pil Erot jo: pue I
katar komail ue on i; a nar,
jota me a uia ta pue en ka-
mata ki la.

16 Ari, I pan uoki i, ap la-
pua ta.

17 Pue nan i en kin lapua

tan ir meamen nin kama-
tip o.

18 Irail uia ki eu jikajika-
pali, inta ta, Kajapoke la ol
men et, o lapua ton kit Para-
paj;

19 Me kaje ti nan imton
pueki a kapei ta aramaj, o
kame la, nan kanim o.

20 Pailot ari men lapua ta
Jijoj, ap pil majani on ir.

21 A nan irail uia ki eu
uiriuri ta, inta ta, Lopue i,
lopue i.

22 A pil majani on ir, me
kajili pak, Menta, me juit ta
me a uia ta? Jota me I en
kamata ki la me I tiara ta re
a; ari I pan uoki i, ap lapua
ta.

23 Nan irail nitinit uiriuri
ta, atia ti i en kame la: o nil
arail o joumaro ka puai ta.

24 Pailot ap kapia ta re en
uiaui tuen ar atia ta.

25 Ap lapua ton ir i me kaje
ti nan imton aki a kapeia ta
aramaj, o kame la, me re atia
jon; a nan a ki on ir Jijoj.

26 O irail kalua ue i, re ap
jaiki ti Jaimon men Jairin,
koko to jon nan jap o, ir ari
ki tan po a lopu, puen ian
Jijoj ua.

27 O me neter itauen to i, o
li kai jonijon, o mamauk ki i.

28 Jijoj ari jope to, majani
on ir, Li en Jirujalem, eter
jonijon kin ia, en mauk kin
pein komail, o omail jeri kai.

29 Pue, nar, ran koko to,
ran en re pan inta ta, Re meit
paii, me li tapuon, o me jo
lijeian, o titi me jo katiti.

30 Re ap pan eker on nana
ko, En popi ti on kit; o tol
ko, En karuk kit ti.

31 Pue ma re uiaua on
tuka maur meakan, ta me re
pan uiai on tuka moni ti?

32 Nan pil lollap ria men
me ian kalua lan kame la.

33 Irail lao lel uaja me at
anaki Kalperi nan uajao re
kalopue ta i, o me lollap ko,
amen mi pali maun o amen
pali main.

34 Jijoj ap majani, Main,
Jam ai, Komui kupura irail;
pue re jaja me re uiaua.
Irail ari nene pajon a likau
kan, o katoropua ta.

35 Aramaj kan me u kan-
kakil. O monjap ko ian ir
kapikapiti katiti ki, A ka-
mauria ta akai; i en kamau-
ria ta pein i, ma i Kraij men
pan kupur en Kot.

36 O men pei ko pil kapi-
kapiti i, kaikai on, pan on
pinika,

37 Inta ta, Ma kom Nan-
maraki en men Jutia, en ka-
piti pein uk tar.

38 O nan kainakepa eu me
intini ti on pali poa kajoi en
Krik, o Latin, o Ipru, NAN
I ME NANMARAKI EN
MEN JUTIA KO.

39 A amen lollap ko me ian
i lonalon me lalaue i, inta ta,
Ma Kraij koa, en kapiti jon
pein uk o kit.

40 A, amen kapon japon i
inta ta, Ko jo majak Kot,
pueki om ian komakom?

41 A, kita me tipan; pue

kita me ria ki la ata uiaua :
a, ol men et jota me juit kot
me a uia ta.

42 I ari kajoia on Jijoj,
Main komui en taman ia
komui lao koti ton nan uei
omui.

43 Jijoj ap majani on i, Mea-
lel I intai on uk, Ranuet ko
pan ian ia para ta parataij.

44 Nan klok uonu, ap rota-
rot ta jappa karoj lao lel klok
tuau.

45 Katipin rotarot lar, o
pera en im en kautok o pala
pajon nan lukepa.

46 Jijoj lao uiri ta nil laut,
ap majani Jam ai, I ap nikit
on komui nen I : majani ue
me uet, ap katara la nen i.

47 A jenturion lao utial me
uiaui er, ap kapina Kot, ka-
titi ki, Mealel me lelapok ol
men et.

48 O aramaj karoj me poko-
pokon ton utial, nanar me
uiaui er, ap pikir maramar
arail o pure pajon.

49 O me kompokepa kan,
o li kai me itauen to i jon
Kalili, u uaja tou, nanar me
pukat.

50 O, nar, ol men Jojep,
jounkapon men ol mau, o
lelapok :

51 Nan i jota ian inki on ar
kaparok o uiaua : men Ari-
metia, kanim eu en Jutia ;
pue pein i me auiaui ta mue-
in Kot.

52 Nan i poto ton Pailot
pokipoki uar en Jijoj.

53 I ari lapua ti i, o kitim

ki likau matarok, o ki ti on
nan por me ueira tar on nan
paip, me jota aramaj kin jar
ia.

54 A ran o ran en kaonop,
pue ran en japat karen tor.

55 Puin li me ian i ko to jon
Kalili, pil itauen to i, o utial
por o, tuen uar a nikiniki ti.

56 Irail ari pur er, o kao-
nopa ta potik kai o uxor ; re
ap kamol ran en japat tuen
kainen o.

IRA 24.

NI tapin uik, ninjoran kau-
alap, re para ton por o,
ua potik kai me re kaonopa
ta, o pil akai ian ir.

2 Irail ari tiara tar takai a
katapura jon por o.

3 Irail petalon on loli, o jo
tiar kalepan Jioua Jijoj.

4 Katekateo, re ponapon ki
me, nar, ol ria men ap para ta
mo irail me likau linalin :

5 Ir ari majaka tar, o itioki
ti nani puel, nan ira majani
on ir, Ta me komail raparapa
ki me maur nan pon en me
me la kai ?

6 Nan i jouor kotikot met,
a iaja tar : en taman ta a ma-
jani on komail ni a kotikot
Kalili,

7 Mamajani, Nain aramaj
en pana lan ni pa en me juit
kai, o lopue ti, o ejil en ran a
pan iaja ta.

8 Ir ari taman ta a majan
ko,

9 O puro to jon por o, re ap
kaire ki me pukat on me eka-
men ko, o me tekan.

10 Nan Meri Maktelin, o

Joana, o Meri in en Jemej, o li teko me ian ir, me kaire ki me pukat on uanporon ko.

11 Arail kajoi ari tena ta kajoi mal on ir, ir ari jota kamealele.

12 Pita ap u ta, o tana ton por o; o itioki ti, tiara ta likau kai matarok onon toror, ap puro to jon puriamui ki me uiaui er ko.

13 A, nar, ria men re irail momait lan kanim eu at a Emeoj, a tou jon Jirujalem mail uonu te iju.

14 Ira ari kajokajoi ki pena me uiaui er ko.

15 Nin tokan ar kajokajoi pena; o kapakaparok, nan Jijoj pein para ta re ir, o ian ira koti la.

16 A maj ara me atiat pue re te aja i.

17 I ari majani on ira, Ta-tuen oma kajokajoi nan pon oma, ni oma alialu, o ma-mauk?

18 O amen ira me at a Kli-opaj japon i itok, Men uai koa, mi Jirujalem, o jaik aja me uiaui er uajao?

19 A majani ira, Mea ta? Re ap kajoia on i, Jijoj men Najaret, joukop men me lomuun ki a manaman o a uia-ua, ren Kot o aramaj karoj:

20 O tuen joumaro lapalap ko o atail monjap pana la i en kapi on kamata la, o ar kamata lar i.

21 A je kajik ki me nan i me pan kamauri ta Ijrael: a pil ranuet ejil en ran murin me pukat uiaui er.

22 O li kai me jankonai on joujou o, me kapuiriamui kit;

23 Irail jo tiar kalep a, re puro to katiti ki, inta ta, Je tiara ta janjal en tounlan kai, me katiti ki me a iaja tar.

24 O akai kit me poto ue lan por en joujou ap tiara ta nan mealel tuen li ko ar ka-joi; a i re jota tiara ta.

25 Nan a majani on ira, Koma meit lolipon, o puant kamealele meakan joukop ko inta ta:

26 A jo mau Kraij a kalo-kalok ki la meakan, ap pur on a linan?

27 O pik ki ti Mojej o joukop kan a kotin kaueue on ira kijilikau kai iren pein i.

28 Irail ap karen i er kanim me re koko on; i ari likoma ki a pan taulul lar.

29 Ir ari nitiniti ki i, inta ta, En ian kit pueti; pue a uaja poni er, o ranuet pan imuijoka la. I ari petalon on ian ir pueti.

30 Katekateo ni a, ian ir mot on konot, ap lima ta pret, o kapakap ki, o pilitiki pajon o nene on ir.

31 Maj ar ap paat pajon, ira ari aja tar i; i ap jori ti jon ira.

32 Ira ap kajoia nan pon ar; Kita jo lol peren kau-lap ni a kajokajoi on kita nani al, koko to, o ni a ka-ueue on kita kijilikau kai?

33 Ira ari u ta klok ota, o puro ton Jirujalem o tiara ta me ekamen ko momot pena, o me toun ian ir,

34 Katiti ki, Nan mealel Jiona iaja tar, o para ton ren Jaimon.

35 Ira inta ta me uiaui nani al o, o tuen re aja ki i a pilitiki pajon pret o.

36 O ni ar kajokajoi, pein Jijoj para ta nan pon ar, majani on ir, Komail en popol.

37 Irail ari majaka tar, o uapon tar, o re kiki on me ani men me re nanar.

38 A majani on ir, Ta me komail majak ki? o ta me komail monamon lol ki?

39 Nar pa I o ne I pue pein nai ta: en tok la o nanar; pue nen jota kin utuk; o ti, tuen komail nar ia.

40 A majani ue me uet ap kajale ta lim a, o aluuilua kan.

41 O re jo kamealele ki ar peren, o puiriamui, i ap majani on ir, Jo jaik omail mia?

42 Ir ari lima ta jak a kijan mam inim o oni kij.

43 I ari ale o jak mo irail.

44 A majani on irail, Nan kajoi pukat me I kajoia on komail, ni ai mimi re omail, pue meakaroj en pona la me intini ti on nin kainen en

Mojej, o joukop ko, o kaul ko iren nai.

45 I ap kalolikoni irail, pue re en tete ki kijilikan kai,

46 O majani on ir, Nan tuen a intini ti, nan me mau Kraij en loka la, o iaja ta ejil en ran:

47 O pue injino o lapua ta tip en kauue jon ni mmare, tapi ta jon Jirujalem.

48 Komail ari men katete kin mepukat.

49 Nar, I nok katara ton komail me Jam ai kopa ton: komail ari en mimi ta Jirujalem kanim eu, komail lao autaut ki manaman jon nalan.

50 I ari kare ir to lel Petani ap poka ta lim a, o kamaui ir ta.

51 Nan a puai tar, nin tokan a kamakamaui ir, a katorora jon irail, o pauka ta la nalan.

52 Irail kautok i, re ap puro ton Jirujalem peren ta kaualap;

53 Nan re potopot nan im en kautok kapikapina, o kautok Kot. Amen.



MONIN PAN JON RONMAU.

IRA 1.

MAJAN koti er nan moa,
a Majan koti er ren
Kot, a Majan me Kot.

2 I ota me ian Kot kotikot
nin tapi o.

3 I me tipijo karoj tapi ki
tar; jota man meakot mia
me kaitin i uia tar.

4 Maur mi re a; a ie Maur
Marain en aramaj.

5 A Marain o me takara ta
rotarot; a rotarot jota lina la.

6 Ol amen me pakatara tor
jon Kot, at a Jon.

7 I katete men, poto ton ka-
tete ki to Marain o, pue karoj
en pojon pueki i.

8 Kaitik i me Marain o, a,
a kin katete ki Marain o.

9 Ie Marain mealel me kin
kamaraini aramaj karoj me
kaparapar ton jappa.

10 I me koti er jappa, i me
jappa tapi ki ta, a jappa me
jan i.

11 A koti to on utan na
kan, a utan na kan me jan i.

12 A karoj me an lar i, a ki
on irail en nain Kot la, karoj
me pojon ni mmare:

13 Me jo ipui ki ti inta, pil
jo man en utuk, pil jo man
en aramaj, Kot eta.

14 Majan me uia aramaj la,

kotikot re atail, (a kitail na-
ra tar a kalanan, tena kala-
nan en ieroj eu, nain Jama,)
me tir en mak o mealel.

15 Jon me katete ki tar i,
inta ta, Nan i me I inta ue,
Me pan ko to mur I, me ma-
jamaj jon ia; pue a mo I.

16 A kitail karoj me tunole
lar a japan, paii koko ta.

17 Pue kateik me looki ki
to Mojej, a mak o mealel ki
Jijoj Kraij.

18 Jota me nara tar Kot
koko to; Na ta ieroj eu, me
kin kotikot pan kupur en
Jama, i ta me kajale tar.

19 A i met en Jon a katete
ni men Jutia porone jon Jiru-
jalem Joumaro o Lipait ka
puen itok re a, Ij koa?

20 I ari inta ta, jota ka-
mam; a inta ta, Kaitin Kraij
nai.

21 Irail itok re a, Ari ta?
Ilaija koa? A japon, Jo, A
ko joukop men? A japon,
Kaiti.

22 Irail me kalelapok re a,
Ij koa? pue je en japon ir
me katar kit tor: ta me ko
katete ki pein uk?

23 A japon, Nai nil eu en
me katiti jili nanauel, Kai-
nene ta al mon Jioua, tuen
Aijea kokopa tor.

24 A me pakatara tor Pariji kai.

25 Irail ap itok re a, inta ta, Ta me ko uia paptaij ki, ma ko kaitin Kraij, o kaitin Ilaia, pil kaitin joukop men!

26 Jon me japon irail, inta ta, Nai me paptaiji ki pil: a amen kin kotikot nan pon omail me komail jaja;

27 Ie i, me kot koko to mur I, me joijoi jon ia, kijin jal en a jut I jo uar lapua ta.

28 Me pukat me uia er, Petapara pali la jon Jortan, uaja Jon kin uia paptaij ia.

29 Mantan ran o Jon me nara ta Jijoj kotikot koko to on re a inta ta, Nar Jippul en Kot, me kin tikiti raun jappa!

30 Ie me I katiti ki er, Ol amen me koko to mur I me joijoi jon ia: pue mo I.

31 A nai jo aja i: a pue a en kajanjala ton Ijrael, ie me I ko ki to paptaiji ki pil.

32 A Jon me katete ta, intin ta, I nara ta Nen piri ti to jon nalan mom en muiroi, juk po a.

33 A I jo aja i: a me katar ia ton paptaiji ki pil, ie me majani on ia, Me ko nar Nen piri ti juk po a, ie me pan paptaiji ki Nen Jarau.

34 A i nara tar, ap katete ki, Nain Kot men et.

35 Mantan ran o, Jon, i ion a ria men;

36 Utial Jijoj kotikot koko to, ap inta ta, Nar Jippul en Kot!

37 A ion a ria men ron a majani, ira ari itauen ue Jijoj.

38 Jijoj ap jope to, majani ara itauen, ap majani on ira, Ta me koma rapaki? Ira japon, Rapai, (me kajirauik la Joumaj) ia uaja komui kin kotikot ia?

39 A majani on ira, Ko to nar, Ira ap ko on nar uaja a kot ia, o ian i momot ia ran o: pue a lel er iran klok ejok.

40 Amen ira me ron er Jon, itauen ue, me Antru, ri en Jaimon Pita.

41 I me tiara tar ri a ol Jaimon, intai on i, Je tiara ta Mejaia: me kajirauik la, Kraij.

42 I ap uk nan Jijoj i, A Jijoj lao majani i, a majani on, Jaimon koa nain Jona: ko nok at anaki Jipaj; me kajirauik la, Takai eu.

43 Mantan ran o Jijoj pan taulul lan Kalili, ap majani ta Pilip, majani on i, Itauen ia.

44 Pilip men Petjaita, kanim en Antru o Pita.

45 Pilip tiara ta Netanil, ap intai on i, Je tiara tar me Mojej intini ki ti on, nin puk en teik, o kokop ko, Jijoj men Najaret, nain Jojep.

46 A Netanil itok re a, Ta man kot pan para to jon Najaret? Pilip japon, Ko to nar.

47 Jijoj majani Netanil koko ton i, ap majani on i, Nar ol mealel men Ijrael men, me jota man uitina!

48 Netanil japon i, Komui

me an ia jon ia? Jijoj japon majani, I tiar uk tar, mon Pilip eker uk to, ni om mot pan tuka pik pot.

49 Netanil japon i inta ta, Rapai, Nain Kot Komui; Nanmaraki en Ijrael Komui.

50 Jijoj kotin japon i majani, Pueki I intai on uk, me I nar uk ta pan tuka pik o, ie me ko pojon ki? a ko nok nar me lapa jon me pukan.

51 A majani on i; Mealel, mealel, I intai on uk, Katekateo, ko nok nar nalan a riti ta, o tounlan nain Kot ka pure ta ue puro ti to pon Nain aramaj o.

IRA 2.

A LAO kajilu en ran kamatip en kapapaut ap puai ta Kena Kalili; a in en Jijoj mia.

2 A Jijoj, o a uarok ka, me ton ian kamatip o.

3 Arail uain lao roja lar, in en Jijoj me intai on i, Ar nain roja lar.

4 Jijoj majani on i, Li, ta me I en uia re om? anjou I mot jaik.

5 A in a me patik katiti on papa ka, Komail en uia ta meakot me a majani on.

6 A kaur takai uonu kin puil uajao, en men Jutia, ka men re en topatop loli, eu me lauti on aute pirkin jilu te paiu.

7 Jijoj majani on ir, Itip pil on loli. A irail me katire la kaualap.

8 A a majani on irail, Itipa jon, ua la ren me kaon konot. Re ap ua la.

9 Men kaon konot lao jon kij pil me uia uain la, o jo aja a itipa jon ia, (a papa ko me itip pil ta aja,) me kaon konot me eker to ol kamot o,

10 Kajoi on i, Maj ota aramaj karoj kin kajale ta uain mau; o irail lao meti la, re ap kin ki ta me jota mau: a koa kin nikit me mau lel met.

11 I met tapitan manaman me Jijoj uia ta Kena Kalili, ap kajale ta a manaman; o ion a ka pojon la.

12 A mur et a koti ti la Keperniom, i, in a, o ion a ka, o ri a ka; ir ari kotikot ia ran jo toto.

13 A Pajopa en Jutia me karen tor, a Jijoj koti ta la Jirujalem,

14 Ap majani ni tanipaj jarai men notinot en kau, o jip, o mui, o men not en moni, me mot ia:

15 A uia ki ta men uok kijin jal kai, ap uoki ir jon tanipaj jarai, o jip ko, o kau ko, o uikitoki la jon tepel ka;

16 Majani on ir me notin mui ko, Ua la jon me pukat: ter uia ki tanipaj en Jam ai im en not eu.

17 A ion a ka me taman ki ta intin o, Pok on im ai me nom ia la.

18 Men Jutia ap japon i, inta ta, Ta me komui pan kilele kin kit, me komui uia- uia me puka?

19 Jijoj japon ir majani, Palana pajon im uet, a pon jili pon I nok kaua ta.

20 Men Jutia ko inta ta, Par pa naul uonu im uet uiaua ki ta, a pon jili pon kom pan kaua ta?

21 A im en uar a me a kajoiia ta.

22 I lao iaja tar jon a mata lar, ion a ka me taman tar a kajoiia on ir me uet; ir ari me kamealele kijilikan kan, o majan me Jijoj majania tar.

23 Ni a kotikot Jirujalem, ni Pajopa, ran en kamati p o, me neter pojon lar, pueki re nara tar a manaman ko.

24 A Jijoj jota kin liki on ir pein i, pue a me ania ta iren aramaj karoj.

25 O jota men meamen en katete ki aramaj, pue a me ania ta lol en aramaj.

IRA 3.

NAN Pariji ol men, monjap en Jutia me Nikotimoj:

2 Me poto ton Jijoj nipon o, katiti ki, Rapai, je aja jounpatak men ren Kot komui; pue jota aramaj kak uia manaman tue komui uia ta ma Kot jo ian.

3 Jijoj japon majani on, Mealel, mealel, I katiti on komui, Me jo ipui japal, jota pan kak nar muein Kot.

4 Nikotimoj me itok re a, Tatuen ol lauta lar pan ipui ti? a pan kak pur on nan kapeti en in a, ipui ti jon?

5 Jijoj kotin japon, Mealel, mealel, I katiti ki on komui, me jo ipui ki pil, o Nen, a jota kak ko to on muein Kot.

6 Me ipui ki utuk ie utuk: a me ipui ki Nen ie nen.

7 Ko ter puiriamui ai katiti ki on komui, Komail en ipui japal.

8 An kin pein ipipir jili, a kom kin ron nil a, a kom jaja a u jon ia, o a ko on ia; ie tuen karoj me ipui ki Nen.

9 Nikotimoj japon katiti ki, Tatuen me puka kak uiaui?

10 Jijoj japon majani, Joumaj en Ijrael komui, a komui pouapon ki me puka?

11 Mealel, mealel, I katiti ki on komui, Me je aja tar, ie me je kin inta ta, o me je nara tar ie me je katiti ki; a komail jota kamealele at katete.

12 Ma I katiti ki on komail men pa, a komail jo kamealele, a tatuen komail pan kamealele ma I katiti ki on komail men nalan.

13 Jota meamen me ko ta lar nalan, me ko ti tor jon nalan ota, me kin mimi ta nalan, Nain aramaj eta.

14 Mojej me kaua tar jerpent o nanauel o, ie tuen Nain aramaj pan kaua ta:

15 Pue meamen pojon la, jota pan me la, a pan kamaurlan mamura eta.

16 Pue Kot me kupura jappa ie me a ki to ki Na ieroj eu, pue me pojon la i, en ter me la, a en me maur jo tuk.

17 Pue Kot me porone ton jappa Na kaiti en kateika ta jappa; a, pue jappa en kamauri la pue ki i.

18 Me peiki on i jota kin

pakateik: a me jo peik me pakateika tar pueki a jota peiki on mmaren Nain Kot ieroj eu.

19 I met kateik eu, marain takara tar jappa, a aramaj mauki rotarot mon marain, pueki ar uiauia juit.

20 Pue me uiauia juit kin jan marain, pue a uiauia te katiaroka ta.

21 A me uiauia mau kin ko to on marain, pue a uiauia kan en katiaroka ta, me a uia jon Kot.

22 Murin me puka Jijoj o a uarok ko jipal lan Jutia; ap mot on irail ia, uia pap-taij.

23 A Jon me uia paptaij ni Inon, jalon Jelim, pue pillap mia: ir ari ko on paptaij.

24 Pue Jon kaika ta loti on imton.

25 Ion en Jon o men Jutia kai, me akamai ki pena top-atop.

26 Irail ari ko on ren Jon, intai on i, Rapai, me ian komui ila la jon Jortan, me kom katiti ki, nar, i me uia pap-taij, a karoj me ko on imp a.

27 Jon japon majani, A jota kak aramaj anaki meakot, ma a jo anaki jon nalan.

28 Komail pein katete kin ia, me I inta ta, kaitik nai Kraij, pue nai me pakatara tor mo a.

29 Ol kamot men me li kamot men: a kompok en ol kamot, kin u ronaron, peren ki nil en ol kamot: ie me I peren ki ta mealel.

30 I en kakaira ta, a nai en kakairi ti.

31 Me ko ti to jon poa i me poe ti karoj: o me kijan jappa i men jappa, o me kajokajoiia jappa: o me ko ti to jon nalan me poe ti karoj.

32 Me a nara tar, o karona tar, ie me a kajokajoiia; a jota me apuali a kajoi.

33 Me an lar a katete ie me kilele ki ta mealel Kot.

34 Pue me Kot katara tor i me katiti en Kot a majan: pue kaitik me leek me Kot a kot ki ta Nen Jarai.

35 Jama me kupura Na, o ki on er ni lim a meakaroj.

36 Me peiki on Na me naina ki maur jakatuk; a me jo peiki on Na, jota pan nar maur; a en Kot a anian mimi ta po a.

IRA 4.

JIOUA lao mani me Pariji ka karone tar me Jijoj ionana ki o paptaiji me neter jon ionan Jon.

2 (Ari jota me Jijoj kin paptaiji, a uarok eta.)

3 A koti la jon Jutia, kotin pura lan Kalili.

4 A nan i en pean lan Jameria.

5 I ap koti lan kanim eu en Jameria, me at anaki Jaikar, jalon kijin jap me Jekop ki on na Jojep.

6 Ie uaja en Jekop parer eu mia. Jijoj ari nir ki la a japa-japal, ap kaipoki ti pon parer o; ari impan klok uonu.

7 A li en Jameria men ap ko ton itip pil ia: Jijoj majani on i, Ki to ai kij pil en.

8 (Pue a uarok ko me ko ie lan kanim o notia ta kan arail mona ia.)

9 Li en Jameria ap intai on i, Tatuén koa men Jutia pokipoki pil re I li en Jameria men? pue men Jutia kin joparen men Jameria.

10 Jijoj japon majani on i, Ma ko aja tunol ren Kot, o me intai on uk, Ki to ai kij pil; ko pan poki re a, i ari nok ki on uk pil maur.

11 Li ap intai on, Main, jota om men apia ki ta, a parer mealol; a ia uaja kom pan itipa jon ia pil maur?

12 Ta, koa me lapa jon Jekop, jam at, me ki on kit parer, o pein nim kij, o na kan, o man ka?

13 Jijoj ap japon i intai on, Me nim pil uet, pan kin men nim pil mur:

14 A meamen me nim kij pil me I ki on i pan jola men nim pil tar; pue pil me I kin ki on, pan pot lol i kujakuja tan maur jo tuk.

15 Li ap intai on i, Main, lima to kij pil uet, pue I en jolar men nim pil, o jolar ko ton itipa jon met.

16 Jijoj majani on i, Ko ue uka to om paut.

17 Li me japon inta ta, Jota ai paut. Jijoj majani on, Ko meit mealol inta ta, I jota papaut.

18 Pue om paut ko me lim men maj o, a kaitik om paut me ko paut ki met: ie mealol me ko inta ta.

19 Li intin ta, Main, I ap aja tar me joukop men komui.

20 Jam at ko kaukantok nan nana uet; a komail me inta, Jirujalem eta uaja aramaj en kaukantok ia.

21 Jijoj majani on i, Li, ka-mealele ia, a karen er anjoun omail pan jola kaukantok on Jama nan nana uet, pil jota Jirujalem.

22 Komail kin jaja me komail kaukantok on; a kit aja me je kaukantok on, pue ka maur mi ren men Jutia ka.

23 A karen tor, ie me lel er, anjoun me kaukantok mealol nok kautok ki Jam nen o mealol: pue ie ta me Kot men ton ian kautok on i.

24 Nen eu Kot: a me kautok on i, re en kautok ki nen o mealol.

25 Li me intai on i, I aja Mejaia pan koti to, me mmarr anaki Kraij: i lao koti tor, a nok katiti on kit meakaroj.

26 Jijoj majani on i, nar i me lokalokaia on uk.

27 A uarok ko ap puro to, puiriamui ki a kajoiia ren li o; ari jota me inta ta, Ta me komui kaikaitok? Ta me komui katiti ki re a?

28 Li o me puili ki ti pil o, ko ie lan kanim, kajoi on aramaj,

29 Ko to, nar ol men me kajale tar karoj me I uia tar koko to: kaitik i Kraij?

30 A toun kanim o ko ie la, pokopokon lan imp a.

31 I tokan a uarok ko inta ta, Main, jak.

32 A majani on ir, Kan ai kijin mona mia komail jaja.

33 Ie me a uarok ko kajoka-
joi ki nan pon ar, Jo me ua
jak ko to?

34 Jijoj, majani on ir, Uiania
kupur en me katar ia tor, ie
kan ai.

35 Komail ter inta ta, Jou-
nipon paiu mi mo rak? nar,
I intai on komail, Jara ta
nar motauel ka; pue re ma
lar.

36 Me tolun kin puaipuai, o
nanak on maur jo tuk: pue
me kamorok, o me tolun, en
peren, pena.

37 Meit kajoi mealel, Mea-
men kamorok, a amen tolun.

38 I katar komail en tolun
pena me komail jo toke: akai
me toke, a komail me it ana-
ki me irail toke tar.

39 Men Jameria kan, toun
kanim o me pojon la i pueki
kajoi en li me jakara ta, I me
kajale on ia karoj me I uia
ta koko to.

40 Men Jameria kan pokon
ton nitiniti ki i en mot on
irail ti: i ari kot ia pon ria
pon.

41 Pil akai me neter me po-
jon la, pueki a majan;

42 Ap kajoi on li, Je pojon
la jo pueki om kajoi pue je
pein rona tar o ueue ki i Kraij
mealel, Kamaur en jappa.

43 Mur en ran riau Jijoj ko-
ti la, koti lan Kalili.

44 Pue Jijoj pein jakara ki
ta, joukop jota kin nau i utan
jap ue.

45 A lao koti ton Kalili, men
Kalili me kajamo i, pue re
ian nara ta me a uia tar Jiru-

jalem ni kamatip o: pue re
toun ian kamatip.

46 Jijoj ari kotin puro ton
Kena Kalili, uaja a kapik ki
la pil uain. A monjap mia,
me na ol jomau Keperniom.

47 A lao rona ta me Jijoj
koti ton Kalili jon Jutia, a
poto on re a, niti ki i en koti
ti, kakela ta na ol: pue a lel
er iran me la.

48 Jijoj ap majani on i, Ko-
mail jo kilon kilel, o mana-
man ka, komail jota pan po-
jon.

49 Monjap poki re a, Main,
koti ti ue mon nai ol me la.

50 Jijoj majani on i, U ko
ue; nom ol me maur. Ari
ol o me pojon majan en Jijoj,
ap ko ie la.

51 A ni a ueit ko ti la, a litu
ka me tu on i, kajoi on, inta
ta, Nom ol me maur.

52 I ap kalelapok re irail
toka ta en a pik ki ti maur.
Irail me japon i. Aio klok
iju karakar ko jon.

53 Jam a ari aja anjou ta en
Jijoj majani ue, Nom ol mauri
ta: i ari, o na kan me tuki
on i.

54 Iet kariau en manaman
me Jijoj uia ta, ni a koti to
jon Jutia jip Kalili.

IRA 5.

KATEKATEO kamatipen
Jutia puai ta; Jijoj ap
koti ta la Jirujalem.

2 Pilpotkin mimi Jirujalem,
jalon im en notin jip, me at
a Petejta Ipru, impal limau
mia.

3 Pokon laut en me jomau

kan onon loli, majkun, me jikil, me motor, majamajan pil pan mokimokit.

4 Pue tounlan men kin purepure le o, kamokita ta pil: a meamen me matan ti on maj nan pil o ni a mokimokit, ie me kin mauri ta jon a jomau kan.

5 Ie ol men mia me jomau par jili naul ualu.

6 Jijoj lao majani ta a onon uarai tuetue ta, a majani on i, Ko jo men kelail?

7 Ol jomau japon, Main, jota ai aramaj en ua ia ti ue ni pil o, ni a mokita ta: pue ni ai koko ti amen kin matan ti on mo I.

8 A Jijoj majani on i, U ta, ale ki om, alu.

9 Ari pitipit ol kelaila tar ki ta ki e, alu: a ran en jonti o.

10 Ie me men Jutia ka intin ta ki on me kelaila tar, Jonti ranuet: jota inen om uua jili ki om.

11 A japon ir; Me kakela ia ta me patik majani on ia, Ale ki om, alu.

12 Irail me kalelapok re a, Ij ol me intai on uk, Ale ki om, alu?

13 Ari me kelaila tar jaja i; pue Jijoj me jipala jon, pue pokon mi uajao.

14 Katekateo Jijoj me tiara ta i nan im en kautok o, ap majani on, Nar, ko kel er; ko ter pil uia juit, pue me juit kot jon maj te ko ton uk.

15 Ol ari ko ie la, kaire ki on men Jutia Jijoj me kakela ta i.

16 Ie me men Jutia ko kaon-

tonkoma Jijoj, majamajan kame la, pueki a uia ta meakan ran en jonti.

17 Jijoj me kotin japon ir, Jam ai kin totok koko to, a nai pil ian totok.

18 Ie me men Jutia kan kailapa ki ar jon kame la i, pueki a kae la ran en jonti, pil inta ta Jam a Kot, kaparoki on pein i Kot.

19 Jijoj japon ir majani, Mealel, mealel, I intai on komail, a jota kak Na en pein uia meakot me a jo tiar Jam a uia ta: pue me i uia ta ie me Na pil uia ta.

20 Pue Jam a me poke la Na, o kajanjale on i karoj me a kin pein uia ta: o a nok kapare to me lapa jon kan, pue komail en puiriamui ki.

21 Pue Jama kin kapikapiri ta me me la kan, kamauri ta; ie tuen Na pil kamauri ta me a mauki.

22 Pue jota me Jama kin kateika ta, pue a muet on Na en katekateik:

23 Pue aramaj karoj en kakaki Na, tue ta ar kakaki Jam a. Me jota kakaki Na, kin jota kakaki Jam a me katar i to.

24 Mealel, mealel, I intai on komail, Meamen karon a kajoi, o poj on me katar ia tor, a anaki er maur jo tuk; a a jota pan kateika ta, pue a jipala jon me la japal on maur.

25 Mealel, mealel, I intai on komail, Klok koko to, ie a lel er, en me me lar kan nok rona ta nil en Nain Kot: a me rona tar nok mauri ta.

26 Pue Jama kin pein mimia ta; o ki on Na en pein mimia ta;

27 A pil kauat on er i en kateika ta, pueki Nain aramaj i.

28 Ter puiriamui ki me: a koko to anjou en me me lar kan pan rona ta nil a,

29 Ap mauri ta; me kin uiaua memau, ut mamaur jo tuk; o me uia juit, ut mamaur komakom.

30 Jota me I kin pein uia ta: me I rona tar, i me I kin kateika ta: a me inen ai kateik; pue I jota kin uia men ai, a men en Jam ai me katar ia to.

31 Ma I pein katete ki, ai katete jota inen.

32 Meamēn me katete kin ia; a I aja mealel me a katete kin ia.

33 Komail me iloka ue on Jon, i ari me katete ki mealel pot.

34 A I jota kin ale ren aramaj ar katete: ari iet meakan me I inta ue pue komail en mamaur.

35 Jon me jer umpul, o marain: a komail rer peren ki a marain.

36 Kair amen nai me lapa jon Jon: pue tok ka me Jam ai ki on ia en kanikie la, ie tok ko me I kin uiaua, me katiti kin ia, me Jam ai katar ia tor.

37 O Jam ai me katar ia tor me pein katete kin ia. Komail jota rona ta nil i, o jota kilon mom ue.

38 Kaitik teun a majan re

omail: pue komail jota pojon me a katarata to er.

39 Kalelapok on Kijilikan kan, pue loli komail lamalama omail maur jo tuk pot ia: o ie me kin katete kin ia.

40 A komail kan ko to on ia, pue komail en kamauri la.

41 I jota kin ale ren aramaj ar linan.

42 A I kin aja komail, me komail jota kin pok-on Kot.

43 I ko to ni mmaren Jam ai, a komail jota kin apualia; a ma meamen pein ko ki to, komail nok apualia.

44 Tatuēn a pan kak paomail pojon, me kakaki pena, a jo mēn kakaki ren Kot eta?

45 Ter lamalama me I pan karauni kin komail ren Jam ai: amen me karauni ki komail, Mojej me komail pojon la.

46 Pue ma komail pojon lar Mojej, komail pan pojon ia; pue i me intin kin ia er.

47 A komail jo kamealele a intin ko, tatuēn komail pan kamealele ai patak kan?

IRA 6.

KATEKATEO Jijoj kote ta pon le en Kalili, Taipirioj.

2 A pokon kalaimun me itatauēn la i, pueki ar nara tar a manaman me a uia on me jomau kan.

3 Jijoj ap koti ta la pon tol eu, mot on ion a kan.

4 A kamatip, Pajopa en Jutia, me karen tor.

5 Jijoj lao jara ta, majani pokon kalaimun koko to imp

a, a kotin itok ren Pilip, Ia uaja je en noti jon ia kijin mona, pue me pukat en mona?

6 (A majani ue me uet pue en jon kin i; pue pein i aja me a pan uia ta.)

7 Pilip japon, Tola riai jok jota tok on noti iki kijin mona, pue me puka en tunol me puitikitik.

8 Antru, a uarok men, ri en Jaimon Pita, intai on i,

9 Putak men mia me na lophon pret limau, o mam riamen: ari menta ren me neter.

10 A Jijoj majani, En kamot on irail ti. (Ari uajao me reen.) Aramaj ap monti, a uatok arail kaeni lima kit.

11 Jijoj lime ta lophon ko; kapakap ki, ap neok on a uarok ka, o a uarok ka ki on me monti kan; o iana ki mam ko, re lao meti la.

12 Irail lao meti er, Jijoj majani on a uarok kan, En ki pena moramora kan me lua, pue kij ter lokatoka lar.

13 Irail ap ki pena, aute ki kiam ejok riau moramora en lophon, me lua ti jon me ian monti mona.

14 Aramaj ko lao nara ta manaman me Jijoj uia ta, re ap inta ta, Meit mealel Joukop men me pan para to jappa.

15 Jijoj lao kajauia ta me re nok kaloe ti i, en it kaon la, a koti la keleip nin tol o.

16 Alao joutik la, a uarok ka ap ko ti on nan jet,

17 Kara tan pon jop pot, taulul ue on Keperniom. Ap

rot la, a Jijoj kaik ian irail la.

18 A jet me iluken ki ta melimel.

19 Irail jajai ki la perlon ri ak te jili ak, re ap nara ta Jijoj a kotikot to pon jet, kaeni jop: irail majaka tar.

20 A a majani on ir, Nai; ter majak.

21 Irail peren ta kajamo i pon jop o: ari jop mi lar jap re ko on ia.

22 A mantan ran o, toun jap o pokopokon ton oror en jet o, nara tar me jota apot jop, me ta pot me a uarok ka take, a Jijoj jota ian a uarok ka nan jop, pue a uarok ka ko ie la keleip;

23 (Ari kijin jop kai me ko ie jon Taipirioj jalon uaja re kan pret ia, ni Jiona kapakap ki:)

24 Aramaj lao nara ta me Jijoj jo kotikot ia, o jo ion a, irail take jop, ko to on Keperniom, rapaki jili Jijoj ia.

25 Irail lao tiara ta i palilan jet, re ap intai on i, Rapai, kom koti to iat?

26 Jijoj japon ir majani, Mealel, mealel, I intai on komail, Komail kin rapa kin ia, kaitin me komail nara ki manaman ko, a pueki komail kan kijin pret o, metimet.

27 Komail ter tok jak kital, a jak uarai on maur jo tuk, me Nain ol nok ki on komail; pue ie me Jam ai Kot kilele tar.

28 Irail ap itok re a, Ta me

kit en uia ta, pue jen uia en
Kot a tok ka?

29 Jijoj japon ir majani, I
met en Kot a tok, komail en
pojon me a katara to.

30 Irail ari kainoma, Kilel
ta me komui ki ta, pue je
en nar, pojon komui? ta me
komui uia ta?

31 Jam at ko me kan lar
mana nanuel o; tuen intin o,
A ki on irail en kan pret men
nalan.

32 Jijoj ap majani on ir, Me-
alel, mealel, I intai on komail,
kaitin Mojej me ki on komail
jak en nalan; a Jam ai kin
ki on komail jak mealel jon
nalan.

33 Pue me ko ti to jon na-
lan, o ki on maur jappa, ie
me jak ren Kot.

34 Irail ap intai on i, Ki to
on kit jak uet, Main koko la
ta.

35 Jijoj majani on ir, Jak
maur nai: me ko to on ia,
pan jolar men mone ta; a me
pojon ia, pan jolar men nim-
pila ta.

36 A I intai on komail er,
Komail nar ia er, a jo pojon
la.

37 Karoj me Jam ai ki on
ia, nok ko to on ia; a me ko
to on ia, I jota pan kaje la.

38 Pue I ko ti to jon nalan,
jo ton uia men ai, a men en
me katar ia to.

39 A i met men en Jam ai me
katar ia to, karoj me i ki on ia
er I ter kaje la amen, pue I
en kamauri ta ran nik o.

40 A i met kupur en me ka-
tar ia to, karoj me kin nar, o

tuki on Na, re en anaki maur
jotuk: a I nok kamauri ta i
ran nik o.

41 Men Jutia ka ap lipanete
ki i, pueki a inta ta, Jak me
ko ti jon nalon Nai.

42 Irail inta ta, Kaitin i
Jijoj, nain Jojep, jam a o in
a je aja? ari tatuen a inta ta,
I ko ti to jon nalon?

43 Jijoj ari japon ir majani,
Komail ter lipanet nan pon
omail.

44 Jota me pan kak ko to
on ia, ma Jam ai me katar ia
to, jo kainoni to i: a i nok
kamauri ta i, lao ran nik la.

45 A intini er nan kijilikan
kokop, Irail nok patapatak
ren Kot. Ie me karoj me
rona tar, o patak ren Kot,
me kin ko ki to on ia.

46 Ari kaitin pueki meamen
nara tar Jam ai, me kijan
Kot eta, ie me nara tar Jam
ai.

47 Mealel, mealel, I intai on
komail, Me pojon ia, ie me
anaki er maur jotuk.

48 Mona maur nai.

49 Jam omail ko me kan la
mana nanuel o, ir ari me lar.

50 I met jak jon nalan, me
meamen kan kij, jota pan
me la.

51 Mona maur nai me ko
ti jon nalan: meamen kan
mona uet, a nok mamaur
koko la: a mona me I ki ta
utuk ai, me I pan ki on ka-
mauri ki ta jappa.

52 Men Jutia ka ari aka-
maik pena, intin ta, Tatuen
lap pan ki on kit utuk a en
kan.

53 Jijoj ap majani on ir, Mealel, mealel, I intai on komail, Komail jo kan utuk en Nain aramaj o nim int a, komail jota pan mauri la.

54 Meamen me kan utuk ai, o nim int ai, me anaki er maur jotuk; a I nok kamauri ta i lao ran nik o.

55 Pue jak mealel utuk ai, o pil mealel int ai.

56 Meamen me kan utuk ai, o nim int ai, ie me poti ti on ia, o nai poti ti on i.

57 Pue Jam ai maur me katar ia, o nai me mauri ki Jam ai; ie tue me kan ia, nok me maur kin ia.

58 I met mona me ko ti to jon nalan: kaitin tue jam omail ko, me kan la mana, o me lar: meamen me kon jak uet nok me maur koko la.

59 I me puka a majani ue nan im en patak o, ni a kotikot Keperniom kauue ta.

60 Ari ion a ka karona, re ap inta ta, Meit patak apual: ij me kak on?

61 Jijoj lao me ani nan kupur a me a uarok ko lipanete ki me, a majani on ir, Komail puiriamui ki me?

62 A ma komail nar Nain aramaj ko ta la uaja a kaujon ia maj o?

63 Nen ta me kin kamakamaur; a kaitik kamau kot utuk: a patak me I patapaktaki on komail, ie nen o maur.

64 A akai komail jo peik. Pue jon maj o Jijoj me ani me jo peik: o me pan pana la i.

65 A majani, Ie me I inta ki on komail, jota me kin ko to on ia, ma Jam ai jo kainoni to.

66 I anjou ion a neter me muei ue jon, jolar itauen i.

67 Jijoj ap kainoma ekria men ko, Komail pil pan muei ue?

68 A Jaimon Pita ap japon, Main, ij me je en ko on? nomui majan eta kamaur jo tuk.

69 A je pojon, o kamealele Kraij komui, nain Kot maur.

70 Jijoj japon ir, Kaitik komail ekriamen me I pila tar, a amen komail me tepil?

71 A kaintin ta Jutaj Ijkarriot nain Jaimon: pue i amen ekriamen ko, me pan pana la i.

IRA 7.

MURIN me pukat Jijoj me kakan Kalili: pue a jolar kakan Jutia, pueki men Jutia majamajan kame la i.

2 A en men Jutia ar kama tip en kanjap me karen tor.

3 Ie me ri a ol ka inta ki on i, Kom koti la, koti ue on Jutia, pue ion omui en utial tok ka me komui kin uiaua.

4 Pue jota meamen kin uiaua meakot ni uaja rir, a pein i janjal, Ma komui uia me puka, en kajanjale on jappa.

5 (Pue ri a ol ka kaik pojon la i.)

6 Jijoj ap majani on irail, Anjou I kaik: a me potapot anjou omail.

7 Jappa jota kak kan ko-

mail; a nai me a kan, pue I kaire ki a uia juit.

8 Komail en ko ta ue on kamatip et; I jota pan ko on kamatip et; pue anjou I kaik lel kaulalap.

9 A kotin majani on ir majan pukat, ap kotikoti ta Kalili.

10 A ri a ol ka joma uar, i ap koti ta la kamatip, a jo janjal, tena mearir.

11 Men Jutia me rapaki i ni kamatip o, inta ta, la uaja a kotikot ia?

12 A aramaj me lipanete kaulalap aki i: pue akai inta ta, Me mau men: a akai inta ta, Kaiti; pue a kin kotakotae aramaj.

13 Ari jota me janjal katiti ki i, pueki ar majak men Jutia ka.

14 Lao lel ailepan kamatip o, Jijoj ap koti ta lan im en kautok kaueue ta.

15 A men Jutia ka me pui-riamui la, inta ta, Tatuen ol men et aja intin, a kaik en patak?

16 Jijoj ap majani on ir kapokapon, Kaitin ai patak me I kaueue ki, a en me katar ia tor.

17 Meamen uiaua kupur a, nok ueue ki a patak, ma a ren Kot, te I pein katiti ki.

18 Me pein katiti ki, ie me pein aka joumaj ki: a me aka joumaj ki me katara to i, ie me mealel, a jota man juit kot pit.

19 Kaitik Mojej me ki on

komail er katepa, a jota amen komail kin kataur katepa o? A ta me komail rapaki ki kamai ia la?

20 Aramaj japon inta ta, Ko meit tanuuran tepil: ij me majamajan kamai uk la?

21 Jijoj majani japon, tok tai eu I uia tar, a komail pui-riamui la.

22 Mojej me ki on komail er jirkomjaij; (kaitik aki me jon Mojej, a aki me jon jam ko;) a komail kin jirkomjaij ol men ran en jonti.

23 Ma ol jirkomjaij ran en jonti, pue katepa en Mojej enter jo puai; a komail makara ta pa I, pue I kakela tar ol men ran en jonti?

24 Ter kateik liki, en kateik mealel.

25 Men Jirujalem ap itok, Kaiti i me re raparapaki en kame la?

26 A nar, a janjal katiti jili, a re jota man lokaia on i; Monjap ka aja me i Kraij mealel?

27 Ari je aja ol men et a ko jon ia: a Kraij lao koti to, jota me aja uaja a para to jon ia.

28 Jijoj ap majani kaueue ta nin im en kautok o, Komail aja ia, o uaja I ko jon ia: o me I jo pein ko ki to, a me katar ia tor me mealel, me komail jo aja.

29 A I aja i; pue I ko to jon re a, o i me katar ia tor.

30 Irail ap jon jaiki ti i: a jota me paruki ti i, pueki kaik anjou i.

31 A aramaj neter pojona la

i inta ta, Kraij lao para to, a nok uia manaman me toto jon me puka, me ol men et uia tar?

32 Pariji ka karone ta en aramaj ar katiti kin i mea kan; ari Pariji o joumaro ko me iloka la papa ka re en jaiki ti i.

33 Jijoj ap majani on ir, I rer mot on komail ekij, I ap pan pur on ren me katar ia tor.

34 Komail nok rapakin ia, a jota tiar: a uaja I pan mia, komail jota pan kak on.

35 Men Jutia ap kaak nan pon arail, A pan ko on ia, pue je en jolar tiar i? a pan ko on ren me jalono lar nan uai kan, pataki men uai?

36 Tatuen a katiti me me a inta ta, Komail nok rapakin ia, a jota pan tiar ia: a uaja I pan mia, komail jota kak on?

37 Ran en kamatip niki lar, ran potapot, Jijoj me u majani, Meamen men nimpila tar, i en ko ton ia nim.

38 Me pojon ia, tue Kijilikau me inta ta, jon nankapet i o pil maur ka nok puilipuili ta.

39 (A Nen Jaraui me a katiti ki me, me irail peiki on i pan tunole: pue Nen Jaraui kaik pakatara tor; pueki Jijoj kaika ta torora ta.)

40 Ari akai me kajoia ta, ni ar karona kajoi pot et, Mealel i Joukop men et.

41 A akai katiti ki Kraij

men et. A akai me itok, Ta Kraij pan para to jon Kalili?

42 Kaitin Kijilikau intai er, Kraij nok joun Tepit, o men kanim Petliem, pajon Tepit?

43 Ari irail me liak toror pajon pueki i.

44 A akai men jaik i; a jota me paruki ti i.

45 A papa ko ap pure on ren joumaro, o Pariji ko; irail ari itok re ir, Ta me komail jo ua ki to i?

46 A papa ko japon, Jota man aramaj men katiti tue ta ol men et.

47 Pariji ko ap japon ir, Komail pil iaka la?

48 Ta, monjap, o Pariji kai pojon lar?

49 A aramaj pukat me jo aja katempa me karia lar.

50 A amen ir me poto ton ren Jijoj nipon me Nikotimoj kalelapok re irail,

51 Ta atail teik kin kateika ta aramaj men, me a jo karone tar, o katete tar?

52 Irail japon i inta ta, Ko meit pil men Kalili? Rapa-rapaki nar: pue jota joukop men kin para to jon Kalili.

53 Irail ari ap pura lan teu arail amen amen.

IRA 8.

J IJOJ me koti ta la pon tol Olipet.

2 A ninjoran a puro ton im en kautok, aramaj ap pokon pena imp a; i ari kaipoki ti, pataki irail.

3 A jounintin o Pariji kai ua ko on i li men, a nenek katia-

roka tar; irail ki tan i nan pon arail,

4 Ap jakara ki on i, Main, li men et a nenek katiaroka tar, ni a uiaua.

5 A Mojej kin kauat nin teikepa me tue en pakajuk: a, ta me komui inta ta?

6 Irail me pitipiti ki i inta ta me, pue re en karaun ki i meakot. Jijoj ari itioki ti, intinie ki nani puel jonti en lim a, tena a jo ron.

7 Irail me potin kalelapok re a, i ari ap u ta majani on ir, Amen komail jo tip a, en tapia ta kajuk i.

8 A pil itioki ti intin nani puel o.

9 Irail rona ta, re ap muilikia ta, tontol ue, me laut maj, lel me tikitik: Jijoj ari me keleip ta, i li mi mo a.

10 Jijoj lao jara ta, majani jota me mi mo a, li eta, ap majani on i, Li, ia me karaun kin uk ko? jo me kateik uk ta?

11 A japon, Jota, Main. Jijoj ap majani on i, I pil jota kateik uk ta: ko ue, eter pil uia juit.

12 Jijoj ap pil majani on irail, kajoia ta, Marain en jap-pa nai: a me kin itauen ia jota pan ueit ni rotarot, pue a pan anaki marain maur.

13 Ie me Pariji ko intai on ki i, Ko meit pein katete ki; om katete jota mealel.

14 Jijoj japon ir majani, Ma I pein katete ki, ari mealel ai katete: pue I aja uaja I ko to jon ia, o uaja I koko on ia; a

komail jo kak inta ta uaja I ko jon ia, o uaja I koko on ia.

15 Komail kin katekateik ki likin aramaj; a jota mea men I kin kateik.

16 A ma I kateik, ai kateik pan mealel; pue I jota meta-men ta, pue nai o Jam ai me katar ia tor.

17 A pil intini ti ni omail katepa, mealel en aramaj ria men ar katete.

18 Nai meamen kin pein katete ki, o Jam ai me katar ia kin katete kin ia.

19 Irail ap itok re a, Ia Jam om? Jijoj japon, Komail jo aja ia la, o Jam ai: ma komail aja ia, komail pil pan aja Jam ai.

20 Majan pukat Jijoj majani ue nan teunmoni, ni a kot nan im en kautok o: a jota me paruki ti i; pue anjou i jaik.

21 Jijoj pil majani on ir, I koko la, a komail nok rapakin ia, o me la ni omail juit kan: a komail jota pan kak on, uaja I ko on ia.

22 Men Jutia ko inta ta, A pan kame la pein i? pueki a inta ta, Komail jota kak on uaja, I pan ko on ia.

23 A majani on ir, Men pa komail; a men pba nai: men jappa komail; a kaitik men jappa nai.

24 Ie me I inta ki on komail, komail nok me la ni omail juit kan: pue komail jo kamea lele ia, komail nok me la ni omail juit ka.

25 Irail ap itok re a, Ij koa?

Jijoj majani *on* ir, Me I inta ue maj o ie ta.

26 Me neter me I men pataki *on* komail o katete ta: a i me mealel me katar ia tor; a I kin kajoia *on* komail me I karone ta maj re a.

27 Irail ari jaja me a kajoia ki *on* ir Jama o.

28 Jijoj ap majani *on* ir, Komail lao lana ta Nain aramaj, komail nok aja nai i, o me I jota man pein uia meakot; a tuen Jam ai me pataki *on* ia er, I kin kajoia ta me pukat.

29 Me katar ia tor kin ieian ia: Jam ai jota lokit ia la; pue I kin potin uia meakan a kupura mau ki.

30 Ni a kajoia ta me puka, me neter pojon la i.

31 Jijoj ap majani *on* men Jutia ko me pojon la, Ma komail poti ti *on* ai patak, ai uarok mealel komail;

32 A komail nok aje la mealel, a mealel nok kamaio ue komail.

33 Irail japon i, Kijan Epream kitail, jota me je litui: tatuen om inta ta, Komail nok maio ta?

34 Jijoj japon ir, Mealel, mealel, I intai *on* komail, Meamen me uiaua juit, i me litulitui juit.

35 A litu men kin jopar nan im: Na eta koko la.

36 Ari ma Na kamaio ue ta, komail nok maio ta mealel.

37 I aja kijan Epream komail; ari komail raparapaki kamai ia la, pueki jo teun ai patak re omail.

38 Me I nara tar ren Jam ai, ie me I inta ue: a komail kin uiaua me komail nara tar ren jam omail.

39 Irail japon i inta ta, Jam at Epream. Jijoj majani *on* irail, Ma kijan Epream komail, komail pan uia en Epream a tok ka.

40 Ari komail rapaki kamai ia la, ol me kajoia ta mealel, me I rona tar ren Kot: kaitik ie me Epream uia tar.

41 Komail uiaua tok en jam omail. Irail japon i, Kaitik kit ipuin nenek; jam at metamen, Kot.

42 Jijoj majani *on* irail, Ma Kot Jam omail, komail pan pok *on* ia; pue kijan Kot nai o ko ki to jon re a: kaitik nai me pein ko ki to, pue i me katar ia tor.

43 Ta me komail ponapon ki ai patak? pueki omail jo kak ron ai patak.

44 Komail kijan jam omail tepil, o norok en jam omail komail nok uia ta: nan i men kame la men jon maj o, o jan mealel, pue jota man mealel re a. Ni a lallal likom, a kin pein lal ki: pue me likom men i.

45 A komail jota kamealele ia, pueki ai pataki *on* komail mealel.

46 Ij komail katete ki *on* ia juit? A ma I inta ta mealel, ta me komail jo kamealele kin ia?

47 Me ren Kot kin kana-kamai *on* en Kot a majan ka: komail ari jota ron, pue kaitik kijan Kot komail.

48 Men Jutia ap japon i, inta ta, Kaitik meit mealel, ko men Jameria, o tanuaran tepil?

49 Jijoj majani, kaitik tanu-
ran tepil nai: pue I kakaki
Jam ai, a komail kin ki jon ia
uan I.

50 I jota kin rapaki pein
ai linan: ie meamen mia me
raparapaki, o katekateik.

51 Mealel, mealel, I intai on
komail, Meamen uia ta ai pa-
tak, jota pan me la.

52 Men Jutia ko ap intai on
i, Je ap aje la me koa tanua-
ran tepil. Epream me lar,
pil joukop ko; a koa me
inta, Meamen poti ti on ai
patak, jota pan me la.

53 Ta koa me lapa jon Epre-
am jam at, me me lar? pil
joukop ko me me lar? ij me
ko pein uia kin uk?

54 Jijoj japon, Ma I pein
kaka kin ia, ai kaka me mal:
a Jam ai me kaka kin ia;
me komail intin ta omail
Kot.

55 Komail ari kaika ta aja
i; a I aja i: a ma I inta ta, I
jaja i, I pan me likom tue ko-
mail; a I aja i, pil uiaua a
majan kan.

56 Jam omail Epream me
peren ki tar a nar ai ran: i
ari nara tar peren ta.

57 Men Jutia ko ap intai on
i, Par lima naul kaik tau po
om, a ko nara tar Epream?

58 Jijoj majani on ir, Mealel,
mealel, I intai on komail, I
mi er mon Epream.

59 Irail rik takai puen kajuk
i, a Jijoj me oki jon pein i,

koti jon nan im o, koti la nan
pon ar, taulul ue ta.

IRA 9.

JIJOG ari kotin taulul, ap
majani ol men me majkun
jon a naitik.

2 A uarok ko itok re a, kai-
noma, Main, ij me uia ta juit,
ol men et, te jam a in a, me
a ipui ki ue majkun?

3 Jijoj japon, Kaitik i me
nia ta juit, pil kaitik in a jam
a: ari pue totok en Kot en
kajanjal ki tar i.

4 I en uiaua totok en me
katar ia tor niran: pue pon
koko to, anjoun jolar totok.

5 Arai en ai momot jappa,
marain en jappa nai.

6 A majani me, ap kontipi
ti nani puel, uia ki ta puel
matok, irij ki maj en me maj-
kun o,

7 Majani on i, U ko ue opui-
nok nan pil en Jailoam, (me
kajirauik, Jent.) I ari ko on
opuinok ia, ap puro to, kilona
tar uaja.

8 A me imp a kan, o me ian
nara tar me a majkun, me
inta ta, Kaitik i me onon
pokipoki?

9 Akai me inta, I men et: a
akai, Likomata i: a, i me
inta ta, Nai i.

10 Irail ari itok re a, Ta-
tuen maj om kan a kapaat
pajon?

11 A japon inta ta, Ol men
me at anaki Jijoj me uia ta
puel, irij ki maj ai, majani
on ia, Ko on nan pil en Jai-
loam, opuinok ia: I ari ko ie

on opuinok er, ap kilona tar uaja.

12 Irail ap itok re a, Ia i ? A japon, I jaja.

13 Irail ari uk ue ren Pariji ka me majkun maj o.

14 Ari ran en jonti ni Jijoj uia ta puel, kapaat pajon maj a kan.

15 Pariji ko pil kainoma me a nara ki tar uaja. A japon ir, A ki on ni maj ai ka puel, I ap opuinok er, nai ari kilona tar uaja.

16 Ie me Pariji kai inta ki, Kaitik i me ren Kot, aki a jo apuali ran en jonti. Akai inta ta, Tatuen juit men pan kak uia manaman pukat ? Ari irail me liak toror pajon.

17 Irail pil kalelapok ren me majkun, Ta me ko jakara ki i, a kapaat pajon maj om ? A japon, Joupok men i.

18 Men Jutia ko ari jota ka-mealele, me a ipui ki ue majkun, ap kilona tar uaja, lao o re eker a to me uia ta i me kilona tar uaja.

19 Irail itok re ira, Nom ol men et, me koma intin ta me ipui ki ue majkun ? Tatuen a nara tar uaja ?

20 Me uia ta i japon ir inta ta, Je aja me nait me men et, o me i ipui ki ue majkun :

21 A je jaja me a nara ki tar uaja ; o me kapaat pajon maj a ko : a ma lar ; itok re a, a nok jakara ki i.

22 Me uia ta i inta ta me pukat, pueki ar majak men Jutia ko ; pue men Jutia ko me inau ki pena, ma meamen

inta ta me Kraij i, a nok jikon la jon im en patak.

23 Ie me uia ta i inta ki, A ma lar, itok re a.

24 Irail pil eker me majkun, intai on, En lan Kot : je aja me ol men et me juit.

25 A japon ir inta ta, I jaja ma i juit te jo : iet me I aja, nai me majkun maj o, I ap nara tar uaja.

26 Irail pil itok re a, Ta me a uia on uk ? tatuen a kapaat pajon maj om ?

27 A japon ir, I intai on komail er, a komail jota ron : ta me komail men pil ron ki ? komail pan a uarok ?

28 Irail me kaurur ki i, inta ra, A uarok men koa ; a kit uarok en Mojej.

29 Kit aja me Kot majani on Mojej ; a lap, je jaja uaja a ko jon ia.

30 Ol o japon ir inta ta, Meit kapuiri amui, i me kapaat pajon maj ai ka, a komail jaja uaja a koti jon ia.

31 Kitail aja me Kot jota kin me ani me tipan : a meamen me poni Kot, tataur kupur a, ie me a kin me ani.

32 Jon maj koko to jota me rona tar me meamen kapaat pajon maj en me ipui ki ue majkun.

33 Ma ol men et jota me ren Kot, a pan jota kak uia meakot.

34 Irail japon i inta ta, Koa me ipui ki ue juit, a ko ap pataki on kit ? Irail ari kaje la i.

35 Jijoj me ania tar ar kaje lar i ; a lao majania ta, maja-

ni on i, Ko jo peiki on Nain Kot ?

36 A japon itok, Ij i, Main, pue I en peiki on i ?

37 Jijoj majani on i, Koa me nara tar i, a iet i me kajojoi on uk.

38 A japon i, Main, I peiki tar. I ari poni i.

39 Jijoj ari, majani Pue en kateika tar jappa me I ko ki to; pue me jo nar uaja en nara tar, a me nar uaja en majkun lar.

40 A Pariji kai me ian karon a ta a majan pukar, re ap peitok re a, Ta, kit me pil ian majkun ?

41 Jijoj majani on ir, Ma komail majkun, jota pan tip omail: a komail inta ta, Je nanar uaja; ie me komail tip ki tar.

IRA 10.

MEALÉL, mealel, I katiti ki on komail, Me jo uetit nau uanim petalon teunjip, a, tau ta toror, ie men lipirap o men kuli.

2 A me kin petalon pan uanim, ie me jilepan jip.

3 Ie me jilepa kin riti tan mo a; o jip ka ronaron nil a: a i me eker a ki na jip ka at ar, kare irail ue.

4 A kin katar jili na jip kan, ti on mo irail, o jip ka kin itetauen ue i: pue re an lar nil a.

5 A re jota pan itanen me re jan, re nok tana jon; pue re jan nil arail.

6 Jijoj majani on ir kaparok

pot et; irail ari ponapon ki me pukan me a majani on ir.

7 Jijoj pil majani on ir, Mealel, mealel, I intai on komail, uanim en jip nai.

8 Karoj me para tor mo I men pirap o men kuli: o jip kan jota kin apuali irail.

9 Uanim eu nai: a meamen petalon kin ia pan kamauri lar, o tiara tar mona purepure.

10 Men pirap ko ton pirapa ta, o kame la, o kaokaoe: a nai me ko to pue irail en anaki maur, kakaire ta koko la.

11 Jilepa mau nai: a jilepa mau kin tonmete ki na jip ka maur i.

12 A me kin puaipuai, jo jilepa, me jo na jip ko, ie me naranar kiti lipej koko to, kin kaje la jip ko, tan tau; a kiti lipej me jaiki ti jip ko, kamuet ir pajon.

13 Me puaipuai kin tan tau, aki a puaipuai, o jota injino ki jip ko.

14 Jilepa mau nai, o I aja me nai, re pil aja ia.

15 Jam ai me aja ia, ie tuen I aja Jam ai: o I nok ikitiki jip ka maur I.

16 Pil akai jip me nai, me jo kijan nan kel uet: me puko I en ua to, irail nok ron nil ai; a pan nan kel lai eu, o jilepa metamen.

17 Ie me Jam ai kupura mau ia, pue I ki ti maur I, pue I en pur on ale.

18 Jota me kamai ia la, pue nai me pein me la. I pan kak me la, I pil kak mauri ta.

Kujenot pot et me I ale jon er Jam ai.

19 Ie me men Jutia akamai ki nan pon ar, pueki majan pukat.

20 Irail me neter inta ta, A tanuaran tepil, me iaka la; ta me komail ron ki i?

21 Akai me inta ta, Kaitik patak en tanuaran tepil pukat. Ta tepil pan kak kapaat pajon maj en me majkun?

22 Ie anjoun ijmaj Jirujalem, anjoun kapau.

23 A Jijoj kotikot nan im en kautok nan palank en Jolomon.

24 Men Jutia ka kapili pena i, intai on, Arai ta kom pan okioki on kit? Ma komui Kraij, en katete on kit janjal.

25 Jijoj majani on ir, I intai on komail er, a komail jota pojon: tok ka me I toke ta ni mmarr en Jam ai, ie me kin katete kin ia.

26 A komail jota pojon, pue kaitik kijan ai jip komail, tue me I intai on komail er.

27 Nai jip ko kin ron nil ai, a I aja ir, a re kin itauen ia:

28 A I kiki on ir maur jo tuk, a re jota pan jora la, o jota me pan ki jon irail ni pa ai.

29 Jam ai, me ki on irail ia er, me lapa jon karoj: jota me pan kak ki jon ni lim en Jam ai.

30 Jam ai o nai metamen.

31 Men Jutia ap pil rik takai puen kajuk i.

32 Jijoj me majani on ir, Tok mau me neter me I ka-

jale on komail er jon Jam ai; a tok eu ren me puko me komail kate kin ia?

33 Men Jutia ka japon i, inta ta, Kaitik tok mau me je kate kin uk; a pueki lalaue; a pueki aramaj men koa, me uia kin pein uk Kot.

34 Jijoj majani on ir, A jo intini er nan omail katapa, I inta ta, Ani ka komail?

35 Ma i ui ani ki irail, me Kot majani on, a Kijilikan jota kin jo pon;

36 Komail pan inta kin i, me Jama kajaraue lar, o katarata ton jappa, Ko meit lalaue; pueki i inta ta, Nain Kot nai?

37 Ma I jo uiaua en Jam ai a tok, komail ter kamea lele ia.

38 A ma I uiaua, ma komail jo pojon ia, komail en pojon tok ko; pue komail en aja, o pojon, me Jama poti ti on lol I o nai lol i.

39 Ie me irail pil jon ki jaik i; i ari piti jon ni pa arail,

40 Pure on pali lan Jortan, uaja Jon me uia paptaij ia maj o; i ari koti ti on ia.

41 A me neter pokopokon ton i, inta ta, Kaitik manaman me Jon uia ta; a mealel te karoj me Jon kajoia ki ol men et.

42 A me neter pojon la i uajao.

IRA 11.

NAN ol men jomau tar me at a Lajaroj, men Petani, kanim en Meri o ri a li Mata. 2 (Ie Meri me keiei ki potik

Jioua, limuie ki a puilipepe aluuilua, me ri a Lajaroj jomau tar.)

3 Ri a li ko ari katara ue on i, kaire ki, Jioua, nar, me komui pok on me jomau tar.

4 Jijoj me ani, ap majani, Kaitik jomau en me la eu me, a pueki linan en Kot, pue nan ie me Nain Kot en kalinan ki la.

5 Jijoj me pok on Mata, i, ri a li, o Lajaroj.

6 A me ani er me a jomau tar, i ari kotikot uajao pon ria pon.

7 A katekateo a majani on a uarok ko, Kitail ko lan Jutia.

8 A uarok ko potoon on, Main, men Jutia apton men kajuk komui; a komui pan pur on ia?

9 Jijoj majani, Jo klok ejok riau ni ran eu? Meamen momait niran, jota pan tipakolakol, aki a nar marain en jappa.

10 A meamen momait nipon, a kin tipakolakol, pue jo marain re a.

11 A kajoia ta me pukat ap majani on ir, Kompokepa atail Lajaroj mamair; a I ko ko lan, kapiri ta i jon a mair.

12 A uarok ko inta ta, Main, ma a mamair a pan mauri ta.

13 Ari Jijoj me kajoia ta a me la: a irail kiki on me a kajoia ta a mamair en kamol.

14 Jijoj ap janjal majani on ir, Lajaroj me lar.

15 A i mauki ai jo mi uajao pueki komail, pue komail en pojon la; ari kitail koko ue re a.

16 Tomaj, me Titimoj, ap potoon on a uarok ko, Kitail koko la puen ian i me la.

17 Jijoj lao koti to, ap me ania ta me a jaripi ti pon pa pon er.

18 (Petani me karen i Jirujalem, tena mail riau:)

19 A men Jutia ko me ko to on Mata o Meri, puen kamait ir ta pueki ri ara.

20 Mata rona tar me Jijoj kotikot ko to, ap ko ie tu on i: a Meri me potapota ta nan im o.

21 Mata ap jakara ki Jijoj, Jioua, ma komui kot met, ri ai jota pan me lar.

22 A I aja, meakot komui pokipoki ren Kot, Kot nok ki on komui.

23 Jijoj majani on i, Ri om nok kamauri ta.

24 Mata japon i, I aja me a nok kamauri ta lao nituel ran nik.

25 Jijoj majani on i, Men kamaur nai, o maur: me tuki on ia, ma a me lar, a nok mauri ta:

26 A meamen me maur o tuki on ia jota pan me la. Ko kamealele me?

27 A japon i, Ie Jioua: I pojon komui me Kraij, Nain Kot me utan para ton jappa.

28 A inta ta me, ap koti lan Meri ri a li, intin ta, Jioua koti tor kainoma uk.

29 I lao ron, ap u matana ue on re a.

30 A Jijoj jaik lel on kanim o, pue a koti ti on uaja Mata me tu on i ia.

31 Men Jutia ka me touu

ian i nan im o, kamakamait i, nara tar Meri matan piri ta ue, irail itanen i, intin ta, A ko on pon joujou puen maie ia.

32 Meri lao lel uaja Jijoj kot ia, nar i, ap pori ti on aluuilu a, inta ta, Jioua, ma komui kot re at, ri ai ol jota pan me la.

33 Jijoj lao majani i maie, o men Jutia ko me ian i koko to pil maie, i me kupur ola, uairok,

34 Majani, Komail puil ia i? Irail japon i, Jioua koti to majani.

35 Jijoj tonir tar.

36 Men Jutia ko ap inta ta, Nar tuen a pok on i!

37 A akai ir me inta ta, A jo kok pan me kapaat pajon maj en majkun, en kola jon ol men et a me lar?

38 Jijoj pil kupur ola ap koti ton joujou. A nan por en takai, o takai eu po a.

39 Jijoj majani, Kaje jon takai. Mata, en me lar ria li, inta ta, Main, a mata lar: pue a me lar pon pa pon er.

40 Jijoj majani on i, I jo intai on uk, ko peik, ko nok nara tar manaiman en Kot?

41 Irail ap kaje jon takai o uaja me me lar onon ia. A Jijoj me jara ki ta jilan i kan, majani, Jam ai, I kin kapikapina kin komui me ani ia er.

42 A I aja komui kin me ani ia anjou karoj: a pueki pokon me ututial I kin inta ta, pue irail en pojon me komui katar ia tor.

43 A majani me, ap nil lauti ta majani, Lajaroj, en pauri ta.

44 A me me lar ap pauri ta, pira ki likau en joujou ne o pa ka; o maj a me pira ki ankijip. A Jijoj majani on ir, Lauata ta, kapiti la i.

45 Men Jutia ko me ko to on Meri, o nara ta me pukan me Jijoj uia tar, me pojon la i.

46 A akai ir me ko ue on ren Pariji ko, kaire kin ir me Jijoj uia tar.

47 Joumaro lapalap o Pariji ko ap pokon pena, peitok nan pon ar, Ta me kitail en uia ta? pue ol men et me kin uia manaman neter.

48 Kitail jo mokit on i, karoj nok pojon la; o men Rom nok ko to ki jon kit uei o kainok atail.

49 A amen irail, Kaiepag, joumaro lapalap men ni par o, me potoon on ir, Komail meit jalelapok.

50 O jota katakataman ki me mau on kitail, ol ta men en kamata ki aramaj kan, pue kainok pokon en ter lo-katoka la.

51 A kaitik pein i me katiti ki me; a i me joumaro lapalap ni par o, i ari kokopa to me Jijoj pan kamata ki kainok o;

52 A kaitik kainok o ota, pue a nok kapokon pena nain Kot kan me muet pajon ni jap kan.

53 Jon ni ran o irail kati-kati eu kamata la i.

54 Ie me Jijoj jolar kotikot ki janjal ren men Jutia kan; a jipala ue taulul eu jap jalon nanuel, ni kanim eu at a Ipreim, o ian a uarok kan kotikot ia.

55 A pajopa en Jutia me karen er; a me neter ko ie jon nan jap karoj, pokon ta ue on Jirujalem mon pajopa, pue en kamaui pein irail.

56 Irail ari raparapaki Jijoj, o itetok nan pon ar, ni ar pokopokon nan im en kautok, Ta me komail lamalama, me a jo pan ko ton kamatip?

57 A Joumaro lapalap o Pariji ko me kujenote ta, meamen aja uaja a kot ia, i en kajale ta, pue re en jaiki ti i.

IRA 12.

MON pajopa pon uonu pon, Jijoj ap koti lan Petani, uaja Lajaroj kaujon ia me me lar, me a kamaura ta jon a me lar.

2 Irail me uia konota i; a Mata me papa: a Lajaroj me ian ir mot on tepel ian i.

3 Meri ap ua potik apual, paun eu, keiei ki aluuiluan Jijoj, limuie ki a puilipepe aluuilua kan: a im me tiri ki po en a keiei.

4 Jutaj Ijkariot, a uarok men, nain Jaimon, me pan pana la i, ap inta ta,

5 Ta me potik et jo notia ki to moni limai jok, o neok on jamama kai?

6 Kaitik a pok on me jamama ko me a itok ki me;

a aki men pirap men i, o pilikit en et, ua me touk on lol i.

7 Jijoj ap majani, Ter mo-
kit on i: ran en ai pan jaripi
ti me a kin kaonop ki me.

8 Pue me jamama kin pota-
pot re omail; a nai jota kin
potapot re omail.

9 A men Jutia ko ari aja
tar me i kot uajao: ir ari ko
to pueki Jijoj, o pil pue en
nar Lajaroj, me a kamauri tar
jon a me lar.

10 Joumaro lapalap ka me
pil katikati kame la Lajaroj;

11 Pue aki i men Jutia neter
mue ue ta, pojon Jijoj lar.

12 Mantan ran o aramaj
neter me ton ian kamatip o,
lao ron me Jijoj koti er Jiru-
jalem,

13 Irail pala ti ran tuka ka,
ko ie la tu on i, nijiniji ta,
Ojana: Meit kalanan Kaon
en Ijrael me kotikoti to ki
mmaren Kot.

14 A Jijoj lao majani aj pul
men, ap kaipoki ti po a;
tuen a intini er,

15 Ter majak, Nain Jaion
li: Nar, omail Joupeti koti-
koti to, kaipoki ti pon kijan-
aj men.

16 A ion a ko jota ueue ki
me pukat maj o: ari Jijoj lao
torora tar, irail me taman ta
me pukat me intin ti on i, o
me ir uia on i me pukat.

17 Me ton ian i ni a kapira
tar Lajaroj jon nan joujou, o
kamauri ta i jon me la, me
katete ki i.

18 Ie me aramaj ko pokon on ki i, pue irail rona ta me i uia ta manaman et.

19 Ie me Pariji ko katiti ki ta nan pon ar, Komail jo nar omail jota man kaloe ti i? nar, toun jap kan me pojou lar i.

20 A akai men Krik ian ir me ko ton kamatip o kautok:

21 Irail ari me ko ton Pilip, men Petjaita Kalili, kajoia ta, inta ta. Main, je men utial Jijoj.

22 Pilip ap ko on kaire ki Antru: a Pilip i Antru kaire ki on Jijoj.

23 Jijoj ap japon ir, majani, Anjou lel er en Nain, aramaj en kalinan la.

24 Mealel, mealel, I intai on koma, Ma uan plaua jo popi ti nani puel mairi ti, a kin mon ta: a ma a mairi ti, a nok kaparapar ua neter.

25 Me pokapoka maur i nok jalono jon; a me tonmete ki maur i pali pa nok tiara ta maur jo tuk.

26 Meamen papa ia, i en itauen ia; a uaja I mot ia, i uaja papa ia en mot ia: ma meamen papa ia, i me jam ai nok kajapuila ta.

27 I ap lol ola; a ta me I en inta ue? Jam ai en kamaio ue jon ia anjou uet: ari jo i me I ko ki ton anjou uet.

28 Jam ai, kalaute la mmarmoui. Nil eu ap pe ti to jon nalan, inta ta, I kalaute er, o I nok pil kalaute.

29 A aramaj ka me utial, o

rona ta, ap inta ta, a nanja: pue: a akai intin ta, Toun lan men me kajoia on i.

30 Jijoj japon majani on, Kaitik pueki nai nil et, a pueki komail.

31 Metet irair en jappa; joupeti en jappa ap pan kaja-poka la metet.

32 A nai, ma I lona ta jon jappa, nok kainona ton ia karoj.

33 A majani me, kilele ki ta tuen a pan kamata la.

34 Aramaj potoon on i, Je rona tar jon nin teik o me Kraij nok potapot eta: a tatuen om kajoia ta, Nain aramaj en lona ta? ij Nain aramaj men et?

35 Jijoj ap majani on ir, Marain rer mimi re omail ekij. Marain mimi re omail en momait, pue a te rotarot on komail: pue me kin momait nan rotarot kin jaja uaja a koko on ia.

36 Marain mimi re omail, en an la marain o; pue komail en jeri en marain. Jijoj me katiti me pukat, ap koti la, karukie la pein i jon ir.

37 A i me uia ta manaman neter mo irail, irail ari jota kamealele i:

38 Pue kokop en Aijea joukop men en puai ta, me i kokopa tor, Jioua, ij me kamealele at kajoi? a ij me manaman en Kot kajanjal on?

39 Irail ari jota kak kamealele pue Aijea pil katiti ki,

40 A karotone la maj arail, o kakokaluaka la kapeti rail; pue re en jola kilon ki maj arail, o aja ki nan kapeti, o uikitoki la, I en kakel ir ta.

41 Me pukat me Aijea inta ta, ni a nara tar a manaman, o katiti ki i.

42 Ari ren joupeti lapalap me neter tuki on i; a pueki Pariji ko re jota intin ta, pue re te pijikon jon nan im en patak:

43 Pue re mauki intin ta ren aramaj mon intin ta ren Kot.

44 Jijoj majani ta katiti, Me pojon ia, kaitin nai me a pojon, a me katar ia tor.

45 A me nar ia a pil nar me katar ia tor.

46 A marain eu I ko ton jappa, pue me kamealele ia en ter potapot nan rotarot.

47 A ma meamen ron ai patak ka, a jo kamealele, I jota kin kateika ta i: pue I jota ko ton kateika jappa, a puen kamauri jappa.

48 Me kaje ia la, a jo oke ai patak ko kateikepa mia: ai patak me I inta ta, i me pan kateikepa ran lao nik o.

49 Pue I jota kin pein katete ki; a Jam ai me katar ia, i me ki on ia er poron pot, me I en inta ta, o katiti ki.

50 A I aja maur jo tuk a poron o: ari karoj me I inta ta, i me Jam ai majani on ia, nan i me I inta ta.

IRA 13.

MON kamatip en pajopa, ni Jijoj me ani a lel er

iran a pan koti la jon jappa pur on Jama, a kupura er na kan mi jappa, a kupura la ir koko la.

2 A konot niki la, tepil me ki on er nan kapeti en Jutaj Ijkariot, nain Jaimon, en pana la i;

3 Jijoj me ani er me Jama ki on er ni lim a meakaroj, o me a ko ki to jon Kot, o koko on Kot;

4 A u ta jon konot, puili ki ti a likau ka, lime ta ankijip, pira ti pein i.

5 Ap kieli ti pil nan tal, ap pik ki ti uiten ne en a uarok ko, o limuie ki ankijip me a pira ki.

6 I ap kai on Jaimon Pita: a Pita intai on i, Main, kom pan uiten ne I ka?

7 Jijoj japon i majani, Ko kin jaja me I uiauia metet; a eu ran ko nok aje la.

8 Pita intai on i, Komui jo-ta pan uiten ne I ka. Jijoj japon i, Ma I jo uiten uk, jota om tunol re I.

9 Jaimon Pita ap japon i, Main, kaitin ne I eta, a pa I o mon ai.

10 Jijoj majani on i, Me topatop lar jota me en topatop ki, ne eta, pue a makolakola tar: a komail makolakola tar, a jota karoj.

11 Pue a me ani me pan pana la i; ie me a majani ki, Komail karoj jota makolakola tar.

12 A lao uiten ne ar ka, o lime tar a likau ko kaipoki ti, ap majani on ir, Komail jo aja me I uiai on komail er?

13 Komail me aka joumaj ki o aka Jioua kin ia: a komail meit inta mealel; pue ie nai.

14 Ma I, omail Jioua o Joumaj, kin uiten ne omail er; komail en uiten ne omail pena.

15 Pue I ki on komail er kaalamona eu, pue komail en uiaua tuen I uiai er.

16 Mealel, mealel, I intai on komail, Litu me jota lapa jon a joumaj; pil kaitin me pakatara to me lapa jon me katara to i.

17 Ma komail aje la me pukat, komail meit paii ma komail uia ta.

18 Kaitin komail karoj me I katiti ki: I aja me I pila jon er: a pueki kijilikau en me pon, Me ian ia kan pret me jipat ia.

19 A I ap kokop on komail mon a uia ta, pue a lao uia ta, komail en pojon me nai i.

20 Mealel, mealel, I intai on komail, Meamen me kajamo me I katara ue me kin kajamo ia; a me kin kajamo ia kin kajamo me katar ia tor.

21 Jijoj lao majani ue me, ap uairoka ta nen i, katiti, majani, Mealel, mealel, I intai on komail, amen komail nok pan ia la.

22 A ion a ko me naranar nan pon ar, ponapon ki me a majani ki.

23 A amen ion a ko me panapan pan kupur en Jijoj, me Jijoj pok on.

24 Jaimon Pita ari ap olol

on i, en kainoma me a majani.

25 Me uonon pan kupur en Jijoj ap itok re a, Ij i, Main!

26 Jijoj me japon, Me I pan neok on I lao katui ti kijin pret, ie i. A a lao katui ti er kijin pret, a ki on Jutaj Ijka-riot, nain Jaimon.

27 A murin nene Jetan ap til lon lol i. Jijoj ap majani on, Kanana ta me ko pan uia ta.

28 A jota me ton ian mot impan tepel aja me a majani ko on i me.

29 Pue akai lamalama, pueki Jutaj ua et, Jijoj me majani ki on i, Notia ta meakan kitail en kaonopa ki kamatip o; te, a en ki on meakot ren jamama ko.

30 I ari, ale er puaij a, ap matana ue jon; a uaja joutik penai er.

31 A ko la jon er, Jijoj ari majani, Nain aramaj ap linan lar, a Kot me kalinan lar pueki i.

32 Ma Kot kalinan lar pueki i, Kot nok kalinana ki i pein i, a a nok matan kalinanai i.

33 Nai kijin jeri ko, I rer ieian komail ekij. Komail nok rapaki ia; a tuen ai katiti on er men Jutia, Uaja I koko on ia, komail jota kak on ia; ie tuen I ap katiti on komail.

34 I ap ki on komail panau kap eu, Pue komail en poka-poka pena; tuen ai pok on komail lar, ie tuen komail pokapoka pena.

35 Nan i me aramaj karoj nok aja ki ai uarok komail, ma komail pokapoka pena.

36 Jaimon Pita kainoma i, Jioua, kom pan koti lai ia? Jijoj japon i, Uaja I koko on ia, ko jo kak itauen ia anjou uet; a ko nok itauen ia eu ran.

37 Pita kalelapok re a, Main, ta me I jo kak ki itauen komui la met? I nok mueta tan komui maur I.

38 Jijoj majani on i, Ko pan mueta tan ia maur om? Mealele, mealele, I intai on uk, Malek jota pan kokarot, ko lao kamama kin ia pan pak jili pak:

IRA 14.

KOMAIL ter jonijon lol: Komail kin pojon Kot, en pil pojon ia.

2 Nap taipaj en Jam ai nan pera me neter: ma jo, I pan intai on komail. I ko ko lau kaonop teu omail.

3 Ma I ko lan kaonop teu omail, I nok puro to, uk komail ton ian ia: pue uaja I kin momot ia, komail en momot ia.

4 A komail aja uaja I koko on ia, o al komail aja.

5 Tomaj me intai on i, Main, je jaja uaja kom pan koti lai ia; a tatuen je pan aja al o?

6 Jijoj majani on i, Nai me al, o mealele, o maur: jota me kin ko to on Jam, ma jo nai.

7 Ma komail aja ia er, komail pan pil aja Jam ai: a komail aja i koko la, o nara tar i.

8 Pilip me intai on i, Main, kajale ton kit Jama, kit ari pan nennen la.

9 Jijoj majani on i, Pilip, I ielan komail er uarai, a ko jo ueue kin ia? me nar ia er kin nara tar Jama; a tatuen om inta ta, Kajale on kit Jama?

10 Ko jo kamealele me nai mi nin Jama, o Jama mi lol I, a ai pataki komail kaitin pein nai me I patapataki: a Jama me mi lol I, i me kin kauiaua tok ko.

11 Kamealele ia me I kin mi ni Jama, o Jama kin mi lol I: te kamealele ia pueki ai uiaua ko.

12 Mealele, mealele, I intai on komail, Meamen tuki on ia, a nok uiaua tok ka me I kin uiaua; a tok me lapa jon me pukat a nok uia ta; pueki I koko on ren Jam ai.

13 A meakot komail poki pueki nai, ie I nok kapuaia ta, pue Jama en linana ki la Na.

14 Ma komail poki meakot pueki nai, I nok kapuaia ta.

15 Ma komail pok on ia en uoke ai panau kan.

16 A I nok kapakap on Jama, a i me pan katara ton komail amen Kapol, pue en kotikot re omail koko la ta;

17 Nen mealele; me men pa jo kak apuali, pue re jota nar i, pil jo aja i: a komail aja i; pue a kin kotikot re omail, o a nok tau loli komail.

18 I jota pan lokit komail jo popol: I pan puro ton komail.

19 Anjou kij, jappa pan jolar nar ia; a komail kin nar ia: pueki nai me maur, komail pan pil me maur.

20 Lao ran o komail nok aja me I mi ni Jam ai, o komail mi nin ia, o nai ni komail.

21 Me ale er ai panau ka, o uoke, ie me kin pok on ia: a me kin pok on ia nok joijoi pan Jam ai, a I nok pok on i, pil pein kajanjale on i.

22 Jutaj, kaitik Ijkariot, japon i, Main, tatuen komui pein kajanjale on kit, a jo on jappa?

23 Jijoj japon i, majani, Ma meamen pok on ia, a nok uoke ai patak ka: a Jam ai nok kupura i, a je pan ko on re a, kaukaujon re a.

24 A meamen me jo pok on ia jota kin uoke ai patak ka: a kaitik ai patak me komail ronaron, a nain Jam ai me katar ia tor.

25 Me pukat I pataki on komail er, ni ai mi re omail.

26 A Kapol men, Nen Jaranai, me Jama nok porone ki to at ai, i me pan kauue on komail meakaroj, o kataman kin komail me I pataki on komail er kan.

27 I nikit on komail ai popol, ai popol me I ki on komail: kaitik tuen jappa kiki ta me I ki on komail. Komail ter jonijon lol, pil ter majak.

28 Komail ron er tuen ai intai on komail, I nok ko ne, o puro ton komail. Ma komail pok on ia, komail nok peren ki ai intin ta, I koko

on Jam ai: pue Jam ai me lapa jon ia.

29 A I ap kokop on komail er maj, pue, a lao pona la, komail en pojon.

30 I pan jolar kajokajoi toto on komail: pue kaon jappa koko to, a jota a meakot re I.

31 A pue jappa en aja me I pok on Jam; a tuen Jam majani on ia er, ie tuen I uia- uia. Kitail u, koko la.

IRA 15.

O EU mealel nai, a joumot men Jam ai.

2 Ra kan poti ti on ia jo uaua a kin taponoka jon: a me kin uaua, nan a kin kokok pue re en ua toto lar.

3 Komail ari makolakol ki tar patak, me I pataki on komail er.

4 En poti ti on ia, o nai komail. Ra jota kin pein ua, ma a jo poti ti on o a; ie tue komail, me komail jo pot on ia.

5 O eu nai, ra kan komail. Me pot on ia, o nai on i, ie me kin uaua toto; pue taponoka jon ia, komail jota kak on uia meakot.

6 Meamen jo poti ti on ia, kin taponoka ue, likoma ta ra moni ti; aramaj kin uaja ir pena, ir ari tuia ki kijinia la.

7 Ma komail poti ti on ia, o ai patak kan poti ti on komail, komail pan poki meakot komail mauki, a a nok puai on komail.

8 Nan i me Jam ai kalinana ki la, omail uaua toto; nan ie komail nok ai uarok la.

9 Tuen Jam pok on ia er, ie tuen ai pok on komail: komail en poti ti on ai pok.

10 Ma komail uoke ai kujenot kan, komail nok poti ti on ai pok; tuen I kin uoke en Jam ai a Majan kan, o poti ti on a pok.

11 Me pukat I katiti ki on komail er, pue ai pol en poti ti on komail, o pue pol omail en lapa la.

12 Nan i ai panau, Komail en pokapoka pena, tue I puke komail lar.

13 Jota aramaj a pok me lapa jon met, meamen muet on kompokepa kan maur i.

14 Komail me kompokepa I, ma komail uoke ai panaui on komail kan.

15 I jota aka litu komail; pue litu kin jo aja me a joumaj uiaua: a I aka kompokepa komail; pue karoj me I ron er ren Jam ai I katiti ki on komail er.

16 Kaitik komail me pila jon ia er, a nai me pila jon komail er, o porone komail lar, pue komail en kapakapara jili, o pue omail kapakapara en potapot; pue karoj me komail poki ren Jam ai pueki nai, a nok ki on komail.

17 A me pukat I panaui komail, pue komail en pokapoka pena.

18 Ma jappa mejuiti komail, komail aja me a mejuiti kin ia mo mail.

19 Ma men jappa komail, jappa nok pok on na; a pueki komail jo men jappa, pue

I pil komail er jon jappa, ie me jappa kin jan ki komail.

20 En tamataman kajoi pot me I kajoi on komail er, Litu jota lapa jon a joumaj. Ma re koma ia er, re nok koma komail; a ma irail uoke er ai patak, re pan pil uoke omail.

21 A me pukat re nok uia on komail pueki nai, aki ar jo aja me katar ia tor.

22 Ma I jo ko ton pataki on ir, jota pan tip arail; a met, jota pekitepan tip arail.

23 Me kin mejuiti kin ia kin pil mejuiti ki Jam ai.

24 Ma I jo uia tar nan pon ar tok ko me jota amen uia tar, jota pan tip arail; ari irail nar ia er o mejuiti kin ia er pil Jam ai.

25 A met puai tar pue kop me intini ti ni teikepa arail en pona la, Irail me mejuiti kin ia er a jo karepa.

26 A Kapol lao koti to, me I pan porone to jon Jama, Nen mealel, me kin koti to jon Jama, i me pan katete kin ia:

27 A komail nok katete ta, pueki komail ton ian ia er maj koko to.

IRA 16.

ME pukat I katiti ki on komail er, pue komail te puiriam la.

2 Irail pan kauj komail jon nan im en patak ko: a katekateo, meamen kame la komail a nok aka a papa Kot.

3 A me pukat re pan uia on komail, pueki ar jo aja Jama, o nai.

4 A me pukat I kokop on

komail er, pue anjou lao lel, komail en taman ta me I katiti ki on komail. A me pukat I jota intai on komail er nin tapi o, pue I ieian komail.

5 A, I ap koko la on me katar ia tor; a jota amen komail kin itok re I, Ia uaja ko koko on ia?

6 A komail me jonijon lol, ki ai kokop on komail er me pukat.

7 Ari jo, I kokop on komail mealel; Me mau on komail I en koko la: pue ma I jo ko la, Kapol o jota pan para ton komail; a ma I ko la, I nok porone ton komail i.

8 A i lao koti tor, a pan kajaui on jappa me juit, o kapon, o kateik:

9 Me juit, pue irail jota pon ia;

10 O kapon, pue I koko lan Jam ai, a komail jo nar ia;

11 O kateik, pue kaon en jappa me pakateika tar.

12 Luan ai kaika ta pataki on komail me neter, a met komail jota kak on.

13 Ari i Nen mealel lao para to, pan kainene on komail mealel kan: pue a jota pan pein katete ki; a meakot a pan ron, i me a pan inta ta: a a nok kajale ton komail meakan me pan uiauia.

14 A nok kalinanai ia: pue a nok ale me nai, o kajale on komail.

15 Japuillim en Jama meakaroj: ie me I katiti ki er, me a pan ale me nai, o kajale ton komail.

16 Anjou kij, komail pan jolar nar ia: a pil, anjou kij, komail nok nar ia, pue I koko la ren Jam ai.

17 A ion a ka ap peitok nan pon ar, Ta me me a kajokajoia on kit, Anjou kij, a komail pan jolar nar ia: o pil, anjou kij, komail pan nar ia: Pueki I koko ue ren Jam ai?

18 Ie me re peitok ki, Ta kot et me a kajokajoia ta, Anjou kij? je ponapon ki me a kajoia ta.

19 A Jijoj me ani er me re men itok re a, ap majani on ir, Komail jo kakaak ki nan pon omail me I iutai on komail, Anjou kij, komail pan jolar nar ia: a pil, anjou kij komail nok nar ia?

20 Mealel, mealel, I katiti ki on komail, Komail pan jonijon, o mauk, a jappa nok popol; a komail nok mauk, a omail mauk pan uikit on popol.

21 Li men pan naitik kin matomatoka tar, pue a lel er anjou i, a a lao naitikia tar na jeri, ap jolar taman a matok, pueki peren ki me jeri men naitiki ti on jappa.

22 Ari komail mamauka tar: a I pan pil nar komail, a komail pan popol lol, a jota me pan ki jon omail pol.

23 A lao ran o komail jota pan poki re I meakot. Mealel, mealel, I katiti ki on komail, meakan komail poki ren Jam pueki nai, a nok puai on komail.

24 Maj koko to jota meakot komail poki pueki nai: poki,

a komail nok ale, pue pol omail en lapa la.

25 I kaparok kajokajoi on komail er me pukat: a anjou koko to me I pan jolar kapakarok on komail, pue I nok kajanjal on komail iren Jama.

26 Lao ran o komail. nok poki pueki nai: a I jota intai on komail, me I pan kapakap ki komail on Jama:

27 Pue Jama pein pok on komail, pue komail pok on ia er, o kamealele me I ko to jon er ren Kot.

28 I ko to jon er ren Jama, o ko ti ton jappa: I pil koko jon jappa, koko la ren Jama.

29 Ion a ko intai on i, Nar, komui ap janjal katiti, o jola katiti kaparok.

30 Je ap tete ki tar omui me ani meakaroj, o jota men meamen en kalelapok re omui: I me je kamekamealele ki omui para tor jon Kot.

31 Jijoj japon ir, Komail ap pojon lar?

32 Nar, a karen tor, ie a lel er, anjoun omail pan kamueta pajon, karoj ton teu arail, o lokit ia la keleip: a jo, I jota keleip, Jama me ian ia.

33 I katiti ki on komail er me pukat, pue komail en kapol on ia. Ni jappa komail nok komakom: ari en popol; I kaloe ti er jappa.

IRA 17.

JIJOU majani ue tar me pukat, ap jara ki ta nalan jilan i, majani, Jam ai, anjou er; kalinana ta nomui

Ol, pue nomui Ol en pil kalinana ta komui.

2 Tue komui ki on i er en kak poe ti aramaj kan, pue i en ki on karoj me komui ki on i er maur jakatuk.

3 Maur jakatuk me uet, pue re en aja komui la Kot eta mealel, o Jijoj Kraij, me komui porone tor.

4 I kalinana komui tar jappa: I kanikie lar tok me komui ki ton ia en uia ta.

5 A met, Main Jam ai, kom kotin kalinana kin ia pein omui linan me I ian komui linana ki er nin jappa jo mia.

6 I kajanjala tar mmarmui on aramaj ko me komui ki ton ia er jon ni jappa: nomui irail, a komui me ki ton ia er irail; a re kin uoke omui majan.

7 A re ap aje lar me ren komui karoj komui ki on ia er.

8 Pue I ki on irail er majan ko me komui ki on ia er: o re ale ir er, o ueue ki lar me I para to jon komui, o re pojon lar me komui porone ia tor.

9 I kin kapakap kin ir: I jota kin kapakap ki men jappa, aki ir me komui ki ton ia er; pue nomui irail.

10 Nomui karoj me nai, a nai karoj me nomui; o i ap linana kin ir lar.

11 I ap jola mi jappa, a me pukat mi jappa, I ari koko on komui. Jam ai Jarai, kanikit ki mmarmui me puko me komui ki on ia er, pue irail en metamen, tue kita.

12 Arai en I ian ir mi ni jappa, I nikit irail er ni mmarmoui: I nikit er me puko komui ki on ia er jota amen ir jalono lar, uan kajalono la men eta; pue kijilikau en pona la.

13 A I ap koko on re omui; a I ap katiti on me puka jappa, pue irail en pein popol kin ia la.

14 I ki on irail er omui majan; o jappa mejuiti ki irail er, pue kaitin men jappa ir, tue nai jota men jappa.

15 I jota kapakap on komui en ua irail jon jappa, a, pue komui en pera jon ir kajuitapa.

16 Kaitik men jappa irail, tue nai jo men jappa.

17 En kajaraui kin ir omui mealel: pue mealel omui majan.

18 Tuen komui poron ia ton jappa, ie tuen I poron ir er on jappa.

19 Pueki irail I kin kajaraui pein nai, pue irail en kajaraui ki ta mealel.

20 A kaitin me pukat eta me I kapakap ki, a pil irail ko me pan pojon ia pueki arail patak;

21 Pue irail en metamen; tuen komui, Jam ai, poti ti on ia, o nai on komui, pue irail en pil metamen re at: pue jappa en pojon me komui poron ia tor.

22 A linan me komui ki on ia er, I ki on irail er; pue irail en metamen, tue kita metamen:

23 Nai on ir, o komui on

ia, pue re en jon lai eu meapon; pue jappa en aja me komui poron ia tor, o pok on irail, tue komui pok on ia er.

24 Jam ai, I men irail, me komui ki on ia er, ton ian ia uaja I kin pot ia; pue re en utial ai linan, me komui ki on ia er: pue komui pok on ia er mon jappa tapi tar.

25 Main Jam ai mealel, jappa kaik ta aja komui; a nai me aja komui la, a me pukat ajai er me komui poron ia tor.

26 A i katiti ki on irail er mmarmoui, o I nok pil katiti ki; pue pok eu me komui puke kin ia er en poti ti on ir, o nai on ir.

IRA 18.

JIJOF lao majani ue majan pukat, ap iana la a uarok ko taulul pali la jon pil tik Kitron, uaja motauel mia, i, o ion a kai, kot ie on-ia.

2 A Jutaj men pana la i, aja uajao: pue Jijoj ian a uarok kai kin purepure on uajao.

3 Jutaj ale er pokon en o koua ka jon joumaro lapalap o Pariji ka, ap ko ie ki la lamp o jer ka o kapua en pei ka.

4 Jijoj ari, me ani er karoj me pan pit i, kot ie on, majani on irail, Ij me komail rapaki?

5 Re japon i, Jijoj men Najaret. Jijoj majani on ir, Nai i, A Jutaj men pana la i, pil u ian irail.

6 Jijoj majani on ir, Nai i, re ap puioka jon, popi ti on nani puel.

7 A pil itok re ir, Ij me komail rapaki? Re japon, Jijoj men Najaret.

8 Jijoj majani, I kajoi on komail er nai i: komail ari raparapaki ia, en katara ue me pukat:

9 Pue lepen kajoi en pona la, me a majani ue, jota amen ir me komui ki on ia er me I kamueta tar.

10 A Jaimon Pita me na kotlaj ap uja pajon, koma ki en joumaro lapalap a litu men, jara pajon jalon a pali maun. A litu o me at a Mal-koj.

11 Jijoj ap majani on Pita, Kapure on om kotlaj nan ten i o: ta, tal eu me Jam ai ki on ia er, I en ter nim?

12 Ari pokon o kapin o koua ko en men Jutia jaiki ti Jijoj, o jali ti i,

13 O kalua ue i ren Anaj maj; pue i me jam en Kaie-paj a paut, me it uia joumaro ni par o.

14 Ie i Kaiepaj me kaparok ki on men Jutia ko, me maka ta ol tamen en kamat ki aramaj kan.

15 A Jaimon Pita itanen la Jijoj, i, o amen a uarok ko: o ie i men par joumaro lapalap, o ian Jijoj koko on im en joumaro lapalap.

16 A Pita me u impan uanim liki o. Ari ion a me teiu, men par joumaro lapa-

lap, ap intai on me jinjila uanim, o uk ton Pita.

17 Jeripein o me jinjila uanim ap intai on Pita, Kaitik uarok en ol men et koa? a japon, I jo.

18 A litu kai o koua kai u ia, me jaun ti er kijinia, pue a kapau; irail karonaron ia: a Pita ian ir u, karonaron.

19 Joumaro lapalap o ap kalekalelapok ren Jijoj ion a ko, o a patak.

20 Jijoj japon, I kin kaueue janjal on jappa er; maj koko to I kin patak nan im en patak, o im en kautok, o uaja men Jutia kan kin pokon pena ia: a jota man meakot me I okiok kaueue ta.

21 Ta me kom peitok kin ia? kalelapok ren me ron ia er, me I pataki irail er: nar, re aja me I inta tar.

22 Ni token Jijoj mamajani ue me, amen koua ko me u imp a ap pikir ki pa a Jijoj, inta ta, Ko japon joumaro lapalap mo?

23 Jijoj japon i, Ma I inta ta me juit, en katete kin ia juit: a me mau, ta me ko pikir kin ia?

24 A Anaj me kataulul lan i jali ti ren Kaiepaj joumaro lapalap o.

25 A Jaimon Pita u, karonaron. Irail ari kajokajoi on i, Ko jo amen ion a ko? A kamama ta, inta ta, I jo.

26 En joumaro lapalap a litu men, kijan me jalon a Pita jara pajon, inta ta, I jo nar uk ni motauel o?

27 Pita pil kamama ta; malek ap kakarota tar.

28 Ari irail kalua jon Jijoj ren Kaiepañ nan im en kateik; ari me jankanai; a irail jota petalon on im en kateik, pue re te kajaot; a pue re en kak on tunole pajopa.

29 Pailot ap ko ie on ir, inta ta, Ia omail pakainak kaeo ol men et?

30 Irail japon i, intiu ta, Ma i jo tipau, je jota pan pana la on komui i.

31 Pailot ap majani on irail, Komail ale i, kateika ta i monin pan omail kateik. Men Jutia ko ari me intai on i, Me jota inen kit kame la aramaj men:

32 Pue majan en Jijoj en kapon la, me a majani ue, kajale ta tuen a pan kamata la.

33 A Pailot pure on nan im en kateik, ekeker Jijoj, kalelapok re a, Komui Kaon en men Jutia kan?

34 Jijoj japon i, Kom pein mataue ta me pot et, te akai katiti kin ia on komui?

35 Pailot japon, Ta men Jutia nai? Toun jap om o joumaro lapalap ko me pana lan uk ia: ta me ko uia tar?

36 Jijoj me japon, Kaitik men jappa et mue I: ma men jappa mue I, ai litu ko pan pepeï, pue I en ter loti on men Jutia ko; a nan kaitik ie mue I.

37 Ie me Pailot itok re a, Ari kaon men koa? Jijoj japon, Komui me inta kaon men nai. Ie me I ipui ki ti

er, a ie me I para ki ton jappa, pue I en kaire ki mealel. Kijan mealel kan kin rona-ron nil ai.

38 Pailot me itok re a, Ta mealel? Ari a inta ue me pot et, ap ko ie on ren men Jutia ko, kajoia on ir, I jota tiar me tip a.

39 Ari a kin tue komail, I en lapua ta meamen ni pajopa: komail jo men I en lapua tan komail Nanmaraki en men Jutia?

40 Irail karoj pil uiriuri ta inta a, Kaitik ol men et, a Parapaj. Ari Parapaj me lolap en pirap men.

IRA 19.

PAILOT ari me apena Jijoj, uokia ta i.

2 A joun pei ko ira ta el en teok ka, re ap ki tan pon a katokenmai, o kapuata ki i likau uaitata,

3 Nijiniji ki, Komui me Nanmaraki en men Jutia ko! a re pikir ki pa rail i.

4 Pailot ari ko ie lan, ap iutai on ir, Nar, I ua ton komail i pue komail en aja me jota tip a me I tiara ta.

5 Jijoj ap kot ie la, kapuata ki el en teok ka, o likau pup uaitata. A Pailot majani on irail, Nar ol o!

6 Joumaro o koua ko lao utial i, re ap uiriuri ta, inta ta, Kamata la i, kamata la i. Pailot intai on ir, Komail apena i, kamata la: pue jota tip a me I tiara tar.

7 Men Jutia ko japon i, Teik at pot mia, a monin pan teik

at i en kamata la, pue a uia nain Kot ki pein i.

8 Pailot ari ron er katiti pot et, ap majapueka tar kaua-lap;

9 O pure on nan im en ka-teik o, kalekalelapok ren Ji-joj, Komui koti jon ia? A Jijoj jota japon i.

10 Pailot ari itok re a, Ko jo japon ia? Ko jo aja me I kak on lopue la uk, o kak kapiti la uk?

11 Jijoj japon, Kom jota man kak kae ia, ma a jo muet on komui jon poa: ie me pan ia lan komui er tip a lapalap ki la.

12 Ari Pailot ap jon kapiti la i: a men Jutia ko uiriuri ta inta ta, Kaitin komui kom-pok en Jija, ma komui kapiti la ol men et: meamen aka nanmaraki pein i kin lallal kae Jija.

13 Pailot ari ron er katiti pot et, i ap kapare ta Jijoj, kaipokiti on pon teun kateik uaja at anaki Pepment, a Ipru, Kappata.

14 Ie anjoun onop pajopa, o a karenì klok uonu: i ari majani on men Jutia ko, Nar Nanmaraki omail!

15 A re uiriuri ta, Jikon ue, jikon ue, kame la i. Pailot itok re ir, Ta, I en kame la omail Nanmaraki? Jou-marò ko japon, Jota at nan-maraki, Jija eta.

16 I ari pana lan irail i puen lopue la. Re ap koli ti Jijoj kalua ue la.

17 A pein i me ua a lopu kot ie lan joujou eu, me at anaki Ipru Kolkota:

18 Uaja re lopue la i, o iana ki me ria men, ira ue ta, Jijoj nan pon ira.

19 O Pailot me intinie ti mmare e, kakone on pon lopu o, A iet intin o, JIJOJ EN NAJARET NANMARAKI EN MEN JUTIA KAN.

20 A men Jutia ko uatok ti intin en mmare uet; pue uaja Jijoj lopue la ia me ja-lon kanim o: a a intini er Ipru, o Krik, o Latin.

21 Ari joumaro ko potoon on Pailot, Ter intin, Nanma-raki en men Jutia kan; a me i inta ta, Nanmaraki en men Jutia kan nai.

22 Pailot japon, Me I intini ti er ie ta I intini ti er.

23 Joun pei ko, lao lopue la Jijoj, re ap ale a likau kan, katora pajon ni puaij-paiu, puaijaij on joun pei kan; o pil a jakit: ari a jakit me jo tete pena, me ira ta jon poa lel pa.

24 Irail ari me kajoi nan pon ar, Kitail ter kae pajon me, a katoropua ki, me pan a: pue kijilikau en pona la, me intin ta, Irail me neok pajon ai likau kan nan pon ar, o katoropua ki ai jakit. Ie me joun pei ko uia ki me pukat.

25 Ni tapin lopu en Jijoj in a me u, o ri en in a, Meri en Kliopaj a paut, o Meri Mak-telin.

26 Jijoj ari majani in a, o

uarok men u imp a, me a pok on, ap majani on in a, Li, nar nom ol!

27 Ap majani on uarok o, Nar in om! ari i token uarok o uk la i teu a o.

28 Muri, Jijoj me ani er aniki er me a karoj, pue kijilikau en meapon, ap majani, I men nim pil tar.

29 A kajak eu kin pot uajao me aute ki pinika: ir katui ti lim eu nan pinika, ki on ni alik, ki ta lan ni au a.

30 Jijoj lao jon pinika, ap majani, A niki er: i ari kamotau katokenmai, katara lar nen i.

31 Men Jutia ari, pueki kaonop, pue uar arail en ter lonalon pon lopu ran en jonti, (pue ie ran en jonti mulatok,) poki Pailot me ne arail kan en katip pajon, o re en uijik jon.

32 Joun pei ko ap kai on, kaoe la ne kan en me pali et, o en me teiu me ian lo-pue la.

33 A re kai on Jijoj, tiara ta me a mata lar, re jota katip pajon aluuilua kan:

34 A joun pei men toko ki kanman pot ni ponapon a, o pitipit inta o pil kujakuja ue.

35 A i me utial er kin kate-te ki, o a katete mealel; o a aja me a katete mealel, pue komail en pojon.

36 Pue me pukat me ui ai er, pue kijilikau en pona la, Jota a ti pot pan tip pajon.

37 O pil eu kijilikau inta

ta, Irail pan kankakil me re toko ti.

38 Muri Jojep men Arima-tia, ion en Jijoj men, ari mear-rir pueki a majak men Jutia ko, poki ren Pailot pue i en ua la kalepan Jijoj: Pailot ari muet on. I ari me kai on ua la kalepan Jijoj.

39 Nikotimoj pil ian ko on er, (me poto on er ren Jijoj nipon,) ua potik en mor o aloj, tena paun apuki.

40 Irail ap lapua ti kalepan Jijoj, kitim ki pena likau matarok ka iana ki pomau kan, monin pan men Jutia kan jaripi ti.

41 Ari uaja a mata lai ia motauel mia; o nan motauel o joujou kap, uaja jota aramaj men kin jar ia.

42 Irail ari jari ti ia Jijoj pueki kaonop en men Jutia kan; pue joujou o me karen.

IRA 20.

NIN tapin uik, at en ran, ni a jaik marain pajon, Meri Maktelin koko on joujou o, ap tiara ta takai kata-pure jon er pon joujou o.

2 I ap tana ue, ko ton Jaimon Pita, o amen uarok me Jijoj pok on, intai on ira, Irail ua jon er Jioua nan joujou o, a je jaja uaja re ki ti on ia i.

3 Pita ari ko ie la, o amen uarok o, ap koko ton joujou o.

4 Ira ian pena tana ue: a amen uarok o me matan mon Pita, lel joujou maj.

5 A i me itioiki ti, nara ta a likau matarok kan uonon; i ari jota petalon.

6 Jaimon Pita ap koko to itaunen, ap petalon on joujou o, tiara ta a likau matarok ko uonon,

7 O ankijip, me pirapa a katokenmai, me jo ian likau matarok ko, a lim pena toror.

8 A amen uarok o, me ti on ton joujou o, ap ko on, i ari tiara tar, o peiki tar.

9 Pue ira kaik ueue ki kiji-likau o, i en iaja ta jon ni a mata lar.

10 Uarok ko ap pure on er teu rail.

11 A Meri me u liki o jalon joujou o jonijon: o ni a jonijon, a pori ti, kilon joujou loli o.

12 O nara tar tounlan ria men momot ia, kapuata ki likau potapot, amen niman katokenmai, a amen niman aluuilua kan, uaja kalepan Jijoj kin kipikiparok ia ier, maj o.

13 Ira ari intai on i, Li, ta me ko jonijon ki? A japon ira, Pueki re ua la jon ai Jioua, a I jo aja uaja re ki ti on ia i.

14 A intin ta me, ap jope ue nara tar Jijoj, kot ia u, o jaja me i Jijoj.

15 Jijoj majani on i, Li, ta me ko jonijon ki? ij me ko kin raparapaki? A kiki on me i joumot o ap itok re a, Main, ma kom ua jon er i, en intai on ia uaja kom ki ti on ia i, a I pan ua la jon i.

16 Jijoj majani on i, Meri. I ari jope on, intai on i, Raponai; ienta, Joumaj.

17 Jijoj majani on i, Ter tok ia; pue I kaika ta para la ren Jam ai: a, u ko on ri ai ko, kaire kin ir, I koko ta la ren Jam ai, o Jam omail; o ren ai Kot, o omail Kot.

18 Meri Maktelin me ko on kaire ki uarok ko me a nara tar Jioua, o me a katiti on i me pukat.

19 Ie ran ota lao ninjoutik, ran en jonti, ni uanim ko me riti ti uaja ion a ko pokon penai ia, pueki majak en men Jutia ko, Jijoj ap kot ie on u nan pon ar, majani on ir, Komail popol.

20 A majani ue me, ap kaja-le on ir lim a kan, o panapan a. Ari ion a ko peren ta, ni ar nara tar Jioua o.

21 Jijoj ap pil majani on ir; Komail, popol: Jam ai me katar ia tor, ie tuen I katar komail ue.

22 A majani me, ap niti on ir, majani, Komail ale Nen Jaraui.

23 Komail ki la tip kan en meamen, re ki lar jon ir; o komail katone ti tip ko en meamen, re tonaton er.

24 A Tomaj, amen ekria-men, me Titimoj, jota ian ir ni Jijoj para tor.

25 Uarok me teko ari intai on i, Je nara tar Jioua o. A i me intai on ir, Ma I jo nar lupan mata ni lim a kan, o ki lon on ni lupan mata jonti en pa I, o ki lon on kumut I

ni panapan a o, I jota pan tuki on.

26 Murin ran ualu a uarok ko pil pokon pena, o Tomaj ian ir, uanim kan riti ti er, Jijoj koti ton, n nan pon, majani, Komail popol.

27 Ap majani on Tomaj, Ki to jonti en pa om, o nar pa I kat; o ki to pa om, ki lon on nan panapan ai; o ter jo poj-on, en tuki on eta.

28 A Tomaj japon intai on i, Ai Jioua o ai Kot.

29 Jijoj majani on i, Tomaj, pueki om nar ia er, ko tuki on ki er: irail meit paii me kaik ta nar, tuki on er.

30 A akai manaman neter, me jo intini ti er nan puk uet, Jijoj me uia ta nan pon ion a ko:

31 A me pukat me intini ti er, pue komail en kamealele Jijoj me Kraij, Nain Kot; o poj-on komail en nainaki maur pueki mmare.

IRA 21.

A MURIN me pukat Jijoj pil kajale on a uarok ko pein i pon le en Taipiriaj; a i tuen a kajale tar.

2 Jaimon Pita, o Tomaj me Titimoj, o Netanil men Kena en Kalili, nain Jepiti ol ka, o pil a uarok ria men, me pokon pena.

3 Jaimon Pita intai on ir, I koko on lait. Re intai on i, Je pil pan ian uk. Re ko ie la, matan kara tan kijin jop pot; a pon o jota jaik ar meakot.

4 A ni uaja ran ier, Jijoj ap kotikot ni oror; a a uarok ko jaja me i Jijoj.

5 Jijoj ap majani on ir, Jeri kai, jo jaik omail? Re japon, Jo.

6 A majani on ir, Katui ti uk pali maun jop o, a komail nok tiara ta. Irail ari katui ti, re ap jola kak pa ar apia ta jon pueki mam neter.

7 Uarok men me Jijoj pok on ap intai on Pita, Ie Jioua o. Jaimon Pita ari ron er me i Jioua, a pira on a jakit en lait, pue a kilijo, ap luj ti on nan jet.

8 A a uarok teko ian kijin jop, (pue re jo tou jon jap o, tena tuponen pa ria puki,) urak ki to uk mam ko.

9 Irail lel er jap, re ap tiara ta kijinia, o mam kai mi po a, o pret.

10 Jijoj ap majani on ir, Ua to kijan jaik omail.

11 Jaimon Pita ap ko ta, uaik lon ton nan jap uk, tir en mam kalaimun kai, apuki limak jili men: mam neter, a uk jota ola.

12 Jijoj majani on ir, U ko to mona. A jota a uarok men kak on itok re a, Ij komui? pue re aja me i Jioua.

13 Jijoj ap koti ton, lime ta pret, neok on ir, o pil mam ko.

14 A i met kajili pak me Jijoj kajale on a uarok kan pein i, murin a iaja ta jon a mata lar.

15 Irail monai er, Jijoj ap majani on Jaimon Pita, Jai-

mon, nain Jona, ko pok on ia mon me pukat? A japon i, Ie, Main; komui me ani er me I pok on komui. A majani on i, Kamona nai jippul kan.

16 A pil majani on i karia pak, Jaimon, nain Jona, ko pok on ia? A japon i, Ie Main; komui me ani me I kin pok on komui. A majani i, Kamona nai jip ka.

17 A majani on i kajili pak, Jaimon, nain Jona, ko pok on ia? Pita me mauk ki a peitok pan jili pak, Ko pok on ia? A japon i, Main, komui me ani er meakaroj; komui me ani me I kin pok on komui. Jijoj majani on i, Kamona nai jip ka.

18 Mealel, mealel, I katiti ki on uk, Ni om mankap, ko pein kalikaui uk, o momait uaja ko men momait ia: a ko lao likailapa la, ko nok ki ta ue pa om kan, a amen pan pirai uk ti, o kaluan uaja ko kan ko on ia.

19 I me a kopa tar, kapare ta tuen a pan kapina ki Kot

[Ponape N. T.] 12

a me la. A majani me, ap majani on i, Itauen ia.

20 Pita ap jope ue, nar uarok me Jijoj pok on a itauen to; o me pil panapan pan kupur a ni kamati o, inta ta Main, ij i me pan pana la komui?

21 Pita nanar i intai on Jijoj, A ol men et, Main?


22 Jijoj majani on i, Ma I men i en maur lao o lel ai puro tor, menta re om? ko en itauen ia.

23 Ie me kajoi pot et lolooki ki nan pon ion a, me uarok men et jota pan me la: ari Jijoj jota majani on i, A jota pan me la; a, Ma I men i en m'amaur I lao puro tor, menta re om?

24 I uarok men et me kin katete ki me pukat, o intinie ti me pukat: a je aja mealel a katete.

25 A me teko neter me Jijoj kotin uia ta, ma ir karoj intinie ti, I patoka jappa kan jota pan itar aute puk kan me pan intin.

177



UIAUIA EN UANPORON KAN.

IRA 1.

KIJILIKAU moa eu me I intini lán komui er, Main Tiopiloj, iren Jijoj a tapi tan uiauia o kaueue ta karoj,

2 Lao lel ran en a pauka ta lar, murin a pa ki Nen Jarauí mamajani on uanporon ko me a pila tar:

3 Me a kajale on peín i murin a kamata lar kapakapare tar kilel mealel neter, janjal on irail ran pa naul, o kapakaparok ki tiak en muein Kot:

4 O nan a ián kotikot re irail pokopokon, majani on re en ter ko ue jon Jirujalem, re en auiaui kopon en Jama a kotin kakalik on komail, me komail rona jon ia er.

5 Pue mealel Jon uia pap-taij ki pil; a Nen Jarauí komail pan paptaij ki lar eu ran karen.

6 Irail ari pokon pena, re ap itok re a, kainoma, Main, kom pan kapure ton Ijrael muei eten?

7 A majani on ir, Nan a jota muet on komail en tekope to muei o anjou kai, me Jam ai karukie lar ni lim a.

8 A komail pan manaman

on, Nen Jarauí lao para ton komail: komail ari pan katete kin ia nan Jirujalem, o Jutia karoj, o Jameria, papan eta jappa karoj.

9 A majani ue me pukat ni ar kankakil i, nan a pauka ta lar; o palin tapuok pali itan ta lar i jon ir.

10 Irail kankakili nalan ni a kotikot koko ta la, nar, ol ria men u ta impa irail, mi nan likau potapot;

11 Majani, Men Kalili komail, ta me komail u kankakili ki nalan? Jijoj me uet, me pauka ta lar jon komail, pan kotin puro to tuen komail nara ta a koti ta lar nalan.

12 Irail ap pure on Jirujalem jon tol Olipet, a tou jon Jirujalem momait en ran en japat en.

13 Irail pur er ap ko tan im eu me kokon poa, uaja Pita, o Jemej, o Jon, o Antru, o Pilip, o Tomaj, o Patolomu, o Matu, o Jemej nain Alpioj, o Jaimon Jilotej, o Jutaj ri en Jemej, kin mot ia.

14 Irail karoj uiauia minimin eu poti ti on kapakap, tontola akai li, o Meri in en Jijoj, o ri a ko.

15 Ni ran oko Pita ap u ta

nan pon en joulan ko, inta ta,
(irail me impan apuki ri ak,)

16 Ri ai komail, Kijilikau
en kapona la, me Nen Jarai
kalokaia ki Tepit maj o iren
Jutaj me kare to me jaiki ti
Jijoj ko.

17 Pue a ian kit uatoki ti, o
puaij anaki a koua eu en ka-
ueue uet.

18 Nan ol men et puaina ki
tar motauel eu, puain en a
uia tar mejuit; ap pop tuk
inui ti, o kapet i mue pajon,
o majal i par ie jon.

19 Nan toun Jirujalem karoj
aja ta me; nan i motauel o at
anaki Akeltima, nan ar lo-
kaia, apa, Motauel en inta.

20 Pue nan a intini ti on nan
puk en Kaul, Im a en lokatok
la, o aramaj ter kaujon ia: o,
Amen en puaij anaki a koua.

21 Ari jon ni aramaj pukat
me uaroki on kit arai en Jio-
ua Jijoj kotikot jili re atail,

22 Tapi ta nin paptaij en
Jon, lao lel ran en a pauka
ta lar jon kitail, amen irail en
katorora ta, puen ian kit ka-
tete ki a iaja tar.

23 Irail ari kilele ti ria men,
Jojep me Parjapaj, me pil at
a, Jojtoj, o Mataiaj.

24 Irail kapakap inta ta,
Main, Jioua, komui me ani
nan kupur en aramaj karoj,
en kilele ti me komui pila tar
ren ria men pukat,

25 Pue i en puaij anaki ka-
ueue uet, o uanporon la, me
Jutaj popi ki ti jon a uia ta
juit, pue i en jipala ue on
teu i.

26 Irail ari katoropua ta: o

Mataiaj me pila tar jon; i
ari ian uatoki ti uanporon ek
amen.

IRA 2.

KATEKATEO ran en Pen-
tikoj lel er kaualap, irail
karoj minimin pena ni uaja
kai.

2 A nil eu puiriam luj ti
jon nalan likoma ta melimel,
o a katire la im o uaja re
momot ia.

3 O lo kai jiron pajon tena
umpul, ap juki ti po irail
karoj.

4 Irail karoj me tire ki Nen
Jarai re ap pik ki ti lokaia
toror pajon, tue ta Nen Ja-
rai kalokaia irail la.

5 Men Jutia lelapok kai
pokopokon kairu Jirujalem,
jounkapakap kai, me ko to
jon ni kainok karoj jappa.

6 Nil uet lao lolook jili ara-
maj ap pokon to, o ponapon
ki tar, pueki ir karoj ronaron
kin ir uta nil arail.

7 Irail ari me pini tar, o po-
npon katiti nan pon ar, Nar,
kaiti men Kalili eta, me pu-
kat me kauue ta?

8 A tatuen kitail karoj ron-
aron ki uaja pein nil atail,
me kitail tik ki tar?

9 Men Partia kai, o men
Mitia, o Elam, o me kaukau-
jon Mejopotemia, o Jutia, o
Kapatojia, nin Pontoj, o Ejia,

10 O Prija, o Pampilia ni
Ijip, o kijan Lipia kai ni
liman Jairin, o men uai jon
Rom, o men Jutia, o me jou-
apal kai,

11 O men Krit kai, o Arepia, je kin ronaron kin ir pein nil at ar katiti ki en Kot a manaman kai.

12 Irail ari pini tar, o ponapon tar, inta ta nan pon ar, Ta men et?

13 Akai kaurur ki inta ta, Aramaj pukat me puepue ki uain kap.

14 A Pita, ian ek amen ko, u ta, o nil lauta ta, intai on ir, Aramaj en Jutia komail, o me kaukaujon Jirujalem, komail en aja, o ron ai katiti:

15 Pue me pukat jota kin joko lar, tuen omail kiki on, pue ap klok kajilu ta.

16 A nan me uet me joukop Joel kope tor;

17 Kot majania tar katekateo lao imuilan ran ko, I pan kamori ti Nen I pon aramaj karoj: o no mail ol o li pan tetekop, o no mail manakap pan tiara ta utial kai, o no mail ol ma kai pan auramen ta auramen kai:

18 O ran teko I pan kamori ti on ai litu kai ol o li Nen I; ir ari pan tetekop tar.

19 O I pan kapare ta nalan kapuiriam kai, o kilel kai ni jappa; inta, o kijiniai, tokui en atiniai:

20 O katipin pan rota la, o maram piki la uia inta la, mon ran lapalap o lomu in Jioua o pan para to.

21 Nan a pan uiaui, meamen me jakara on mmar en Jioua o pan kamauri la.

22 Aramaj en Ijrael, komail en ron lepen kajoi pot et;

Jijoj men Najaret, ol amen me Kot kilele ki tar nan pon omail manaman kai o kilel, me Kot uia ki i pa omail, tuen pein komail aja tar:

23 I me pana la kaponepan Kot me ania ta o kapikia ta, nan i me komail jaiki ti, o pa juit kalopue ki tar o kamata ki lar:

24 Me Kot kamauri tar, lapua ta jon i er a mata lar: pue nan a jota kak i en paji ti on a mata lar.

25 Pue Tepit kin katete kin i, I nanara ta Jioua o a potapot mo I; pue nan a kin kotikot ta ni pali maun I, pue I en ter mokit:

26 Nan i me I lol pèren tar, o lo I popol; o uar ai pan kaporapor ta:

27 Pue komui jota pan kajapoke la nen I nan joujou o, o komui pil jota pan muet on nomui Jarau Men en lokatok la.

28 Komui me kajala ton ia er tiak en kamaur ko; kom pan kaperen lapalap kin ia ni ariaririn komui.

29 Ri ai ko, I en jalatok katete ki on komail jam atail Tepit, me i me lar, o pil jari pi ti er, o a joujou kin mimi ta re atail lel ranuet.

30 I ari joukop men, o pil me ani er me Kot kau la inau ki on i, me a pan kaupti on i mom en aramaj men Kraij puen kaipoki ti pon a pajapaj o;

31 Nan i, me tekope ta me ap katete ki Kraij a pan iaja ta, me nen i jota lokatok la

ni joujou o, o kalep a jota jora la.

32 Jijoj men Kot me kaiaja tar, me kitail ututial tar.

33 I ari kajapuila tar ni pali maun Kot, o naina ki er ren Jam a Nen Jarauai me a kalalik on, nan a katara tor me uet, me komail ap nanar o ronaron.

34 Pue Tepit jaik para ta la nalan: a nan a pein majani, Jioua o majani on ai Jioua, Komui en kaipoki ti ni pali maun I,

35 I lao uia ki me kanoti on komui uitipan aluuilua omui.

36 Ari men Ijrael karoj en aja nan mealel Kot me kajapuila tar Jijoj me komail lopue tar, Jioua me Kraij lar.

37 Irail rona ta me, re ap muilikia ta, intai on Pita, o uanporon teko, Ri at ko, ari ta me je en uia ta?

38 Pita ap potopotoon on ir, Komail karoj en kalu la, o paptaij on ni mmarr en Jijoj Kraij pue tip omail en lapua ta, a komail pan tunole Nen Jarauai.

39 Pue nan inau eu on komail, o no mail jeri kan, o ir karoj me ila ue, karoj me Jioua at Kot pan molipe.

40 O pil akai kajoi me a katiti ki, o kapakaparok, intinta, Komail en kamaui jon pein komail nin ti uet me katiuo.

41 Me peren peiki on a patak ap paptaij lar: a ran ota aramaj impan jili kit me joulan lar.

42 A irail poti ti on en uanporon ar patak o joupena, o pilitiki pena pret, o kapakap.

43 O aramaj karoj majaka tar: o uanporon ko me uia tar manaman neter o me kaloko.

44 O karoj me kamealele kin pokopokon, o anaki pena ar kapua ta kij;

45 O noti ki la ar kapua kan, o nene on ir karoj, tuen ar jamama amen amen.

46 Irail ari kaukaule uia minimin eu nan im en kautok o, o pilitiki pena pret nan im ar kan, o nan re monamona popol o loli pot pena,

47 Kapikapina Kot, o konikon ren aramaj karoj. O Jioua kaukaule kauikiti ton penainaijou karoj me pan kamauri la.

IRA 3.

NAN Pita o Jon ian pena ko to on im en kautok, klok en kapakap, klok atu.

2 A ol amen me tiki tar jikilikil, me kaukaule uijiki ton, puili ti niman uanim en im en kautok, at a Linan, puen pokipoki ren me irerok ton im en kautok o;

3 Ol o ari nara tar Pita o Jon ara pan ko on im en kautok ap pokipoki re ira.

4 A Pita o Jon kankakil i, inta ta, Ko en nara ton kit.

5 I ari nara ton ira, kajikajik ki me a pan tunole meakot re ira.

6 Pita ap inta ta, jota ai jilpa jota ai kol; a, meakot,

mi re I, I pan ki on uk :
Mmar en Jijoj Kraij men
Najaret ko en u ta ki o alia-
lu ki ue.

7 I ari ale ki i pali pa maun,
o kaua ta i : o matan ne a o
tikil en ne me kelaila tar.

8 I ari piri tar alialu, o ian
ira petalon on nan im en
kautok, alialu o majimajiok
jili, o kapikapina Kot.

9 O aramaj karoj nanar a
majimajiok jili, o kapikapina
Kot :

10 Irail aja me nan i me kin
monti pekikipoki niman uanim
Linan pan im en kautok ; ir
ari pini tar, o ponapon ki me
uiaui on i er.

11 A ol jikilikil o me kake-
la tar me kolakol Pita o Jon,
aramaj karoj ap tana pena
on ir nan palank me at a
palank en Jolomon, ponapon
kaualap.

12 Pita nar ir ta, ap kalela-
pok ren aramaj ko, Men Ijrael
komail, ta me komail ponap-
on ki me ? o ta me komail
kankakili kin kit, tena ta
pein kit manaman on o lan
Kot on kakela tar ol men et
en alialu ?

13 Kot me Epream, o Aijak,
o Jekop, me nain ani ki, o
Kot en jam atail, nan i me
katorora ta Na Jijoj ; me ko-
mail pana lar, o likitmalie
lar ren Pailot, ni a lame tar
en kapiti lar i.

14 A komail likitmalie lar
Me Jarai men me Kapon-
lol, o pokikipoki me kame lar
aramaj en lapua ton komail ;

15 O komail kamata lar Ta-
pin maur, me Kot kamauri
ta jon a mata lar me kitail
katete.

16 O mmare, o pojon mmare,
me kakela tar ol men et,
me komail nanar, o pil ajaja :
mealel, pojon me puili jon i
nan a kakela tar i kaualap
nan pon omail karoj.

17 Ari, ri ai komail, I aja
me omail jaja me komail uia
ki me, tuen omail monjap ko.

18 A me puka me Kot ka-
jala ki to a joukop ko, me
Kraij pan kamata lar nan a
kapona lar.

19 Komail ari en kalu la, o
uikitoki la, pue tip omail kan
en jori ti jon, o pue mui en
kamaur en puai ta ren Jio-
ua o ?

20 O pue a en porone to
Kraij, men me a kaonop ton
komail er me Jijoj :

21 Me nalan en kanikinikit,
lao lel meakaroj pona lar, me
Kot kokopa ki tor a joukop
jarai ko iroka to jon tapin
kaua.

22 Pue mealel Mojej majani
on jam at ko, Kot omail Jio-
ua pan kaipui on komail Jou-
kop amen, ipuin ri omail ko,
tue ta nai ; i me komail en
rona jon meakaroj me a ma-
jani on komail.

23 Katekateo, aramaj karoj
kan peiki on Joukop o, pan
kajapoka la jon ren aramaj.

24 Mealel, o joukop karoj
iroka to jon Jamuel, o ir me
itauen to me pil kokopa ki
to ran pukat.

25 Katautokan joukop ko komail, o inau eu me Kot uiai on jam omail, majani on Epream, Nan katautok omui penainai karoj en jappa pan kapaii ki ta.

26 Moai on komail Kot kai-aja tar, o katara tor, Na Jijoj, puen kapaiia ki ta komail, en kauiki jon komail karoj tip omail kan.

IRA 4.

NIN token ara kajokajoi on pokon o, joumaro ko, o joumaj en im en kautok, o Jatuji kai, me pora pena on ira,

2 Pue re makar ki ara pata-pataki aramaj ko, o katiti ki me Jijoj pan kamauria ta joujou kan.

3 Irail ari paruk ira ti, o ki lan ira imton ononop on lakop: pue a uaja pon ier.

4 A me neter me toun ian rona ta patak me pojon lar; irail me impan lima kit.

5 Lao mantar ar monjap kai, o me ti ma, o jounintin,

6 O Anaj joumaro lapalap, o Kaiepaj, o Jon, o Alekjan-ta, o joun joumaro lapalap kan, irail karoj pokon pena Jirujalem.

7 Irail puil ira ti nan pon arail, ap itok, Ij me kapi, o majani on koma en uiai er me uet?

8 Pita me tire ki Nen Ja-raui, katiti on ir, Komail monjap en aramaj kai, o ti ma kai en Ijrael,

9 Ma kit ap katekateik ki at

uia mau on oi jikilikil en me a kakela ki tar;

10 Komail karoj en aja, o aramaj en Ijrael, me mmar en Jijoj Kraij men Najaret, me komail kalopue tar, me Kot kalaja tar, nan i eta me ol men et u ta ki tar o kake-la ki tar.

11 Nan i takai eu me ko-mail kaukau im mamala ki, nan a pukkaim eu lar.

12 Nan jola amen me maur mi re a: pue jola mmar en jappa ren aramaj, me je en impan mauri on.

13 Irail nar Pita, o Jon, ara jo majak, o aja me ira jo ian mot on patak, o jo autaut, re ponapon tar; re pon aja jon ira me ira ariri Jijoj er.

14 O nanar ol o a u impa ira kakela tar, re jota kak kaontonkoma me.

15 A re majani ira en katorora jon momot o, re ap kapakaparok nan pon ar,

16 Kalekalelapok, Ta me je en uiai on ol ko? pue me mealel manaman kaualap ira uia tar toun Jirujalem karoj aja tar; o kitail jota kak kalikoma.

17 A pue a te kalooki jili nan pon aramaj, kitail en patik inapui iti ira, re ter pataki aramaj men jon ni mmar e.

18 Irail ari eker ira to, inapui iti re ter pao pataki ni mmar en Jijoj.

19 A Pita o Jon japon ir, inta ta, Ma a inen pan kupur en Kot je en puili jon komail mon Kot, komail en kajau.

20 Pue je jo kak jo katiti ki me je nara tar o rona tar.

21 Irail pil kakaj on ir, re ap lapua ira ta, pue jota me re tiara tar me ira en komakom ki la, pueki aramaj ko; pue irail karoj kapina ki Kot me uiai er.

22 Pue ol o me manaman en kakela tar uiaui on, me ma para jon par pa naul.

23 Ira lapua tar, ira ap ko ton ion ara ko, o kaire ki meakan joumaro lapalap ko, o me ti ma katiti on ira.

24 Irail rona tar me, re ap minimin pena nila ta, katiti ki on Kot, Main, komui me Jioua, me uia tar lan, o jap, o jet, o autepa karoj mia;

25 Me kalokaia ki tar nomui Tepit, majani, Ta me Men liki ko moromoro ki tar, o aramaj limelime juit ki?

26 Pue nanmaraki en jappa ko me jonjonmaj, o monjap ka pokopokon pena kaokaos Jioua, o na Kraij.

27 Pue mealel nomui jarau Jijoj, me komui kei iti er, nan i me Erot, o Pontioj Pailot, o Men liki ko, o men Ijrael, inau ki penai er,

28 Puen kapuaia ta meakan lim omui o kupur omui kapikia tar en uiaui.

29 A met, Main, majani ar kakaj: o katina ta litu omui ko, pue re en jo majak kaueue ta omui majan,

30 Ni poka tan lim omui kamakamaur; o pue kilel o manaman ka en uiai iki mmar en nomui Jijoj jarau.

31 Irail kapakap er, uaja re momot ia ap rerrer ta; irail karoj tire ki la Nen Jarau, irail ari jo majak kaueue ta en Kot a majan.

32 O puin me pojon uia minimin pena o lamalam ta pot: o jo me inta ta ai me uet; a re anaki pena kapua ta kij.

33 O uanporon ko me manaman katete ki tar Jioua Jijoj a iaja tar: irail ari puai tar kaualap.

34 Jolar amen ir me jo a: pue me jap ar o im mia re noti ki lar, o ua to pauin en kapua kan me noti ki lar,

35 O puili ki ren uanporon ko; o neok on aramaj karoj tuen ar jamama.

36 O Jojej, me uanporon ko ki on at a Parnapaj, (me kajirauik lar, Nain kapol,) Lipait men, o men Jaiproj,

37 Me jap ue mia, noti ki lar, o ua to pauin a, puili ki ti ren uanporon ko.

IRA 5.

ARI Ananaiaj, ol amen i a paut Japaira, noti ki lar jap eu,

2 O okioki jon kijan puain a, a paut ian uituitina, o ua to kija puili ki ti ren uanporon ko.

3 A Pita inta ta, Ananaiaj, ta me Jetan ki on ki nan kapet om en uia likom on Nen Jarau, o en oki jon kijan puain en jap o?

4 A onon, a jo onon on uk? o a noti ki lar, a jo papajan uk? ta me ko lame ki tar

me? kaiti aramaj me ko ap likom on, Kot eta.

5 Ananaiaj rona tar katiti pukat, ap popi ti me lar: o me ronaron me pukat majaka tar kaualap.

6 O puin manakap u tar, kiti tim pena i, ua la jon, o jari pi ti.

7 Katekateo klok jilu, a paut ap para tor, jo aja me uiaui er.

8 Pita ap intai on i, En katiti on ia me koma noti ki la jap o puain men et? A japon, Ie ta.

9 Pita itok re a, Tatuen koma inau ki pena en jonojon Nen en Jioua o? nar, ne en me jaripi ti om paut mi er niman uanim o, o re pan ua la uk ue.

10 I ap pintat popi ti ni ne a, o me lar: o manakap ko ap petalon on nara tar me a me lar, re ap ua la jon o jari pi ti i impan a paut.

11 O lomui kaualap kipa ti momotijou karoj, o me ton ronaron me pukat.

12 O puin uanporon pa ar, kilel o manaman neter uiaui ki tar nan pon aramaj kan; (irail minimin eu pokopokon nan palank en Jolomon.

13 O me teko, jo lar aramaj men ian irail: a puin aramaj mal kapina irail.

14 O me peik me neter uiki ton Jioua o, me neter ol pil li;)

15 Nan i me re ua to ki nani al ko me jomau kai, o puili ki irail pon pajapaj o nan loj

ko, pue motan Pita a tataulul en takara ta irail.

16 O me neter pil pokopokon to jon kanim ko jalon Jirujalem, ua to me jomau, o me kalokalok ki nen jaot kai: ir ari kakela tar karoj.

17 Joumaro lapalap, o ion a karoj (me joun Jatuji,) ap u tar, o makar kaualap,

18 O paruki ti uanporon ko, o ki lan ir nan imton.

19 A tounlan amen ren Jioua nipon o riti tar uanim ko, ua to ir liki, majani,

20 U ko ue, u ta o kauene on aramaj nan im en kautok o kajoi karoj en Kamaur et.

21 Ira rona tar me, ira ap jankonai on nan im en kautok o, kauene tar. A joumaro lapalap o ion a ko, ap ko to, eker a pena momot en kateik, o me ti ma kan en men Ijrael, o iloka ue on imton o pue irail en uijiki to.

22 A puin jounkoua lao para tor tiara ta me re jota mi nan imton o, re ap puro to, katiti ki,

23 Inta ta, Je tiara tar imton o a riti ti tonaton, o puin jilepa ar u ta mon uanim ko; a je lao riti tar, jota ol men me je tiar loli.

24 Joumaro lapalap, o kapin en im en kautok ko o leiap ko, ap ponapon ki me pan inuulan meakan.

25 Amen ap para tor kaire ki on ir, katiti, Nar, ol ko me komail ki lan imton nan ira u nan im en kautok o, pata pataki aramaj ko.

26 Kapin ian jounkoua kai, ap ko ie on o uauai uk ira: pue re majak aramaj ko, pue re te kate.

27 Irail ua ton ira, re ap ki ti on ira nan momot en kateik o: a joumaro lapalap o itok re ira,

28 Kalelapok, Kit jo inapui iti komail kaulalap komail en ter pataki jon ni mmara e? a, nar, komail katupuali ki ti Jirujalem a patak, o jon karia kin kit int a.

29 Pita, o uanporon teko ap japon inta ta, Kitail en uoke Kot mon aramaj.

30 Kot en Jam atail ko kai-aja ta Jijoj, me komail kamata lar o pajuri ti on nin lopu eu.

31 Nan i me Kot kajapuila tar ni pali maun puen Kaon Kamaur, puen ki on men Ijrael injino, o lapua ta tip kan.

32 Kit me na men katete ki me pukat: pil Nen Jarai, me Kot ki on er ren me peiki on i.

33 Irail rona tar me, re ap linaranar kaulalap, o kapikapik pena en kame la ira.

34 Nan meamen ap u tar nan momot en kateik o, Pariji men at a Kameliel, jounlokaia men, me majamaj ren aramaj karoj, o majani re en katorora ue ekij uaja uanporon ko;

35 Iari panaui ir, Men Ijrael komail en kalaka me komail lame ta en uiai on ol pukat.

36 Pue maj o, ran teko nan Teutaj u tar, poponmajo ki me i mealap; nan i me aramaj impan pa puki iana lar: i me kame lar; o karoj me peiki on i, me mueta pajon.

37 O murin ol o Jutaj men Kalili men u tar ni muein kaiak, o tana ki ue aramaj neter: i pil me lar; o karoj me peiki on i, me mueta pajon.

38 I ap panapanau komail, En jope jon aramaj pukat, o ter toke ir: pue ma lamalam o uiauia en me ren aramaj, a pan lokatoka la:

39 O ma a me ren Kot, komail jota kak kae la; pue komail te katiaroka ta kaonton Kot.

40 Irail ari peiki on i: o re lao ekerato uanporon ko, o uoki ir, re ap inapui iti re ter pataki jon ni mmara en Jijoj, o katar ir lar.

41 Irail ari ko ie jon ni momot en kateik o, peren ki tar arail uatok ti mau on komakom pueki i.

42 Nan im en kautok, o im karoj, re jota tuki ti jon pata-pataki jili o kaueue ta Jijoj me i Kraij.

IRA 6.

KATEKATEO me mijine-ri lar me neter, nan men Krik kai lipanete on men Jutia kai, pueki li oti kai jota pokata rail.

2 Ek ria men ko ap ekerapena puin joulan katiti on irail, Nan kaiti me mau kit

en puiliki ti en Kot a patak, puen jounnene la.

3 Ari, ri at komail, en rapaki jon nan pon omail ol iji men me look mau, me tir en Nen Jaraui o kanonama, me je en kajapuila tan tok uet.

4 A kit pan potopot kapakap, o kaueue ta.

5 Irail ari mauki kajoi pot et; re ap pila tar Tipen, ol tir en peik o Nen Jaraui, pil Pilip, o Prokoroj, o Nikenor, o Taimon, o Parminaj, o Nikolaj jounapal en Antiok men;

6 Re ki tan irail mon uanporon ko; re kapakap er, ap puili tan po ar pa ar.

7 O en Kot a patak puai tar kaualap, o puin joulau kaparapar Jirujalem; o joumaro neter pil peiki on lamalam o.

8 A Tipen me tir en pojou o manaman, ap uia tar me kaloko o me manaman kai ren aramaj kan.

9 Ari kijan toun im en patak me joun Liperti, o men Jiria, o men Alekjantra, o men Jilijia, o men Ejia ko ap u ta akamai on Tipen.

10 Irail ari jota kak kaontonkoma a lalaman o Nen eu me a kaueue ki tar.

11 Irail ap puain on ol kai, pue en katiti, Je ron er i a lalaue Mojej o Kot.

12 Irail pil kamakara ta aramaj, o me ti ma kai, o jounintin, re ap jaiki ti i, o koli ti, re ap ua ton i ren momot en kateik o,

13 O kapare ta men katete

likom kai, me katiti ki, Ol men et jota kin tuki ti jon a lalaue uaja jaraui uet, o kateik:

14 Pue je rona ta i a katiti ki me Jijoj men Najaret pan kae la uaja et, o kauilia la lamalam kai me Mojej ki on kitail.

15 A toun ian mot on mot o karoj kankakil i, kajaui ta me maj a tuen maj en tounlan men.

IRA 7.

JOUMARO lapalap ap itok, Mealel me pukat?

2 Tipen ari katiti ki, Ri ai, o jam ai ko, en ron; Kot kаланan me para ton jam atail Epream, ni a kaujon Mejopotemia ni a jaik kaujon Jaran, 3 Majani on i, En jipala ue jon ni jap om, o jon jou om ko, o ko to ni jap eu me I pan kajale on uk.

4 I ari ap jipala tor jon jap en Kaltia, ap kaujon uau Jaran: a katekateo jam a oni lar, ap kaju on i ni jap uet, uaja komail kin kaukaujon ia.

5 I ari jota muet on i en jap anaki ia, jota uaja lauti on ne a: i ari kokop on me a pan ki on i puen jap anaki, o on na katautoka, ni en jota na jeri mia.

6 Kot kotin majani me tue met, Me na katautoka pan kairu jili nan uai; o me re pan litu kin ir la, o jokojo-konai ir par pa puki.

7 A Kot majani toun jap eu me re litui me I pan kateika

ta; irail ap pan piti to jon, o apuali ia ni jap uet.

8 I ari ki on i inau eu jirkomjaij: Epream ap kanaitika ta Aijak, o jirkomjaij i ran auil: o Aijak kanaitika ta Jekop; o Jekop me kanaitika ta jam atail ek ria men ko.

9 O jam at ko perin ki Jojep, notiki lan i Ijip; a Kot me apualia la i,

10 O kapiti lar i jon a me juit karoj, o kakonikone lar i ren Pero Nanmaraki en Ijip, o kalolikoni i; i ap kajapuila tar puen kaon Ijip karoj o im a.

11 Muein leik eu ap kipati jap en Ijip karoj o Kenan, o re jonojon kaualap: o jota kan ar kijin mona me jam atail ko tiara tar.

12 A Jekop lao rona tar me mona mi Ijip, ap katara lar jam atail ko maj.

13 Alao karia pak Jojep ap katiaroka ton ri a ko; o jou en Jojep ko me katiarok on Pero.

14 Jojep ap porone on jam a Jekop, o eker a ton i, o jou i karoj, me ijiakan lim men.

15 Jekop ari jipala ti ton Ijip, o oni lar, i, o jam atail ko,

16 Ir ari kajau ue on nan Jikem, o jaripi ti nin joujou eu me Epream noti iki moui kai jon nain Emor ko, jam en Jikem.

17 A katekateo a lel er iran Kot a kopa ki ton Epream kau la, aramaj me kaparapar o toto lar nan Ijip,

18 Alao lel amen Nanmaraki, me jaja Jojep.

19 I me nituitina jou atail ko, o litu kin jam atail ko, lel ar kaje la na rail jeri pue-lel ko, pue re te mauri la.

20 Nan i tokan Mojej ipui ti, me maj a mau kaualap, o me titi nan im en jam a jounipon jilu:

21 I lao kajapoka lar, nain Pero li men naina ki la i, o kamona i tena me na.

22 O Mojej me ere ki lamlam en Ijip karoj, a kajokajoi o a uiaua me manaman.

23 Ari a lao ma lar par pa naul, ap lame ta en paj ton ri a ko men Ijrael.

24 Ap tiara tar amen ir komakom, a upor kin i, o pelian me komakom, o kame lar men Ijip o:

25 Pue a kiki on me ri a ko aja tar me pa a Kot pan kapiti ki la ir; a, re jaja.

26 Manta a para ton ir ni re peipei, o a pan irair ira pajon, katiti, Main ko, pirion eu koma; ta me koma uiaua juit nan pon oma?

27 A me uia juiti on jon i o jikon ue i, itok, Ij me kajapuul uk tar puen kapokapon kit?

28 Ko pan kamai ia la, tuen ko kame lar men Ijip aio?

29 Mojej ap tana jon ki kajoi pot et, o kaikairu jili jap en Mitian eu, uaja a kanaitika tar na ol ria men.

30 Katekateo par pa naul, tounlan en Jioua o para ton i nanauel en Jainai nin tuka umpumpul pot.

31 Mojej nara tar ap pui-
mui ki me a nara tar: o ni a
kaikai on kalelapok, nil en
Jioua ap pe ti ton i,

32 Majani, Kot en jam om
ko nai, o Kot en Epream, o
Kot en Aijak, o Kot en Je-
kop. Mojej ap rerrer tar, o
majak ututial.

33 Jioua ap majani on i, En
ki ti jon jut ni ne om kan:
pue uaja ko u ia me jarau.

34 I nar er, I nar er, koma-
kom en nai aramaj ko mi
Ijip, I pil ron ef ar uiriur, I
ap ko ti ton kapit ir la. Pau-
ri ta, I pan porone uk ti on
Ijip.

35 A Mojej men me irail jan,
itetok, Ij me kajapuul uk ta
puen kakaon, o kapokapon?
nan i ota me Kot porone ton
kaon o men toro kokoua ki
tounlan men me para ton i
nin tuka o.

36 Nan i ol men me kamaio
ir tar murin a kapakapare
tar manaman o kilel kai nan
Ijip, o nan jet Uaitata, o
nanauel o, irerok to par pa
naul.

37 Nan i Mojej men, me
majani on men Ijrael ko,
Joukop amen Jioua omail
Kot pan kapare ton komail,
kija omail, me raj on ia; i
me komail en peiki on.

38 Nan i me uet, me ian
momotijou mi nanauel o, ren
tounlan me majani i nin nana
Jainai, o mi ren jam atail ko:
me ale er kujenot maur ko
puen pauj ton kit:

39 Me jam atail ko kan pei-

ki on, a re kauja ue jon ir, o
nan kupur arail u japal lan
Ijip, .

40 Potopotoon on Aron, En
uia on kit ani kai men kare
kit: pue Mojej, me ua to kit
jon Ijip, je jaja uaja a mia.

41 Irail ari uia tar tikitik en
kau pul men ni ran ko, o olu
on ani mal, o peren ki me pa
ar uia tar.

42 Kot ap jope ue jon ir, o
muet on ir en poni uju kan;
tuen a intin nin puk en jou-
kop ko, Men Ijrael ko, ko-
mail jo kin olu ki on ia man
kame lar, o koleir ijij irerok
to par pa naul nanauel o?

43 Mealel, komail ua ta mol
en Molok, o ani uju Rempan,
tikitik kai me komail uia ta
puen poni: o I pan kajau ue
on komail pali la jon Papilon.

44 Jam atail ko ar mol en
katete mia nanauel o, tuen a
kapika tar, majani on Mojej
en uia ta ala jon me a nara
tar.

45 Me jam atail ko me ti
muri, ian Jojua ua ton pali
en Men liki kan me Kot ko-
kok ue jon mon jam atail ko,
lao lel muein Tepit;

46 Me joijoi ren Kot, o ana-
ne kaua tan Kot mol eu.

47 A Jolomon me kaua tar
mol e.

48 Ari jo Ani Lapalap jota
kin kotikot nan mol me pa
en aramaj uia tar; tuen jou-
kop ko kin katiti ki,

49 Ai pajapaj me nalan, o ai
uitipa jappa: Jioua majani,
im ata komail pan kaua tan
ia? o ia uaja i en kamol ia?

50 Kaiti pa I me uia tar me pukat karoj?

51 Komail me katiuo, o me nan kapeti o jalona jo jirkomjaij, komail kin kaokaoe Nen Jaraiui koko to: komail me raj on jam omail, omail uiauia.

52 Ij ren joukop ko me komail jo morouo on? o re kame lar me kokopa tor Kaponlol amen; me komail ap pana lar, o kamata lar:

53 Pan tounlan ko komail ale er pon, a jo tataur.

54 Irail rona tar me pukat ap linaranara tar, o re teterok ni on i.

55 A Tipen, tir en Nen Jaraiui, jara ta kankakili nalan, o utial en Kot a linan, o Jijoj a kotikot ni pali maun Kot,

56 Ap katiti, Nar, I ututial nalan a riti tar, o Nain aramaj a kotikot ni pali maun Kot.

57 Irail ap uiriuiiri ta, o kaponne la jalon ar, o ian pena, tana ton i,

58 O kauja ue jon i nan kanim o, kajuka ta: o men kinneikinei ko me puili ki ti ar likau ko niman ne en mankap men, me at a Jol.

59 Irail ari kate tar Tipen, ni a kapakap on Kot, katiti ki, Main Jijoj, komui ale nen I.

60 I ari kelipuki, o nila tan inta ta, Main, kom ter kapakon on ir tip uet. A inta ta me ap mairi ti, o ari. O Jol me injinimau ki en Tipen a kame lar.

IRA 8.

NI ran ota momotijou mi Jirujalem tapi on komakom mulatok; irail ari kamueta pajon papan jili jap en Jutia o Jameria karoj, a, uanporon ko jo.

2 O aramaj nenin kai jaripi ti Tipen, o maie ki i kaualap.

3 A Jol, nan i me kamueta pajon momotijou o, kuli on im karoj, itetok ol li karoj kaje ti on ir nan imton.

4 Irail ari kamueta pajon, ap kakan jili uaja karoj kaueue tar lamalam.

5 Pilip ap ko ti on kanim Jameria, o kaueue on irail Kraij.

6 O aramaj uia minimin eu peiki on meakan Pilip patakin ir, ronaron a nanar manaman ko me a uia tar.

7 Pue nen jaot kai uiriuiiri ta kari ti jon me neter: o me lijonapo, o jikilikil ko, me kakela tar.

8 O peren me lapalap nan kanim o.

9 A ol amen, Jaimon, me kin uinani maj o, o kotakotane men Jameria, inta me i me lapalap men:

10 Me irail karoj pei ki on, me tikitik, o me lapalap, katiti ki, Ol men et me manaman en Kot.

11 I me re peiki on, pue maj koko to a kin kotakotane irail.

12 A re lao peiki on Pilip a kaueue tar tiak en muein Kot, o tuen mmar en Jijoj

Kraij, re ap paptaij lar, ol o li ir karoj.

13 Jaimon pil ian peiki on; i lao paptaij lar ap uaroki on Pilip jili, o ponapon ki a ututial manaman kai o kilel me uiaui.

14 Uanporon ko, me mimi Jirujalem lao rona tar me Jameria ian tunole lar en Kot a majan, re ap porone lan ir Pita o Jon:

15 Ir ari ko ti to, kapakap kin ir, pue re en tunole Nen Jarai:

16 (Pue a jaik ta mori ti on amen irail: re paptaij lar eta ni mmarr en Jioua Jijoj.)

17 Ira ari ki tan po irail pa ara, irail ap tunole lar Nen Jarai.

18 Jaimon lao nara tar en uanporon ko ar puil po ar pa ara me Nen Jarai ko ki to, ap pan on ira moni,

19 Inta ta, En ki ton ia manaman uet, pue me I puil po a pa I, i en ale Nen Jarai.

20 A Pita intai on i, Nom moni en ian uk lokatok la, pueki om kiki on me moni pan ale ki kupur en Kot.

21 Nan jota puaij om o tunol me uet: pue kapet om me jota inen ren Kot.

22 En injino ki tip om uet, o kapakap on Kot, pala om lamalam en lapua jon uk ta.

23 Pue I kilele ti me ko mi-nan et en katik, o tonaton ni me juit.

24 Jaimon ap japon, inta ta, Koma en kapakap ki on ia Jioua o, pue me pukat me

koma kaire kin ia en ter puai ton ia.

25 A ira katiti ki, o kaueue tar majan en Jioua, ap pura ton Jirujalem, o kaueue jili ronmau nan kanim en Jameria kan.

26 A tounlan en Jioua o majani on Pilip, majani, U ta, ko ti ue nan airilan, lel on al en ko ti on nan mal Keja jon Jirujalem.

27 I ari u ta japajapala ue: o, nar, ol lokalok en Itiopia men, joumaj pan Kanteji, li nanmaraki en Itiopia, me kokoua ki a tipijo karoj, me ko ta ton Jirujalem puen kau-tok,

28 Nan a pur er koko to, momot pon takepa, o uia tontoropua joukop Aijea.

29 Nen Jarai ap majani on Pilip, En kai on, o iana la takepa o.

30 Pilip ari tana ton i ap ron a tontoropua puk joukop Aijea, o itok, Komui ueue ki tar me komui ap tontoro?

31 I ari japon, Pala I aja, ma jo men kaueue on ia? I ari poki Pilip en kara tan mot imp a.

32 Ari ietet uaja a tontoropua Kijilikau, Nan a uraki ue on kame lar tena jip men; o raj on jippul men me kin nennen ta pan men kote jon un a, nan i jota kin lokalokaia:

33 Ni a katekateik re koiton jon a kapokapon: a ij me pan katiaroka ta jou i? pue a jal en maur ojon er jappa.

34 Joumaj ap japon Pilip,

itok, I men kalelapok re omui, ij me joukop katiti ki me? pein i, te amen ol?

35 Pilip ap jara pajon au a, tapi ta ni Kijilikau ota, kaueue ki on i Jijoj.

36 Ira koko ue, ira lela ton pil pot; o joumaj o majani, Nar, pil o; ta me I en jo pap-taij ki?

37 Pilip ap japon, Ma komui lolepote pojon, en puai tar. I ari japon, majani, I kamealele Jijoj Kraij me Nain Kot.

38 I ari majani, takepa en uti: ira karoj ap ko ti on pil o, Pilip o joumaj o; i ari pap-taiji i.

39 Ira ko ta to jon pil o, Nen en Jioua ap poka ta jon Pilip, joumaj o ap jouor nar i: i ari taulul koko ue popol.

40 A Pilip ap para ta Ajo-toj: o tataulul la kakan jili kanim kan kaueue ta lamlam lela ton Jejaria.

IRA 9.

A JOL linaranar, o kakaj ki me a pan kame la ionan Jioua ko, ap ko ton joumaro lapalap o,

2 Poki re a kijilikau en kapi on i en ko on Tamajkoj nan im en patak ko, pue ma a tiar meamen ian la lamlam li o ol, i en jalie irail ton Jirujalem.

3 A ni a japajapa koko to kareni Tamajkoj, marain eu puiriamui ti to jon nalan o jere ta imp a:

4 Jol ari popi ti nani puel, ap rona ta nil eu itok, Jol, Jol, ta me ko komakom kin ia?

5 Jol ari itok, Ij komui, Main? A Jioua majani, Jijoj nai, me ko kin komakoma: nan me kamatok om jipet teok ko.

6 A i rerrer o uaponta ap inta ta, Main, ta me komui men I en potoon uia ta? Jioua o ap majani on i, Pauri ta, u ko ue on kanim o, nan a pan intai on uk me ko en uia ta.

7 A aramaj ko me uaroki on i u jepemokit, ronaron nil o, a jota me re nara tar.

8 Jol ap pauri ta jon nani puel; maj a papata pajon, ap jota kilon uaja: a re kolakol i pa a, kalua ton i Tamajkoj.

9 I ari jota kilan uaja pon jili pon, o jo nom o jo nim.

10 Joulam amen mimi Tamajkoj me at a Ananaiaj; me Jioua majani on ni a auramen, Ananaiaj. I ari japon, Nar, Main, iet nai.

11 Jioua ap majani on i, Pauri ta, u ko ue on ni al pot, al at a Inen, o nan im en Jutaj ko itok Jol en Tarjoj: pue, nar, a kapakap er,

12 Nan a nara tar ol amen ni a auramen me at a Ananaiaj a koko ton i, o puil po a pa a, pue a en nara ki uaja.

13 Ananaiaj ap japon, Main, I rona tar aramaj neter kin kaire ki ol o, tuen a kin jokojokonai joulam mi Jirujalem:

14 A nan a puili jon er joumaro lapalap ko en jalie ti karoj me kin kapakap on komui.

15 A Jioua o majani on i, U ko ue: pue nan i men katar pila tar men pa I, puen kaire kin ia on Men liki ko, o mon-jap ko, o joun Ijrael:

16 Pue I pan kajanjale on i tuen a pan komakom lapalap pueki nai.

17 Ananaiaj ari ko lar petalon on im o; puil pa a pokon po a, inta ta, Jol ri ai, Jioua o, Jijoj, me para ton komui nani al o ni om koko to, me poron ia tor, pue komui en kilona ta uaja, o tire ki Nen Jarai.

18 A matan likomata un en mam kai me popi ti jon nin maj a o: i ari matan kilona tar uaja, o u ta, paptaij lar.

19 A lao mona er, ap kelaila tar. Jol ap monti ren joulan en Tamajkoj ran kai.

20 Nan a matan kaueue tar Kraij nan im en patak ko, me i Nain Kot amen.

21 A karoj me ronaron i me puiriamui ki lar, ap itok; Kaiti i me kin komakoma joun kapakap ko mi Jirujalem, o me ko ton jaiki ti ir o ua ton joumaro ko?

22 A Jol me manaman koko ta, o kapone lar men Jutia kai me kaujon Tamajkoj, kaueue tar me mealel i me Kraij.

23 Katekateo pon toto lar, men Jutia ko katikati en kame la i:

24 A Jol aja tar ar ruki i. Irail ari rukiruki uanim ko niran o nipon puen kame la i.

25 Joulan ko ap uk i nipon

api ki ti i nan kopo eu jon pon kel o.

26 Jol lao para ton Jirujalem, a jon uaroki on joulan ko: a irail karoj majak i, o jo kamealele me i joulan la.

27 A Parnapaj apualia lar i, o kare ton i ren uanporon ko, o katiti on irail tuen a nara tar Jioua nani al o, o me a majani on i, o tuen a jo majak pataki jon ni mmaren Jijoj nan Tamajkoj.

28 I ari ian irail Jirujalem kaueue jili.

29 I ari kaueue jon ni mmaren Jioua Jijoj jo majak, o kaueue on men Krik kai: a re jon kame la i.

30 Joulan ko aja tar, re ap uk i ko ti ton Jejaria, o katar i lan Tarjoj.

31 A momotijou kan ap mole lar, o puai tar ni jap karoj irok ue lel Jutia, o Kalili, o Jameria; o re alialu majak Jioua, o popol ki Nen Jarai, ir ari kaparapar toto lar.

32 Katekateo Pita kakan jili jap karoj, nan a paj ton joulan kai me kaukaujon Lita.

33 Nan uajao a tiara tar ol amen me at anaki Iniaj, me onon ta par ualu, o me lijonapo.

34 Pita ari intai on i, Iniaj, Jijoj Kraij me kakel uk tar: pauri ta, lim pena ki om. I ari pauri ta matan.

35 A karoj me kaukaujon Lita o Jaron nara tar i, re ap uikiti on Jioua o.

36 A joulan amen mimi Jopa Tapaia, me kajirauik Tor-kaj: a li men me potin uiaua mau o koleir ko me a uia tar.

37 A katekateo nan a jomau tar, o me lar: me irail uiten ap nikinikit nan pera poa.

38 A Lita me karenia Jopa, o joulan kai rona tar me Pita mia, irail ari porone ton i ol ria men, poki i en matana ton irail.

39 Pita ari u ta ian ir ko to. I lao para tor, re ap uk i ko tan pera poa: o li oti karoj u imp a jonijon, o kapare tar jakit kai o likau me Torkaj uia tar, ni a mimi re ir.

40 A Pita ki ie jon ir karoj, ap tairuki ti kapakap; ap jope on kalep a inta ta, Tapaia, pauri ta. I ari pat pajon: nara tar Pita, ap mota tar.

41 I ari ki on i pa a, o kaua ta i; a lao eker a pena joulan ko o li oti, ap kajale on ir i a mauri tar.

42 Ari a looki jili nan uein Jopa; o me neter peiki on Jiona.

43 I ari momot Jopa ran to-to ren Jaimon me tana men.

IRA 10.

OL amen mi Jejaria me at a Kornilioj, jenturion amen en pokon eu me at a Itali,

2 Ol lelapok, o me majak Kot i o ion a karoj, me kijakija aramaj, o poti ti on kapakap on Kot.

3 Nan i ni auramen ututial tounlan en Kot men, klok tuau, a para ton i, o majani on i, Kornilioj.

4 I ari nara tar i, nan a majaka tar, o inta ta, Main, ta men? A majani on i, Om kapakap o om koleir me puai tar, pajon en Kot lar.

5 Koa ari en porone ue on Jopa ol kai, o itok Jaimon me Pita:

6 Me puepue ti ren Jaimon me tana men, me im a janjal on jet: i me pan kaire kin uk me ko en uia ta.

7 A tounlan o me katiti on Kornilioj lao koti lar, i ap eker a tor na litu ria men, o jounpei lelapok men ren me jinjila i kaukaule;

8 O kauue on ir me pukat, ap ka tar ir lan Jopa.

9 Manta, ni ar japajapal, lao karenia er kanim o, Pita ap ko tan pon im o puen kapakap impan klok uonu:

10 I ari men mona tar kaua-lap, o a pan mona: o ni ar uia kaonopa ta, nan a auramen tar,

11 O nara tar nalan a riti tar, o et eu koko ti on i, likomata tenpainok telap imui ka pukapuk pena, a puili ti on nani puel:

12 O nan man alu ki pa jon karoj kin mi loli, o man lau-alu, o man karop, o man pir kai.

13 O nil eu pe ti ton i, inta ta, Pita, u ta; kame la, o mona.

14 A Pita, inta ta, Kaiti Main; pue I kaik ta mona me mal kot, o me jamin.

15 A nil o intai on i pak karia pak, Meakot me Kot ka-

makolakole tar ko ter mamal ki.

16 Menen uiani er pan jili pak; et o ap apia ta lar nalan.

17 Ari Pita ponopon ki ueue en auramen o me a nara tar, nar, ol ako me Kornilioj porone tor, nan re itok jili im en Jaimon, o re kajikajinen ta ni pan uanim o,

18 O likilikinir, itok ma Jaimon, Pita jo pueti on ia.

19 A Pita lamalama a auramen, Nen Jaraui ap majani on i, Nar ol jili men raparapaki uk.

20 U ta, o ko ti ue ian irail la, jo peikajal pue nai me porone ir tor.

21 Pita ap ko ti ton ol ko me pakatara ton i jon Kornilioj; ap inta ta, Nar, iet nai me komail raparapaki: ta me komail ko ki tor?

22 Irail ari katiti ki, Kornilioj jenturion amen, ol lalapok, o me kin majak Kot, o me looki jili mau ren men Jutia karoj, nan i me tounlan jaraui ren Kot majani on en porone ton uk en ko to nan im a, puen rona jon uk.

23 I ari kajamo ir lonon, o kinta kin ir. O manta Pita ap ian ir ue, o joulan en Jopa kai pil ian i.

24 Manta re lela ton Jejaria. O Kornilioj auiaui kin ir, pokopokon ren jou i ko, o me kompokepa.

25 A Pita petalon on, Kornilioj ap tu on i, o popi ti on nin ne a, o poni i.

26 A Pita kaua ta i, inta ta, U ta; aramaj men nai.

27 A ni a uia kajokajoi re a, ap petalon on, tiara tar me neter momot pena.

28 I ari kajoi on ir, Komail aja me jo inen men Jutia en uaroki on, o kaikai on aramaj en uai; a Kot me katiarok on ia me I en ter mamala ki o jaote ki meamen.

29 I me I ko ki ton uk jo peikajal, matan ki to om itok: nai ari kalelapok me ko eker ia ki tor?

30 Kornilioj ari inta ta, Pon pa pon tor nai me kaijejol lel klok uet; o klok tuau nai me uia kapakap nan im ai, a, nar, ol amen me u mo I me nan likau linalin,

31 O majani, Kornilioj, om kapakap me puai tar, o om kijakija me pajon en Kot lar.

32 En porone on Jopa, o eker a to Jaimon, me at a Pita; nan a puepue ti nan im en Jaimon tana men jalon jet o: nan i me pan kauue on uk, a lao para tor.

33 Nai ari pitipit ilok ton uk; a meit mau om para tor. Ari iet kit karoj mimi met ren Kot, pue je en ron meakan me Kot majani on uk.

34 Pita ap jara pajon, inta ta, Mealel I kajauia ta me Kot jota kin lipilipil aramaj:

35 A jap karoj meamen majak i, o uiauia meapon, nan i me konikon re a.

36 Majan pot et me Kot katarata ton men Ijrael kauue

ronmau jon, Jijoj Kraij: (nan i me Jioua en meakaroj:)

37 Majan o, komail aja tar, me looki jili Jutia, o me tapi ta jon Kalili, muein paptaij me Jon kauue tar;

38 Tuen Kot kei iki er Jijoj men Najaret Nen Jarau i o manaman: me kakan jili uiauia mau, o me kakela tar me tanuaran tepil; pue nan Kot me ian i.

39 O kitail karoj me utial er meakaroj me a uia tar Jutia, o Jirujalem; me pajur on nin tuka o kamata lar.

40 Nan i me Kot kaiaja tar ejil en ran, o kapare tar;

41 Kaiti on aramaj karoj, a on men katete kai me pila tar pan Kot, kit eta, me ian i nom o nim murin a iaja tar.

42 I ari majani on kit je en kauue on aramaj, o katiti ki me nan i me Kot kapika tar puen kateika ta me maur o me me lar kan.

43 Nan i me joukop karoj kaire ki to, me meamen pueki mmarr e peiki on i nan i pan lapua jon tip a.

44 A ni tokan Pita katiti ki me, Nen Jarau i ap mori ti on karoj me ronaron patak o.

45 A me ian jirkomjaij lar kai me peiki on uapon tar, ir me ian itauen to Pita, pueki Nen Jarau i pil nene on Men liki kan.

46 Pue re rona tar ar loka-lokaia nil toror pajon, o kapina Kot. Pita ap itok,

47 Ij me pan inapui iti pil, pue aramaj pukar en paptaij

la, me ian tunol er Nen Jarau i tue kit?

48 I ari majani irail en paptaij on ni mmarr en Jioua o. Irail ap nitinitiki i en puepue ti re irail.

IRA 11.

U ANPORON ko o joulan me mi Jutia rona tar me Men liki ale er en Kot a manjan.

2 Pita lao para ton Jirujalem, me ian jirkomjaij ko, akamai on i inta ta,

3 Koa me mot on me jo jirkomjaij ko, o konot re ir.

4 A Pita pik ki ti nin tapi o, katiti kaparok on ir, intinta,

5 Nai mi nan kanim o Jopa uia kapakap: o ni auramen, I tiara tar kajanjal eu, et eu ko ti to jon nalan, likomata tenpainok, me imui ka pukapuk pena; o nan a puil impa I:

6 Me I kankakili, lamalama, I ap nara tar man alu ki pa kai, o man karop, o man pir.

7 Nai ari rona tar nil eu intai on ia, Pauri ta, Pita; kame la o mona.

8 A nai japon, Ieramen, Main: pue jota me mal kot o me jaot kin ko on nan au L.

9 A nil o pil japon ia jon nalan, Meakot Kot me kama-kola tar, ko ter mamala ki.

10 O pan me jili pak a uiaui: karoj ap apia tar nalan.

11 A, nar, ol jili men ap para ta niman im eu me I mi loli, me pakatara ton ia jon Jearia.

12 O Nen Jarau i majani on

ia en ian ir ue, jo peikajal. O joulán uonu men pukat pil ian ia tor, kit ari petalon on im en ol o:

13 I ari kaire kin kit tuen a nara tar tounlan men nan im a, me u majani on i, En porone ue on Jopa ol kai puen itok Jaimon, me Pita;

14 Me pan kaueue on uk look eu, me koa o nom karoj pan mauri ki ta.

15 Nai me pik ki ti katiti ki me, Nen Jaraui ap mori ti po irail, tue ta a mori ti on kit maj o.

16 Nai ari taman ta majan en Jioua o, me majani, Mealel pil me Jon paptaiji ki er; a komail pan paptaij ki lar Nen Jaraui.

17 Ari ma Kot kijakija irail tuen a kijakija kit er, me pjon lar Jioua Jijoj Kraij, ij me nai pue I en kaontonkoma Kot?

18 Irail rona tar me pukat, re ap nennen la, o kapikapina Kot, inta ta, Nan Kot me pil ki on Men liki en injino ki on maur.

19 Puin me kamueta pajon ki Tipen a kame lar, me kakan jili lel on Pinij, o Jaiproj, o Antiok, kaueue on men Jutia eta lamalam.

20 O akai ir men Jaiproj o Jairin, me para ton Antiok, ap kaueue on men Krik, kupur en Jioua Jijoj.

21 O manaman en Jioua mimi po irail o me neter pjon lar, uikitoki ton Kot.

22 Ron en me pukat a ton momotijou mi Jirujal ir ari porone lar Parnapuen ko lan Antiok.

23 I lao para tor, kalela ki kupur en Kot, ap pe tar, o panaui irail karoj, en minimin pena, poti ti Jioua o.

24 Pue i me ol mau men me tir en Nen Jaraui o pjon: a aramaj neter me uikit on Jioua o.

25 Parnapaj ap ko lan Tarjoj rapaki Jol:

26 A lao tiara tar i ap uka ton i Antiok. A nan re pokokon pena ren joulán par eu, o patapataki aramaj neter. O Antiok uaja joulán me tapi ki tar at anaki Kraijin.

27 A ni ran teko joukop kai ko ton Antiok jon Jirujalem.

28 A amen ir me at anaki Akapoj, me u, kokop ki Nen Jaraui me muein leik lapalap pan kipa ti jappa: me puai tar ni muein Klatioj Jija.

29 Puin joulán karoj inau ki pena re en kaparok kijakija ue on joulán kai mi Jirujalem, tuen ar kapuapua amen amen:

30 Nan i me re uia tar ap ki on me ti ma kai o Parnapaj o Jol pue re en ua ta.

IRA 12.

NAN i token Erot Nanma raki pik ki ti kame la akai joulán.

2 I ari kame ki la kotlaj Jemej ri en Jon.

3 O a nara tar me men Jutia mauki, a pil jaiki ti Pita. (Nan i tokan pret jo mut.)

4 A jaiki ti i, ki lan i nan imton, o kajila ki jounpei ek uonu men; auiaui pajopa en niki lar a pan lapua ton i pokon.

5 Pita ari janjali ti nan imton o: a joulan kan potapot kapakap ki tan Kot i.

6 Erot lao pan ua to i, pon moa Pita me mair nan pon jounpei ria men, jali ki jal mata riau: o jilepa ka me jinjila uanim en imton o.

7 A, nar, tounlan en Jioua o para ton i, o jer eu jere ta nan imton o: i ari pikir Pita nan ponapon a, o kaua ta i, majani, Pauri ta pitipit. Ari jalmata ko ap popi ti jon ni pa a kan.

8 O tounlan majani on i, En likau uia uk, o ki on om jut ka: i ari uia tar me. A majani on i, Puil po om om likau pup, ko ap itauen ia to.

9 I ari petoi to jon, o itauen la i; o a jo tete ki me mealel en tounlan a uiauia; o a kiki on me a auramen tar.

10 Ira taulul lar kan jilepa me karen, o me ila ue, ira ap para ton uanim mata me jalon nan kanim o; nan a pein riti tar jon mo ara: ir ari petoi to jon, o ueit taulul lar al apot; a tounlan o jori ti jon mo a.

11 A Pita lao lamalama lame tar, ap inta ta, I ap tiara tar me mealel Jioua o porone tor na tounlan, o kapit ia jon ni pa en Erot, o jon en men

Jutia kan ar kajikajik ki karoj.

12 A lao lame ta me, ap taulul ton im en Meri in en Jon, me Mak; uaja me neter momot pena uia kapakap.

13 A Pita uia letalet ni uanim o, Rota, jeripein amen, ap para tan itok.

14 A lao aja tar nil en Pita, nan a jota riti ta uanim pue a peren, a, a tana tor, katiti ki me Pita u niman uanim o.

15 Irail intai on i, Ko meit iak. A i me kelail inta ta me mealel. Re ap inta ta, Nan nen i.

16 A Pita tataur letalet eta; ir lao ritini tar, o tiara tar i, re ap puiriamui lar.

17 A i olole on ir re en nenen la, ap katiti on ir tuen Jioua o, me ua to i jon imton o. I ari inta ta, U ko ue kaire ki Jemej, o joulan kan me pukat. I ap ko ie lar, ko on ekij uaja.

18 Alao ran pajon er, ap momoro laut nan pon jounpei kan aki Pita a piti lar.

19 Erot raparapaki jili i, o jo tiara tar ap itetokenkone jilepa ko, o majani irail en kame lar. I ari ko ti on Jearia jon Jirujalem, o kaukaujon ia.

20 A Erot me anian tar pan men Tair o men Jaiton: a irail poto to uia minimin pena katakatake Plajtoj juat en Erot, re ap tomatom; pue re uki pa a jap ar.

21 A katekateo, ran eu, Erot me kapuata ki a linan, ap.

kaipoki ti pon a pajapaj, o kapakaparok on ir.

22 O aramaj ka nijinij ta, Nan nil en ani men, kaiti aramaj.

23 A matan tounlan en Jioua o, toke ta i, pueki a jo kapina Kot: a matan maaj me kana la i, i ari me lar.

24 A majan en Kot me puai tar, o looki jili.

25 A Parnapaj i Jol ap puro to jon Jirujalem, re lao kani-kie lar ar kaueue, nan re uka to Jon me Mak.

IRA 13.

KI JAN momotijou mi Antiok, joukop o jounkaueue kai; Parnapaj, o Jimion me Naika, o Lujioj men Jairin, o Manaen, me penainai on Erot monjap men, o Jol.

2 Irail kaukautok Jioua o, o kaijejole, nan Neh Jaraiui ap majani, Katorora jon on ia Parnapaj i Jol tok eu me I ki on ira er.

3 Irail kaijejole lar o kapakap, o ki tan po ar pa ar, re ap katar ira ue lar.

4 Ira ari pakatara ki lar Nen Jaraiui, ap ko ton Jilujia; ap tanatan ko ie on Jaiproj.

5 Ira mimi Jalamij, nan ira kaueue ta majan en Kot ni im en patak kai en men Jutia: o Jon pil ian uaroki on ira.

6 Irail kote to toka o lel Papoj, re ap tiara ta uitinak men, joukop likom men, men Jutia, me at a Parjioj:

7 Me kin ian mimi ren Jerjioj Pauloj, joumaj en jap o, me lelapok; i me eker a to Parnapaj o Jol, o men rona-ron majan en Kot.

8 A Elimaj uitinak o (pue i at a kajirauik lar) kaontonkoma ira, puen kapure jon joumaj o ni lamalam,

9 Jol, (me pil at a Pol,) tir en Nen Jaraiui, kankakili i,

10 Inta ta, Ko meit tir en uitin o me juit, nain tepil, o me kailok ki me mau karoj, ko jo pan tuki ti jon om kaontonkom en Kot a uiauia kan?

11 A met, nar, lim en Jioua mi er po om, a ko pan majkun, jo nar katipin rer ekij. Ari nan a matan atiat lar o rot lar; i ap raparapaki jili men ale pa a kaueit i.

12 Joumaj o ap pojon lar nanar me uiaui er, pue a pui-riamui ki patak en Jioua.

13 Pol o a uarok kai jerok jon Papoj, tanatan ko ton Perka, nan uein Pampilia: a Jon kari ti jon ir puro ton Jirujalem.

14 Irail jipala ue jon Perka, ap taulul lan Antiok nan uein Pijitia, o petalon on nan im en patak ran en japat, ap kaipoki ti.

15 Aniki er ar tontorapua kujenot, o joukop ako, joumaj en im en patak kai potopotoon on ir, Ri at ko, ma kaparok pot mi re omail men ko on aramaj pukat, komail en inta ta.

16 Pol ari u tar, olole, inta

ta, Men Ijrael komail, o me kin majak Kot, en ron.

17 Kot en men Ijrael pukat me pila tar jam atail ko, o kapakapaila ta aramaj ko ni ar kakairu jili Ijip, o lim a manaman me a kapiti ki tor jon irail uajao.

18 A impan par pa naul a kokoua ar uiauia juit nana-uel o.

19 Katekateo a lao kokok jon kainok iju nan Kenan, i ap neok on irail jap o, katoropue tar.

20 O muri a ki on irail jounkapon kai irerok to par pa puki lima naul, lel on Jamuel joukop amen.

21 Katekateo irail noroka amen en nanmaraki lar: Kot ari ki on ir Jol nain Kij kainok kijan en Penjamin, lel par pa naul.

22 A lao kajipal lar i, ap kajapula tan ir Tepit puen nanmaraki la: me a pil kilele ki tar majani, I tiara tar Tepit, nain Jeji, ol amen me I peren ki tar me pan uia ta ai poron karoj.

23 Kijan ol men et me Kot kaipui ki on Ijrael Kamaur amen, Jijoj, tuen a kopon:

24 Ni en Jon kaueue on men Ijrael kan maj para moa pap-taij eu on injino.

25 A en Jon a uiauia kaueue, ap itok, Ij me komail lamalama me nai? Kaiti nai i men. A, nar, amen koko to, kijin jal en a jut I jouar lapua ta.

26 Ri ai komail, katautokan Epream, o meamen me ma-

jak Kot re omail, on kitail karoj me patak en kamaur pakatara ton.

27 Pue me kaukaujon Jirujalem, o ar monjap ko, aki ar jaja i, pil jaja patak en joukop ko me kin tontoropua ran en japat koko to, nan irail kapuaia ki tar meakat ar ka-teika tar i.

28 A nan jota me re katia-roka tar me a en kama ki la, irail ari pokipoki Pailot i en kamata la.

29 Irail lao kapuaia tar karoj me intin ki ti i, re ap ki ti jon i nin tuka o, jaripi ti i.

30 A Kot me kaiaja tar i, jon a mata lar:

31 O ran neter ion a kai me ian i koti ti on Jirujalem jon Kalili me nanar i, nan irail men katete kin i on aramaj.

32 A kit pil katiti on komail ronmau, tuen kopon on jam atail ako,

33 Nan me Kot kapuai on kit katautoka rail, pueki a kaiaja tar Jijoj tuen a intini ti on kaul kariau, Nai komui, I ap kanaitika tar komui ranuet.

34 A tuen a kaiaja tar i jon a mata lar, pue en jolar pur on mata la, nan a majani tue met, I pan katonaton on komui kamau mealel kan me ren Tepit.

35 Nan a pil majani ni apot kaul o, Kom jota pan muet on Nomui Jaraui en mata lar.

36 Pue Tepit uiauia tar kupur en Kot nin ti a, ap mairi ti, o jaripi ti impan jam a ko, o mata lar:

37 A i, me Kot kaija tar, nan a jota mokanai ti er.

38 Ari, ri ai komail en aja, me pan ol men et lapua tip kan kin kaueue on komail:

39 O pil pan i me pojon kai kin kapon ki lar meakan, me komail jota pan ka kapon ki lar en Mojej a pon.

40 En kalaka, pue eu en lela ton komail me joukop ako kopa tor;

41 Nar, komail en kin popon jan, o popon ua, o kajapok lar: pue I ap uiauia tok eu me komail jota pan man kamealele, ma meamen kaueue on komail.

42 Men Jutia lao joma lar jon nan im en patak o, Men liki ko ap pokipoki kajoi pukar en kaueue on ir ran en japat koko to.

43 Momot o poto pajon er, men Jutia me neter, o me mijineri lar itauen lar Pol o Parnapaj; nan ira katiti ki on irail, o panaui irail en poti ti on kupur en Kot.

44 Katekateo ran en japat toun kanim o pan niki la pokon penan ron majan en Kot.

45 A men Jutia kai nara tar pokon ko, re ap peperin ki, o kaontonkoma meakan me Pol kaueue ta, kajokajoue o lalane.

46 Pol o Parnapaj ap jo majak, katiti ki, Nan majan en Kot en tapi ta looki ton komail; a komail kaje lar, o

kauiauia komail jouar maur jakatuk, nar, je jope ue on Men liki ko.

47 Pue i me Jioua majani on kitail, Nai me kajapuul komail tar puen kamaraini Men liki ko, pue komail en kama-kamauri jili lel jap karoj.

48 Men liki ko rona tar me, re peren tar, o kapina majan en Kot: o karoj me kapika tan kamaur jakatuk pojon lar.

49 O majan en Jioua me kaueue tar nan uei kan karoj.

50 A men Jutia ko me kamakara tar li lelapok, o joupeti kai, o monjap en kanim o, o kapei on Pol o Parnapaj aramaj, o kajapoke ira jon nan jap arail ko.

51 A ira itiki ti jon ni ne ar puel puen katete kin ir, ap jipala ton Ikoniom.

52 O joulan kan me tir en peren, o Nen Jaraui.

IRA 14.

NAN a puai tar Ikonium, me ira karoj ian pena petalon on im en patak en men Jutia ko, o kaueue tar, men Jutia, o men Krik me neter ari peiki on.

2 A men Jutia kai, me jo peik me kamakara ta Men liki kai, o kalollap on ir joulan kai.

3 Ira ari me uarai uajao, jo majak kaueue tar Jioua, me kilele ta patak en kupur a, o kamana ira tar en uia ta manaman kai o kilel kai.

4 A toun kanim ko me liaktoror pajon: akai me ian men

Jutia ko, a akai ian uanporon ko.

5 Men liki kai o pil men Jutia ian ar monjap kai, jaik ira ti, puen nanau juit on ira, o kate,

6 Ira ari aja tar, o ruki lan Lijtra, o Terpi, kanim ko en Laikaonia, o on jap pan ani:

7 Ira ari kaueue tar ron-mau uajao.

8 A ol amen momot Lijtra me patane kotikot, me jikilikil jon a naitik, me jota man alu:

9 I me rona tar Pol a kaueue tar: me kankakili i, o kajakajauia me a pojon on a pan kakela ta,

10 Ap nila tar, majani, Pauri ta, u ta. I ari majioka tar, o alu ue.

11 Aramaj nara tar me Pol uia tar, re ap nila ta, katiti ki nil en Laikaonia, Ani kai meit aramaj lar para ton kit.

12 Irail ari ki on Parnapaj at a, Jupita, o Pol Merkurioj, pueki i me joumaj en kaparok.

13 O leiap en Jupita kai, me mi niman kanim ar, ap ua to kau kai me kapuata tar, niman uanim ko, re pan ian aramaj olu ki.

14 A uanporon ko, Parnapaj i Pol, nara tar me, re ap tera pajon ar likau, o tana ton nan pon aramaj ko, uiriuri tar,

15 O katiti, Main ko, ta me komail uiauiia ki me pukat? Kit me aramaj raj on komail, o je kin kaueue on komail pne komail en uiki jon me

mal pukat, uiki ton Kot maur amen, me uia tar lan, o jap, o jet, o kapua karoj:

16 Me muet on toun jap karoj en uia pein ar lamalam maj o.

17 Ari jo, pue a jota mueta tar i en jo men katete kin pein i, pue a uiauiia mau, o ki on komail jon nalan katau, o rak, katire kin nan kapet omail mona o peren.

18 Katiti pukat me a pan kak pa ira kapuioka jon aramaj ar pan kautok ira.

19 A men Jutia kai ap ko to jon Antiok o Ikoniom, me kamakara ta aramaj, ir ari kate Pol, kajapoke jon i kanim o, tena ta a me lar.

20 Ari jo, pue joulan kai kapil pena i, nan a pauri tar, ap ko ton kanim o: a manta a ian Parnapaj ko to on Terpi.

21 Ira lao kaueue tar ron-mau nan kanim o, o pataki me neter, ira puro ton Lijtra, o Ikoniom, o Antiok,

22 Katonetone ir la, o panapanau i rail re en poti ti on lamalam, o me kitail en lel ki on uein Kot komakom mulatok.

23 Ira me katorora tar jounkoua kai nan momotijou karoj, o kapakap kaijejele, ap kapakap ki tan ir Kot, me re kamekamealele.

24 Ira kakan jili Pijitia, ap ko ton Pampilia.

25 Ira kaueue tar majan nan Perka, ap ko ti ton Atalia:

26 Ap tanatan ko ton Antiok, uaja re kapakap ki tar

kupur en Kot maj o on tok eu me re kanikie lar.

27 Ira para tor, ekerja pena joulau kan, re ap kapakaparok ki meakan Kot uiai on irail, o tuen a riti ta jon uanim mon Men liki kan.

28 Ira ari uarai uajao ren joulau ka.

IRA 15.

A AKAI me ko ti to jon Jutia kin patapataki joulau ko, katiti ki, Ma komail jo jirkomjaij tuen pon en Mojej, komail jota pan kak on maur.

2 Pol i Parnapaj akamai on irail kaualap irail ari kilele ti Pol o Parnapaj, o akai, re irail en ko ta lan Jirujalem kalelapok ren uanporon ko o kanonama tuen ar akamai.

3 O joulau ko palikit ir ue, re ueit Pinij o Jameria, katiti ki en Men liki ar mijineri lar: irail ari kaperenia tar joulau kan kaualap.

4 Irail lao lel Jirujalem, puin joulau, o uanporon o jounkoua, kajamo ir, irail ari katiti meakan Kot uia kin irail.

5 A kijan Pariji kai me joulau lar me u tar, katiti, Me pon en jirkomjaij ir, o kapi on ir en uiauia pon en Mojej.

6 A uanporon ko o jounkoua pokon pena puen kapakaparok ki me.

7 Irail akakamai o ari, Pita ap u tar kapakaparok on ir, Ri ai ko, komail aja tar me Kot maj o kaualap pila tar amen kitail, pue Men liki en

rona jon nan au I ronmau, o peiki on.

8 O Kot, me ere ki loli, kin kilele kin ir, neok on ir Nen Jarai, paroki on kit;

9 Nan a jota kin katorora pajon kitail o irail, kamakolekole kin ir ar pojou.

10 Ari ta me komail joulau ki Kot, ki tan popan joulau lopu eu, me jam atail pil kitail jota kak ua?

11 A kitail kin kamekamealele me kitail tue irail pan kamaur ki kupur en Jioua o Jijoj Kraij.

12 Momot o ap nennen lar, o tataka tar Parnapaj i Pol, ar katiti ki manaman ko, o kilel kai me Kot uiauia ki tar nan pon Men liki ko pa ar.

13 Ira nennen lar, Jemej ap kaparok, inta ta, Ri ai ko en ron ia:

14 Jimion me katiti er tuen Kot maj o kin para tan Men liki ko, puen pila jon ir jou eu men mmare jon i.

15 O nan i tuen patak en joukop ko ar katiti; tuen a intini ti,

16 Katekateo I pan puro to, o kauilikapia ta im en Tepit me ronki pajou er; o japal kaua tar a ola:

17 Pue aramaj lulua kai en raparapaki Jioua, pil Men liki kai, me uanat ai, nan i Jioua o majania tar, me kin uiauia me pukat.

18 Nan me janjal on Kot a uiauia karoj jon tapin jappa.

19 Nai ari men kapakapa-

rok, kitail en ter katoutoui
ir me niki ton Kot jon Men
liki ko :

20 A pue je en intini ue on
ir re en liki jon kajaot en ani
mal, o nenek, o man mop lar
kan, o inta.

21 Pue maj koko to joun-
kaeue Mojej kin mimi ka-
nim karoj, pue re kin tonto-
rapua ki i nan im en patak
ran en japat iroka to.

22 Uanporon ko o jounkoua,
o momotijou, ir karoj, mauki
tar re en porone ue jon ar
pokon joumaj kai men ian
Pol o Parnapaj en ko lan
Antiok; apa, Jutaj me Par-
japaj, o Jailaj, joumaj ren
joulan ko :

23 O re intin ti lan irail tue
met; Ietet uanporon o joun-
koua o joulan kai kin katara
ue ranmau on joulan kan ki-
jan Men liki men Antiok o
Jiria o Jilijia:

24 Pue je ron er, me akai
me ko ue jon re at kin kapo-
napon kin komail lar ar katiti,
kajopone lar komail, inta ta,
komail en jirkomjaij, o apuali
pon eu; me je jota ki ta:

25 Iet kit momot pena, uia
minimin eu, mauki joumaj
kai en pakatara ue on komail
ian Parnapaj o Pol me kom-
pokepat,

26 Ol ko me pan tonmete ki
maur ara pueki mmar en Ji-
oua Jijoj Kraij.

27 Kit ari porone ue Jutaj,
o Jailaj, me pan kaeue on
komail meakan ota.

28 Pue Nen Jaraui, o kit,

kin lame tar me mau je ter ki
on komail eu lopu, me pukat
eta me kajompual;

29 Pue komail en liki jon
man kai me mairon on ani
mal, o inta, o man mop lar, o
nenek: ma komail liki jon
me pukat, komail uiaua me
mau. Ranmau.

30 Irail lao pakatara lar,
ap ko ton Antiok: irail ka-
pokon ir pena, ap ki ta kiji-
likau o:

31 Irail uatok er re ap pe-
ren tar pueki poron o.

32 O Jutaj i Jailaj, me joun-
kaeue, pil panaui kin irail
kajoi toto, o pil katinai ir
tar.

33 Irail puepue ti uajao maj
re ap pakatara la popol jon
ren joulan pur on uanporon
ko.

34 Jailaj ari me monti on
uajao.

35 O pil Pol o Parnapaj
monti on Antiok, patapata-
ki jili o kaeue tar en Jioua
a majan, o me neter pil ian.

36 Katekateo Pol intai on
Parnapaj, Kita en pure on
paj ren joulan ka mi kanim .
akan uaja je kaeue tar ma-
jan en Jioua o, o kalelapok
tue irail.

37 A Parnapaj lame tar ira
en uk Jon, me Mak.

38 A Pol lame tar me a jota
mau ira en uk i, me mueta
jon ira nan Pampilia, o jota
ian ira ko ton totok.

39 Ira ari akamai pena kaua-
lap, i me ira mueta pajon ki:

Parnapaj ari uk Mak, tanatan jipala ue on Jaiproj;

40 A Pol me uk Jailaj, ko ie lar, me joulau kan kapakap ki tan kupur en Kot.

41 I ari kakan jili Jiria o Jilijia, katina ta momotijou karoj.

IRA 16.

POL ari ko ton Terpi o Lijtra: o, nar, joulau amen mi uajao, me at a Timoti, nain li en Jutia men me mijineri lar; a jam a men Krik:

2 Nan i me looki jili mau ren joulau en Lijtra o Ikoniom kau.

3 Nan i me Pol men uk en uaroki on; i ari uk i o jirkomjaaj pueki men Jutia ko me mimi uajao: pue irail aja me jam a men Krik.

4 Ira ari kakan jili kanim kan, patakin irail kaparok ako me uanporon o jounkoua ko mi Jirujalem kapika tar.

5 Momotijou kan ari me katonetone la in lamalam, o ietiki koko ta.

6 Irail kakan jili Prijia o jap en Kaletia, o Nen Jarau me inapui ti re ter pataki Ejia,

7 Irail lao para ton Mijia, re jon taulul ue on Pitinia: a, Nen Jarau jota muet on.

8 Irail taulul lar Mijia ap para ton Troaj.

9 O kajanjal eu para ton Pol nipon; Ol en Majetonia men me u ta, pokipoki i inta ta, En jipala ton Majetonia, apuali kit.

10 Pol ari utial er kajanjal

o, je ap jonojon jipal lan Majetonia, kamekamealele me Jiona molipe kit en ko lan kauue on ir ronmau.

11 Kit ari majala ue jon Troaj, je ap inen ton Jamotrejia, o manta lel on Niapoli:

12 O jon uajao lel on Pili-pai, kanim eu me lapalap ni apor en Majetonia, o jap en upa eu pan Rom: kit ari puepue ti on kanim o.

13 Katekateo ran en japat je ko ie jon kanim o ko ton pon kail en pillap pot, uajare kin kapakap ia; kit ari monti, o kauue on li kai me kin pokopokon uajao.

14 A li amen me at a Litia, men not en likau uaitata, men Taiataira, me kaukau-tok Kot, nan i me ronaron kit; o Kot me kamataroka lar i, puen apapuali meakan Pol kauue tar.

15 I lao paptaij lar, o a penainai, ap pokipoki kit, kati, Ma komail kajau ia mealel on Jiona, komail en petalon on im ai, o kaujon ia. I ari uon kin kit.

16 Katekateo, kit koko on uajan kapakap, jeripein amen me uinani ap tu on kit, me kin noti iki ton me a papa kapua rok a uinani:

17 Nan i me pakipaki Pol o kit, uiriur, inta ta, Ol pukat me litu en Ani lapalap, me kin kauue on kit tiak en maur.

18 Nan a uiauia met ran to-

to. A Pol me mauk, ap jope to majani on nen o, Mmar en Jijoj Kraij me I intai ki on uk, ko en kari ti jon i. I ari ap kari ti jon.

19 A me a papa ko tiara ta en jolar ar men noti iki, re ap jaiki ti Pol o Jailaj, uaik ira lon ton uajan not ren joumaj kai,

20 O kataulul ki ton ira jounkapon kai, katiti ki, Ol me pukat, men Jutia, kin kaokaoe kanim atail kaulap,

21 O patapataki lamalam kai me jota inen je en ale, o uia, pue men Rom kitail.

22 Aramaj karoj ap u ta pena por on ir; o jounkapon ko tera pajon ar likau kan, o kapi re en uoki.

23 Irail uoki uoki ira pan pak toto, re ap kaje ti ira nan imton, o patiki ti jilepa o en katonaton ira ti:

24 I ari ale er patik pot et, ap jikon ira ti on imton, pera loli, o jalie ti on ne ar nin tuka kai.

25 Alao ni ailep en pon Pol o Jailaj uia kapakap, o kaul on Kot, o me jali ti ko rona ron ir.

26 A jap o puiriam mokita tar, i me kajuk en imton o mokita tar: uanim ko ap matan riti tar, o ar jal karoj lapua tar.

27 A jilepa en imton o piri tar jon a mair, nar uanim ako riti tar, i ap napki ta a kotlaj, o a pan pein kame la i, kiki on me jaliti ko me piti lar.

28 A Pol likiur tar, inta ta, Kom ter kamai uk: pue iet kit' karoj mia.

29 Jilepa o ap itok lamp eu, o tan petalon on rerrer, o tai-ruki ti jon Pol o Jailaj,

30 O ua ira to jon, inta ta, Main ko, ta me I en uia ta pue en kamauri la?

31 Ira ap inta ta, En peiki on Jioua Jijoj Kraij, a koa o ion om karoj pan mauri la.

32 Ira ari kauene on i majan en Jioua o, o on toun im a karoj.

33 I ari uk ira nin klok ota, nipon o, uitut ar pual ko; i ari paptaij la, o na kan, matan.

34 I lae ua ton ira nan im a, ap ki ta mo ar kijin mona, o peren tar, kamealele lar Kot, i o ion a kan.

35 Alao ran pajon, joupeti ko porone la papa ko, inta ta, Ol pukat en lapua tor.

36 O jilepan imton o ap kai-re ki on Pol look pot et, inta ta, Joupeti ko me iloka ton koma en lapua ta: koma ari en koti to, ko la popol.

37 A Pol majani on ir, Irail uoki kit er janjal, o jaliti o jo katete tar, o men Rom, o re kaje ti kit nan imton; a ta, re pan okiok lapua kit tar? a, jo; irail en pein ko to ua kit ue.

38 O papa ko kaire ki' on joupeti ko me: irail ap majaka tar, ar rona tar me men Rom ira.

39 Irail ari ko to pokipoki ira, o ua ira jon, o nitiniti

ki ira en jipala ue jon kanim arail.

40 Ira ari petoi to jon nan imton o, petalon on nan im en Litia: ira paj ren joulankan, o kapereni ir, ap jipala ue.

IRA 17.

IRA tauli Ampipolij, o Apolonia, ira ap para ton Tejalonika, uaja en men Jutia ka ar im en patak eu mia:

2 A Pol, tuen a kin uiauaia, ap petalon on irail, o ran en japat jilu a ieian ir kapakaparok jon Kijilikau ko,

3 Kauene ta o katiti ki, me Kraij en kamata lar, o iaja tar; o me Jijoj me I kin kauene on komail nan i me Kraij.

4 O akai me pojon lar, o uaroki on Pol i Jailaj; o pilmen Krik lelapok me neter, o li joupeti jo me laulau.

5 O men Jutia kai me jo pojon peperin tar, ap uk me lamalam juit akai, o kapokon irail pena, o kapei ta kanim o, o kulia ta im en Jejon, puen ua ira ton aramaj ko.

6 Irail jo tiar ira ta, re ap uauka lon ton monjap ka en kanim o Jejon o joulankai, ueueloke ir, inta ta, Me pukaf me kauikitoki ti er jappa, nan re para tor;

7 Me Jejon kajamo er; o irail karoj kin uiauaia kaoe majan en Jija, katiti ki nan amen nanmaraki me mia, Jijoj.

8 Irail ari kamakara ta aramaj ko o monjap en kanim o, ni ar rona tar me pukat.

9 Irail ale kin Jejon, o me teko ar kapua, re ap katar ir la.

10 A joulankatan ka taralar Pol i Jailaj nipon ko on Piria: ira ari ko to, ap petalon on im en patak en men Jutia.

11 Me pukat me mau jon men Tejalonika ko, pue re pitipit ale er patak inoni on, o kaukaule kalekalelapok kijilikau, ma mealel me pukat.

12 Irail ari me neter pojon lar; o li joupeti kai men Krik, o ol kai jo me laulau.

13 A men Jutia kai mi Tejalonika lao aja tar me Pol kauene on Piria majan en Kot, irail ap ko to, o kamakara ta aramaj kan.

14 A matan joulankai kataralar Pol tena pan ko ti on nioror: a Jailaj i Timoti mimi ta uajao.

15 O me kakare Pol kalua ton i Atenj: irail ale er poron en ko on Jailaj i Timoti ira en pitipit ko ton i, re ap ko la.

16 Ni token Pol auiaui kin ira Atenj, nan a kupur o lar, ni a ututial nan kanim o tititik en ani likom rok ia.

17 I ari mimi nan im en patak ian men Jutia kai, o me lelapok, o uajan not a kin kapakaparok kaukaule ren me tu on i kan.

18 O akai jounpatak en Epikurioj, o Jtoik kai, ap akamai

on i. Akai inta ta, Ta me paupaulap men pan inta ta? O akai inta ta, Tena a kin kapare ta ani en uai kai: aki a kaueue *on* ir Jijoj, o en aramaj ar pan iaja ta.

19 Irail ari uk i, o ua ton i Ariopakoj potoon *on*, Kit jo pan aje la patak kap uet, me ko kin kaueue ta?

20 Pue kajoi en uai toror me ko ua ton kit, kit ari kin men ueue ki ta me pukat.

21 (Pue men Atenj karoj, o tounuai ko me mi uajao, kajokajoi mal eta, katiti o ronnaron okotome ta.)

22 Pol ap u ta pon tol en Marj, inta ta, Men Atenj komail, I ap kajakajau me komail likamijik kaualap.

23 Pue ni ai koko to, ututial omail jarau, I tiara tar pei jarau eu me kilele ki ti kilel uet, JAPUILIM EN ANI ME JO TIAROK. Me komail jeja kautok *on*, i me I kaueue ki *on* komail.

24 Kot me uia tar jappa, o kapua karoj me mia, me Jio-ua en nalan o jappa, nan a jota kin mol anaki im eu me aramaj uia tar.

25 Nan jota me kin upa ki i pa ar, tena jo a meakaroj, pue a kin nene *on* kitail karoj maur, o nit, o meakaroj;

26 O nan a uia tar jon tai eu toun jap karoj, pue en kaparapar jili jappa, o me kapika tar aujou arail kan, o ira en arail kaukaujon;

27 Pue re en raparapaki Jio-ua o, ma re pan puai ta pam

i, tiara ta, pue nan a jo ton ue jon amen kitail.

28 Pueki i je kin mamaur, o alu, o mimia ki; tuen omail jounintin en kaul kin katiti ki, Pue na kitail karoj.

29 Ma nain Kot kitail, kitail en ter lamalama me Kot raj on kol, o jilpa, o takai, me aramaj katak toke tar.

30 A maj o anjoun jo katepa kai mia Kot kin mak ki; a, anjou uet, a kin mamajani toun uaja karoj en injino tar:

31 Pue a kilele ti er ran eu, en a pan kapokapon kateika ki ta jappa ol amen me a katorora tar; me a kilele ki tar *on* aramaj karoj, a kaiaja tar i jon: a mata lar.

32 Irail rona tar me me lar pan iaja ta, akai kaurur ki: o pil akai inta ta, Eu ran je pan rona jon uk tuen me.

33 Pol ari ko to jon re ir.

34 A akai me tonaton *on* i, o pojon lar: akai ir me Tai-onijoj men Ariopaka, o li amen me at anaki Tamarij, o pil akai ian ir.

IRA 18.

MURIN me pukat Pol ko to jon Atenj, o ko ton Korint;

2 Ap tiara tar Akuila men Jutia men, me ipui ti Pontoj, me apton ko to jon Itali, o a paut Prijila, (aki Klautioj majani men Jutia karoj en koka jon Rom,) i ari ko ton ira.

3 O kaukaujon re ira totok,

pueki jou lai eu ira; (pue men teitei imlikau ira.)

4 O ran en japat iroka to, a kin kaueue tar nan im en patak, panapanau toun Jutia o toun Krik kai.

5 Jailaj o Timoti lao ko to jon Majetonia, Pol ap inoni on kaulap patak, pue a men katete ki on toun Jutia kai me Jijoj me Kraij.

6 Irail akamai, o lalaue, i ap jipeta ti a likau, intin tai on ir, Komail eta en tikiti rau; jota tip ai: I ap pan jope on Men liki ko.

7 I ari ko ie lar, ap ko on nan im en Jojtoj, ol amen me kin poni Kot, me im a pat on im en patak o.

8 O Krijpoj, joumaj en im en patak o, me kamealele Jioua o, i o ion a karoj; o toun Korint me neter rona ta ap pojon lar, o paptaij lar.

9 Jioua o ap majani on Pol ni a auramen nipon o, Ko ter majak, en kaueue ta, ter nennen la:

10 Pue nai me ian uk, o jota aramaj men pan kak juki ti po om puen koma uk: pue nai aramaj me neter nan kanim uet.

11 I ari mimi uajao par eu o jounipon uonu, kaueue tar majan en Kot nan pon ar.

12 Ni muein Kalio kakaon Akaia, men Jutia kaparok pena jaiki ti Pol, o ua ton i mol en kateik o,

13 Ueieuiloke, Lap men et

kin pitipiti aramaj en poni Kot jo pon.

14 A Pol pan katiti, Kalio ap majani on men Jutia, Men Jutia ko, ma me juit kot o nenek, a pan mau I en apuali komail:

15 A ma a kalelapok en kajoi o kilel kai, o omail lamlam, komail en pein apuali; pue I jota pan kajau me tue me.

16 I ari jikon ir ue jon ni mol en kateik o.

17 O men Krik kan jaiki ti Jojtinij, joumaj en im en patak o, o uoki i niman mol en kateik o. A Kalio jota injino ki me pukat.

18 Pol ari kauarai lar a mi uajao, katekateo kamurimuri joulau kai, ap iana lar jop pot jipala ton Jiria, i o Prijila, o Akuila: pue a kote tar ual i nan Kenkria: pueki a kau lar eu.

19 I ari taulul ton Epijoj, puili ki ti on ira uajao: a pein i petalon on im en patak o, o kaparok on men Jutia ko.

20 Irail pokipoki i en mimi ta re ir, a, a jota mauki;

21 A a kamurimuri irail, katiti ki: I pan puro ton komail, ma Kot mauki. I ari jerok la jon Epijoj.

22 I lao kari ti Jejaria, o ko ta la, ranmaui joulau ko, ap ko ti on Antiok.

23 Katekateo a jipala ue jon uajao, kakan jili nan uein Kaletia o Prijia, katonetone joulau kan.

24 A men Jutia amen me at a Apoloj, me tiki tar Alek-jantria, lalaman men, o me ere ki Kijilikau ap ko ton Epijoj.

25 Ol me uet me ueue ki tar tiak en Jioua o; o me inoni-on kaulap, i ari kaueue ta o pataki jili tuen Jioua o, keleip ki en Jon a paptaij.

26 I ari jo majak kaueue ta nan im en patak o: a Akuila, o Prijila lao ron i, ira ap uki ton ira i, kaueue on tiak en Kot.

27 I lao men jipala ue on Akaia, joulau kai intini ue kijilikan, panaui joulau ko re en kajamo i: i ari para tor, ap katina ta irail me pojon lar pueki kupur o:

28 Pue a manaman katete ki tar men Jutia kai, kaueue on ir jon Kijilikau me Jijoj me Kraij.

IRA 19.

NAN a puai tar nin token Apoloj mimi Korint, me Pol kakan jili jap kan pali poa ap lela ton Epijoj; o tiara tar joulau kai,

2 Ap itok re ir, Komail tun-ol er Nen Jarau i 'mail pojon lar? Irail potoon on i, Je jo-ta man ron Nen Jarau i mia.

3 I ari itok re ir, Ta me ko-mail paptaij on er? Ir ari inta ta, On paptaij en Jon.

4 Pol ap katiti, Mealel Jon me paptaiji ki paptaij on inji-no, katiti on aramaj me irail en kamealele me pan para to muri-i, nan i me Jioua Jijoj.

5 Irail rona tar me, irail ap

paptaij on mmarr en Jioua Jijoj.

6 Pol ki tan po ar pa a, Nen Jarau i ap juki ti po irail; irail ari lokalokaia nil pajon, o tetekop.

7 A ol ako me impan ek ria men.

8 I ari purepure nan im en patak o, o jo majak kaueue ta jounipon jilu, kapakaparok o kaueue ta tiak en muein Kot.

9 A akai ir me, kapi takai lar, o jo pojon, o me lalaue lamalam ren aramaj kan, i ap jope jon ir, o katorora la joulau kai, kaukaule kapakaparok ren ion en Tirenoj.

10 A par riau re uiaua me; toun Ejia karoj ari rona tar majan en Jioua Jijoj, men Jutia o Krik karoj.

11 O Kot me kapuaia ki tar Pol manaman toror kai:

12 Nan ankijip kai me uijiki to jon ni uar a, o likau uijik on me jomau kai, ar jomau kai ari jara jon ir, o nen juit kari ti jon ir.

13 Men Jutia jakanakan o uitinak kai, ap jon jakara ki ton ir me tanuaran ani juit kai mmarr en Jioua Jijoj, inta ta, Kit me kau ki la Jijoj me Pol kin kaueue ta.

14 O nan ol iji men nain Jipa, men Jutia, joumaj en lelap ko, me uiaua me.

15 A nen juit o japon, Jijoj i aja tar, o Pol i aja tar; a ij koa?

16 A ol o me nen juit mi po a ap luji ton irail, o kaloe

irail ti, ir ari tana to jon nan im o kilijo o lipoka lar.

17 A nan me looki jili on men Jutia o men Krik kan me kaujon Epijoj; o majak kipa irail ti; o mmaren Jijoj me lomuin lar kaualap.

18 O me ian pojon lar me neter ko to intin ta, o kapare tar arail uiaua kan.

19 O pil me neter me kati ani ua pena arail puk kan, o ijik ir ta mon aramaj karoj: irail ari uatok puain ar, o tiar me a tok on moni lima nen.

20 Majan en Kot ari puai tar kaualap.

21 Murin me pukat, Pol ap lame ta me a lao kakan jili uein Majetonia o Akaia, en taulula tan Jirujalem, inta ta, I lao mi lar uajao, I en pil nar Rom.

22 I ari katara ton Majetonia me ria men kijan me uaroki on i, Timoti, o Irajtoj; a i me monti nan Ejia maj.

23 I token a moro ta kaualap aki Lamalam o.

24 Pue ol amen me at anaki Timitrijoj, joumata men, me uia ki ta jilpa tikitik en Taiana, me puaipuai on ir me uiaua kaualap;

25 I lao eker ir pena o jou i ko ap katiti, Main ko, komail aja uiaua tok uet me kitail noti iki atail kapua rok.

26 O komail nanar, o ron, me kaiti Epijoj eta, a lel on jap en Ejia karoj, Pol uet me korian o uikita la me neter, pataki me kaiti ani me aramaj uia tar:

27 I ari atail totok pan lokatoka la; o im en kautok en Taiana li ani lapalap amen pan lokatoka la, o a pan jolar linan, me Ejia o jappa karoj kin kaukautok on.

28 Irail ron meakan, re ap makara tar kaualap, o uiri- uiri tar, katiti ki, Nan me lapalap Taiana men Epijoj.

29 A kanim o moro tar, o ari: o irail jaiki ti Kaioj, o Arijtakoj, men Majetonia, uarok en Pol ka, re ap uia ki eu tana pena tana ton nan im en maton o.

30 Pol ari pan petalon on ren pokon ko, joulau kai kan katara la i.

31 O joumaj en Ejia kai, me kompokepa, iloka ton i pannaui en ter pori on nan im en maton o.

32 Irail ari moromoro tar akai eu, akai eu: pue pokon o me uapon tar; o me pali laut re ir jaja me irail tanaan ki pena.

33 Irail jikon jon ni pokon o Alekjanta, men Jutia ka kajapoke la i. A Alekjanta olole on ir, o a pan katete ki i ren aramaj ko.

34 A irail nar me men Jutia men i, irail uia ki eu, uiriniri ta kauarai la klok riau, Nan me lapalap Taiana men Epijoj.

35 A jounintin en kanim lao kamole lar pokon o, ap inta ta, Men Epijoj komail, ij me jaja me kanim en Epijoj kin kaukautok Taiana li ani lapalap amen, o tikitik eu me popi ti jon ren Jupita?

36 Ari ma jota kaontonko-
ma en me pukat mia, komail
en neunen la, o ter pijirok
uia ta meakot.

37 Pue komail uka to ol pu-
kat, me jota kin kulia ta im
en kautok ko, pil jota lalaue
omail ani li o.

38 Ari ma Timitrioj, o ion a
kai, ar kainaki aramaj mia,
nan im en kateik riti tar, o
jounkapon kai mia: irail en
kapokapon pena.

39 A ma komail katete ki
okotome nan a pan ren po-
kon en kapon katete ki.

40 Pue kitail pan kapakon
ki moro en ranuet, pue jota
karepa me kitail en kapon ki
pokon uet ar tanatan pena.

41 A katiti tue men, ap ka-
tara pajon pokon o.

IRA 20.

MORO lao mole lar, Pol ap
ekera to joulau ka, o po-
lo ir pena, jipal lar puen ko
on Majetonia.

2 A lao kakan jili jap ko, o
panapanau i irail kaulap, ap
jipala ton nan uein Krik,

3 O kaukaujon ia jounipon
jilu. O men Jutia kai maja-
majan i, ni a pan iana la jop
pot ko on Jiria, i ari lame tar
en pure ueit Majetonia.

4 O me ian i ko lan Ejia Jo-
peta men Peria; o men Teja-
lonika, Arijtarkoj, o Jikontoj;
o Kaij men Terpi, o Timoti;
o Tikikoj, i Tropimoi men
Ejia.

5 Irail ti on maj ap aui kin
kit nan Troaj.

6 Katekateo je jeroka ue jon

Pilipai muein ran en kamati-
p en pret jo mut, o je tanatan
ko ton ir mi Troaj ran limau;
o je kaukaujon ia ran iju.

7 A ran en tapin uik, ran en
joulau pokon pena nene pret,
Pol ap kauue on irail, ono-
nop a pan ko la lakop; o a
kauarai a kauue lao lel ailep
en pon.

8 O lamp me rok mimi ko-
kon poa, uaja re pokon penai
ia.

9 O mankap amen me at a
Eutikoj, me momot nan ua-
nim tuk, me mairi ti kalik: a
Pol kauue uarai, i ari mairi
ti kaulap, o popi ti jon ni
ejil en kokon poa o poka tar
me lar.

10 A Pol me ko ti, o uenti
on po a, o poloti i, inta ta,
Komail ter mauk; pue a ma-
maur.

11 I ari puro ta to, o nene
pret, o mona er, o kauue ta
uarai, lel uaja ran, I ap ko
ie lar.

12 Irail ua to mankap o,
peren ta kaulap.

13 A kit me matan ian jop,
tanatan ko ton Ajoj, uaja je
pan uk ia Pol: pue i me a
kakalik on, lame tar me a
pan japal.

14 I lao tu on kit nan Ajoj,
je ap uk i, taulul ton Mitilin.

15 Kit tanatan ko to jon ua-
jao, o manta je tanatan likin
Kioj; o manta je lela ton Je-
moj, o je monti Trokiliom; o
manta je para ton Mailitoj.

16 Pue Pol lame tar me a
pan tauli Epijo, pue a te pua-

puant Ejia: pue en matan
ma a pan kak lel on Jirujale-
lem, ran en Pentikoj.

17 O jon Maillitoj a porona
ue on Epijoj eker a pena joun-
koua kai.

18 Irail pokon imp a, a ka-
titi on irail, Komail aja tuen
I kin uiauia re omail iroka
to jon ai para ton Ejia, anjou
karoj,

19 Papa Jioua o opampap,
o jonijon, o komakom, nan
pon men Jutia ko ar rukiruk
ia ti:

20 O tuen I jota kin oki jon
meakot mau, a I kin kaire
kin komail, a patapataki jan-
jal, o kakan jili im kan,

21 Katiti ki on men Jutia,
o men Krik, tiak en injino on
Kot, o pojon la atail Jioua
Jijoj Kraij.

22 A, nar, I ap koko ta lan
Jirujalem nen I jali ti, jaja
me pan pit ia uajao:

23 A Nen Jarau i kope tar
me jalmata, o komakom kin
auiaui ia nan kanim karoj.

24 A jota man me pukat kin
kamajak ia, o I pil jota ka-
jompual ki maur I, pue I en
kaimuijok la ai koua eu po-
pol, o kanikie la kaueue eu,
me I ale jon er Jioua Jijoj
Kraij, puen katete ki ronau
limpok en Kot.

25 A, nar, I ap aja tar me
komail karoj, me I kin kaue-
ue on muein Kot, pan jolar
utial maj ai.

26 I pan kapeitok kin ko-
mail ranuet ma I jo makola-
kola jon intan aramaj karoj.

27 Pue jota man meakij en
Kot a poron me I oki jon
komail.

28 Komail ari en kalaka ko-
mail, o momotijou karoj me
Nen Jarau i kajila kin komail,
puen kamona momotijou en
Kot, me a noti iki pein int a.

29 Pue I aja tar, me I joma
lar kiti komat kai. pan pei
ton komail, o jo kamauri la
puin joulan.

30 O aramaj pan tapi jon
pein komail patapataki jili
likom, puen tana ki ue jou-
lan kai.

31 Komail ari en majama-
jan, tamataman, me I kin po-
ti ti on jonijon panipanaui
komail karoj niran nipon lel
par jilu.

32 A, ri ai ko, I ap kajila
kin komail Kot, o majan en
kupur a, me manaman on ka-
puaia ta komail, o nene on
komail tunol ren me makola-
kola tar kan.

33 I jota noroka en aramaj
men a jilpa, o kol, o likau.

34 Mealel, komail pein aja,
me pa I pukat kin totok on
ia, o ai uarok kai.

35 I kaalemoni on komail
ier meakan, tuen komail en
totok puen joujouaje me tou-
tou kan, o en tamataman ma-
jan en Jioua Jijoj ko, tuen a
majani, Nan kiki ue me ka-
peren mon ale.

36 A lao era lar a patak
ap pori ti, ian ir karoj kapa-
kap.

37 Irail ari jonijon kaualap,

o popi ti on kapin uoran Pol,
o metiki i,

38 Me mauk ki kaulap a
katiti, inta ta, me re pan jo-
lar utial maj a koko la. Irail
ari pillikit i ko ti on nin
jop o.

IRA 21.

KATEKATEO, je joma lar
jon irail, o majala uar,
je tanatan inen ton Kuj, o
manta lel on Rotj, ap jipala
ton Patara:

2 O je tiara tar jop pot ma-
jala uan Pinijia, ap kara tan
poa, iana ue.

3 Je lao para lar Jaiproj, je
tauli ni pali main, tanatan ko
ti on Jiria, o kara ti on Tair:
pue i uaja autepan jop o pan
ko ti on ia.

4 Je tiara tar joulau kai, ap
momot re irail ran iju: irail
ari katiti ki Nen Jarau, pa-
nau i Pol en ter ko ta lan Ji-
rujalem.

5 Kit kaimuijok la ran ko,
je ap ko ie la; a irail me pil-
likit kit to, ar paut li kai o
na rail jeri, je lao lel likin
kanim o: kit ari kelipuki ni
oror, kapakap.

6 Kit kamurimur pena, je
ap kara tan pon jop o; a irail
pure on nan jap o.

7 Kit tanatan ko to jon Tair,
ap ko ton Ptolejoj, a ran-
maui joulau kai, o je kairu re
ir ran eu.

8 O manta kit me toun ian
Pol ap ko la, ko ton Jejaria:
kit ari petalon on nan im en
Pilip me jounkaueue men, me

kijan ij men ako; o kaukau-
jon ia.

9 A ol o me na li pa men
maipon, me kin tetekop.

10 Kit ari kaukaujon ia ran
toto, nan joukop amen me
ko ti to jon Jutia, me at a
Akapo.

11 A lao para ton kit, a ale
uauuai en Pol, pira pena pein
pa a o ne, katiti ki, I tuen
Nen Jarau majani, Men Ju-
tia ko mi Jirujalem pan pira
ti ol me a uauuai uet, o re
pan katara lan i ren Men
liki ko.

12 Kit rona tar meakan, kit,
o ir karoj toun uajao, nitiniti
ki i en ter taulul lan Jiru-
jalem.

13 Pol ap japon, Ta me ko-
mail mamauk ki, o kaoe la
nan kapet I? Pue iet I onop
er en jalie ti, o pil kame la
nan Jirujalem pueki mmarr
en Jioua Jijoj.

14 I ari kan peiki on, kit ari
nennen lar, inta ta, kupur en
Jioua Jijoj en puai ta.

15 Katekateo je ki pena
atail kapua kan, o taulul lan
Jirujalem.

16 O joulau en Jejaria kai
pil ian kit, o re uka to Mna-
jon men Jaiproj, joulau en
maj men, me je pan pueti on
re a.

17 Kit lao lel Jirujalem, jou-
lan ko kajamo kit popol.

18 O manta Pol ian kit ko
ton Jemej; o jounkoua karoj
ian mia.

19 I lao ranmaui ir ap kapa-

kaparok ki meakan Kot uiai
on er Men liki ko ki a kauue.

20 Irail rona tar me, re ap
kapina Jiona, o katiti on Pol,
Ri at komui, nar, men Jutia
me neter me ian pojon lar;
irail ari kin kajompual ki
kaiñen o:

21 Nan a look on ir jon
komui, me komui kin pata-
pataki toun Jutia kai me ton-
tolo Men liki kai re en kaje
la Mojej, katiti ki re en ter
jirkomjaij na rail jeri, o pil
ter tataur lamalam ko.

22 Ari tatue? nan mealel
irail pan rona ta me komui
para tor.

23 Komui ari en uia ta met,
me je papan on komui: Ol pa
men mimi re at me kau lar;

24 En uk irail, o ian ir ka-
maui pena pein komail, o ian
ir puapuain, pue re en kote
ta mon arail: pue irail karoj
en aja me likom kajoi kai ar
kaina kin komui; a me ko-
mui kin ueit inen, o apapuali
kainen o.

25 A Men liki ko me pojon
lar, je intin ue on o lame tar
me re en ter apuali me tue
meakan, irail en kaliki jon
pein ir pajan en ani mal kai,
o jon inta, o jon man mop la
kan, o nenenek.

26 Pol ari uk ol ako, o man-
ta kamaue la pein i ian ir
petalon on im en kautok o,
puen kilele ti me ran akan
en uia kamaui niki lar, lel on
tom pan uiai on ir karoj.

27 Katekateo ran iju pan
niki la, men Jutia kai en Ejia

lao tiara tar i nan im en kau-
tok o, re ap kamoroe tar ara-
maj karoj o jaiki ti i,

28 Uiruiiri tar, Aramaj en
Ijrael, komail tan: Ietet ol
amen me kin patapataki kao-
kaoe aramaj uaja karoj, o
jarau, o uaja kij et; o a pil
uka ton nan im en kautok
uet men Krik kai, o kajamine
lar uaja jarau uet.

29 (Pue maj o re nara tar
Tropimój men Epijoj me ian
i nan kanim o, me re kiki on
Pol me uka ton nan im en
kautok.)

30 A kanim o moromoro tar
kaualap, o aramaj tana pena;
re ap jaiki ti Pol, o jikon i ue
jon im en kautok o: o uanim
ko ap matan riti ti.

31 Irail pan kame la i, ron
ap pe ton joumaj en jounpei
kan, me Jirujalem moromoro
tar kaualap:

32 I ari matan uk jounpei
kai o jenturion kai, o matan
ti ton ir: ir ari nara tar jou-
maj o, o jounpei ko, re ap liki
jon ar uokiuki Pol.

33 Joumaj o kaikai on, ale
ti i, o majani i en pira ki jal
mata riau; o itok ij i, o me
a uia tar.

34 Irail ari uiruiiri tar, akai
ni eu, o akai ni eu ni pokon;
i ari jota kak tete ki me re
moromoro ki tar, ap majani i
en uijiki ton nan im en ruk.

35 I lao para ton kantake,
nan jounpei ko upor ki i pue-
ki pokon o a mokimokita tar.

36 Pue pokon o tanatan mu-
ri uiruiiri tar, Jikon ue i.

37 A ni Pol pan uijiki on im en ruk, ap intai on kapin lapalap o, I en jakara ki on komui meakot? A japon, Ko aja lokaia en Krik?

38 Kaiti ol en Ijip koa, me maj o kamoroe tar, o kalua ue on nanauel o ol pa kit me kame lar aramaj?

39 A Pol inta ta, Ol en Jutia men nai men Tarjoj, kanim eu en Jilijia, kaiti toun kanim mal eu nai: I pokipoki komui, en muet on ia en kapakaparok on aramaj pukat.

40 I ari muet on i, Pol ap u ta pon kantake o, olole on aramaj ko. Alao mole lar kaualap, Pol kapakaparok on ir nil en Ipru ki, intin ta,

IRA 22.

RI ai, o jam ai ko, en ron ai kapakaparok kin ia on komail.

2 (Irail ron me a katiti on ir nil en Ipru ki, re ap nennen lar kaualap: i ari katiti,)

3 Mealel ol en Jutia men nai, me tiki tar Tarjoj; kanim en Jilijia, a I kaikaire tar nan kanim uet impan Kame-liel, patapatak alale jon inen en lamalam en jam at ko, o poniponi Kot, raj on komail ranuet.

4 O I kaoe lar lamalam lel on kame la aramaj, jalie ti o pana lan imton aramaj ol li kai.

5 Pue joumaro lapalap, o me ti ma kin katete kin ia: me I ale jon er kijilikau en ko on ri at ko, I ap ko on er Tamajkoj, puen ua ton Jiru-

jalem me jali ti kan uajao, pue re en kame la.

6 A katekateo, ni ai koko ue, karen tor Tamajkoj ninjo-uaj, marain eu pintati ti to jon nalan jare ta imp ai.

7 Nai ari popi ti nani puel, ap rona tar nil eu peitok re I, Jol, Jol, ta me ko koma-koma kin ia?

8 Nai ari japon, Ij komui Main? A majani on ia, Jijoj men Najaret nai, me ko kin komakoma.

9 A me ian ia me utial marain o, ap majaka tar; a re jota ron nil o me lokalokaia on ia.

10 Nai ari itok, Ta me I en uia ta, Main? Jioua ari majani on ia, Pauri ta, u ko ue on Tamajkoj; nan a pan kapare on uk uajao me kaonop on uk er en uia ta.

11 A I jolar kak nar uaja aki linan en marain o, I ap taulul ton Tamajkoj, me ian ia kalua kin ia pa I?

12 Ananaiaj, ol lelapok men, me inen, me look mau jili ren men Jutia karoj me kaujon uajao,

13 Ap ko ton ia, kajikajinen ta, intai on ia, Ri ai Jol, en kilona ta uaja. Ari i klok ota I nara tar i.

14 I ari katiti ki, Kot en jam atail ako me pila tar uk pue ko en lolikon ki a majan, o utial Me Lelapok amen, o ron nil en nilan i.

15 Pue ko pan kaire kin i on toun jap karoj me ko nara tar o rona tar.

16 A met ta me ko auiaui

ki? pauri ta, o paptaij, o uiten ue tip om kan, kapakap on Jiona o.

17 A katekateo I lao para ton Jirujalem, ni uiauia kapakap nan im en kautok o, I auramen tar;

18 O nar i a katiti on ia, Kanana ta, matana ue jon Jirujalem: pue nan irail jota pan peiki on om kaire kin ia.

19 Nai ari jakara tar, Main, irail aja me I pana lan nan imton, o uoki nan im en patak kan me kamealele komui;

20 O nomui Tipen a kamata lar, nai pil u impa, mauki a kamata lar, o nikinik likau en me kame lar i ako.

21 I ari majani on ia, U ko ue: pue I pan porona ue uk nan uai, ren Men liki ko.

22 Irail ronaron i lel on jip en kajoi pot et, re ap nila ta, inta ta, En jikon ue jon japapal me uet: pue nan a jota mau i en kamaur.

23 A irail uiriuri tar, o tera pajon ar likau kai, o jaripata nani puel,

24 Kapin lapalap o ap majani i en uijiki ton nan imruk, o majani re en uokioki i kateika ta; pue i en lelapok ki me re ueiueilok ki i.

25 Irail uiauia jalie ti i, Pol ap itok ren jenturion o me u imp a, Me inen komail uoki- uoki ol en Rom, me kaik kateika tar?

26 Jenturion o ron me, ap ko ton kapin o, jakara ki, inta ta, Kalaka me kom uiauia; pue ol en Rom men ol men uet.

27 Kapin ap ko to, itok, Katiti on ia ol en Rom men komui? A japon, Iei.

28 Kapin o japon, Puai lapalap me I jalatok ki tar. A Pol inta ta, A nai me tik ki tar jalatok.

29 Me ko ton kateika ta i ap matana pajon: o kapin o pil majaka tar, a lao aja tar me i ol en Rom men, o pueki a jalie ti i er.

30 Manta, a men kalelapok inen en men Jutia ar ueiloki i, I ari lapuata o majani joumaro lapalap kan o momot en kateik karoj en pokon penna, i ari ua ti to Pol, o ki ti on i nan pon ar.

IRA 23.

A POL aupuili jili pon mot o, ap inta ta, Ri ai ko, I tataur eta meapon on Kot lao lel ranuet.

2 A joumaro lapalap Ananaij majani me imp a re en pikir au a.

3 Pol ap intai on i, Kot pan pikir uk, malaun amen koa: ta, koa mot on katekateik ia jon nin kateik o, ap inta ta I en pikir ta jo inen?

4 A me toun imp a inta ta, Ko pan nanau juit on en Kot a joumaro lapalap?

5 Pol ap inta ta, ri ai ko, I jaja me i joumaro lapalap: pue nan a intini ti er, Ko ter nanau juit on joumaj en omail aramaj.

6 A Pol tiara tar me akai ir Jatuji, o akai Pariji, ap katiti nan momot en kateik o, Ri ai komail, Pariji amen nai, I tiki

tar Pariji: ai kajikajik me
joujou kan pan mauri ta me
I ap katekateik ki.

7 A katiti ki tar me, Pariji
ko o Jatuji ap akamai pena:
ari momot o me mue pajon.

8 Pue Jatuji ko kin katiti ki
me jota me pan mauri ta, pil
jo tounlan, jo neni; a Pariji
kin katiti ki me nan mealel
eta karoj.

9 A nan moro tar kaualap:
o jounintin ko me kijan Pa-
riji kajinen ta, kapakaparok,
katiti, Jota tip en ol men et
me je tiar: a ma nen eu o
tounlan kauat on i, kitail ter
kaontonkoma Kot.

10 Irail moromoro tar kaua-
lap, kapin lapalap majak pue
Pol te tapon pajon, ap maja-
ni joun pei kai en ko ti on
kelail koli ti i ua to jon nan
pon ar, o ua ton i nan imruk.

11 Katekateo nipon nan Ji-
ona o para tar imp a, majani,
En popol Pol: pue tuen ko-
mui kaire kin ia Jirujalem, i
tuen kom pan pil kaire kin ia
Rom o.

12 Alao ran pajon, men Ju-
tia kai ap inau ki pena kau
lar, me re pan jolar nom o
nim, re lao kame lar Pol.

13 Irail para jon me pa ek
me inau ki pena me.

14 Irail ko to ren joumaro
ko, o me ti ma, katiti, Je
inau kin pein kit pena, kau
lar kaualap, me je jota pan
nom o nim je lao kame lar
Pol o.

15 Komail ari ian momot en
kateik uet, en kapi on kapin o
i en ua ti to on komail i lakop,

uituitina komail men kaleka-
lelapok ki i: a kit pan kame
la i, a koko to.

16 A uauan Pol jeriman
amen lao ron ar ruki i, ap pe-
talon on imruk kaire ki Pol o.

17 Pol ap eker a tor jenturion
amen potoon on, En kare on
putak men et ren kapin o:
pue a meakot mia me a men
kaire ki on i.

18 I ari uk i, kare on i ren
kapin o, inta ta, Pol o me jali
ti men eker ia ton i, o poki ia
en ua ton komui putak men
et, me a meakot mia me a
men kaire kin komui.

19 Kapin o ap iti pa a, o ko
ie lar uaja rir, kalelapok, Ta
me ko men kaire ki on ia?

20 I ari katiti ki, Men Jutia
kai inau ki penan poki ko-
mui en ua ti ton momot o Pol
lakop uituitina me re men
pur on kalelapok re a.

21 A komui ter peiki on ir:
pue pan me para jon pa ek
ir me rukiruki i, me inau ki
pena kau lar me re pan jolar
nom o nim re lao kame lar
Pol o; a irail majamajan ko-
mui pan mak on ir.

22 Kapin o ap katara la pu-
tak o, inapui iti i, Ko kalaka
pue ko te kaire ki meamen
me ko ap kaire ki on ia.

23 I ari eker a to jenturion
ria men, majani, Koma en
kaonopa ta jounpei ria puki
men ko on Jejaria, o pil me
taka oj ijia kan, o me ua ka-
tiu ria puki, ponapon uet ni
klok ejil;

24 O pil kaonapa ta man kai
me re en ki tan po a Pol, o re

en ua ton i kanikinik ren Pilik joumaj o.

25 A pil intin kijilikau me tue met:

26 Nai Klautioj Lijiaj, me intin ranmau ue on Pilik, joumaj lelapok amen.

27 Ol men et me men Jutia jaiki ti, o a pan kame lar re ir; nai ari uk jounpei kai kapiti lar i, rona tar me i ol en Rom men.

28 A ni ai kalekalelapok ki ar ueiueiloke i, I ap ua to i ren ar momot en kateik o:

29 Nai aritiara tar me a kapakon ki on tuen ar kapon, a, me a jota kapakon ki on men kare ta i en kame la, o jali tar.

30 I lao aja tar me aramaj rukiruki ol o, I ap pitipit katara lan komui i, o majani me ueloki i kai en kaire ki ue on komui arail kainakin i. Ranmau.

31 Jounpei ko, tuen a kauat on ir, ap uk Pol, o ua to i ni pon ko ton Antipetroj.

32 Manta re liki on i me taka oj ko, re en taulul ki ue i, a irail puro ton imruk o:

33 Irail lel on Jejaria, o ki on kijilikan o ren joumaj o, ap kajale tar Pol o.

34 Joumaj o lao toropua tar kijilikau o, ap itok, toun ia ol men et? A lao aja tar me i toun Jilijia;

35 Ap majani, I pan ron uk me ueloke iuk ko lao para tor. I ari majani i en nikinik nan mol en Erot o.

IRA 24.

KATEKATEO ran limau Ananaiaj joumaro lapa-lap ko ti to iana ki me ti ma kai, o jounlokaia men, me at a Tertoloj, irail ueiueiloke Pol ren joumaj o.

2 Pol lao uijiki tor, Tertoloj ap pikiki ti ueloke i, katiti, Je meit pail kaulap omui kakaon mau, o kajuit kai kokoka jon toun jap uet, pueki omui katak kupukupura,

3 Kit ari kapikapina komui, Main Pilik, at pail jon komui anjou karoj, o uaja karoj.

4 Ari jo, pue I tè kaponai komui I poki komui en kau kupuramau, me ani at jakajakara tan komui ekij.

5 Pue je tiara tar me ol men et me lemai, o me kamoromoro pena toun Jutia karoj, papan eta koko ue lel imuilan jap o ari, o me i joumaj en joun Najaret ko:

6 Me pil ko ie ton kajaote lar im en kautok o: i me je koli ti, pue je en jon kin i at kateik.

7 A kapin Lijiaj tana ton kit, jikon kit pajon, komat uon ki ue jon i ni pa et,

8 Majani me ueiueiloke i en poto to re omui: a komui kalekalelapok re ir kom pan pein me ani meakan, je kin kainaki i.

9 A toun Jutia ko pil katete ta, inta ta, nan mealel meakan.

10 A joumaj o lao olole on Pol en kaparok, i ari kaparok

inta ta, I aja tar me par neter komui kin kapokapon toun jap uet, i me I ap popol ki tar ai pan kapakaparok ki pein nai:

11 Pue komui en me ani, me pon naul ria pon me I ap ko ta lan Jirujalem puen kautok.

12 Irail ari jota kin nar ia nan im en kautok o akakamai on aramaj men, pil jo kamoromoro ta aramaj, jota nan im en patak ko, pil jota nan kanim:

13 O re jota pan kak kamaue ta meakan re ap kaina kin ia.

14 A met me I men katiti on komui, mealel tuen re inta ta me likom, nan i tuen I kin kaukautok on Kot en jam ai ko, kamekamealele meakan me intini ti on nin kijilikau en kapon o joukop ko:

15 O I kaporapor ki Kot, me irail pil kamealele, me joujou kan pan mauri tar, me mau me juit karoj.

16 A meit I jonojon, pue I en meapon on Kot, o on aramaj.

17 Katekateo par me neter I ap ua ko to ki on toun jap ue I kijakij kai, o koleir.

18 O toun Jutia en Ejia ko nar ia nan im en kautok uia-
uia kamaui ia, jo pokon, pil jo moromoron.

19 Mak eta irail en mimi met re omui, en ueiueiloke ia, ma ar men kaina kin ia mia.

20 A me pukat re inta ta, ma me juit kot re nar ia re I, ni ai momot on momot en kateik o,

21 Ma jo jip en katiti pot

et, me I kin u nan pon ar katiti ki, Me joujou kan pan mauri ta, i me I ap kapakon ki on komui ranuet.

22 Pilik rona tar meakan puen tete ki tar lamalam ap kajau ir ue, majani, Lijiaj kapin o, lao para tor I pan kalekalelapok ki kainen omail.

23 I ari majani jenturion amen en kolakol Pol, o katar i en janjalatok jili, o en ter inapui jon ion a kai en ko ton apuali i.

24 Katekateo murin ran ako, Pilik i Trujila a paut, li en Jutia men, ap moliipe to Pol, o karona i a kaueue ki lamalam en Jijoj.

25 A ni a kapakaparok ki kapon, o kainon mau, o kateik me pan ko to, Pilik ap majaka tar, o majani, U ko ue anjou uet; I lao pijoki lar, I pan eker uk to.

26 A pil kaporopor ki me Pol pan puain on i puen lapua tar: i ari purepure ekera to i, o kajokajoi re a.

27 A katekateo par riau Porjioj Pejtoj japuila tar, uilian Pilik: o Pilik men mak on toun Jutia ko, ap kaje ti Pol jali ti.

IRA 25.

Pejtoj lao para tor nan uei, ejil en ran ap koti ta lar Jirujalem jon Jejaria.

2 Joumaro lapalap o joumaj en Jutia ko ueiloke Pol re a, o pokipoki i,

3 Poki i en mak ki on ir

kaokaoe Pol, pue a en ekerja
ton i Jirujalem, ir ari pan
ruki i a ueit koko to.

4 A Pejtoj majani, me Pol
pan nikinik Jejaria, o me i
pan matana ue on ia.

5 A majani, akai komail me
kak ian, en ian ia-ko ti la,
ueiloke ol o, ma tip a mia.

6 Nan a kotikot re irail pon
uail pon te naul, ap koti ti
lan Jejaria; o manta kaipoki
ti pon pajapaj en kateik, ma-
jani Pol en uijiki to.

7 I lao para tor, men Jutia
ko me ko ti to jon Jirujalem
ap kapil pena Pol, o kaikai-
naki i kaualap me juit kan
me re jota kak kamaue ta.

8 I ari kapakaparok ki pein
i inta ta, Kaiti kainen en
men Jutia ko, pil kaiti im en
kautok, pil kaiti Jija, me I
uia tip on er.

9 A Pejtoj men mak on men
Jutia ko, majani on Pol itok,
Ko men ko ta lan Jirujalem,
puen jon on meakan re I?

10 Pol ari japon, I tara lar
kateik en Jija, uaja mau I en
jonojon: jota me juit me I
uia on men Jutia, tuen ko-
mui tete ki er.

11 Pue ma tip ai mia, o ma
I uiai er me uar kame la, I
jota pan kan kame la: a ma
jo mealel me mepukat kaina
kin ia, jota me pan katar ia
lan ir. I ap tara lan Jija.

12 Pejtoj lao kalelapok ren
momot en kateik o, ap ma-
jani, Ko tara lan Jija? Jija
ari me ko pan ko on.

13 Katekateo eu ran, Akri-
pa nanmaraki, o Pernij koti
ton Jejaria puen kalolmani
Pejtoj.

14 Ira kotikot uajao pon to-
to lar, Pejtoj ap kaire ki on
nanmaraki o Pol, majani,
Nan ol amen mi uet me Pi-
lik kaje ti a jali ti:

15 Me joumaro lapalap ko,
o me ti ma en Jutia kaire kin
ia, ni ai potapot Jirujalem,
anane I en kateika ta i.

16 Nai ari japon i, Nan kaiti
tuen Rom en katara lan ka-
me la meamen, me jo nara
penan me ueiloke kai, o a
jalat on kapakaparok ki pein
i tuen ar ueiloke i.

17 Irail ari para tor, manta,
nai me matan kaipoki ti pon
pajapaj en kateik, o majani
ol o en uijiki to.

18 A me ueiloke i ko u tar,
nan jota meakot me I tete-
kopa tar me re kainaki i:

19 A re kainaki i me tuen
pein ar kamijik kai, o tuen
Jijoj me me lar, me Pol kati-
ti ki me a iaja tar.

20 Nai ari ponapon ki tuen
peitok ka, I itok re a me a jo
pan ko ta lan Jirujalem, ka-
teika ta uajao, tuen me pu-
kat.

21 A Pol tara lan kateik ren
Akojtoj, nai me majani i en
nikinik I lao katara lan i
Jija.

22 Akripa ap majani, I men
karona ol o. A majani, la-
kop, kom pan ron i.

23 A manta, Akripa i Pernij
lao para tor, o kapuat kana-

lap, koti lan on im en kaparok o kapin ko, o joumaj en kanim o, Pejtoj ap majani Pol en uijiki to.

24 A Pejtoj majani, Main Akripa, o komail karoj, komail majani ol me uet, me toun Jutia karoj, kin impimpai on ia nan Jirujalem, o pil met, katiti ki me a jota uar kamaur.

25 A I tiara tar me jota me a uia tar me uar kame la, o me a taralan Akojtoj, nai ari lame tar en katara la i.

26 A jota me I en lelapok ki re a me I en intini ue on nai joupeti. I me I ua ton i komui, ie komui ta main Akripa, pue, a lao jonojon ai men intin ki ue en mia.

27 Pue I kajopon ki en katara ue me jali ti men, a jo kilele ki ti kainakepa.

IRA 26.

AKRIPA ap majani on Pol, koa me jalatok en kapakaparok ki pein uk. Pol ari kapa ue pa a, katete tar pein i:

2 I ap peren ki tar, main Akripa, ai pan pein katete kin ia re omui ranuet tuen meakan men Jutia ko kin kajna kin ia:

3 Pueki komui me era ki lar lamalam karoj o kapeitok en men Jutia ko: nai ari poki komui kupukupura en ki to karon omui.

4 Ai uiauia koko to me tapi ta Jirujalem ren jòu I ko, toun Jutia karoj kin aja;

5 Ma re men inta ta, pue re

ajai ia maj koko to, me I kin uiauia Pariji alale jon kaualap atail jarau.

6 A iet nai me u jonojon ki kaporapor eu me Kot inau on jam atail ko:

7 Nan i inau eu me atail kainok naul riau, kin papa Kot niran nipon koko to, kaporapor ki me re pan puai on. Main Akripa, nan pueki kaporapor uet, me toun Jutia ko kin jonojon kin ia.

8 Ta me komui aka jo kaka ki me Kot pan kamauri ta joujou karoj?

9 Maj o I kamealele ki kaualap, me I en uia ta meakan me kaokaoe mmarr en Jijoj men Najaret.

10 Nan meakan I uiai er nan Jirujalem: o joulan netter me I kaje ti nan imton, puili jon er joumaro lapalap ko; o re kame lar nai me kapia tar.

11 I komakoma ir pan pak toto nan im en patak karoj, o koiton on ir en lalaue: o nai me linaranar kaualap pa irail, I kin koma ir lel lan kanim en iau kai.

12 Uiauia me ni ai koko on Tamajkoj puili jon er, o pakatara lar jon joumaro lapalap ko,

13 Main nanmaraki, ninjouaj I ap nara tar nani al o marain, eu jon nalan, me linan mon katipin me jenjere fa imp ai, o me ian ia kai.

14 Kit karoj popi ti er nani puel, I ap rona tar nil eu katiti ki on ia, nil en Ipru,

majani, Jol, Jol, ta me koa koma kin ia? me kamatok om jipete teok kai.

15 Nai ari itok, Ij komui Main? I ari majani, Nai Jijoj me ko kin komakoma.

16 Koa ari en pauri ta, kajinen ta: pue i me I para ki ton uk, puen kajapuul uk ta, pue ko en jounkaueue men, o kaire ki meakan me ko nara tar, o meakan me I pan kapara ton uk:

-17 Tontoro jon uk ni pa en aramaj kan, o Men liki ko, me I ap katar uk ue on,

18 Puen kapaat pajon majar, o kapure ton ir nan marain jon nan rotarot, o jon ni pa en Jetan ko ton Kot, pue re en lapua jon tip ar kan, o ian tunole ren me makolakol ki tar ar pojon ia.

19 Ari main Akripa nan I jota mamala ki kajanjal en nalan o:

20 A I tapi on pataki toun Tamajkoj, o Jirujalem, jap en Jutia kan, I ap pataki Men liki irail ko, eu kalu la, o uikitik on Kot, o uiauia me kon on injino.

21 Nan i me toun Jutia kai jaik ia ki ti nan im en kautok o, o re pan kamai ia la.

22 Nai ari katinain tar jon Kot er, I ap lela ton ranuet, patapataki me laut o me tikitik kai, meakan eta me joukop ko o Mojej kopa tar:

23 Me Kraij pan kamata lar, o me a pan tapia tar joujou kai iaja tar, o me a pan jere ta aramaj, o Men liki ko.

24 A ni a katete ki pein i tue met Pejtoj ap nila tar, majani, Pol ko meit iaka lar; patapatak me kapuepue uk tar.

25 Pol ari inta ta, I jota iak, main ijou Pejtoj; a I kin katiti ki tar kajoi mealele o kanonama kai.

26 Pue nanmaraki kin me ani er meakan, me I kin katiti ki on jo majak: pue I kajauia tar me jota meakot en meakan me riri jon i; pue nan me jota uiaui nan kaim en.

27 Main, Akripa, komui jo kamealele joukop ko? I aja me komui kin kamealele.

28 Akripa ap majani on Pol, me tar ekij ko pan kainon ia en joulau la.

29 Pol me katiti ki, I ap non ki on Kot pue komui, o karoj me ronoron ia ranuet, en tue ta nai kaualap, jalamata kai ieramen.

30 Erer a katiti ki tue met, nanmaraki o ap u tar, joumaj, o Pernij, o me toun ian o:

31 Irail keleip la ir ari kapakaparok nan pon ar, inta ta, Nan ol men et jota kin uia ta me uar kame la o jali ti.

32 Akripa ap majani on Pejtoj, Ol men et pan lapua ta ma a jo tara lan Jija.

IRA 27.

KATEKATEO alao kajauia tar me je en jerok ue on Itali, re kajila ki Pol, o akai me jali ti, Julioj jenturion amen, kijan pokon en Akojtoj.

2 Kit ari kara ta pon jop pot en Antremitiom, ap majala ue, lame ta me je en tanatan niman Ejia; Arijtarkoj men Tejalonika en Majitonia men me ian kit.

3 Manta je jip Jaiton. O Julioj me katak on Pol, lapua ta i en ko on ren joulau ko puen kajarloleit.

4 A kit majala uar jon uajao, ap tanatan niman Jai-proj aki an me karope.

5 Kit tanatan kote to lepen jet en Jilijia o Pampilia, je ap para ton Maira, kanim en Lijia.

6 I uaja jenturion o tiara tar jop en Alekjantria pot me majal lan Itali; i ari kajau on kit po a.

7 A kit papuant koko to pon toto, o je mot jaik kaine-ne Knaïtoj, an me kaoe la, kit ari tanatan niman Krit, pon anin Jalmoni;

8 Kit ari kelail tauli, je ap lela ton jap eu me at a Per Epen: kareni Lejia kanim eu.

9 Katekateo lao uarai lar o me kalonk jerok jili pueki muein kaijol niki lar o ari, Pol ap panau irail,

10 Katiti ki, Main ko I tete-kopa ta me jailok uet pan im juiti la kaulap, kaokaoe aute-pan jop et, o maur at.

11 A jenturion peiki on kapin en jop o, jo en Pol a panau.

12 A kapatau o jota mau on kamol ia nani par, irail impan karoj kaparok ki re en ko ie la, ma re pan kak lel on Pi-

nij, o kamol ia; kapatau en Krit me kainene nanpon airi-lan o kapilan.

13 An en airilan u tikitik, re kiki on me re puai tar, ap apia tar paipon majala ue, tanatan niman Krit.

14 A matan melimel kalai-mun u ta, me at a Iurokliton.

15 A jop lao tona lar, o jo kak on nan kijinian, je kappanane katara la i.

16 Tanatan niman Kauta kijin toke eu, je pan kak apia ta pot o:

17 Me re lao apia tar, re ap kamakamaui, ki ti on jal kai pan jop o ari; o re majak pue re te jara ta ni paina o, re ili ti, kit ari punipunitok jili.

18 Kit punipunitok ki jili kaulap an o, manta re kama-rara tar jop o;

19 A ran kajilu lar je kaje ki lar pein pa at kapua kai en jop o.

20 Katekateo ran toto lar jota katipin, jota uju, o melimel kalaimun u ton kit, o jolar kaporapor en piti la.

21 Pol kaijejol la uarai lar ap para tar nan pon ar, kati-ti ki, Main ko, mak eta ko-mail peiki on ia er, jo majala tor jon Krit, pue je en ter lela ton kaopa at.

22 Ari I ap nitiniti ki ko-mail en kaporapor mau: pue nan jota me pan me la, jop ota pan olar.

23 Pue ponapon uet tounlan en Kot, me na nai, o me I kin papa, me u imp ai,

24 Majani, Pol ter majak; ko pan uijiki ue on Jija; o,

nar, Kot me ki on uk er me ieian uk kan.

25 Komail ari en injinimau: pue I kamealele Kot, me a majan pan puai tar.

26 Ari, kitail pan jara tar nin toke eu.

27 A katekateo pon naul pa pon lar, kit me punipunitok jili nan jet Etria, ni ailep en pon tounjop ko kajauia ta me je karenia jap eu;

28 O re jona tar tiara tar, me nap riari jok: o re kai la ekij uaja, o jona tar tiara tar me nap ejok limau.

29 Kit ari majak pue je te jara ta pon takai ko, re kaje ti paipon paiu jon ni murin jop, ap kapakap ki en ran pajon.

30 A toun jop ko pan ruki pajon nin jop o, re lao api iti pot eu nan jet, uitiuitina re pan kaje ti paipon kai ni mon jop o,

31 Pol ap intai on jenturion o o jounpei ko, Ma irail pukar jo mimi ta nin jop o, re jota pan kak kamauri la.

32 Tounpei ko ap loke jon pot o, kape la o ari.

33 O uaja ran koko to Pol ap potopotoon on irail en mona, katiti ki, Nan a pon pa pon lar komail kin uiaua, kaijejol lar, jota mona.

34 Nai ari panaui komail en mona: pue i me mau on komail; pue nan jota pit en ual pit pan popi ti jon meamen komail.

35 A katiti me uet, ap alepret, jakara ki on Kot ni

mo irail: i lao nene pajon, ap mona.

36 Irail karoj ap injinimau lar, o pil mona.

37 A kit karoj mi nin jop o me tok on ria puki ijia kan uona men.

38 Irail mona meti er, re ap kamarara tar jop o, kaje ti on matau uan plaua.

39 Alao uaja ran pajon, re jaja jap o: o re tiara tar kapatau eu, me oror mia, i uaja re lame tar en jikon on ia jop o, ma re pan kak on.

40 Irail apia tar paipon ko, kape tar ir, o lauata tar men ilil, o apia tar jerok laut ni an o, o kainene ton jap o.

41 O popi ti on uaja iluk riau kin punipun pena re kajara tar jop o; a moa tona lar, o jo kak pe jon, o muri o jon ki iluk laut ko.

42 Jounpei ko potoon on me jali ti ko en kame la, pue re te pampap piti la.

43 A jenturion o men kamauri la Pol o, koli ti ir jon ar pan uia ta; o majani me aja pampap nan pon ar en luiji ti on nan matau, pap ue on jap o:

44 A me teko, akai pon tinap ko, o akai pon jip en tuka kai o ari. Nan a puai tar me irail karoj nikinik lela ton nan jap o.

IRA 28.

KIT lao piti lar, je ap aja tar me toka o at anaki Melita.

2 A tou a rotarot ko me kakak on kit kaualap: pue re

jaun tar kijinia, o kajamo kit karoj, pueki katau moramor, o pueki kapau.

3 Pol uajai tui pena, o ki ti on er a kop en tui nan iai, maniran men luji ta jon nan iai, o ton on ni pa a o.

4 A me rotarot ko ututial man kamatok o tonoton ni pa a o, re kajokajoi nan pon ar, Mealel ol men et me kame lar aramaj, a piti jon er nan matan, a nan a karia lar puen kame la.

5 I ari jipeta jon man o nan iai, o jota kamatok.

6 Irail ari majamajan ma a jo pan umpuja ta, te popi ti, me lar: a re majamajan uarai, o nar me a jo juiti on, re kauikita lar ar lamalam, o katiti me i ani men.

7 Joupeti en toka o kin jap anaki uajao, me mmarr anaki Poplioj, me kajamo kit, o apapuali kit ran jilu.

8 A jam en Poplioj me uonon ki a karakar, o pek inta; i me Pol ko ton re a, kapakap ki, puil pa a po a, kakela tar i.

9 Men en uiaui er, akai me joman nin toka o ap ko to, kakela tar:

10 O re pil kakakin kit kaulap; kit lao majala uar, irail ari ki tan pon jop kapi nuar atail kajompual.

11 Katekateo jounipon jilu je iana lar jop en Alekjantria pot, me kamol nin toka o, me kilel a Kajtor o Polok.

12 A je kari ti Jairakuj, o kairu uajao pon jili pon.

13 O jon uajao je pitok tanatan lela ton Rijiom: o manata an air iripoki to, o pon ta pon je lel on Putioli:

14 I uajao je tu on ia joulan kai, me poki re at je en monti re irail pon iji pon: kit ari tanatan koko ton Rom.

15 O joulan kai en uajao lao ron ki tar kit, re ap ko to tu on kit niman Appii Porom, o Im Kairu Jilu; Pol lao tiar ir tar ap kapina Kot, o kaporapor mau lar.

16 Kit lao lel Rom, jenturion o ap katara lan kapin en jilepa kan, me jali ti ko: a Pol me jalatok kaukaujon toror, jounpei men me jinjila i.

17 Katekateo ran kajilu Pol ap eker a pena jomaj en men Jutia kai: ir ari pokon pena, i ari katiti ki on ir, Ri ai ko, nan jota me I uia tar kaokaoe aramaj ko, o lamalam en jam atail, nai ari jaliti pakatara ton ni pa en men Rom kai jon Jirujalem.

18 Irail kalekalelapok kin ia, ap pan katar ia la, pueki jota tip ai I en kame ki la.

19 A men Jutia ko kaontonkoma, nai ari tara lan Jija; kaiti pue ai men kaina ki toun jap ue I mia.

20 I me I eker a ki to komail pena, pue I en nar komail, kajokajoi re omail; pueki en men Jutia kan ar kaporapor me I jalie ki ti jalmata uet.

21 Irail japon i, Kaiti kijilkau me je ale jon Jutia kaire

kin komui, pil jota joulān
men me ko ti to me kaire ki
o katiti ki me rau om mia.

22 A je men karonā jon
komui me komui lamalama:
pue jou uet, je aja tar me re
kin kaokaoe ni uaja karoj.

23 Irail kakalik on i ran eu,
pokon me neter ko penan i
nan im a; i ari kaueue on ir
o katiti ki tuen muein Kot,
kapakaparok ki on ir Jijoj,
jon nin kapon en Mojej, o
joukop ako, tapi ta nimanjon
lao lel ninjoutik.

24 Akai ir me kamealele a
patak, a akai kalikoma.

25 Irail ari jota kak mini-
mini pena nan pon ar, re ap
mueta pajon, Pol katiti ki jip
en kajoi pot, Mealel joukop
Aijea kopa tar Nen Jaraui ki
on jam atail ako,

26 Majani, En ko on aramaj
pukat katiti, Komail kin ron,

a jo lelapok ki; o nanar, a jo
tete ki;

27 Pue aramaj pukat meit
lol juiti lar, o jalon arail po-
napon lar, o maj arail me re
kapata pena; pue re te nara
ki uaja maj ar, o ron ki uaja
jalon ar, o aja ki nan kapet
arail, o japala to, o I en ka-
kel ir ta.

28 Komail ari en aja ta, me
maur jon Kot meit mueta lan
Men liki ko, o me re pan pei-
ki on.

29 I lao katiti ki me pukat,
men Jutia ko ap ko pajon, o
kapakaparok nan pon ar kau-
alap.

30 A Pol me kaukaujon par
riau nan im eu me a ijija; o
apapuali karoj me ko ton i,

31 Kaueue ta muein Kot, o
kaire ki meakan tuen Jioua
Jijoj Kraij, jo majak, pue jota
me inapui iti i.

KIJILIKAU EU ME POL UANPORON MEN ME INTINIA LAN MEN ROM KAN.

IRA 1.

P**OL**, papan Jijoj Kraij men, me paek er en uia uanporon men, me katoror on papa Bonmau ren Kot,

2 (Me a kop ki tor na joukop kan nan paipel,)

3 Tuen tiak kan en Na Jijoj Kraij atail Jioua, me uia lar joun Tepit, a irair on aramaj;

4 O me katete ki tar me a Nain Kot a manaman, uta o iaja tar jon a mata lar, monin pan Nen Jarai:

5 Me kit ale jon er at paii o koa uanporon lar, puen pataki ton ni lamalam ton jap karoj pueki mmare:

6 Me komail kija me paeker pan Jijoj Kraij:

7 Komail karoj mi Rom, kompokepan Kot: me paeker en uia joular lar; ranmau on komail o pol me ren Kot Jam atail, o Jioua Jijoj Kraij.

8 I ap moai on kapina ki Kot, pan Jijoj Kraij pueki komail, omail peik me kalook jili lel penan jap karoj.

9 Pue Kot me katetepa I, me I kin papai on en Na a kaponlol, pue I jota kin tuki ti jon ai uia kapakap kin komail;

10 Pokipoki, pue I en kalook mau on komail pan kupur en Kot.

11 Pue I non on utial komail, pue I en katunole kin komail ekij lamalam, pue komail en tinain ta.

12 Ienta, pue I en kajarloleit re omail, pueki atail jou ta eu.

13 Na, ri ai ko, I men kaire kin komail tuen pan pak me neter I lame tar en para ue on komail, (ap jaik pakatar la,) pue I en puaijalj re omail, tuen ren Menliki te ko.

14 Pue nai me puaiquant on men Krik, o me rotarot kan: o on men lolikon, o on me jo lolikon kan.

15 Pue tuen a pan kak pa I, I en pil kaueue on komail mi Rom lamalam.

16 Pue I jota kin nomanoki lamalam me ren Kraij, pue nan i en Kot a manaman on kamauria ta me peik karoj; mo ai on Ju, ap itar on men Krik.

17 Pue nan kapona ta eu ren Kot, me katiarok ki tar, kapon en peik koko ta tuen a intini ti er, Me kapon ki lar kan pan kamaur ki la peik.

18 Pue en Kot a onion me

MEN ROM KAN, 2.

uitoki ti jon nalan pon men jan Kot kan o me tipan kan ren aramaj, me kin kolakol mal lamalam;

19 Pue tuen me parapara ta me janjal on irail; pue Kot me kajanjale on ir.

20 Pue mearir kan, ira jon ni tapin kua me janjal kaua-lap, me kajanjal ki tar me a uia tar kan, ienta, a manaman potapote ta, o a Inajot; irail ari me jolar peikitepa rail:

21 Pueki irail aja tar Kot ap jo uia ani ki i, o pil jota majak tol a; a re aklemai ki on i, nan kapeti rail ap rotarota la.

22 Irail akeri ki pein ir, ap lampon lar,

23 Irail kauikia lar linan en Kot, me jo kauik, on mom en aramaj, o mom en manpir kai, o man alu ki pa, o man karop kan.

24 Nan i Kot me muet ki lar irail en kajamin lar puen kajaute la pein uar arail nanpon ar:

25 Me kauika tar mealel ren Kot on likom, ap poni tipijo mon Kot, me iajanai potopote ta. Amen.

26 Nan i me Kot mueta la kin ir on inon juit kan: pue a lel on arail li kai en uiki jon ira rail kaokaoe ira rail:

27 Pil ol kai, liki jon iran li ap kalel nanpon irail: ol eja ta ol, me jo kon, ap pein kapoka lar nan uar arail maniti en ar uiaua kan.

28 Nan tuen irail kan kata-man on Kot, Kot ap mueta lan ir en kapi takai lar, ka-

mom on uia meakan me ka-juit;

29 Me kamom juit, jukmai, japon, norok, jempok, peirin, lollap, akamai, likom, uait, litoumonin,

30 Pilin panmoli, kajenta Kot, kan kapon lol, kinikin mal, jo oke me uia ta irail,

31 Lampon, inaujopoujok, kanoti, katiuo, uait:

32 Men kin aja kapona ta ren Kot, ienta, men kin uia me pukat, kin mau on mela, ap uia ta, o pil kapon kin ir me kin uia me.

IRA 2.

NAN i jota peikitepa om, aramaj amen koe, me kin ak en kajapone: pue ni on kajapone amen, pein koe me ko kin kajapone; pue koe me kajapone kin uiaua me tue ta aka.

2 A kitail me mania tar en Kot a kapon on me tiak mealel on men kin uia mepu kan kat.

3 A tatue, aramaj amen koe me kin kajapone men kin uiaua me pukat, ap uia ta tueta, koe kiki on me ko pan piti jon en Kot a pan kajapone uk?

4 Te ko pan mamal ki en Kot a kаланan japan, o a papataka o kokoua lar; popon jaja tiak en Kot men kamakamatarok uk on kainjino?

5 O jon ni kapetim aima lar ko kin nanak penai on uk komakom lao lel ran en komakom o en Kot a pan iteto-kenkone kapon on aramaj;

MEN ROM KAN, 2.

6 Me pan kajapal on aramaj karoj tuen ar uiaua kan:

7 Maur kariau, on men kin impimpa uiaua mau roparop uau o intinta o maur potapot:

8 A komakom o uairok, on aramaj katiuo, o jo oke meal, a me kin oke jopon,

9 O kanautok o kalokalok, on karoj me uia ta juit, moai on Ju, ap lel on Menliki kan;

10 O uau, o kaka, o pol, on aramaj karoj me uia mau, moai on Ju, ap lel on Menliki kan:

11 Pue Kot jota kin liak toror.

12 Pue karoj me uia ta me juit likin kapon pan lokitoki la jo kapon:

13 (Pue kaitin me ronaron kapon kan pan kapon ki la ren Kot, a men kin ana ta kapon pan kapon ki la.

14 Pue tatuen Menliki kan, me jo kapon mia, ap kin pein uiaua tiakan kaponepa rail, jaik kapon mia, ap kin katete ta pein ir nan pon ar:

15 Maniti en kapon en uiaua nan kupur arail, arail kainjino katete ta ar lamalam ap kapon ki, te, kajapon ki amen, amen;)

16 Lao ran en Kot pan ka-teika ki ta tip okiok kan en aramaj Jijoj Kraij tuen I kaueue tar.

17 Nar, koe Ju men me kin liki kapon, o juai ki Kot,

18 O aje tar kupur a, o a kapon ki lamalam, patapatak jon ni kapon;

19 Koe me lame ta me ko pan kalua ue me majakun kai, o me ko pan kamaraine-pan me rotarot kan,

20 O joun patakepan me lampon kan, o nainaitik me kin aja tar pali liki o papan en kapon.

21 Koe ari me kin pataki amen, ko jo pan pataki pein uk? koe me kin pataki aramaj en ter pirap, ko jo kin pirap?

22 Ko me inta me aramaj en ter nenek, ko jo kin nenek? koe me kin juit ki ani mal, ko jo kin mamal ki Kot?

23 Koe me kin kapakapaia kapon, ko jo kin ki jon Kot uau i om kin tiaki ti a kapon?

24 Pue mmarr en Kot me kamal ki lar komail ren Menliki kai tuen a intin.

25 Pue jirkomjaij me kapa-pan ma koe ana ta kapon: a ma koe tiaki ti kapon om jirkomjaij pan jo jirkomjaij.

26 Nan i me jo jirkomjaij ana ta inen en kapon, tatue? a jo jirkomjaij jo pan uatok on i jirkomjaij?

27 Tatua? jirkomjaij me pein mia tar ana ta kapon, jo pan kapon on uk me kin tiaki ti inen en kapon om papa jirkomjaij?

28 Pue kaitin i Ju men, me pali liki, o pil kaiti jirkomjaij, me mimi liki nan kili ta:

29 A nan i Ju men, me Ju loli; o i jirkomjaij mi nan kapeti; ni neni, a kaiti ni intin; me a kapinepa jota mi ren aramaj, a mi ren Kot.

IRA 3.

TA kot me Ju paili jiki jon ki tar, o ta kot me jirkom-jaij paili ki ta?

2 Paili pokon: a iet paili moa eu, pueki en Kot a kujnot kan me kanikit on irail.

3 Pue tatue? ma akai ir jo peik, ar jo peik pan kamal la kupur en Kot?

4 Kot en kaititi: ie, Kot en kopalel, o aramaj kan en me likom; tuen a intini er, Pue ko men en meapon eta ni omui mamajani, o en poe ti ni omui kapon on.

5 A ma atail jopon kaintin ta en Kot a kapon, ta me kitail en inta ta? Tatue, Kot me jopon? me kin akkaponin? (aramaj men nai me itok.)

6 Kot en kaititi: pue ma nan i tatuen Kot pan kapon on jappa?

7 Pue ma en Kot a mealel me puai ta lapalap ki lar ai likom on kalinana ta i; menta I en katete ta, tena tip ai mia?

8 A jo maka ta, (tuen atail kalook jili, o akai kin katiti ki me kit kin pataki ue,) Kitail en uia ta me juit puen kare ta me mau? nan me kanikit arail komakom.

9 Ia tua? kitail mau jon irail? Kaiti, jota mau meakot: pue je kamealele tar me Ju, o Menliki kan karoj me tipan;

10 Tuen a intini ti er, Jota meapon men, jota meamen.

11 Jota me er pit men, jota me kin min ton Kot.

12 Irail karoj me jopon lar, irail uia ki eu me mal lar; jota man meamen me uia ta meapon.

13 Kapin uar arail me por en joujou jarip pena, loo rail me re liliapai ki; uini en kamela mimi ni otot en ni rail:

14 Au ar me tir en laulaue o katik:

15 Ne ar kan marara on kamela aramaj:

16 Ota ki, o kiauik kai me manitien irail:

17 O liok mau re jaja:

18 Re jota kin majak Kot.

19 Kitail ari mani er me kapon kin kalooka ton men kin papa kapon: pue aramaj karoj en japemokit, o tipan lar ren Kot.

20 Nan i jota aramaj men pan kapon ki lar a uiaua kapon: pue kapon me tip katia-rok ki tar.

21 A anjou et pon en Kot mi likin kapon me janjal tar, a kajanjal ki tar kapon o joukop kan;

22 Ienta, pon en Kot me ren peiki on Jijoj Kraij on me peik karoj o oke; pue jota irair eu:

23 Pue karoj me tipan, o jo kak kapon ren Kot;

24 Me kapon ki lar japan mak eu, pueki kajapal eu me ren Kraij Jijoj:

25 Me Kot kajanjala tar en uia tom pan men peik ion eta men kaintinta meapon en lapuata tip kan pueki Kot me papa take o kokoa lar;

26 Puen kamealele ta a pon: kapon ki la, me peik me ka-

ponepan me kamealele tar Jijo.

27 Ari ia men kajuai ki? Nan a kariria lar. A ia ira? iran uiaua? Kaiti: a, iran lamalam.

28 Nan ie kitail aje tar me aramaj kapon ki lar peik jo ni uiaua kapon.

29 Ari tatue? en Ju kan ar Kot? kaitin pil en Menliki kan? Ie en Menliki kan.

30 Ari ma Kot eta men pan kin kapon ki la jirkomjaij pueki peik o jo jirkomjaij pan peik.

31 Ia tue? Kitail en kin tiak ki ti kapon lamalam pueki peik? Kot en kaititi: nan kitail en kin kapuaia tar kapon.

IRA 4.

ARI ta me kitail en inta ta ki Epream jam atail pali uar, a tiara tar?

2 Pue ma Epream me kapon ki lar a uiaua kan, nan a men kajuai ki mia; a kaitin me ren Kot.

3 Pue ta me kijilikau katiti ki? Epream me kamealele tar Kot, ap uatok on i kaponepa.

4 Tatue? men totok katinepa kin uatok puaipuai, kaitin mak.

5 A on i me jo totok, ap peiki on me kapona ta me tipan, nan a peik me uatok on i kaponepa.

6 Tuen Tepit kapakapaaia ki aramaj men me Kot jolar kapoko ki on a jopon kan,

7 Katiti ki, Irail meit paii

me tip ar kan lapua tar, o me ar jopon kin puaipuai ti er.

8 Aramaj meit paii me Jioua jolar pan kapoko ki on tip a.

9 Ari me jirkomjaij eta me paii uet kin ko ton? te pil itar on me jo jirkomjaij? Pue kitail me inta tar Epream a peik me uatok on i kaponepa.

10 Ari ia tuen a uatok on? ni a jirkomjaij lar, te jaik jirkomjaij lar? Kaitin ni jirkomjaij, nan a jo jirkomjaij.

11 I ari ale kilelen jirkomjaij, kilel en kapon en lamalam, me a ale ni a jaik jirkomjaij: puen jamai on me peik karoj men jaik jirkomjaij; pue pon en pil itar on irail:

12 O pue i en jamai on me jirkomjaij lar itar on me jirkomjaij kan, o me kin alu ki ue ni, peik en jam atail Epream, me a keit loli ni a jaik jirkomjaij.

13 Pue kopon en a pan jou ki jappa. jota kopon Epream, o na kan, pan kapon pueki pon en kapon, a, pueki en peik.

14 Pue ma men uia kapon kan me joujou, nan peik me mal lar, o kopon jo pua:

15 Pueki kapon me kare ta komakom: pue uaja kapon jo mia jota jopon.

16 Nan i pueki peik puen mak; pue kopon en itar penan na katautoka kan, kaitin on irail eta me kapon mia, a on ir me peik en Epream; me jam en kitail karoj,

17 Tuen a intini ti er, (Nai me uia kin uk tapin kainok pokon eu,) ren men kin ka-

mealele er Kot, me kin kaja-pala ta me melar kai, o majania ta me jo mia kan, tena re mimi er.

18 Me kaporapor ki ni en jota me a en kaporapor ki mia, a pan jam en kainok neter; tuen kopon o, Nan i tuen katautok omui.

19 I ari kamealele tar, jo peikajal, ap jo lamalama uar a ma lar jounipar apuki lar, pil jo lamalama me Jera liki lar;

20 A jota kalikoma en Kot a kopon, pueki a kelail peik, kapikapina Kot;

21 O likia la Kot me a pan kot kapuaia ta me a kop er on i.

22 Nan i me a uatok ki i kaponepa.

23 Nan kaitin i eta a intin ki tar, pue me a uatok on;

24 A pueki kitail me a pil itar penan, ma kitail kamealele i, me kaija tar, Jijoj atail Jioua, jon a mata lar;

25 Me pana lan kamata ki la tip atail kan, ap kaija tar puen kaponepa tail.

IRA 5.

KITAIL ari me kapon ki lar lamalam, kitail ap kamol lar ren Kot pueki atail Jioua Jijoj Kraij:

2 Me kitail kajamo ki peik on mak uet, me kitail katon ki o kaporapor ki tar uaun Kot.

3 A kaitin i eta, kitail en kin kapakapaiia ki jonajon, ajaja me kalanin jonajon;

4 O kaporaporin kaikaian:

5 Kaporapor me jo kalu pueki en Kot a limpok me kamarainia lan kupur atail Nen Jaraui me toka ton kitail er.

6 Pue ni tokan jota anan atail, Kraij me matan mat ki lar me jan Kot kan.

7 Pue pala aramaj men pan pori on kamat ki la aramaj pon men: a tena akai pan pori on kamat ki la aramaj katak men.

8 A Kot me kainta ki a pok on kitail, en Kraij a kamat kin kitail ni atail me tipan.

9 Mealel kaulap, kitail kapon ki lar int a, kitail ap kamaur ki la i jon ni komakom.

10 Pue ma ni tokan atail me juit, kitail me kamant ki ton Kot en Na a mata lar, nan mealel kaulap kitail manta lar kitail ap pan kamaur ki la jon ni komakom.

11 O kaitin i eta, kitail pan polaul ki Kot ren Jioua Jijoj Kraij, me kitail paii ki tompa tail.

12 Nan i tuen aramaj me ta men me kajuit tapa ki ton jappa ap tia lar mela; o mela lel penan aramaj karoj, pue karoj me uia tar tip.

13 (Pue maj koko to lel kapon, tip me mi er jappa: a tip jota kin katete ta ni kapon jaik mia.

14 Ari jo, mela it uiaua ta jon Atam lel ton Mojej, poe ti men jo uia ta tip monin pan Atam a tiaki ti, me para moan amen pan para to.

15 Pue kaitin jopon me kaponepa mak japan paroki on

eta. Pueki nan tip en me ta men me *neter* me mela ki lar, nan mealel kaulap, mak o pail, ren aramaj ta men, Jijoj Kraij, itar *on* me *neter*.

16 Kaitin likometa me ta men ta me uia tar tip, i ta tuen mak: pue kateikepa *on* kamela me *neter*, a mak kaponepan tip me *neter*.

17 Pue ma tip en aramaj me ta men, mela poe ki ti er; nan mealel kaulap men ale kaponlol kan o kapona tar pan it poe ki ti maur Jijoj Kraij.)

18 Nan i tuen tip en me ta men karoj me kateik ki *on* mela i tueta en me ta men a kapona ta itar *on* kapon ki la aramaj karoj en kamauri la.

19 Pue tuen aramaj me ta men me *neter* tipan ki lar, i tuen me ta men a kapona ta me *neter* pan kapon ki la.

20 O pil eu, katete puai tar pue tip en katiaroka ta. A uaja jopon parapara tar ia nan mak me kalana tar kaulap ia:

21 Pue tuen tip tia la mela, i tuen mak me tia lan maur potapot, *on* kapona ta ren Jijoj Kraij atail Jioua.

IRA 6.

ARI ta me kitail en inta ta? Kitail en tataur ta tip, pue mak en kalana ta?

2 Kot en kaititi. Tatuen kitail me melar jon tip pan me maur ki?

3 Komail jaja me kitail kan me paptaij lan a mata lar?

4 Kitail ari me jaripi ti *on* i

paptaij: *on* me la, pue tuen Kraij me kaiaja ki tar jon a mela en Jam a linan, i tuen kitail en me maur ki maur kap.

5 Pue ma kitail paptaij lan i, tiak en a mata lar, kitail pan pil iaja ta tuen jon a:

6 Ajaja tar, atail tiki tar me ian i lopua tar, pue uar tipan en mokonai ti, pue kitail en jolar papa tip.

7 Pue melar men me maio ta jon tip.

8 Ari ma kitail ian Kraij mata lar, kitail mani er me kitail pan ian i kamauri la:

9 Aja tar me Kraij iaja tar jon a mata la jolar pan pur *on* mata la; pue mela jolar poe ti uiauia i.

10 Pue ni a mata lar, a mata lar pan me ta pak, pueki tip: a ni a iaja tar, a iaja tan Kot.

11 Komail ari en uia kin komail me melar jon nin tip, o me maur japal *on* Kot pueki Jijoj Kraij atail Jioua.

12 Tip ari en jolar kaon uar omail melar, pue komail en papa a *nonon* juit kan.

13 Komail ari en ter katar *on* kakon omail kan en papa tip: a en katar *on* Kot pein komail, tuen men kamauri lar kan, o kakon omail kan en papa meapon *on* Kot.

14 Pue tip pan jolar uia ta komail: pue komail jolar papa kapon, a mak.

15 Ari ta? kitail en uia tip, pue kaitin kapon me kitail papa, jo ni mak? Kot en kaititi.

16 Komail jaja meakot me

komail uti on papa, a litu komail me komail uti on papa; ma tip, uti on mela, a oke tar, uti on kapona tar?

17 Kot en kapikapina ta ki omail jolar litui tip, a met komail, jon loli oke tar tiak en patak me kit kauene on komail ier.

18 Komail ari maio tar jon tip, komail ap papa kapona ta eu.

19 Nai me inta ue met tiak en aramaj pueki luet en pali uar omail: pue tuen omail pana lan kakon omail kan en litui me jamin tipan, i tuen komail en pan on kakon omail en litui meapon on min.

20 Pue maj o ni tokan omail papa tip, komail meamor jon kapon.

21 Ari ia omail paii kan jon ni me puka me komail ap kalu ki lar? pue me pukat kin tia la mela.

22 A met jalatok la jon ni tip, uia papan Kot lar, komail me paii ni min, o tia lan maur jo tuk.

23 Pue puain en tip mela, a katin ren Kot maur jakatuk ren Jijoj Kraij atail Jioua.

IRA 7.

ARI, ri ai ko, komail jo mani er tiakan kapon, (pue nai me lokalokaia uan men lelapaniki kapon kan,) tuen kapon kin uiaua aramaj arain a me maur?

2 Pue li men me a uarok mia kin kaupin ki kapon en papaut on a uarok arain a me

maur; a ma a uarok melar, a mueta ta jon kapon en a papaut.

3 Nan i ma, a kapapaut on amen ol, ni a uarok me maur, nan a uia nenek: a ma a uarok melar, a mueta tar jon ni a kapon en papaut; ap jota nenek men ma a kapapaut on amen ol.

4 Ari, ri ai ko, komail pil me jon er kapon pueki kalepan Kraij; pue komail en kapapaut japal on amen, on i me iaja tar jon a mata lar, pue kitail en kaparapar on Kot.

5 Pue maj o, ni tokan atail mimi ni uar puel, uiauian puel, mantien kapon uiai on atail kakon kan katakataur on mela:

6 A met kitail ap mueta tar jon ni kapon, pue jalepat on mela pou lar; pue kitail en papa japal on mana kap, kaitin mana puel.

7 Ari ta me kitail en intin ta? Me juit kapon? Kot en kaititi. Jo, I pan jaja tip ma jo kapon: pue I pan jaja ilonon ma kapon jo kaloki tar, "Komail ter noroka."

8 A tip katiarok ki tar kapon kalonon ia inon juit karoj. Pue ma jo kapon tip ai jori ti er.

9 Pue maj o ni kapon jo mia I akmeapon kin ia: a kapon kalooka tar, tip ai mauri tar, I ap melar.

10 A kapon me utan kamau, nai me tiara tar me a tia lan kamela.

11 Pue tip take tor kapon.

liapai ia tar, ap kama kin ia lar.

12 Nan i kapon me inen, o kujnot me inen o meapon, o me mau.

13 Ari tatue? kaman eu tia la, ap it uia mela on ia? Kot en kaititi. A tip, puen katiaroka ta tipan, tia lan mela on ia, paki me mau kot pue tip en lapalap ki kapon.

14 Pue kitail mani er me kapon mana: a nai, mana puel, melar pina lan tip.

15 Pue me I jota mau ki i me I kin uia ta: pue me I mau ki, I jota kin uia ta; a me I kan, i me I kin uia ta.

16 Ari, ma I uia ta me I kan, nan I ana ta kapon me a me mau.

17 Ari ma I uia tar me I jo men uia tar kaitin nai me uia ta, a tip me mimi lole I.

18 Pue I aja tar jota mau kot mi re I, (ienta uar puel): pue I kin men uia ta me mau, a en ana ta me mau I jota kak on.

19 Pue me mau en me I men uia ta, nan I jota kin kapuaia ta, a me juit me I kan, i me I kin kapuaia ta.

20 Ari ma I uia ta me I jo men uia ta, kaitin nai me uia ta, a tip mimi lole I.

21 I ap tiara tar irair eu, pue ni ai men uia ta me mau me juit mimi re I.

22 Pue I kin mauki en Kot a kapon pali loli:

23 A I ap tiara ta eu kaon ni ai kakon kan, me kaokaoe kaon en lole I, kaloe ia ti on tip ni ai kakon kan.

24 Aramaj meit karia lar amen nai! ij me pan kamaio ue ia jon ni uar melar uet?

25 Nai me kapikapina ki Kot pueki Jijoj Kraij atail Jioua. Nan i pali lamalam nai me pein papa ki en Kot a kapon; a pali puel I kin papai on tip.

IRA 8.

NAN ie jolar me nai tiki tar Kraij Jijoj men kin jolar ueit ki uar puel, a uar nen en kapona ta ki la.

2 Pue iran maur en Kraij Jijoj, mana Nen Jaraui me irai ia ue jon ni ira uar tip o mela.

3 Pue me kapon jo kak on uia ta pueki luet en uar puel, Kot me porona tar Na, uia tar uar puel me tipan o tom pan tip kapona tar tip ni uara:

4 Pue pon en kapon en ana ta kitail, men jolar ueit ki uar puel, a uar nen.

5 Pue men kin ueit ki uar puel kin kaapuali tipijo en uar puel; a men kin ueit ki Neni en kin kaapuali uar nen.

6 Pue iraira uar me kame-la; a iraira nen me kamaur, o kapol.

7 Pueki uar puel me kaokaoe Kot, pue nan a kan oti on en Kot a kapon, o a jota kak on.

8 Nan i men kin ueit pali uar pan jota kak kamaiti Kot.

9 A kaitin men irair uar komail, a men irair Nen ma Nen en Kot kotikot lol omail.

Ari ma aramaj men jo naitiki tar *Nen* en *Kraij*, kaiti na i.

10 A ma *Kraij* kotikot lol omail uar melar ki lar tip; a maur *Neni* pueki kaponata.

11 A ma *nen* en me *kaiaja* tar *Jijoj* *jon* a mata lar kaujon lol omail, me *kaiaja* tar *Kraij* *jon* ni a mata lar pil pan *kaiaja* ki ta uar omail melar *Neni* me kot lol omail.

12 Nan i, ri ai ko, kaitin uar me kitail en *kamauri* ki puen impan maur *on* uar.

13 Pue ma komail mamaur ki uar komail pan mela: a ma komail kame la ki uiauian uar *Nen*; komail pan *kamauri* la.

14 Pue men kin ueit ki *Nen* en *Kot*, nan irail jeri en *Kot*.

15 Pue kaitin majak me komail ale er puen japal *on* papa; a komail ale er tuen tiak en jeri pok puen ekeker, *Papa*, *Papa*.

16 *Nen* *Jarai* me *ian* *nen* tail katiti ki me kitail jeri en *Kot*:

17 Ma jeri nan joujou: jou ki *Kot*, o *ian* *Kraij* a jou ki ma kitail *ian* komakom pue kitail en *ian* i kalinan ta.

18 Pue i lamalama komakom en nan maur uet jota pan paroki *on* linan me pan kalinane kitail la.

19 Pue aramaj anane kaualap papajan jeri en *Kot* pan maio ta.

20 Pue aramaj me pana lan mela maj kij, kaitin pueki pein irail, a pueki i me pana lan ir kaporapor;

21 Pueki aramaj pan maio

ue *jon* ni jaliti *on* mela, muet *on* maio kajalel ren jeri en *Kot* la.

22 Pue kitail mani er me tipijo karoj uiruiur pan uairok en naitik, lao lel ranuet.

23 A kaitin ir eta, kitail pil *ian*, mejenin *nen* kitail me pein uiruiur loli auiaui jeripok, ienta, uar puel en naitik japal.

24 Pue kaporapor me kitail mamaur ki la: a kaporapor ki me janjal kaitin kaporapor: pue me aramaj ututial er menta en kaporapor ki?

25 A ma kitail kaporapor ki me je jaik utial i me kitail nennen auiaui to.

26 Pil *Nen* tou *on* jojouaja atail luet kan: pue kitail jaja me kitail en kapakap ki: a *Nea* *Jarai* kin laolao kin kitail uiruiur kin kitail kaualap.

27 A me kin lolimaja me ajaja tar kupur en *Nen*, pueki a laolao ki joulan kan tuen tiak en kupur en *Kot*.

28 O kitail mani er, me uia- uia karoj kin uia ki eu me mau *on* men kin pok *on* *Kot* kan, *on* ir me paeker, tuen a tekopa tar kan.

29 Pue me a tekopa tar moa, i me a kilele ti *on* kajou *on* *Na*, pue en mejeni ren joulan pokopokon.

30 O pil me a kileleti, ir me a uoron *on*: o me a uoron *on* kan, ir me a kaponata: o me a kaponata tar, irail me a pil kalinana tar.

31 Ari ta me kitail en japon ki me pukat? Ma *Kot* tou

on kitail, ij me pan kae ki-tail ?

32 Me jo kanikit jon kitail utan Na, a me katara ton kitail i, tatue, a jo pan japan iana ki ton kitail meakaroj ?

33 Ij me pan kapon on me Kot-pila tar kan ? Nan Kot eta me kapon tar :

34 Ari ij i me kin kajapone tar ? Nan Kraij me mata lar, ienta, me japal iaja tar, me kin kaipoki ti ni pali maun Kot, o me kin pokipoki kitail.

35 Ij me pan ira ue jon kitail ni limpok en Kraij ? ta-tuen jonojon, o kamatok, o komakom, o ijejol, o jokote, o kalaualo, o kotlaj ?

36 Tuen a intini ti er, Pueki komui me kit komakome ki lar kaukaule ; kit me uatok on jip kan me kilele ti on kamela.

37 Ie ni me pukat, kit me poe ti er kaualap pueki me pok on kitail men.

38 Pue I lame tar me kaitin mela, pil kaitin maur, pil jo tounlan kai, o jo joumaj kai, o jo poe kan, o jo men mia, o jo me pan mia kan,

39 O pil jo me poe, o jo me pa kan, jota okotome, pan kak ira ue jon kitail jon ni limpok en Kot, me ren Jijoj Kraij atail Jiona.

IRA 9.

NAI me kapuka ki lar Kraij, jo liajoj ai kainjino, o Nen Jaraui katete ia tar,

2 Me I kin patoutou o injin juit kaukaule.

3 Pue I men pein karia kin ia la, o kajapoke la jon Kraij, pueki jou I pali uar :

4 Men kainok Ijrael me jeripok, uta rail ; o uau, o inau kan, o kujnot, o upai Kot, o kopon kan ;

5 O me tapia tar jam atail ko, me Kraij ip ue jon pali uar, me poe ti meakaroj, me Kot iajanai potapote ta. Amen.

6 Pue kaitin tena kopon en Kot jo puai ta. Pue kaitin men Ijrael karoj me tiki tar Ijrael.

7 O, pil kaitin ar kaparapar en Epream me irail en na jeri ki : a, Jon Aijak nom jeri kan pan ua atana ki la.

8 Ienta, men naitik ki tar uar kan, kaitin jeri en Kot ; o jeri en kopon, irail eta pan uatok kaparapar om.

9 Pue iet ueue en kopon an-jou et, Nai pan par on Jera, ap pan naitika ta na putak men.

10 A kaitin i eta ; a Ripeka lao lijean on jam atail men Aijak ;

11 (Pue ni jeri kaika ta ipui ti, o pil kaik uia ta meakot me mau te me juit, pue kupur en Kot a majania tar en puai ki ta, kaitin ni uiaua, a ni lipilipil, ren me pila tar men ;)

12 A majani on i, Nan mealap, pan papa meatik re ira.

13 Tuen a intini ti er, Jekop me I pila tar, a Ijo me I likitmalie lar.

14 Ari ta me kitail en japon ki ? me jopon ren Kot ? Kot en kaititi.

15 Pue a majani on Mojej, I pan maka ki on meamen me I men mak on.

16 Nan i kaitin ren me pein lame ta, o pil kaiti ren me tan, pue me ren Kot me a maka ki on.

17 Pue kijilikau me katiti ki on Pero, Nan iet me Nai kajapula ta ki komui, pue I en kajale ki ta komui, ai manaman, o pue mmare I en intant ki jili ni jap kan.

18 Nan i me a men kapon on a pan kin pelion, a amen a kin katiuoia la me a men tiuo la.

19 Koe ari pan itok re I, Ari ta me a kailok kin ia, Pue ij me tiaki ti a majan?

20 Ari kaiti, main, aramaj amen koe, ij koe me kin japajapon Kot? Ta, tipijo pan kin itok ren me uia tar i, Ta me koe uia kin ia mom uei?

21 Men kapal men jo kin poe ti lopon puen ki on eu mom mau, o eu mom juit?

22 Ari tatue, ma Kot men kapare ta a iai, o katiaroka ta a manaman, o papa takalar men ononop on kajapoklar kan:

23 O puen kapare ta a tir en kaponlol on men kamauri la kan me a uonop moai on a kalanan,

24 On kitail, me a uoron ton, kaitin Ju eta kan, a on Menliki kan?

25 Tuen a majani nan puk en Ojia, I pan ua at anakinai aramaj kai, me jaika ta nai; o me kompokepa I, me kaika ta kompokepa I.

26 Katekateo eu ran, jap en uaja me a katiti ki on, Kaitinai aramaj komail: nan irail pan ua at anaki jeri en Kot maur.

27 Aijea pil katiti ki er Ijrael, Ma joun Ijrael kaparaparer neter, raj on uaran pik ni oror, lulua pan kamauri la:

28 Pue a pan kaire la a tok, o kamote ki la a kapona ta: pueki tok motamot Jioua pan kapuaia ta ni jappa.

29 O tuen Aijea majani maj o, Ma Jioua en Japeot jo nikiti ti on kitail kaparapar ekij, kitail pan raj on Jotom, o kitail pan tueta Komoro.

30 Ari ta me kitail en inta ta? Pue tatue, Menliki kai, me jo rop ton kapona ta ap tiara ta kapon, ienta kapon en peik.

31 A joun Ijrael me tataur ta kapon en uiaua me jota puai on kapona ta.

32 Ari puki ta? Pueki kaitin peik me irail roparop ki, tena a uiaua en kapon pue irail kajaro ki tar kajaro eu;

33 Tuen a intini ti, Nar, I me pajone ti takai eu pon Jaion, takai kajaro eu, takai tipakolakol: a meamen me kamealele i jota pan kajaro ki tar.

IRA 10.

RI ai ko, ai kanon o laolao ki Ijrael on Kot me uet, pue Ijrael en kamauri la.

2 Pue I katete kin irail, me irail kin men kapon ren Kot, a jota tuen tiakan er pit.

3 Pue irail popon jaja en

Kot a kapon, ap u on pein uiaua kaponepa rail jota mueit on pein irail en Kot a kapon.

4 Pue Kraij me anepan kapon on kaponepan karoj me peik.

5 Pue Mojej katiti ki me pon en uia kapon, Me aramaj men ane ta meakan pan kamauri ki la.

6 A pon en kapone ta lamalam kin pataki to tue met, Ter itok lol om, Ij me pan tau ta la nalan? (puen ua ti to Kraij:)

7 Te, Ij me pan ko ti la pa, puen ua ta to Kraij? (jon a mata la.)

8 Ia katiti? Nan katiti me uo karen on uk, mi nan au om, o lol om: ienta, patak lamalam, me kit kaueue tar.

9 Ienta, ko pan ueoka ta Jioua Jijoj jon nan kapet om, o kamealele ta me Kot kaiaja tar i jon a mela, ko pan kamauri la.

10 Pue jon nan kapeti me aramaj kin kamealele ki on kaponepa; o jon nan au a me a ueoka ki tan kamauri la.

11 Pue kijilikau me katiti`ki tar, Meamen me kamealele tar i jota pan jaro la.

12 Pue kaiti irair eu ren Kot Ju kan, o Krik: pue Jioua eta me tir en kalanan on karoj me uiri lan i.

13 Pue meamen me uiri lan nmar en Jioua pan kamauri lan i.

14 Ari ia tuen irail pan uiri lan me irail jaik kamealele tar? a ia tuen irail pan ka-

mealele me irail kaika ta ron? o tatuen irail pan ron ma jo jounpatak mia?

15 A ia tuen re pan pataki ue ma re jo pakatara lar? tuen a intin ti er, Meit me kajalel ne en me kauene ta lamalam, me ua to kair en kamaur kan!

16 A kaitin irail karoj me oke ta Ronmau. Pue Aijea majani, Main, ij me oke tar at patak?

17 Nan i kamealele me ren ron, o ron me ren patak en Kot.

18 A nai me itok, Irail jaik rona tar? Ie mealel, arail kajoi me kalookalook jili ni jap karoj.

19 A nai me itok, Ijrael jo aja tar? Mojej majani, I pan kajaro ki komail aramaj tan, o kalaj ki komail kainok jo lamalam.

20 A Aijea kelail katiti ki, Nai me katiarok ue on me jo rop ton ia ko; nai me janjal on ir me jo kapeitok kin ia.

21 A on Ijrael a majani, Kaukaule nai me kapa ue pa I uarai on aramaj jo peik, o me katiuo kan.

IRA 11.

TATUA? Kot me kalika lar na aramaj kan? Kot en kaititi. Pue joun Ijrael men nai, ip en Epream, kainok en Penjamin.

2 Nan Kot jaik kalika lar na aramaj me a tekopa tar moa. Komail jo nani kijilikau me katiti ki Ilaiaj? tuen a laolao kin irail on Kot katiti ki,

3 Main, irail me kame lar nom joukop kai, o karonka lar omui pei jarau kai; a nai ta me lua, a irail pil rop en kamai ia la.

4 A ta me Kot japon ki on i? Nai me kanikiti on ia me ija kit me jo ian kelipuki on Peal.

5 Nan i tuen anjou uet lua mia kijan me pila tar kan ni mak.

6 A ma ni mak, nan kaiti ni uiaua: ma kaitin jo ie, mak pan jolar mak. A me ni uiaua pan jolar ni mak: ma jo ie, uiaua pan jolar uiaua.

7 Ari tatua? Nan mealel Ijrael jo puai on me a rop ton; a me puai on me pila tar kan, me te ko me karotone lar.

8 (Tuen a intin ti er, Kot me ki on irail en men mairi la, o maj arail pue irail en jolar nar ki uaja, o jalon arail puen jolar karona ki uaja;) lao lel ranuet.

9 O Tepit pil majani, Tepel arail en uia injarpa rail, o liti pi rail, o kapopi rail, o kariapa rail:

10 Maj arail en rota la, pue re en ter kilon uaja, o irail en kakoj pena koko la ta.

11 Nai me itok, Tatua? Irail tipikol tar pue irail en kajapoka la? Kot en kaititi: a pueki arail popi la en it kamauri la Menliki kan, puen kapopet kin irail to.

12 Ari ma arail kaliki lar it puai on jappa, a arail mom lar it puai on Menliki kan? tatuen arail it puai lar?

13 Pue Menliki komail, me I men kaikainoma, pueki uanporon men nai on Menliki ko, nai men kaintin ta ai koa:

14 Pue ma I kak on en kau-pulla to me kit eu pali uar, o kamauri la akai.

15 Pue ma arail kalika lar it kalamalam mau la jappa, arail kajapala tar, jo pan kamauri la jon mela?

16 Pue ma maj pok min, uil i pan min: a ma ua min, kajona pan pil min.

17 A ma akai kajona lipoka jon, a koe tuka olip, uoj mal, ap pauj on ir, o ian ir nom o nim pil a o maur en tuka olip;

18 Ko ter juai ki on kajona kan. A ma koa juai, nan kaitin koa me ua kalua, a kalua me ua uk.

19 Ko pan inta ta, Kajona kai tapanok ue jon pue I en pauj on.

20 Ari; jo peik me irail tapok ki lar, a peik me koa it puai ki tar on ki. Ter lamlam ilela, a en pere ki:

21 Pue ma Kot jo kamauri la kajona uta, en kalaka pue a te jo kamauri la uk.

22 Tak maj! en Kot a mak o a kaponin: on men taponok ue jon kan, kaponin; a on koa, a mak, ma koa tataur ta a mak: a ma jo, koa pan lipok ue jon.

23 A pil irail, ma irail jo potiti on jo peik, irail pan pauj on: pue Kot me kak pauj japal on irail.

24 Pue ma koe lipokok jon

ni tuka olip mal, ap japa pañj on tuka olip mau: tatuen me pukat, me kajona uta, pan pañj on pein uta tuka olip ap pan puata ta matan?

25 Pue ri ai ko, I men komail en lelapok ki kaponapon uet, pue komail te aklolikon ki mal pein komail; tuen Ijrael mur majkun lar lao lel anjoun Menliki kan it kaja-pala tor.

26 Nan i tuen Ijrael pokon pan it kamaur japal to: tuen a intini ti, Nan Kamaur men pan para to jon ni Jaion me pan kauik ue jon Jekop a kan kapara Kot:

27 Pue nan iet ai inau on irail, I lao ale jon ir tip ar kan.

28 Iran lamalam, irail me lemai pueki komail: a iren lipilipil, irail me limpok pueki jam ar kan.

29 Pue kaitin kalu en Kot a ki ta kan, o pila ta kan.

30 Pue tuen maj o komail jo peik, ap peiki on Kot, ap it puai on a mak pueki ar jo peik;

31 I tuen me pukat ap pil kamealela tar, pueki omail mak paiia lar irail en pil paiia lar.

32 Pue Kot me kapata pena irail ni jo peik, pue en maka pena on karoj.

33 Meit kamaip en Kot a katirin erpit o tetekop! tatuen a kapona ta, o tetekop meit kapuriam, tiakan a uia me jota kaintintepa!

34 Pue ij mani er kupur en Jioua? te ij me pataka ton i?

35 Te ij me pan on i meakot puen japal?

36 Pue meakaroj jamore ta i, a o mia ki i, o unjok lan i me uau en ko on eta koko la ta. Amen.

IRA 12.

RI ai ko, nai me nitinit kin komail en Kot a mak kan, pue komail en ki ta uar omail alu maur, o unjok, o me palal on Kot, me japal kon eu.

2 Komail ter kaalemonin jappa: a komail en kauilika-pa ta lol omail, pue komail en tete ki ta tiakan Kot a kapare tar me mau, o meapon, o kaunjok.

3 Pue nai jounpatak men, ap, kaupuk ki ai koa, pue aramaj men re mail en ter aklapalap ki pein i; o en impimpai ta, tuen Kot me neok on aramaj kan lamalam, amen amen.

4 Pue tuen kakon tail me pokon uia uar tai eu, a kokon kan ira pajon ki ar papa koa toror pajon nan pon ar:

5 I tuen kitail me neter ap pata pena uia uar tai eu ren Kraij, o men papa pena, amen amen.

6 Atail paii koa kan uiki pajon kitail en katokatokia ta: ma joukop men, i en tetekopa ta tuen tiakan lamalam;

7 O ma papa men, en katokia ta a papa: o ma jounpatak men en uiaua ta a patak;

8 O ma men papain, en pa-

pain: o ma men kijakija ue men, i en opampap; o ma kakaon men, en kanakanai on eta; o ma men uia mak men, en momin on.

9 En ter liajoj ki poka pena. A, jan me juit, en an la me mau.

10 Komail en pokapoka pena, amen amen en petel pena; en kaka ki amen mo om;

11 Ter tanana totok; lolin on papa Jioua;

12 En kaperen kaporopor; en nennen on jonijon; potiti on kapakap;

13 En kijakijai on joulan jamama kan; en japan kijakija.

14 En kamaui men kin uia juiti on komail: en kamaui, ter kajuiti.

15 En kapole ren men kin popol, o en mamauk ren men mauk kan.

16 En lamalam tue pena ta, amen amen. Ter aktuk la, en akopampap on aramaj mal ter aklolikon ki pein komail.

17 Ter pelian me juit on aramaj. En uiaua meapon mon aramaj.

18 Tuen a pan kakepa om, en jonti mau ren aramaj karoj.

19 Kompokepa I ko, en ter aktupuk pein komail, en mak ki me juit: pue a intini ti er, Ai koa en ikia la: nai me pan kajapal, me Jioua majania ta.

20 Meamen kailon kin uk, ma a men mona tar en ki on i kijen mona; ma a men nim-

pili tar, en ki on i pil: pue nan i tuen ko pan kamakamatarok la i.

21 En ter pali luet on me juit, en it poe ki ti me mau me juit.

IRA 13.

ARAMAJ karoj en papa me poe kan. Pue jota me poe men me jo me ren Kot: pue Kot me kajapuila tar me poe pan.

2 Meamen me kaopali monjap, kin kaonton kujnot en Kot: amen kin kaopali pan tiara ta pon a.

3 Pue me poe ti kan jota kin kamajak ki men uiaua mau kan, a men uia me juit kan. Koe ari men jolar majak en uia ta me mau, o ko ap pan intant ki pa irail.

4 Pue papan Kot men i puen kamaui uk. A ma koe uia ta me juit, en majak; pue a jota ua mal kotlaj: pue papan Kot men i, puen ikia la men uia me juit kan.

5 Komail ari en uti on ir kaitin puen majak, a pueki kainjino.

6 Nan i me komail en uia nopue: pue men papa Kot irail kaukaule on papa uet.

7 En puain on karoj meapon: en uia tounjap on monjap kan; en nopue on me nopue kin uiaui on; en majak me majak kin ko on: en ki on uau me uau kin ko on.

8 Ter puai puant ki meakot, en poka pena eta: pue meamen me pok on amen kin aute tar kujnot.

MEN ROM KAN, 14.

9 Ienta, ko ter nenek, ko ter lollap, ko ter pirap, ko ter kinekin mal, ko ter noroka; ma en poron mia, nan iet orolepa, ienta, Ko en pok on me impa om men tueta pein uk.

10 Pok jota kin kare me juit on me impa: nan i pok me aute tar kujnot.

11 O pil met, en aje tar anjou uet anjoun piri ta jon mair: pue anjoun kamauri la me karen tor.

12 Ponapon uet niki er, a ran pajon er: kitail ari en tuki ti jon uiauiian rotarot kan, kitail en ale kitipat en marain.

13 Kitail en kekeit ki ue meapon, tena niran; ter kamom juit o kamom joko, ter moromoron, ter kajoi, ter luk, ter peirin.

14 A komail ale on komail Jioua Jijoj Kraij, ter kanone la uar puen ana ta a inon on juit kan.

IRA 14.

KOMAIL en apaui me a lamlam tikitik, a ter aka-mai on.

2 Pue meamen kin mona tipijo karoj: a amen, me a lamalam tikitik, kin mona ikoik eta kan.

3 Meamen me kin kankana ta en ter kajamin ki me jo kin kan; o me jo kin kankana ta en ter kajamin ki me kin kan: pue Kot me apualia lar i.

4 Pue ij koe me kin kajakajani ionan amen? pue pein a papa me a en pon ion eta.

Mealel a pan meapon: pue Kot me kapone ta i.

5 Aramaj men kin akirapajon ran kan. Aramaj karoj en pein lamalam lame ta nan kupur a eta.

6 Meamen me moa ki ran eu, Jioua me a moa ki on; a me jo moa ki ran, Jioua me a jo moa ki on. Me kin mona, Jioua me a monai on, pue a kin kapina Jioua; o me jota kankana ta, nan Jioua me a jo monai on, ap kin kapina Jioua.

7 Pue jota meamen kitail kin mamaur ion pein i, o jota aramaj men kin melan pein i.

8 Pue ma kitail mamaur, Jioua me kitail kin mamaur ion; o kitail melar, Jioua me kitail kin melan: ari, kitail mamaur, te melar, nain Jioua kitail.

9 Pue nan i katokepan Kraij a mata lar, o iaja tar, o uiauiia maur, puen Jioua en me melar kan, o en mamaur kan.

10 Ari ta me koe kajapone ki ri om? o ta me koe kajamalie ki, ri om? pue kitail karoj pan pokon penan niman mol en kateik en Kraij.

11 Pue nan a intini ti er, Jioua majani, kau ki lar pein i, Ne karoj pan kelipuki on ia, o loo karoj ueoka tan Kot.

12 Nan i kitail karoj pan ueoka ta pein kitail on Kot.

13 Kitail ari en ter kajakajui amen amen: a mak eta aramaj men en ter ki on mon ri a kajajepa o kapopepa.

14 Nai me lame tar o aja tar

pan Jioua Jijoj me jota okotome me tiki tar jamin: a meamen me kajamine ki meakot, nan i a jamin on.

15 A ma ri om injino ki om tunole utuk, tatuen ko me jamak. En ter kaeo ki la om mona utuk, ri om me Kraij mat ki lar.

16 En kalaka pue omail uiaua me mau te kalook jili juit:

17 Pue kaitin ni muein Kot nom o nim; a meapon, o pol, polaul ren Nen Jarauli.

18 Pue me kin papa ki ni me pukat on Kraij meapon on Kot, o ira mau ren aramaj.

19 Kitail ari en kaitauen ki meakan me kin kare ta pol, o meakan me kin kamakamaui kitail pena amen amen.

20 Pueki mona en ter kaeo ki la en Kot a totok. Nan meamin meakaroj eta; nan me jamin on me kin kajamine ki mona.

21 Nan me mau en ter kan utuk, pil jo nim uain, o jo meakot me ri om kin pop ki ti, o kajopon ki, o kaluet ki la.

22 Koe ani ki er lamalam? en kamaui pein uk mon Kot. Aramaj meit paii me jo kin kajapone ta pein i a uiaua kan.

23 A meamen me peikajal ap mone tar pan karia la, pueki a nom jo peik: pue me jo tapi tar ni peik me tipan.

IRA 15.

MAKA ta kitail me ma lar ni lamalam en pilikit ue

me lamalam tikitik, a kaitin kamait pein kitail.

2 Kitail karoj en pok on me impa men puen kamaui i.

3 Pue Kraij jota kin pok on pein i; a, tuen a intinti er, Pakainak en me kainaki komui me I tikitirau er.

4 Pue me intini ti er maj o, puen pataki ton kitail me re intini ti er, pue kitail en papajan kaut kamarara ta ki kijilikau o kaporapor ki.

5 Ari, Kot en papajan o peren, en kaminimin komail pena, monin pan atail Jioua Jijoj Kraij:

6 Pue komail en kupur ta pot o lokaia tai eu kalana ta Kot, me jam en atail Jioua Jijoj Kraij.

7 Komail ari en apuali pena amen amen, tuen Kraij me apualia lar kitail on kalanana ta Kot.

8 Ari iet me I ap katiti ki me Kraij uia lar papan jirkomjaij men kapon ren Kot, puen katete tar a inau kan on jam atail ko:

9 Pue Menliki kan en kalanana Kot ki a mak; tuen a intini ti er, Pueki met I pan katete ta komui nan pon Menliki kan, o niji ki mmarmui.

10 O pil eu, a majani, En popol, komail Menliki; o tou on nai aramaj kan.

11 O pil eu, En kapina Jioua komail Menliki kan; o kalana ta i komail aramaj kan.

12 O pil eu Aijea majani, Nan ip en Jeji men nie pan para to men kauiaua Men-

liki kan; nan i me Menliki kan pan peiki on.

13 Ari Kot en kaporapor katire kin komail peren ó pol ni lamalam pan Nen Jarai manaman.

14 O pein nai pil katete ki komail ri ai ko, me komail tir en kamau o autaut lamalam, o me koioki on panapanai pena amen amen.

15 Ari, ri ai, I ap patiki ti intin ue on komail tue met, katakataman komail ki, mak eu me Kot paki on ia er.

16 Pue I en paki Jijoj Kraij ue lan Menliki kan, papa ki Ronmau pan Kot, pue Menliki ar jou ton en pon kamin ki la Nen Jarai.

17 Ari nan me I en juajuai ki mia pan Jijoj Kraij pueki Kot a uiauai ia.

18 Pue I jota pori on intin ue meakan me Kraij jo kapakin ia uia ta, kamen ta to ki Menliki kan, patak o uiaua,

19 Pueki a manaman kai, o kaponapon ren Nen en Kot; pue tapi tan Jirujalem, o impa papan jili lel on Ilirikom, nai me kauue tar lamalam en Kraij uaja karoj.

20 Ie mealel, nai me ankelail on kauue ta lamalam jap akai me Kraij jaik kalook ue on ia, pue I te kaukau pon amen a toke tar:

21 A tuen a intini ti er, me a jaik intintai on nan re pan utial: o me jaik ron nan re pan aje ta i.

22 Nan i me I karompa ki ti er kaulap ia, koko on komail.

23 A met, jolar uajan katok ni jap pukat, o I nonon par me neter en paj ue on komail;

24 I lao jailok ue on Jpen, I pan jip lan komail: pue I kaporapor ki me I pan paj re omail ai ko ue, o me I pan kamarara re omail, ma I kajarleleit maj re omail.

25 A met I ap koko on Jirujalem papa lan joulan ko pakijakij eu.

26 Pue men Majitonia, o Akaia kai mau ki kijakija ue on joulan jamama kan mi Jirujalem.

27 Nan irail peren ki tar me, pue irail en kajapal on ir. Pue ma Menliki ko puaijan ki er arail paii lamalam, nan me kon on irail en paki kijakija ton ir ar paii pali uar.

28 Ari I lao kapuaia ta me, o katini ti on irail kaparapar uet, I pan jip re omail, tapak lan Jpen.

29 A I aja tar I lao par lan komail, I pan tir paii ki en Kraij a Ronmau,

30 A, ri ai ko, I ap nitinit ki komail, pan Jioua Jijoj Kraij, o limpok en Nen Jarai, pue komail en tau ki pena on ia omail kapakap kin ia on Kot;

31 Pue I en piti jon ir men Jutia me jo toue la lamalam; o pue ai papa ue on Jirujalem en kamau on joulan ko;

32 Pue I en peren ki, lel on komail pan kupur en Kot, o ian komail tapuen ta.

33 Ari Kot me kapol en kotikoti ta re omail karoj. Amen.

IRA 16.

I AP kanikit *on* komail ri at li men Pipe, me kin papa momotjou en Kenkria:

2 Pue komail en kajamo i pan Jioua tuen joulán, o pue komail en jouaje ta i, o piliali i: pue nan i me jouajepan me neter, o pil nai.

3 En kajamo Prijila o Akui-la, me jouajepa I ren Kraij Jijoj:

4 Me inepai ia ta: me nai, o momotjou karoj en Menliki ko, kin impanmauri ki *on*.

5 En pil ranmau *on* momotjou nan im ara. En pil ranmau *on* kompokepa I Epenitoj me tapia ta momotjou en Akaia.

6 En ranmau *on* Meri, me katak papai kit.

7 En ranmau *on* Antronikoj, o Junia, jou I, o me ian ia jali ti, me majamaj ren uanporon kan ko me jou *on* Kraij mo I.

8 En ranmau *on* Ampliaj, me kompokepa I ren Jioua.

9 En ranmau *on* Urpeni jouajepa at *on* Kraij, o Jtekoj kompokepa I.

10 En ranmau *on* Apelej, me Kraij kapona lar. En ranmau *on* toun im en Arij-topuloj.

11 En ranmau *on* Erotion jou I men. En ranmau *on* toun im en Narjijoj, me papa Jioua.

12 En ranmau *on* Traipina o Traipoja, me papa Jioua. En ranmau *on* Perjij, limpok men me papa Jioua porijok.

13 En ranmau *on* Rupoj, me joijoi ren Jioua, o in a, pil in ai.

14 En ranmau *on* Ajinkritoj, Plekon, Ermaj, Patropaj, Ermej, o joulán ko mi re ir.

15 En ranmau *on* Pilolokoj, o Julia, Nerioj, o ri a li, o Olimpaj, o joulán kan me re ir.

16 Komail en ranmau ki pena, amen amen, metik lamalam. Momotjou en Kraij kan kin ranmau ue *on* komail.

17 Ari, ri ai, komail en kilele ti me kin liakatoror pajon, o kapuaia tar kaopan patak me komail ale er; o kajan irail.

18 Pue nan irail jota kin papa atail Jioua Jijoj Kraij, a pein uar arail; o kotaue ki ar katak lokaia, o uitin me jalelapok kan.

19 Pue omail peik me intin tar jili lela penan aramaj karoj. I ap peren ki tar pueki komail: a I men komail en koioki *on* tiakan kamau kan, o jakoiok *on* kajuit kan.

20 Ari Kot kapol pan kajuca pajon Jetan ni pan ne omail eten. Mak en atail Jioua Jijoj Kraij en mimi ta re omail. Amen.

21 Timoti ai uarok en totok, o Lujioj, o Jejon, o Jojipeta, jou I men kin ranmau *on* komail.

22 Iet nai Tertioj me papa intini ti kijilikau uet kin men ranmau ue *on* komail pan Jioua.

23 Karoj me kin apuali ia nan im a, o momotjou pokon

MEN ROM KAN, 16.

kin ranmau on komail. O Irajtoj jilepan kanim uet kin ranmau ue on komail, o Ku-
artoj joulan men.

24 Mak en Jioua Jijoj Kraij en mimi ta re omail. Amen.

25 Ari, me manaman on kati-
tina ta komail ni lamalam me
I kauene tar, patapataki iren
Jijoj Kraij, monin pan kati-

rokepan me rir eu, okiok jon
ni mon jappa tapi tar.

26 A me ap katiarok ki tar
ni kijilikau jarau, o joukop
kan, monin pan en Kot a ma-
jani kaparpar on kainok karoj
puen pataki ton ni lamalam.

27 Kot me erpit men eta,
uau en ko on pue ki Jijoj
Kraij koko la ta. Amen.

AT EN KIJILIKAU KAI ME POL UANPORON EN JIJOJ KRAIJ MEN INTIN KI UE ON MEN KORINT KAN.

IRA 1.

POL me paeker en uia uan-
ponon en Jijoj Kraij men
pan kupur en Kot, o Jojtini,
ri atail men.

2 On momotjou en Kot mi
Korint, on men jaruilkapi on
Jijoj Kraij kan, me paeker
en uia joulan lar, o karoj me
kin mokiti on mmarr en Jijoj
Kraij atail Jioua, arail o
atail:

3 Mak on komail, o pol, me
ren Kot Jam atail, o ren
Jioua Jijoj Kraij.

4 I kin kaukaule on kapika-
pina ki Kot pueki komail, a
kalanan on komail me pa-
pana ton komail jon ren Jijoj
Kraij;

5 Pue komail me paii ki tar
i ni meakaroj, ienta, lalman
o lelapok;

6 Tuen tiak en Kraij a kopa
tar on komail ier puai on
komail ier:

7 Pue jota kamau eu me
komail jaik paii ki tar; ono-
nop on atail Jioua Jijoj Kraij
pan para to:

8 Me pan kajone ti komail
kaunjok la, pue komail en

jolar tip, lao ran en atail
Jioua Jijoj Kraij.

9 Kokoplel men Kot, me
pila tar komail on penainai
en Na Jijoj Kraij atail Jioua.

10 Ari, ri ai ko, nai pokipoki
ki komail mmarr en atail Jioua
Jijoj Kraij, pue komail en
uia ki eu omail kajoi kan,
pue komail te uiki pajon nan
pon omail; o pue komail en
mi ni lamalam ta pot, o ka-
pon tai en.

11 Pue a kalook ton ia jon
penainai en Kloe, komail
kin akamai pena nan pon
omail.

12 Ari, iet me I rona tar,
tuen komail kin katiti nan
pon omail, amen amen inta
ta, ion en Pol men nai; a ion
en Apoloj men nai; a ion en
Jipaj men nai; a nai ion en
Kraij men.

13 Ari tatue, Kraij me lipok
pajon? ta, Pol me lopu tar
on komail? o ta, komail me
paptaij ki on mmarr en Pol?

14 Nai me kapina ki Kot
me jota meamen re omail me
I paptaij la Krijpaj eta, i
Kaioj;

15 Pue meamen te inta ta

I. MEN KORINT KAN, 2.

me nai me uia paptaij ki on ni pein at ai.

16 A, tena penainai en Tipenoj I pil paptaiji er: a jolar me I aja tar me I paptaiji er.

17 Pue kaitin paptaij me Kraij poron ia ki tor ki, a puen kauue ta lamalam: kaitin tiak en katak lokaia, pue lopun Kraij te mal la.

18 Pue kauue ta lopu me mal kot on men lokatok la kan; a on men kamaur kan nan a manaman en Kot.

19 Pue a intini ti er, I pan tiaki ti katak en me aklolikon kan, o kapouia la er en me aklelapok kan.

20 Pue iairen me aklolikon kai? o iairen jouintin kan? ia me akamai kan pali pa? tatue, Kot jo uia lampon ki me er pit en pali pa?

21 Pue tatue, aramaj aja tar Kot, ap poponjaja lar Kot, nan Kot kupura tar me mau en kato ta men peik kan ki patak monai.

22 Pue Ju kan kin poki men kilele eu, a men Krik kin roparop men kalolikon.

23 A kit kin kauue ta Kraij me lopue tar, me katipakolakol pan Ju kan, o on men Krik kajoi mal;

24 A on men paeker kan, men Ju o pil men Krik, Kraij nan manaman en Kot, o er pit en Kot.

25 Pue en Kot a jo er me er jiki ta jon en aramaj ar er; o en Kot a luet me kelail jon en aramaj ar kelail.

26 Pue tatue, ri ai ko, ko-

mail jo aja tar tuen tiak en omail paeker, tuen kaitin aramaj neter me ren me aklolikon pali uar, o pil kaitin me majamaj, o me poe ti kai, me pila tar:

27 A Kot me pila tar me jo lolikon kan jappa puen kapouia la me lolikon kai; o Kot me pila ta me tikitik kai puen kapouia la me lapalap kai;

28 O tipijo mal kai en pa, o me jakonikon kai, iei me jo mia kai, puen kapouia la meakai mia:

29 Pue uar pnel te akjuai ki mon Kot.

30 A ren Kot komail me irair on Kraij Jijoj, me it uia la kaerpat, a kaponepat, o kaminepat, o not japal pat:

31 Pue tuen a intini ti er, Meamen akjuai, en juai on Jioua.

IRA 2.

RI ai ko, I par ue lan ko-mail ier, kaitin katak lokaia aramaj, me I kaneue ki on komail en Kot a katete tar.

2 Pue I lame tar I en ter aje ta meakot re omail, Jijoj Kraij eta, a lopue lar.

3 O nai me luet mimi re omail, o majak, o kaupere ki kaulalap.

4 O ai kajoi o ai kauue ta kaitin men ale intant ki monin pan aramaj ar lalman, a tuen Nen o mana a katete ta:

5 Pue omail peik te kele ki

I. MEN KORINT KAN, 3.

aramaj, jo ni manaman en Kot.

6 Ari kit me akerpit pataki on me er kan : a kaitin er en jappa, o pil kaitin er en joumaj en jappa kai, me er kamal :

7 A kit me katiti ki kupur en Kot mearir kot, kupur er me Kot teikopa tar ni jappa jota mia men kalanana ta kitail :

8 Me jota monjap men aja tar : pue ma re aja tar, re jota pan kamata lar Jioua kalanan.

9 A tuen a intini ti er, Jota maj eu me utial, o jota jalon eu ron, o jota kapeti en aramaj men me lame tar, meakan me Kot kaonopa tar on me pok on i kan.

10 A Kot me katiarok ir on kitail ki Nen : Pue Nen kin kaaje ta meakaroj, iei, en Kot a mearir kan.

11 Pue ij aramaj kin aja tuen lol en aramaj, ma jo nen en aramaj eta mi loli ? nan i tuen en Kot a meakan, aramaj jota aja, a Nen en Kot eta.

12 Ari, kaitin manan jappa me kit ale er, a manan Kot ; pue kit en aja tar meakan me Kot japan papan on kit.

13 Meakan me kit kin pataki ue, kaitin monin pan aramaj kin kaueue ta, a tiak en Nen Jaraui kin pataki ue ; karakaraj ki pena lamalam kan.

14 A aramaj ip puel jota kin ale meakan ren Nen en Kot : pue me mal kot on i : a jota

kak on, pue peik me a pan tete ki.

15 A me peik pan kin kajauia ta meakan karoj, a pein i jota aramaj pan kajauia ta.

16 Pue ij me aje tar kupur en Jioua, puen pataki i ? A kupur en Kraij me kitail aje tar.

IRA 3.

ARI, ri ai ko, nai jota uia kin komail tena aramaj uar nen, a uar puel, me jeri ap ip Kraij.

2 Nai me kamona kin komail pil en titi, jo utuk koko to : pue komail jo kak on, o met, komail pil jo kak on.

3 Pue komail me uar puelin : pue tatue, peirin, aka-mai, o liaktoror pajon, ia tue, komail jo poten uiaua aramaj ?

4 Pue amen kin inta ta ionan Pol men nai, a amen ionan Apoloj men nai ; komail jo uar puelin ?

5 Ari ij me Pol, o ij me Apoloj, kaitin jounpatak kai me komail aja jon er lamlam tuen Jioua pan on aramaj kan ?

6 Nai me patuki ti, Apoloj me kalomuiiri tar ; a Kot me kapara tar.

7 Ari kaitin i meakot me patuki ti, pil kaitin i me kalomuiiri tar ; a Kot eta me koti ki tar ua kan.

8 Ari men kin patuki ti o men kin kalomuiiri tar metamen ta : o karoj pan katin ki itar on a totok.

9 Pue kit me tau penan

I. MEN KORINT KAN, 4.

Kot totok: komail japajap en Kot, komail en Kot a kaukau im.

10 Itar kamau en Kot a pan on ia, nai me jomaje ta lelapingok men, me kaukau im, nai me pajone ti, a amen uje la kau poa. A mak aramaj karoj en kalaka tuen a kaukau pon pajon uet.

11 Pue jota eu pajon me aramaj men pan kak ki ta, me Jijoj Kraij eta.

12 Ari ma aramaj men me kua ta pon pajon uet, tata, te kol, jilpa, o takai apual, te tuka, te pain kit kan, o tipinit;

13 Nan aramaj karoj ar totok, pan janjala ta: pue ran o pan kapare ta tue, pueki a pan katiarok ki ta kijinia; o kijinia pan kajone ta tok en aramaj karoj jon a.

14 Ma tok en aramaj amen mimia ta me a kua tar poa, a pan katin.

15 Ma tok en amen karona la, a pan jara jon: a pein i pan kato ta; a taka ue kijinia.

16 Komail jo mani er me mol en Kot komail, o me Nenin Kot kotikot lol omail?

17 Aramaj men kapueli mol en Kot, nan Kot pan kae la i; pue me jarau kot mol en Kot, me komail.

18 Aramaj men en ter kota ue pein i. Ma aramaj men aklolikon pein i tiak en jappa, i en aklampon la, puen it uia lolikon la.

19 Pue koiok en jappa et me jon en jokoik ren Kot.

Pue nan a intini ti er, A kin ale kin me aklolikon kai pein ar uitiutin.

20 Pil eu, Jioua mani er lamalam en me aklolikon kan, me mal.

21 Nan i aramaj men en ter akkela ki aramaj. Pue omail eta tipijo karoj.

22 Me ren Pol, o Apoloj, o Jipaj, o jappa et, o maur, o mela, o tipijo karoj men met, o men mur; karoj me omail;

23 O nain Kraij komail; o Nain Kot eta Kraij.

IRA 4.

ARAMAJ en uia kin kit papan Kraij, o jounkoa pan mearir kai ren Kot.

2 Jounkoa kan en koplel on a uiaua kan.

3 Me intanai omail kajau ia, o aramaj kan: ie, I jota kin pein kajau ia ta.

4 Pue jota meakot me I pein aje tar; ari kaitin i me. I akpon ki lar: a me uiaui ai, me Jioua.

5 Komail en ter kajauia ta okotome matan moa, lao lel Jioua para tor, me pan kajale ta me okiok kan, o pil katiaroka ta lamalam en nan kapeti kan: aramaj kan ap pan pakapina ki ren Kot.

6 Ri ai ko, me pukat me nai karaj penai on ia, o Apoloj pueki komail; pue komail en aja jon kit en ter uia ki aramaj jiki ta jon me intini ti er, pue amen re omail te aklapalap ki amen amen.

7 Pue ij i me kin kauiki pajon komail? o ta kot me

I. MEN KORINT KAN, 5.

am me ko jo uki pa? a ta me ko akjuai ki, tena kaitin uki pa eu?

8 Ari komail meti er, o kapuapua er, komail poe ti er tena nanmaraki kai jo kit: o I kin kanon ki komail on Kot en poe ti pue kit en ian komail poe ti.

9 Pue I lamalama me Kot kot ki ta kit uanporon men ikmuri, tena me kilele ti on mela: pue kit puoka tar kajanjal eu on jappa, o tounlan kan, o on aramaj kan.

10 Kit me jon en puepue pueki Kraij, a komail me koiok ki Kraij; kit me luet, a komail me kelail; komail me intant mau, a kit me intant juit.

11 Koko to lel met kit me men mona tar, o me men nim pili tar, o me jo kitip at, o me komakom, o me janjaruaru jili;

12 O totok ni pa at; kit me kalook juit, je kin kamaui; kit me pakomakom lar, je kin ua poki:

13 Kit me pakaraun mal, je kin tom: kit uia tatan kit alar ren karoj lao lel rannet.

14 I ap intin lan me pukat kaitin puen kanomanok ki komail la, a puen kaupuil to komail nai kompokepa I.

15 Pue ma jounpatakia ta komail Kraij me nen, nan me jam omail me lolo: pue nai me kaupui on Kraij Jijoj ni lamalam komail.

16 I me I nitinit ki komail en itauen ia to.

17 Pue ie me I poron ue ki

lar on komail Timoti, nai me kompoke ol men, o me mealel on Jioua, me pan kataman on komail ai uiaua jon Kraij, tuen I kin kaueue ta ni motjoui karoj.

18 Ari akai komail me lemail lar, kiki on me I jota pan para ue on komail.

19 Ari I nok para ue on komail matan, ma Jioua katar ia ta, o aje ta, kaitin kajoi kai en me aklemai kan, a mana.

20 Pue muen Kot jota mimi ni kajoi, a mi ni mana.

21 Ia me komail mauki, I en para ue on komail ua jokon, te limpok, o manan katak?

IRA 5.

NAN a kalook jili me ne-nek kin uiaui nanpon omail, nenek toror me jota kin uiaui ren Menliki kai ienta, aramaj en uia uaroki en jam a a paut.

2 Komail ari kin juai ki, a jota mauk ki pue me uia tar me, en pakajapoka ue jon re omail.

3 Pue mealel, nai, me tou ue jon pali uar, ap karen, man ai, me lame tar me uia tar me,

4 Komail lao pokon pena ni man ai o ni lomuini Jioua Jijoj Kraij,

5 En kalika ue on i Jetan, puen katiaki ti uar a puel, pue nen i en kamauri la lao ran en Jioua Jijoj.

6 Kaitin me mau omail akjuai ki. Komail jaja me

I. MEN KORINT KAN, 6.

ekij kalap tikitik kan kin kamute la tolepa karoj?

7 En koko ue jon kalap kaitai, pue komail en it uili kapa ta, pue komail jo muta lar. Pueki Kraij mé kauilianepa tail, me jokenpaüt kin kitail la.

8 Kitail ari en kakaki kama-tip, kaitin kalapa kitai, pil kaitin me jokon, o me kajuit; a ki pret jo mut inen o mealel.

9 Nai me intin ki ue on komail ier kijilikau eu, pue komail en jolar uaroki me nenek kai:

10 Ari jo, kaitin men nenek ren me jo joulän, o men noroka, o men jokon, o men uinani; pue ma i tueta komail ap pan katoror ue jon jappa.

11 A met me I ap intin ki ue on komail, en ter uaroki ki joulän men me a kalook men nenek, o noroka, o kati ani mal o lupora, o kamom joko, o kulia ta kapua; en ter ian me tueta pukat, en ter man ian ir mona.

12 Pue ta me I en kajau i me jo joulän ko puen kapon on? komail jo kin kapokapon on ir mi-nan kel?

13 A me mi liki ko Kot kin kapon on. En kajapoka ue jon re omail me kajuit men o.

IRA 6.

TATUE, meamen komail me akjapon ki amen pan uki lan en katete ta ren me rotarot ko, a jo ren me joulän kan?

2 Komail jo mani er me joulän pan katete ta jappa? ma jappa pan pakatete ki komail la, komail jo mau on en katete ta me intanai kot?

3 Komail jo mani me komail pan katete ta tounlan ko? tatue me a kon on nan maur et kan?

4 Ma komail anaki er en katete ta meakan en jappa, ap ki ta men narnar mal ren joulän kan en katete ta.

5 Me kanomanokepa omail. Ai itok me mealel jota me lelapok re omail men? jota meamen me mau on kapon on joulän kan?

6 A joulän kin katete ta joulän, ren me rotarot?

7 Nan mealel komail me topai ki lar, omail katete ta nan pon omail, amen amen. Ta me komail jo muet ki pein komail en katiä jon ekij kot?

8 Ie komail kin uia jopon, o katiamaua, ren joulän kai.

9 Komail jo mani er me jopon kan, jota pan jouki uein Kot? Ter kau iapa la: men nenek, o men kati ani likom, o men kalel mal, o men monpil, o men lonon, o me jokmai pena,

10 O men pirap, o men norok, o men kamom joko, o men kinekin mal, o men kuli kapua kan, jota pan toe la nan muein Kot.

11 Nan tueta me pukat akai komail maj o: a komail uituta lar, a komail makola-kola tar, a komail kapon ki lar ni mmaren Jioua Jijoj Kraij, o Nenin atail Kot.

I. MEN KORINT KAN, 7.

12 Nan meapon on ia meakan te karoj, a kaitin kamau te karoj: meapon on ia te karoj, a I jota pan loti pa lar okotome.

13 Teupan mona nankapeti, o nankapeti uajan mona en ko on ia: ari Kot pan ka oe la ira karoj. Ari kaitin men kalel uar puel, a pue men papa ki Jioua; o Jioua men papai uar.

14 O Kot me kaiaja tar Jioua, o pil pan kaiaja ki ta kitail man a.

15 Komail jo mani er me uar omail kokon kan tatan uar en Kraij? tatue, I en ale kokon Kraij uia kin ir kokon en lipetokalap men? Kot en kaiti ti.

16 Takota? Komail jo mani er, me uaroki on lipetokalap men me it uia uar tai eu? pue a majani ria men pan metamen pali uar.

17 O me uaroki on Jioua me nen tai eu tar.

18 En tana ue jon nenek. Tip karoj me aramaj kin uia ta men likin uara; a me jenu kin kaokaoe pein uara.

19 Takota! komail jo mani er me uar omail mol en Nen Jaraui me kotikot lol omail, me komail uki pan Kot, a kaitin uta mail komail?

20 Pue komail puainok ki tar puain eu, komail ari en kakaki Kot ki uar omail, o nen omail me japuilim en Kot.

IRA 7.

ARI met tuen meakan me komail intin ki ton ia

kalekalelapok: Nan me mau on ol en ter toke li.

2 Ari jo, ol karoj en ale a uarok, o li karoj en ale a uarok, puen ter tenter.

3 Qi en uiai on a uarok li, me inen: a li en uiai on a uarok ol, me inen.

4 Li papaut jota kin poe ti pein uar a, a, a paut: pil tueta ol papaut jota kin poe ti pein uar a, a paut.

5 Ter jo oke amen amen, ma jo pueki inau anjou kij, puen mot ijejol rer ekij, o kapakap; ap pura pena pue Jetan te piti komail omail jo oke pena.

6 Jota me I uja ki ue me uet, a pein ai lamalam.

7 Pue I men aramaj karoj en tueta nai. A, aramaj karoj, tue irail me ren Kot, amen ni eu, a amen ni eu.

8 Nai ari potoon on me jo papaut, o li oti kan, Me mau irail en tataur tueta nai.

9 A ma irail jo kak, irail en papaut, me mau papaut mon tenter.

10 O on me papaut ko, nai me ilaki ue, a, kaitin nai, a Jioua, Li papaut en ter muet ue jon a uarok:

11 A ma a mue ue jon, i en tataura ta a kirip, te pur on jon mau on a uarok: o ol en ter kajela a uarok.

12 A on me te ko, nai ta, kaitin Jioua, me lokaia ue: Ma joulau men uarok ki li jo peik, o a men mimi re a, i en ter kamueta ta i.

13 O li men a uarok jo peik,

I. MEN KORINT KAN, 7.

o ma a men mimi re a, i en ter ko la jon.

14 Pue ol jo peik pan pakaminie ki la a uarok: pue ma jo, omail jeri pan jamin; a met irail meamin.

15 A ma me jo peik men muet ue, i en mue ue jon. Joulan ol o joulan li jota kin kaupina ti ni me tueta me: a Kot kin molipe ton kitail jonmau.

16 Puè tatue, koe mani er, li papaut, me ko jo pan kamauria ta om paut? o tatue, koe ol aja ma ko jo pan kamauria ta om paut?

17 A tuen Kot me pan on aramaj karoj, tuen Jioua molipa on karoj, i tuen a en tataure ta. Nan i tuen nai ilaki lan momotjou karoj.

18 Aramaj me jirkomjaij lar men me paeker? I en ter jo jirkomjaij. A me jo jirkomjaij ap paeker, i en ter jirkomjaij la.

19 Pue kaitin meakot jirkomjaij, o pil kaitin meakot jo jirkomjaij, a uiaua en Kot a kujnot kan.

20 Aramaj karoj en tataure ta koa uta me re paeker on.

21 Koe aramaj en papa men me paeker, en ter injino ki: a ma koe pan it poe la, en mon paii ki la.

22 Pue papa men me paeker on Jioua, nan a poe men ren Jioua: o pil tueta me poe men paeker, ap pan papan Kraij men.

23 Komail me puainok ki tar puain eu; en ter uia papan aramaj.

24 Joulan ko, aramaj karoj en tataure jomor rail ren Kot.

25 Ari iet tuen li kamot kan, jota ai kapon mia me ren Jioua: ari jo, nai me lame tar me I pan kaparok ue pue nai me paii lapuata men ren Jioua puen kokoplel men.

26 Nai me kiki on anjou jonajon met, me mau aramaj en kirip.

27 Koe me kapapaut on li men, en ter men mueta ta. A ma jo om paut mia, en ter men kapapaut.

28 A ma ko kapapauta tar jota me juit kot me ko uia tar: o ma li kamot me kapapauta tar, jota tip a. Ari jo, a pan kaan jila pali uar; a I pan muet on komail en pein uiaua.

29 A, ri ai ko, I men katiti me uet, anjou me motamota lar: nan a me mau on, men kapapauti er kan, en uia tena jota ar uarok.

30 O me kin mauk kan, tena jota me re en mauka ki; a me kin peren, en akjopen; a me kin uia notinot, en akjokapuapua.

31 O men katoki jappa et, en ter katok juit ki: pue tiak en jappa koko on mal la.

32 A I men komail en jonmau. Me jo papaut kin injino ki meakan iren Jioua, tuen a pan kamaiti Jioua:

33 A me papaut kin lamlama me kon on jappa, tuen a pan kamaiti a paut.

34 Nan li papaut o li kamot

I. MEN KORINT KAN, 8.

me uiki pajon. Li jo a uarok kin lamalama me kon on Jioua, puen mini on Jioua, pali pokon, pali puel, o pali nen: a, me a uarok mia kin lamalama tipijo en jappa, tuen a pan kamaiti a uarok.

35 Puen kamaui on pein komail me I lokaia ue me uet; kaitin en jore ti komail, a puen kapon on komail, o pue komail en papa Jioua jo katirop ki.

36 A ma ol men lamalama, me a uiaua jopon on a li kamot men, ma a koioka lar, o men kapapaut, i en uia me a mau ki, jota me juit me a uia tar: ira en kapapaut.

37 Ari jo, meamen me tataure ta, jo men kapapaut, o men kin poe ti pein man a, o me lame tar en kolakola ta a li kamot, nan me mau me a uia tar.

38 Ari me ki tar i en kapapaut kin uia me mau; a me jo ki ta i en kapapaut me mau jiki ta.

39 Li papaut men me kaupina ki ti pon en papaut arain a uarok me maur; a a paut me lar nan a muet on kapapaut on me a mau ki; toror on ni Jioua ta.

40 A nan a paii jiki tar ma a tataure ta a kirip tuen ai lamalam: o I pil kiki on me ai lamalam tuen lamalam en Nen en Kot.

IRA 8.

ARI iet tuen ijik olu on ani mal, kitail pon aja tar.

Pon aja kin kakejeja tar, a kaponlol kin kaimpai tar.

2 A aramaj men popon aja tar okotome, nan kaitin meakot me a aja tar kannjok.

3 A ma aramaj men pok on Kot nan Kot me apualia lar i.

4 Ari tuen tunole me olu ijik kan on ani mal, kitail aja tar kaitin meakot ani mal, a kaitin amen ani mia, Kot eta.

5 Pue kauta me kaintin ta ani neter mia men nalan, o men jappa, (tena ani me neter men poe men pa.)

6 A on kitail Kot metamen, me Jam, me tipijo karoj tapi ta jon, o me kitail mia ki lar; me Jioua tamen Jijoj Kraij, me uia tar meakaroj, o me kitail kij a.

7 Ari jo, aramaj karoj jaik eri ki me: pue akai me kainjino on ani mal lao lel met, kin kankan tena olu en ani, a ar kainjino luet jota kapama ta.

8 A kaitin kijin mona me kamaui kitail on Kot: pue ma kitail tunole kitail jota pan mau jiki tar; o pili ma kitail jo mona, me kitail pan me juit ki jiki tar.

9 A en kalaka pue omail mak ni me uet en it uia tipakolakol on me peik tikitik kan.

10 Pue ma aramaj men ututial uk me aja tar lamalam monti tunotunol jon ni pejaraui en ani mal tatue? kainjino en me aja tar tikitik men jo pan lollap on tunole ta me ijik olu on ani mal?

I. MEN KORINT KAN, 9.

11 O pueki om aje tar tiak a, joulau peik tikitik men pan mela, me Kraij mat ki lar.

12 A ni omall uia jopon on joulau kan, o kae la kainjino rail me luet, nan Kraij me komail uia jopon on.

13 Nan i ma kijin mona kaokao ri ai, I pan jolar mona jali lao lel jappa imuijok la, pue I te kae la ri ai men.

IRA 9.

KAITIN uanporon men nai? I jo utial er Jijoj Kraij atail Jioua? kaiti ai tok pan Jioua komail?

2 Ma jo uanporon men nai on me te ko, mealel on komail nai men: pue manitin ai uia uanporon men komail pan Jioua.

3 Ai japon men kin kapeitok kin ia kan me uet,

4 Kit jo poe ti en nom o nim?

5 Kit jo poe ti en uaroki jili ri at li, o papaut tuen uanporon te ko, o tuen ri an Jioua ko, o Jipaj?

6 Te nai eta o Parnapaj, kit jo poe puen ter tok?

7 Ij me kin pein ki ta autepan a tiaijama mauin? ij me kin motia ta motauel eu me jo pan tunole jon? te ij me kamona puin jip jo pan ijika jon?

8 Tatue, ai uia aramaj men me I kin kapeitok ki me pukat? te kapon jo kin katiti me tue ta?

9 Pue nan a intin ti er nan kapon en Mojej, Ko ter pira

pena auan kau ol men tiaka pajon korn. Kot jo kin apuali kau ol kan?

10 Kaitin pueki kitail me a intin ki me? Ie, pueki kitail: pue men moti men en kaporapor moti; o pue men taur men en ian i kaporapor.

11 Pue ma kit moti on komail ier paii en poa, me kaa-pual kit en taura jon komail paii en tipijo pa?

12 Ma akai poe ti komail ni me uet, kaitin kit me para moa? Ari jo, kit jota akpaki poe uet; a I kin koa ki lar meakaroj, pue I te katautau Ronman ren Kraij.

13 Komail jo mani er men kaon uia jarau ni im en kautok kin tunole jon tipijon im jarau? o men kin lone ta impan pejarau pan mona jon impan pejarau?

14 I tuen Jioua loki tar men kauene ta lamalam en Kraij kan en taura jon ni lamalam.

15 A nai jota kin paki on ia eu ren me pukat: o I jota intin ue me pukat, pue komail en kapuai on ia me: pue a mau on ia en mela mon aramaj men en katuki ia jon ni juai ki me.

16 Pue ma I kauene ta lamalam, jota me I en juai ki: pue I en kauene ta; iei, nai me karia lar ma I jo kauene ta lamalam!

17 Pue ma I pil on uia me, I pan katin: a ma I kan uia, nan koa me kaloka ton ia ni lamalam.

18 Ari ia katinepai? Mealel nan me uet, ai kauene tar

I. MEN KORINT KAN, 10.

en Kraij a Bonman en ter akapuaipuai, pue I te kaja-pona la ai poe ti.

19 Pue nai me it poe aramaj karoj, I ap uia kin ia litu rail, pue I en poe tin katota pil akai.

20 O nai me uia kin ia Ju men on Ju kan, pue I en jouapual ki Ju kan; o uia kin ia men paki kapon, pue I en jouapual ki men paki kapon kan.

21 O men jo paki kapon kai akjo paki kapon, (men jo paki kapon on Kot, a men paki kapon on Kraij) pue I en jouapual ki men jo paki kapon.

22 O on me jakakair kan I kin uia kin ia jakakair men, pue I en kamen ta to me jakakair kai: nai me uiaui jon karoj on aramaj karoj, puen kamauri la akai.

23 I me I kin uiauia pueki lamalam, pue I en ian komail puaijaij.

24 Komail jo mani er me men ueir tan me neter kin tanatan, a metamen eta kin ale katin? En aktan itipok pue komail en konoti.

25 Pue aramaj karoj me aktan itipok kin ijejol pokon. Ari irail kin uia me puen ale mmare kamon; a kitail puen ale me jo kamon.

26 Nai ari aktan jo puio; nai kin peipei, jo likomata uoki nan ueauea:

27 A I kin jokpon uar ai, pue en katone ti: pue I te kauene on akai, ap pein lokitok mal la.

IRA 10.

PIL eu ri ai ko, I men komail en aje ta tiak en jam tail kan me tili on er pan palin tapok eu, o lepen jet;

2 Re ap paptaiji on Mojej ni palin tapok o ni lepen jet;

3 O irail karoj tunole lar jak en poa;

4 O nima jon pil lamalam: pue irail nima jon Takai pil me puilipuili tar mur irail: Takai, o me Kraij.

5 Akai ir Kot me onion ki tar: irail ari lokitoki lar nan jap tan.

6 Ari, me pukan Kot me uiauia er puen kaalemonin on kitail, pue kitail en ter noroka kajuit kai, tuen ar noroka tar.

7 Komail en ter kati ani mal tue irail; me intini ti er, Aramaj monti penan nom o nim ap uta jon en moton.

8 Kitail ter nenek, tuen irail uia tar, ap melar, ni ran tai eu ria nen jili kit.

9 Kitail pil ter piti Kraij tuen akai irail pitia tar i, ap me ki lar jerpent kai.

10 Komail en ter lipanet, tuen akai ir lipanete tar, ap kame ki lar men komakom men.

11 Me pukan kat me uiaui on irail men kaalemoni: o pil intini ti puen karauan kitail men jappa imuijok ton.

12 Ari meamen ma aktonaton, en pereki pue a te popi ti.

I. MEN KORINT KAN, 11.

13 Jota kauliapa om eu me jo lela penan aramaj karoj: a Kot me kokoplel, me jota pan katara komail lan kauliapa eu me komail jo kak on poe ti; a a pan iana ki ue kauliapa katinepa, pue komail en piti ue jon ki.

14 Ari, ri ai kompok, komail ari en tana jon kati ani mal.

15 I aklolikon kin komail ai pataki ue men; komail en kajau me I katiti ki.

16 Tal en kamau eu me kit kamauia ta, kaitin i tal en intan Kraij? O pret me kit jara pajon kaitin i janjal en kalepan Kraij?

17 Pue kitail me neter me lopon tai eu, o uar tai eu: pue kitail karoj me tunole lopon tai eu o.

18 Nar men Ijrael kan pali puel: kaitin me kin tunole olu kai men kin mona jon pe jarau kai?

19 Ari ia tuen I pan inta ta? ani mal- meakot, o olu me ijik pon pe jarau o meakot?

20 A iet me I inta ue, meakan me Menliki kan kin olu ijik, nan tepil kai me re ijik olu on, kaitin Kot: a I jota men komail en kajarloleit ren tepil kan.

21 Komail jota kak pariai pena tal en Jioua, o tal en tepil kai: komail jota pan kak tunole jon pan tepel en Jioua, o tepel en tepil kai.

22 Kitail en kaaniani Kot? Kitail pali kelail on i?

23 Meapon on ia meakaroj, a jota kamau te karoj: a me

inen on ia meakaroj, a jo kamau.

24 Aramaj en ter pokapoka pein i, en tonmete.

25 Kijin mona me notinot ki nan uajan not kan, en tunole ta, ter kapeitok pueki kainjino:

26 Pue japuilm en Jioua jappa o autepa kan.

27 Ma me jo peik men luki komail en tonkapara kama-tip, a komail men tonkapara; meakot me neok on komail, en tunole, en jo kapeitok ki pueki kainjino.

28 A aramaj men katiti on komail, met me ijik on er ani mal, en ter tunole pueki me intin tar, o pueki kainjino: pue japuilm en Jioua jappa o autepa karoj:

29 Nai me intar kaitin om injino, a en me teu: pue men ta ai maio tar en papajan en amen a kainjino?

30 Pue ma I paii ki tar mak eu, ta me I kalook juiti ki me I kin kapai ia ki?

31 Komail ari nom o nim, o uia okotome, en ui ai on kalinana ta Kot.

32 Ter kare, Ju kai, pil ter Menliki kai, o pil ter motjou en Kot:

33 Tuen I kin men pok on aramaj karoj ni uiaua kan, jo moa ki pein nai, o puen kamau me neter, pue irail en kamauri la.

IRA 11.

KOMAIL en kaalemon ia tuen I kin kaalemona Kraij.

I. MEN KORINT KAN, 11.

2 Ari ri ai ko, I kin kapina ki komail, omail litimitimin kin ia ni meakan karoj, o tataure ta pon kan tuen I kaliki ti on komail ier.

3 A i men komail en aja tar me Kraij tapuin aramaj kan; o me ol tapuin li kan: o Kot me tapuin Kraij.

4 Pue ol kan uia kapakap o kaparok me tapui puapuaian ti kin kapueli tapui.

5 A li kan uia kapakap o kaparok me tapui jo puapuaian ti kin kapueli tapui: pue tue a kote jon mona.

6 Pue ma li jo lijoropi ti en kote tar: a ma a kanomanok li en kote tar o kotakot, i en puain ti.

7 Pue me jo pon ol en puainti tapui, pue i me kajanjal kalinan en Kot: a li kalinan en ol.

8 Pue kaitin ol me ren li; a li me ren ol.

9 Pil kaitin ol me kauje ton li; a li me kauje ton ol.

10 Nan pueki me, li en ki on tapui uai mon tounlan kan.

11 Ari jo, kaitin ol men jo pali a li, pil kaitin li men me jo pali a ol ren Jioua.

12 Pue tuen li kijan ol, i tuen ol me kijan li; a meakaroj ren Kot.

13 Komail en pein lame ta: tatue, me janjal mau li en kapakap on Kot jo lijoropi ti?

14 Tatue, pein omail lamlam jo pataki to me kanomanok pan ol puilipepe?

15 A kalinan li a puilipepe:

pue piton mona me ko on i en puainti i.

16 A ma ol men akjuiti ki me, ari ieramen: jota me tue met re tail, pil jota ren momotjou kan.

17 Ari ni eu met I jota kin akkapon ki komail, pue komail kin pokon penan, kaitin kamaui, a kajuiti.

18 Pue tatuen komail pokopokon pena nan im jarau, I rona tar me komail kin liaktotoror pajon, o I mur kamealele.

19 Pue nan liaktotoror pajon en mi re omail, pue men kapon kilar kan en janjal ki tar nan pon omail.

20 Komail lao pokon pena uaja kai, kaitin puen jak kamatip en Jioua.

21 Pue ni kamatip tonkapar kin ama ta maj: a amen kin menmeti er, a amen joko lar.

22 Takota? jo im omail en mona, o uajan nom pil? te komail kajamine im en Kot, o kanomanok ir me jo ar tunol mia? tatue, ta I en japon ki me? I en kaintin ta komail pueki me? I jota pan kapina ki komail.

23 Pue I ale er jon Jioua me I puili ki on komail er, Me Jioua Jijoj, pon ota en a pana lar, me lime ta pret:

24 Laolao ki kamauia tar, pilitiki pajon, majani, en ale, jak; uar ai me uet, me pilitiki on komail: en uia me katakatamana kin ia.

25 Muri, a pil lime ta tal en nim, jon kij, majani, Tal en int ai, men katete kap: en

I. MEN KORINT KAN, 12.

uia me katakatamana kin ia.

26 Pue pan pak en omail jak pret uet, o nim tal uet, komail kin kajanjale ta en Jioua a mata lar lao lel a puro to.

27 Nan i meamen me nom pret uet, o nim tal uet me jo uar, me tip anakai lan kame la Jioua.

28 Aramaj en katete ta pein i, ap nom pret, o nima jon tal.

29 Pue me nom o nim jo uar, kin nom o nim mela on pein i, jo uia ki kalepan Jioua.

30 Nan pueki me, me neter nan pon omail me lamalam luet lar, o mairi ti er.

31 Pue ma kitail katete ta pein kitail, jota me pan katete ta kitail.

32 Pue kitail katete tar, nan jonajon ren Jioua, pue kitail te jonajon ren aramaj kateika ta.

33 Nan i, ri ai ko, komail lao pokopokon puen jak kamatiip uet, en papajan pena amen amen.

34 Ma amen men mona tar, i en amaja moa nan im a; pue komail en ter pokon penan kateika ta: A me lulu kan I pan kaparoka ta I lao para ue.

IRA 12.

ARI let ri ai ko, tuen puaij omail lamalam, I men komail en lelapoki i on tiak a.

2 Komail mani er me komail tiki tar Menliki, me ani

olar, me pa lar ani looton kai, tuen omail kekeit ki mal.

3 Nai ari men kaaja kin komail me aramaj men jota ikitiki ki Nen Jarau i pan intin ta Jijoj meit karia lar: o jota aramaj men pan inta ta Jijoj me Jioua, ma jo ikitiki ki Nen Jarau i.

4 Ari papa kan me uiki pajon, a Nen me tai eu ta.

5 A tiak en uiauia me toror pajon, a uiauia en Jioua ta.

6 O aniani me neter, a me ren Kot eta me poe ti karoj.

7 A uiauiian Nen Jarau i me pan on eta aramaj karoj puen ana ta ni meakan.

8 Pue manan ere ki kaueue ta Nen Jarau i kin neok on amen; a manan katak en kaparok on amen a me ren Nen ota;

9 A on amen en peik me ren Nen ota; o on amen eu kakela ta me jomau a me ren Nen ota.

10 O on amen en uia ta manaman; o on amen en tetekop; o on amen en kajau i ani kan; o on amen en lokaia nil uiki pajon; o on amen en kauiki la nil kan;

11 A me pukat karoj me uiauiian Nen ota, nene on aramaj karoj tuen a pili on.

12 Pue tuen uar kakon tai eu, ap kajona pajon, o kajonan uar tai eu, me neter, a uar tai eu: nan i tuen Kraij.

13 Pue Nen tai eu me kitail paptaij ki on jou tai eu, men Ju, o Menliki kan, o men pa

I. MEN KORINT KAN, 13.

kan, o men poe kan: o kanningpili ta Nen tai eu.

14 Pue kaitin uar pon kakon tai eu, a kakon pokon.

15 Ma pat en ne pan inta, Kaitin nai kijan uar a, pue nai me jota pali pa; a pan jota kijan uar a?

16 Ma jalona pan inta, Kaiti nai kijan uar a, pueki kaiti maja nai; a pan jota kijan uar a?

17 Ma uar pokon maja eu, ta me pan jalona? Ma pokon jalona ta me pan tuma?

18 Ari met, Kot me kakon penan uar tai eu kajon a kan, tuen a kupure tar.

19 A ma irail uia kajon a tai eu, ia uar a?

20 Ari me uet irail uia kajon a me neter ap pata pena uia lar uar tai eu.

21 A maja jota pan intai on pa, Kaiti meakot re I koe: pil tapui jota pan intai on ne kan, Me jota meakot re I koma.

22 Kaiti, pue kakon kai kijan uar me jon luet, me inenjeon.

23 O kajonan uar kai, me kitail kin itanai ki, nan ir me kitail kin apualia la lapalap; o kija tail me jo ujun kitail en kin kapuata ta.

24 Pue kija tail me ujun jota me jen kapuata ki tar: a Kot me katolo ki pena kakon kan, ki on me ujun impan me jo ujun:

25 Pue uar te japaroka pajon: o kajona kan en mina pena.

26 Me kajona tai eu matoka

tar, kakon pokon kin matoka tar; o me kajona tai eu kalinan tar, kakon pokon panian polau pena.

27 Komail ari me tanuaran Kraij, o kajona amen amen.

28 A Kot me kupurai on er ni momotjou, moai on uanporon kan, o jokara joukop, o jokara jounpatak, o jokara men uia manaman, o jokara jounuini, men jouaje, joumaj, lalaman.

29 Tatue, karoj me uanporon kai? karoj me joukop? karoj me jounpatak? karoj me men uia manaman?

30 Tatue, karoj kin jounuini? karoj kin lokaia nil pajon? ta karoj kin kajiriuk lokaia?

31 A en noroka koa kamau kai: a nai me kajanjale on komail eu tiak me para moa.

IRA 13.

MA I lokai nil ki en aramaj o tounlan kai, ap jo kaponlol, nan I likbmeta mata jo nil a, o jo jan i.

2 O ma I aja ta tekop, o er ki mearir kan, o tiak kan; o ma ai lapalapa lar, itar on kajo ue la nana kai, ap jo kaponlol, nan jota meakot nai.

3 Ma I kijakija ue ai tipijo kamuja ue ta, puen irelia la me jamama kai, o ma I ki ta uar ai en uia olu la, ap jota kaponlol, nan a jota katapai on ia meakot.

4 Ari kaponlol me impai, o me katak; kaponlol jota kin peirin: kaponlol jota kin akmomo; o jo kejej,

I. MEN KORINT KAN, 14.

5 Jota kin aklemai, jota kin roparop on pein i, a jo jerkailon, a jota kineikinei mal;

6 Jota kin juai ki me juit, a kin pokapoka mealel;

7 A kin kokoa la meakaroj, o kamealele ta, o kaporapora ki, o lolin koko on eta.

8 Kaponlol jota kin tuki ti: a katak tekop kin tuki ti; o nil pajon, o lalman, pil pan jolar; o er pit, pan ku la.

9 Pue kitail me er pali ta, o tetekop pali ta.

10 Alao kaunjoka lar, me pali ta kot pan moma lar.

11 Maj o, ni tokan ai jeripuelel, nai me lallal en jeripuelel, o aja tuen jeripuelel, o lamalaman jeripuelel: a I lao lanta lar, nai me kaje lar taun jeri kan.

12 Pue anjou uet nan klaj eu kitail kin ututial ki, me etiet: a monen I pan ajanai o jalonai:

13 Ari jon jilu pukat, peik, o kaporapor, o kaponlol, kin mimia ta; a me lapalap re irail kaponlol.

IRA 14.

MOAI on kaponlol, o anane puaij lamalam, a mon paai ki pue komail en tetekop.

2 Pue me kin kaueue ta nil en uai ki kaitin aramaj me a katapai on, a on Kot; pue jota aramaj men kin tete ki; ari jo, man a me a kin kaueue ki ta mearir kan.

3 A men kiu tekopa ta kin kaueue on aramaj puen kamani, o kapopet, o kajarloleit irail.

4 A me lokaia nil en uai ki kin kamaui pein i; a me kin kopa ta kin kamaui momotjou.

5 I men komail karoj en lokaia ki nil pajon, a maka ta komail en tekopa ta: pue me kin tekop me lapa jon men kin kaparok nil pajon, ma a jo kajiriulik pue momotjou en aja ta.

6 Ari ri ai ko, ma I para ue lokaia nil pajon, ta me mau kot on komail, ma I jo kaueue ta, o kajanjale ta, o tekopa ta, o patak?

7 O lel on meakai me jo mauri ap kin nil a, tena karon, o arp, me re jo ki ta nor pajon tatua, meamen pan kilele ki ira?

8 Pue jaui popouk pin, ij me pan katinitin on mauin?

9 I tuen komail, ma komail jo kaueue lokaia malitok, tatuen re pan tete ki me kaueue tar? likometa lokaia ue nan ueauea.

10 Pue metapa nor mi jappa, a jota eu me jo pulei.

11 Nan i ma I jaja pulei en nil eu, nai likometa me laumaum on i, o me lokaia on ia pan laumaum men.

12 I tuen komail, omail non on puaij anaki lamalam en men katak kaparok, puen irelia la momotjou.

13 Nan i meamen kaparok ki lokaia en uai i en kapakap ki puen kajiriuiiki la.

14 Pue ma I uia kapakap ki lokaia nil en uai ki, nen I kin kapakap, a jota me I tete ki.

I. MEN KORINT KAN, 14.

15 Ari tatue? Nen me I pan uia kapakap ki, o tete ki: Nen me I pan kakaul ki, o lolikon ki.

16 Ma jo ie, ko pan kamaui ki nen tatuen me tonkapara jo lelapok men pan japon Iei, ni om kapikapina, pueki a jaja me, me koe katiti ki?

17 Pue mealel me mau om kapikapina, a jota katapai on me karona.

18 Nai me kapina ki Kot, ai kin lokaia ki nil kai me neter re omail.

19 Ari jo, nai me akmonpaii ki lokaia jip en lokaia limau me I tete ki tar, puen pataki ki nil I aramaj kai, mon jip en lokaia nen nil en uai.

20 Joulan, en ter tau en jeri puelel jokoio: ari jo, ni peik en kaalemoni ki jeri, a kanona ma la.

21 A intini ti er nan puk en kapon, Jip en lokaia toror kai me I pan lokaia ki on kainok uet; a nan Jioua mavanja ta nan re jota pan karon ia.

22 Nan i lokaia mia puen kilele ti kaitin men peik kan, a men jo peik: a tetekop men kamakamaui jota men jo peik kan, a men peik kan.

23 Ma momotjou pokopokon pena uaja kai, o karoj lokaia nil pajon ki, men jo ere ki kai, o jo kamealele kai, irail jo pan inta ta komail meit puepue?

24 A ma ir karoj tetekop, amen ap para to me jo kamealele o me jo peik, nan a

pan pojon la, o katete ta ren karoj.

25 O i tuen mearir en nan kapeti kan me janjale ta; o a pan tairuki ti ni maja kauto-ki on Kot, o intinta me mealel, Kot me titi po omail.

26 Ri ai ko, ia tue komail? omail pokon pena, omail kaul mia, o patak lepen lokaia, o kautial eu, o kauene eu. A uiania karoj en kaparoka ue puen katapan mau.

27 Ma aramaj kaparok nil en uai ki, eu kaompuora ki, te kajili men ki, en kairoka ue ta; o amen ta en kajiriui-ki la.

28 A ma jo men kajiriniuk mia, i en nennen la nan momotjou; o en kajoi on pein i, o on Kot.

29 Joukop kan en kaompuor te kajili men pena, o amen en katete ta.

30 Ma okotome me katiarok on amen, me mot impa en kamotolen maj.

31 Pue komail karoj en tetekop, amen maj, amen mur, iroka ue ta, pue karoj en lolikon la, o lol mau.

32 Pue manan joukop kan me pa lar joukop kan.

33 Pue kaitin komoan meapin men Kot, a, en me kamaui ni momotjou karoj.

34 Omail li kan en nennen la ni pokon: pue a jota muet on irail en kaparok; irail en papa, tuen kapon me kalook tar.

35 A ma irail men aja okotome, irail en kalelapok reu arail uarok kan ni teu rail,

I. MEN KOBINT KAN, 15.

pue me kanomanok li en kaparok ni pokon.

36 Takota? patak en Kot tapi to jon komail? te a ko ton komail eta?

37 Aramaj men akjoukop ki pein i, te lamalamin ki, i en intinta me nai intin ki ue on komail me en Jioua a majan kan.

38 A ma aramaj men jalelapok, i en jalelapok.

39 Ari, ri ai ko, en noroka tekop, o en ter kainapui lokaia nil pajon ki.

40 Meakaroj en inen ta o kaparoka ue ta.

IRA 15.

IET pil eu, ri ai ko, nai me katiti ki on komail Ronman me I kaueue tar on komail, me komail ale er, o tinain ki tar.

2 O me komail kamaur ki tar, ma komail katakataman me I kaueue ton komail, ma komail jo kamealele mal.

3 Pue nai uja ki on komail ier, me I puili jon er, tuen Kraij me kamata ki lar tip atail kan tuen kijilikau kan;

4 O me a jaripi ti, o iaja ta ni kajilu en ran, tuen kijilikau kan:

5 O me a par on Jipaj, ap on me ek amen ko:

6 Ap par on joulan lima puki kan, kija irail me neter mimia lel met, a akai ir me mairi ti er.

7 Muri, ap par on Jemej; ap par on uanporon karoj.

8 A ikmuri ap par on ia, tena naitik likin kalal men.

9 Pue pokontiti ren uanporon kan nai, me jota uar on kaintin ta uanporon men, pueki ai pei on momotjoun Kot.

10 A mak eu ren Kot me I uia la uanporon ki lar: kaitin mak mal eu on ia; pue ai totok puanok ta jon ir karoj: a kaitin nai, a en Kot a pok me irerai ia lar.

11 Ari ma nai te irail, nan i tuen nai kaueue tar, o tuen omail kamealele tar.

12 Ari me a kaueue tar me Kraij iaja tar jon a mata lar, tatuen akai komail kin katiti ki me melar kan jota kin iaja tar?

13 A ma me melar jota kin iaja ta, nan Kraij jota iaja tar:

14 O ma Kraij jo iaja tar, at kaueue tar me mal, o omail kaporapor me mal.

15 Iei, o kit me katiaroka tar katete likom kai ren Kot; aki at katete ki tar me Kot kaiaja tar Kraij: me a jo kaiaja tar ma me melar kan jo kin iaja tar.

16 Pue ma me melar kan jo iaja tar nan Kraij pil jo iaja tar.

17 O ma Kraij jo iaja tar omail peik me mal; o komail mimi ta ni tipan.

18 O me melan Kraij kan pan lokitoki la.

19 Ma nan maur et eta kitail kaporapor ki Kraij, kitail me liok juit mon aramaj karoj.

20 A mealel Kraij me iaja tar jon mela, uia para moan me melar kan.

I. MEN KORINT KAN, 15.

21 Pue tuen aramaj mela tapi ki tar, i tuen aramaj kaiaja tar jon mela me tapi ki tar.

22 Pue tuen karoj me mela ki Atam, nan i tuen karoj pan kamauri ki la Kraij.

23 A aramaj karoj ni kakai-rok ko to: Kraij maj me para moa eu: muri me nain Kraij nin tokan a kotikot koko to.

24 Ran kan ap pan niki lar, Kraij pan kopure on Jam a, Kot, mui a; alao kaloe ti er kauiaua kan o poe ti kan o kaon kan.

25 Pue nan i en uiaua, lao me kailok ki i loti lar pan aluuilua kan.

26 A mela ikmurin kaopa kan pan loti.

27 Pue a kaloe ti er karoj ni pan aluuilua. A ni a majani ue, Karoj me loti lar pa, nan a jota iana ki men kaloe ti lar pa meakaroj.

28 A meakaroj lao loti lar pa, Kraij ap pan pa lar me kaloeti kan, pue Kot eta en poe ti.

29 Ma jo, ta me men pap-taij ki on me melar kan en uia ta, ma me melar kan jo iaja tar? ta kot me irail pap-taij on me melar ko?

30 A ta me kitail laualo ki mela kaukaule?

31 Nai me kaupuk ki omail polaul me I polaul ki Kraij Jijoj atail Jioua, nai me kaukaule on mela.

32 Ma nai aramaj men palian ta man komat kai kanim Epijoj, ta me mau on ia, ma me melar jo iaja ta? kitail

en nom o nim; pue lakop kitail pan mela.

33 Komail ter kauliapa la: kajoi mal kin kaian la juit.

34 En papaati lan meapen, en ter jopon; pue akai me poponjaja Kot; nai me inta ta me komail en pamok ki ta.

35 A akai pan japon itok, la tuen me melar pan iaja ta? o ia tuen uar a me re pan iaja ki ta.

36 Ko meit lampon! me ko patuki ti jota kin uil la ma a jo mon pena.

37 O me ko kamoro ki ti, kaitin uar ota me pan uara, a a pan ua eu eu, a pan uit, te eu toror.

38 A Kot pan ki on uar a me a kupure ta, o papan eta uar a uta.

39 Utuk kan jo kin ni jon tai eu: a eu utuk en aramaj, o eu utuk en man alu ki pa o ne, o eu mam, o eu manpir.

40 O pil uar lan, o uar puel: a linan en lan eu, o linan en puel eu.

41 Nan eu linan linan en katipin, o eu linan en maram, o eu linan eu uju kan: pue nan uju kan me uiki pajon ki ar linan eu eu.

42 Nan i tueta me melar kan ar iaja tar, Me jaripi ti kaola: a iaja ta jo kaola:

43 A jaripiti jo lina; ap para ta me lina: a jaripiti luet; ap para ta kelail;

44 A jari ti uar puel; ap para ta uar nen. Nan uar puel mia, o pil uar nen.

45 Nan a intin ki ti, Paramoa men Atam me uiaui ki

I. MEN KORINT KAN, 16.

tar nen maur; a Atam tia mur nen uili kapa ta.

46 Ari kaitin tia maj me nen, a me puel; ap nen me tia mur.

47 Aramaj tia maj me puel: a aramaj tia mur me Jioua men poa.

48 Tuen me uar puel, i tuen men pa: o tuen men poa, i tuen men nanlan.

49 Tuen kitail ua mom en puel kitail pil pan ua mom en lan.

50 Ari ri ai ko, I katiti ki me uet, nan utuk o int jota kin kaujon nanlan; o kitai jota kin mimi uajan kitai.

51 Nar, nai me katiarok on komail me kaponapon eu; Kaitin karoj kitail pan mela, a kitail pan nitueli ta,

52 Matan, ni marip tai eu, lao jaui popouk: ik muri me melar kan pan iaja tan jo mela, o kitail pan kiauiki la.

53 Pue kitai uet pan kiauiki lan jo kitai, o kamela uet en kiauiki la uia jo kamela.

54 I tuen kitai uet lao kiauiki lan jo kitai, o kamela uet uia lan jo mela, nan a pan puai tar me intin ki ti er, Mela pan pakatalela ki maur.

55 Mela koe, ia om tata? O joujou koe, ia om poe ti?

56 Kamatok en mela tip; o an en tip kapon.

57 A Kot en pakapina ki ta, atail poe ti ki lar atail Jioua Jijoj Kraij.

58 Nan i, ri ai ko me kom-pokepa I, en toniton ter mokitikit, en kaukaule on

totok on Jioua, pue komail mani er omail totok on Jioua jota kin mal la.

IRA 16.

ARI iet tuen joulan kan en uajai pena kaponlol pena, tuen I kakaliki ti on en momotjou Kaletia ko, i tuen I kakalik on komail.

2 Ni at en ran en uik kan komail karoj amen amen en nikita la ekij kijan me Kot kot ki ton uk, pue onop ter uiaui I lao para ue.

3 I lao para ue lar, meakai me komail kilele ki ti kijilikau, ir me I pan ilaki ue en ua ton Jirujalem omail kaponlol.

4 O ma a muet on ia I en pil ian irail ue, irail pan ian ia.

5 Ari, I pan para ue on komail ni ai tauli Majetonia: pue I pan ueit Majetonia.

6 O likometa I pan kairu, o kamotolon ki re omail nani-par, pue komail en kataulul ia ue lan uaja I men tapoka lan ia.

7 Pue anjou uet I jota pan jip re omail; a I lame tar me I pan puepue ti re omail, ma Jioua katar ia.

8 A I pan mimi ta Epijoj lao Pentikoj.

9 Pue uanim lapalap riti tar mo I me katokin, a kaopa me neter.

10 Ari Timoti lao para ue, komail en apauli i, pue a en jonti mau lar re omail: pue a kin ian ia totok on Jioua.

11 Aramaj men en ter ma-

I. MEN KORINT KAN, 16.

mala ki i: a en kalua i ton
ia popol, pue I pan aui i ton
ian joulau kan.

12 Ari tuen ri atail Apoloj,
nai me non kaulap i en ian
puin joulau para ue on ko-
mail: a, a jota inoni on para
ue anjou uet; a a pan para
ue, lao anjou mau.

13 En majamajan ta, toni ti
on lamalam, en uia aramaj
kelail.

14 En limpoke om uiauia
karoj.

15 Nai me nitiniti ki komail
ri ai ko, (pue komail aja pe-
nainain Tipenoj, me ir tapia
ta joulau en Akaia, o me irail
muet on papa joulau kan,)

16 Pue komail en papajan
me tue ta akan, o karoj me
kin jojouaja at totok.

17 I ap peren ki tar Tipenoj
o Portunetoj, o Akaikoj, arail

para tor: pue meakij me ko-
mail jo ki on ia ir me ki ton
ia er.

18 Pue irail me kautkama-
rara ia, o komail: komail ari
aja ta me tue irail kan.

19 Momotjou en Ejia kin
ranmau on komail. A Akuila
o Prijila kin ranmau on ko-
mail pan Jioua, o momotjou
mi nan im ara.

20 Joulau pokon kin ranmau
on komail. En metik jou
pena amen amen.

21 Nai Pol me intin ki lan
ai ranmau, ni pa I o.

22 Ma aramaj men jo pok
on Jioua Jijoj Kraij, i en
karia la mal la.

23 Limpok en Jioua Jijoj
Kraij en mimi ta re omail.

24 Ai pok on komail pan
Kraij Jijoj en mimi ta re
omail, Amen.

ARI EN KIJILIKAU ME POL, UANPORON MEN, ME INTIN KI LAN MEN KORINT KAN.

IRA 1.

POL, en Jijoj Kraij uanporon men pan kupuran Kot, o Timoti ri atail men, on momotjoun Kot mi Korint, o joulan karoj mi Akaia:

2 Limpok on komail o pol me ren Jam atail, o Jioua Jijoj Kraij.

3 Kot en iajanai, me Jam en atail Jioua Jijoj Kraij, me tapin kaponlol kan, o Kot kamait pokon;

4 Me kin kamakamait kitail ni at komakom kan pueki en kak on kamaiti men kin komakom kan, komail eu, me kit kin kamait ki lar ren Kot.

5 Pue tuen Kraij a komakom me mulitok on kitail, i tuen atail kamait ren Kraij pil itar penan kitail.

6 O ma kit paiio lar nan pueki en kamaiti o kamauri komail, men kamararepan komakom me kit kokoa lar: o ma kit kaut kamarara, nan pueki, on kaporapore komail on kamaur.

7 O at kaporapor kin komail me toniton, ajaja me komail ian tunole komakomalar, komail pil pan ian tunole kamaita la.

8 Pue ri at ko, kit kin men komail en ter jaja me kit komakomalar Ejia, tuen kit patoutou kaulalap, lel on mela, jolar kaporapor ki en piti la:

9 A kit me kilele ti on kamela puen ter akkamauri ki pein kit, a kamauri ki Kot eta me kin kaiaja ta me melar kan;

10 Me kato tar jon ni komakom lapalap uet, o pil kin kato ta ue la: me kit kaporapor ki me a pan kamaio ue kit ta;

11 Komail pil jojouaja kit ki omail kapakap kin kit, pueki me neter en kapina ki at paii ki tar arail kapakap kin kit.

12 Pue kit me kapaii ki met, at kainjinimau la pueki kit me impimpai mealel ren Kot, kaitin katak en aramaj, a katak ren Kot, kit me uia autaut ni jappa, o nan pon komail kaulalap.

13 Pue kit intin ki lan komail meakan me komail toropue tar o intin tar me mealel; o I kaporapor ki me komail pan kamealele koko la;

14 Tuen omail inta ta pali, me kit kaperempa mail, tuen

II. MEN KORINT KAN, 2.

komail kaperenpa at ni ran en atail Jiona Jijoj.

15 O ni kaporapor uet me nai lame tar I en par ki ue lan komail maj o, pue komail en paili ki kariau.

16 O en taululi komail tapak ue lan Majitonia, o en puro ton komail jon Majitonia, o komail en pilikit ia taulul lan Jutia.

17 Ari, ni ai lame tar me uet, ia tue, nai me motan ki ? o meakan me I lame ta nai aramaj lame ta, pue re I en me ie ie, o jo jo ?

18 A tuen Kot me mealel, tuen at pataki komail me mealel jo ni kij ria kij.

19 Pue Nain Kot Jijoj Kraij, me kit kaneeue tar re omail, nai o Jilpenoj, o Timoti, kaitin ie, o jo, a me ie ta ren Kraij.

20 Pue en Kot a kopon karoj me ie ta ren Kraij, on kalanana ta Kot pan kitail.

21 Ari me katini ti kitail pena ni Kraij, o me kajore kitail, me Kot:

22 Me pil kilele ti kitail, o ki on kitail ier komoan Nen nankapet atail.

23 I pil kau ki la Kot nen I, kaitin kanikit jon komail me I jaik para ue on Korint.

24 Kaitin pueki kit men poe ti omail lamalam, a pueki kit men jouaje ta omail jonman: a peik me komail jontimau la.

IRA 2.

A IET me I lame tar me I jota pan patou pure ki ue on komail.

2 Pue ma I kamauki komail, ij me pan kaut kama-marara ia, kaitin komail ota me I kamauka tar ?

3 O nai me intin ki lan komail me uet, pue I lao para ue I te me mauk ki ren me I en peren ki la ; kamekame-alele komail karoj me kaperenpa I, pil kaperenpa omail karoj.

4 Pue ni lokalok, a matok en nan kapetii me lapalap, me I intin ki lan komail jonijon ; kaitin puen kamauki komail, a pue komail en aje ta tuen I kin pokapoka komail kaualap ia.

5 A ma meamen mamauk ki tar me, kaitin nai me kamauki ki tar apali ta : pue I en ter onon kapon on komail karoj.

6 Aniki er on aramaj men et a jonajon, me neter jonajon ier.

7 Nan i maka ta komail en mak ki on i, o kalol mau, pue a te kamopa ki la a mauk kaualap.

8 Nai ari nitiniti ki komail en katete tan i, omail pok on i.

9 Pueki me I intin ki lan komail maj o, pue I en aja ki jon komail, ma komail oke er meakan.

10 Komail mak ki on meamen meakot, nai pil pan mak ki on : pueki komail me I pan mak ki, palian Kraij ;

11 Pue Jetan te puanoka ta poe kitail ti, pue kitail me ijalon ki lar a kauliapa kan.

12 Pil ekij, I para ue lan

II. MEN KOBINT KAN, 3.

Troaj puen kaueue ta Ron-
mau en Kraij, uanim riti tar
mo I on Jioua,

13 I jota jontimau la, pueki
ai jota tu on ri ai Taitoj: o I
kamur irail lar, ap taulul ue
on Majitonia.

14 Ari Kot en pakapina ki
la, a kapoe kitail ki Kraij
kaukaule, o kapikapir jili
manan atail kaueue ta, lela
penan jap kan.

15 Pue kitail en Kraij a pou
mau on men kamaur kan, o
men lokatoka la kan:

16 On eu pui poun mela on
kamela; o eu pui poun maur
on kamaur. A ij me pan kak
on me pukat kan?

17 Pue kit jo tueta men kin
liliajoja ki majan en Kot: a
mealel ren Kot, tena aririn
Kot, me kit patapataki ue
pili ale Kraij.

IRA 3.

ARI ta, kit en pure pikiki ti
kaintin ta pein kit? te
kit en tueta akai poki kijili-
kau en kajale ta pein kit on
komail?

2 At kijilikau komail me
intini ti on nankapetit mali-
tok, o aramaj karoj kin
uatauat:

3 Pueki komail me kileleki
ti er kijilikau en Kraij me kit
papa, me intin ki ti er kaitin
lenair, a Nen en Kot ma-
maur; kaitin ni palin takai
kai, a ni kilin nankapeti
matarok.

4 Kit ari kela ki Kraij tue
met pali Kot:

5 Kaitin pein kit me itar on

kalamalamai on kit okotome;
a katinaipat me Kot;

6 Me uia kin kit jounpata-
kepan katete kap; kaitin tia-
kan ni kili, a mana: pue tia-
kan ni kili me kamela, a
manan me kin kamaur.

7 A ma uiauiian mela me
intin ti o kilele ti on palin
takai kai, me kalomuin pue
men Ijrael en jola kak utu-
tial maj an Mojej, pueki maj
a me linan; linan eu en moki
la:

8 Tatuen uiauiian Nen pan
linan jiki ta jon?

9 Pue ma uia kapon on mela
me linan, tatuen uiauiian la-
malam pan linan kaulap.

10 Pue me kalinan lar kot
me jota pein linan pueki eu
lina me jiki ta jon.

11 Pue ma eu me moki la,
me lapalap, nan eu me lua
me linan lapa jon moa tueta.

12 Kit ari kaporapora ki me,
kit kin ainar on lokaia kamuj
ue ta:

13 A kaitin tuen Mojej me
ki on maj a pera, pue men
Ijrael kan jo kak ututial ko-
moan me kamok;

14 A kapet rail me rota lar:
pue lao lel ranuet pera o
mimi ta anjoun ar uatauat
katete ma: ari pera o me
Kraij jaroka jon er.

15 A lao lel ranuet irail
uatuat Mojej pera mimiai on
mon kapet rail.

16 Ari jo, kapet ar lao u on
Jioua pera o pan jaroka jon.

17 Ari Jioua me Mana: a
uaja Mana mia, nan uajan
maio.

II. MEN KORINT KAN, 4.

18 A kitail karoj me maja jo perapa kin ututial ki linan en Jioua ni klaj, ap uiki on linan Jioua koko ta pueki Mana ota.

IRA 4.

KIT ari ale er koa patak uet, kit jota motat, tuen kit me pail lar;

2 A kit liki jon er uitin okiok kan, o liajoj ki en Kot a majan; a kapare tar mealel o kamani kit on aramaj karoj ar kainjino mon Kot.

3 A ma at pataki ue Ronmau mal lar, nan a mal lan men lokatoka lar kan:

4 Me ani en jappa me karotone lar nan kapetin men jo peik, pue marain en Ronmau kalinan ren Kraij, me janjalen Kot, te jere ta irail.

5 Pue kaitin pein kit me kit kin kaueue ki ta, a Kraij Jijoj me Jioua; a pein kit litu omail pueki Jijoj.

6 Pue Kot, me majania tar marain en para tar jon ni rotarot, me kamarainia tar nan kapetit, pue jen kapare ta uan Kot a linan ni jilanin Jijoj Kraij.

7 A kit me ale er kamau uet, ni uar puel, pue man a en kaintin ta Kot, a jo kit.

8 Kajuit kan me antere kit pena, je ap jo koj ki; kit me patoto, je ap jo lo er;

9 Komakoma lar, ap jota akjoupou lar; me kaje ti er, ap jota pakajapoka lar;

10 Kaukaule uaua jili kalepan Jioua Jijoj a kamata lar, pue maur en Jijoj en janjal ki tar uar puel at.

11 Pue kitail mamaur kin kaukauk on melar pueki Jijoj, pue maur en Jijoj en janjala ki tar ni atail uar mela.

12 Nan i mela kin uiaua on kit, o maur on komail.

13 Kit me ale er manan lamalam ota, tuen a intin ki ti er, Nai me kamealele er, i me I kaueue ki tar; kit me pil pojon lar, ap kajoia tar;

14 Ajaja tar me kaiaja tar Jioua Jijoj Kraij pan pil kaiaja ki ta Jijoj kitail, o pan kajanjal kitail pena.

15 Pueki komail meakaroj mia, pue kamau lapalap en puanoka tan me neteren ia ar kapina on kalinana ta Kot.

16 Nan pueki met kit jota kin me toutou lar; a ma at pon aramaj mokanai ti, at aramaj loli me uiluili ta koko ta.

17 Pue atail komakom tikitik, me motomot, kin ui ai on kitail kaintant lapalap potepote ta;

18 Ni atail jo apuali meakan me janjal, o meakan me jo janjal: pue meakan me janjal me katuk, a jo janjal kan me tiapoka ue ta.

IRA 5.

PUE kitail aje tar me impnal atail jappa olar, kitail im anaki er im en Kot eu, me aramaj jo uia tar, im eu me potapote ta nalan.

2 Pue kitail kin uoriuori anane im en nalan puain ti kitail:

3 Pue kitail puain ti er, kitail en jolar jo kitipa tail.

II. MEN KORINT KAN, 6.

4 Pue ni atail teue lar impual uet kitail kin uoriuor, paton: kaitin atail men jo puapuain ti, a pue mela en katele ki la maur.

5 Ari me uia kin kitail on me uet me Kot, me pil ki on kitail er komoan Nen.

6 Kitail ari me kaporapor mauki kaukaule, aja er ni at kaujon ki uar, kitail kin tou ue jon Jioua:

7 (Pue kaporapor, kaitin ututial me kitail kekeit ki:)

8 Kitail me lamalama, o lol u on uar en tou ue jon, puen kareni Jioua.

9 Nan i me kitail kin totok eta, puen mau on i ni atail me karen, o tou ue jon.

10 Pue kitail karoj en pokon impan mol en kateik ren Kraij; pue karoj en puain ta uiaua kan ni uar, tuen a uia tar me mau o me juit kan.

11 Kit ari, mani er me kalonk kan ren Jioua, kin kauariuari papan aramaj kan; ari kit me koplel on Kot; o omail injino.

12 Pue kit jota japal kamaui pein kit on komail, a pan on komail en kapikapina kin kit pue peikitepa mail en mia on irail me kin kapina liki, jo jon loli.

13 Pue ma kit kauarauaru, nan pueki Kot: o me kit nennen, nan pueki komail.

14 Pue limpok en Kraij kin kanon on kit; pueki kit me lamalama me meamen kamata ki lan karoj, karoj me melar:

15 O me a kamata ki lan

karoj, pue irail en mamaur on kaiti pein ir, a on i me kamat kin ir lar, o iaja tar.

16 Nan i me kit jolar mani aramaj pali puel: maj eta kit mani er Kraij pali puel, a met kit jolar mani me koko la ta.

17 Nan i aramaj men me ki lar Kraij, nan a uilikapa tar: meama kan me moma lar; nar, meakan me uilikapa tar.

18 O meakan me ren Kot, me kalolmaui ki on pein i kitail Jijoj Kraij, o kot kapa kin kit patak en kalolmau.

19 Ienta, me Kot kotikot ki Kraij, kalakalol maua on pein i jappa, jolar kapokon on ir tip ar kan; o a ki on kit patak en kalolmau.

20 Ari kit uanporon en Kraij, tena Kot kapak kin kit: kit kin palian Kraij niti-nit kin komail en kalolmaui komail penan Kot.

21 Pue a kapokon ki on me jo tip a, tip atail; pue kitail en kapon ki lar pa ren Kot.

IRA 6.

NAN iet kit uia ki eu totok ren Kot, kin pokipoki komail, pue komail te ale mal a kaponlol.

2 (Pue a majania tar, I ron er uk anjou i, o ran en kamaur me I kato uk tar: nar, anjou kon eu uet; nar, anjou uet ran en kamaur.)

3 En ter kajapa meakot pue lamalam te kalook juit:

4 A en kamakamaui ki ni meakaroj, kit jounpatak en

II. MEN KOBINT KAN, 7.

Kot, ni impai, ni komakom,
ni pailio kan ni uaiuairok,

5 O ni uokiuoki, ni jaliti ni
moromoro, ni ononop, ni ma-
jamajan, ni ijejol;

6 Ki minimin, ki anla, ki
kokoa, ki katak, ki Nen Ja-
raui, ki pok mealel,

7 Ki patak mealel, ki en
Kot a manaman, ki tatan
mauin mealel pali maun o
pali main,

8 Ki kaka o jo kaka, ki
kalook juit o kalook mau:
ki tena me likom, ari me
mealel;

9 Tena papaja, a tena in-
tant; a tena kaikai on mela,
o, nar, je mamura; tena me
komakom, ap jota mela;

10 Tena injin juit, ap jota
popou lol; tena jamama, ap
kapuapua ta me neter; tena
jota at meakot, ap anaki pena
tipijo karoj.

11 Takota, komail men Ko-
rint, au at me jara pajon on
komail, nan kapetit me lapa-
lap lan komail.

12 Kaitin kit me komail
kaupin ki ti er, a komail me
kakoj ki ti er, pein omail
lamalam.

13 Ari met pelian me, (nai
me aklokaia on nai jeri ko,)
komail en puanoka ta.

14 Komail en ter japarok
uaroki on me jo peik ka:
pue ta me kamau en paili ki
ni kajuit? o ta me marain en
uia ki rotarot?

15 Ta minimin eu me Kraij
en uiaua ren Pilial? te ta
me men peik ren me jo
peik?

16 O ta me mol en Kot en
uia ki ren ani mal kan? pue
mol en Kot maur komail;
tuen Kot majani er, I pan
kaujon lol irail ian momot;
o I pan arail Kot, o irail pan
nai aramaj.

17 Komail ari en ko to jon
re rail, o en torora la, i me
Jioua majani, o en ter toke
me kajaot kot; nai ari pan
apuali komail,

18 O I pan jam omail, o ko-
mail pan nai ol o li me Jioua
lapalap majani.

IRA 7.

KOMPOKEPA I, kitail ale
er kopon pukat, kitail
ari en kajan jon kitail ni ka-
jaot kan en uar puel o nen,
uiaua kamin, lomuini ki Kot
kaunjoke ta.

2 En apuali kit; jota aramaj
men me kit uia me jopon on,
jota aramaj men me kit kota
ue tar, jota me kit kulia jon
okotome.

3 Kaitin kapon on komail
me I inta ue me uet: pue nai
me intar maj o, me komail
mimi nan kapet at pue jen
kame la o kamaur re omail.

4 Nai ari ainar lokaia on
komail, o ai kapina ki komail
me lapalap: o ai peren kin
komail me lapalap, nai me
polaul ki tar mealel atail
jonajon kan.

5 Pue kit lel on Majitonia,
uar at jota molailai a kit me
porur pokon; pali liki peipei,
o pali loli majak

6 Ari jo, Kot, men kin ka-
lolmaui men patou kan, me

II. MEN KORINT KAN, 8.

kainjinimani kit ier ki en Taitoj a para tor :

7 A kaitin a para tor eta, o akperen kin kit tar a peren re omail, ni a kajoi on kit omail non, o mauk, o anane ton ia ; i me nai peren ki tar lapalap.

8 Pue nan I kamauk kin komail lar kijilikau eu, I jota kalu lar, ari nai me kalu lar, maj o : pue I tiara tar kijilikau ota me kamauk ki tar komail rer ekij.

9 I ap peren tar, kaitin komail mauka tar, a pue komail mauk injino ki tar, pue komail mauka tar iren Kot, pue komail en ter ale juit re at meakot.

10 Pue kamauk ren Kot on kamaur kaitin kalu eu : a kamauk en jappa me kamela eu.

11 Pue nar, i met ota omail mauk iren Kot, tuen a uiai on komail en kalaka, o kalekalelepok kin pein komail, iei, kapokapon, iei, kamajak, iei, kanon, iei, katnau on, iei, men palian juit. Ni meakaroj pukat komail me katia-roka ta komail me inen ta.

12 Nan i me I intin ki komail, kaitin pueki me uia ta me jopon, o pil kaitin uapoki, a pueki at pere kin komail mon Kot en janjal on komail.

13 Kit ari me peren ki ta omail peren tar : o pil peren ki tar lapalap en Taitoj a lamalam tapuen ki tar re omail.

14 Pue ma nai kapina ki komail meakot re a I jota

nomanok ki tar ; a tuen meal-lel lokaia on komail me I uiai on Taitoj me.

15 O a pok on komail loli me lapalap on komail, ni a tamataman tar omail oke, tuen omail majak, o pere ki kajama tor i.

16 Nai ari kapina ki ai kamekamealele komail ni meakaroj.

IRA 8.

PIL eu, ri ai ko, kit kin men kajale on komail mak eu me Kot mak ki on momotjou kai en Majitonia ;

2 Tuen nin tokan jonojon mulatok, ar popol o ar japaii laut me it imui lan paii japan.

3 Pue nai me katiti kin ir me irail inoni on lol u on, ie jiki ta jon kijakij ue on joulan kan ;

4 Purepure poki kit en ale arail kijakij, o en pein pakijakiji on joulan kai.

5 O re uia tar me, kaitin tuen at kaporapor ki, a re ki on Jiona pein ir maj, o on kit pan kupuran Kot.

6 Pue tuen Taitoj me tapi tar tok kamau on komail, kit kin men i en kanikie la tok mak ota.

7 Nan i tuen komail katepan ni meakan ienta, peik, o kajoi, o ereki, o porijok, o pok on kit, en kanai on puen pil katapai on mak uet.

8 Kaitin poron eu me I katiti ki me uet, a pueki me te ko me pok on japan, o puen katete ta omail poka-pok.

II. MEN KORINT KAN, 9.

9 Pue komail mani er limpok en Jiona Jijoj Kraij, tuen a kapuapua, ap jamama lar, pueki komail, pue komail en kapuapua ki la i.

10 O nan iet me I panaul pue a me mau on komail me tapi on tok mau, en kapuaia to, o pil inoni on iroka to.

11 Ari komail en kapuaia ta me; pue tuen omail men ian ononop, i tuen komail en uia ta jon ni omail kapuapua.

12 Pue ma inonion mia, nan a palal tueta aramaj ar kapua mia, a kaitin tueta a jamama.

13 Pue I jota men akai en me parara, pue komail en patoutou la:

14 A puen kaparok pena, pue anjou uet omail kapuapua en kaitar arail jamama, o arail kapuapua en kaitar ki omail jo kapua: puen kaparok pena:

15 Tuen a intini ti er, Meamen me jaikan pan jo nak; a me jaik tikitik pan itar.

16 A en kapina ki Kot me kainonion Taitoj en japan on komail.

17 Pue nan a rona tar omail poron; o a matan pein para ue on komail.

18 O kit me pil katara ue joulau men, me intant ren momotjou karoj;

19 O kaitin ieta, o momotjou pila tar i en ian kit kapa ki mak uet, me kit kaparok jili, on kalona ta Jioua ota, o omail japan:

20 Kanakanai on, pue aramaj men te kajopone kit at kapa ki kaponlol uet:

21 Kakaonop me inen kan mon Jioua, o mon aramaj kan.

22 O kit me pil katara ue joulau men ian ir aue, me kit pan pak neter jona tar me a mealel on eta, a anjou met pueki ai kamealele kin komail lapalap.

23 Ma meamen kapeitok ki Taitoj, nan i, o nai me pili-ali pena, i me jouajepa I re omail: o joulau kai, irail me uanporon en momotjou kai, o kalinan en Kraij.

24 Komail ari en kalelapok on ir, o mon momot jou kan, omail pok on ia ier, o at kapikapina kin komail ier.

IRA 9.

PUE tuen tiak en apuali joulau kan, nan jota me I en intin ki ue on komail:

2 Pue I aje omail katak nak, me nai kapina kin komail on men Majitonia kan, tuen Akaia onop er, nan par tai eu; o omail non on kajoue tar me neter.

3 Ari iet I ap ilakia ue joulau kai, pue at juai kin komail te mal tuen me uet; pue komail en ononop, tuen I inta ta:

4 Pue men Majitonia kai ian ia, te kanoti komail jo onop er, kit, (o pil komail) te nomanok ki at juai ki tar.

5 Nan i me I lame tar en panau joulau ko, irail en kaonopa ta pali moa, o nak pena kokop on komail pue a en kijakij, kaitin noroka.

6 O I ap katiti ki, Me kin

II. MEN KORINT KAN, 10

leek kijakijakij pan japal leek; a me kin japan ki ue, pan pil japal japan.

7 Aramaj karoj en puili jon a inonion, a kijakij: ter kija-kol, te akpatik, pue Kot kupura mauki men kin inonion kijajij.

8 O Kot me kak on kapuaia ta kaponlol on komail, pue komail en kak on ni meakaroj, puen itar on tok karoj:

9 (Tuen a intin, A kaparok jili; a kijakij ion me jamama kai: nan a uiaua pon me mimia ta.

10 Ari me kin papan on uaran kamarok, en kalap on komail pret en kamona, o katapaia ta omail kama-kamarok, o pil kapuaia ta mot en omail kapokapon;)

11 Katapan on kapuapua ki meakaroj me kin kare on kapina Kot pueki kit.

12 Pue uiaua koa uet kin katapai on joulam kan, o lapalap on kapina Kot, ren me neter.

13 Ni uiaua me uet irail kin kaintin ta Kot omail upai on Ronmau en Kraij, o omail japan kijakij on komail o aramaj karoj;

14 O arail kapakap kin komail, me kin pok on komail lapalap, pueki mak en Kot re omail.

15 En kapina ki Kot a mak lapalap.

IRA 10.

ARI nai Pol, me nitiniti ki komail, Kraij a opampap o katak, nai me mal men,

ni kareni a me ainar ni touan:

2 A i poki komail, pue I en ter ainar, I lao kareni, ainar eu, me I kin ainar on akai me kin uia kin kit men kekeit ki uar puel.

3 Pue ma kit kekeit ki uar puel kaitin uar puel me je kin pepeki ki:

4 (Pue kapuan atail pepeki kaitin men ni pa tail, a me manaman pan Kot en karona pajon kajakajuk toniton kai;)

5 Kija ti me lemai, o karoj me aklollap on Kot, o kaloe ti on lamalam kan on oke Kraij;

6 O autaute on kaloe ti me katiuo, omail peik lao puanaoka tar.

7 Tatue, komail kin uia ki meakan janjal ar? Ma aramaj men liki me pein i nain Kraij, i en pur on lamalama lame ta, tuen i me nain Kraij, i tuen kit me nain Kraij.

8 Pue me I akuai ki kij at poe ti me Jioua ki on kit puen kamaui komail, kaitin kajuitia ta, I jota pan nomanok ki tar:

9 Pue I te likometan kama-japuek kin komail kijilikau kai.

10 Pue ir me inta, me kalomuin a patik a kijilikau kai; a uar a me luet, o nil a me tikitik.

11 Nan irail en aja tar, tuen kit nan kijilikau ai tou ue, i tuen kit pan tuetue ta kit lao para ue.

II. MEN KORINT KAN, 11.

12 Pue kit jota lolin koko on uia kin kit, o karaja kit on men kin akmani pein ir: a irail jon ki pein ir nan pon ar amen amen, nan irail me jo lelapok.

13 A kit jota pan kajuai ki meakan me jo kon on, a tuen kapon eu me Kot pan on kitail, jon eu me itar on komail.

14 Pue kit jota kin aklapalap kin kit jiki ta, tena kit me poe komail: pue kit me poe komail kit kauue Ronmau en Kraij:

15 Kit jota akjuaiki jiki ta, tena en akai ar tok; a kapapor ki omail peik laolapalapa lar, kit pan puanok kin komail la, tuen atail uiauia,

16 Puen kauue ta Ronmau ni jap kan pali la jon komail, o jota akjuai ki meakan manitin akai aramaj ar toke ta.

17 A meamen pan akjuai ki, Jioua i en juai on.

18 Pue kaitin men akpon ki pein i me pan kapon ki lar, a men Jioua kin kapon tar.

IRA 11.

I AP kaupuk ki Kot komail en muet on ia maj kij ai puepue: iei komail en katar on ia.

2 Pue nai me pere kin komail tuen Kot a pere ki: pue nai me kilele ti on komail ot men, pue I en kajale komail tena li maipon men on Kraij.

3 A I pere ki, pueki tuen jerpent katak uitin me kota

ue ta Ip, ie tuen nan kapeti mail pan katia jon ni tiak monai en Kraij.

4 Pue ma meamen para to pataki ue amen Jijoj, me kit kaika ta kauue ta, o ma komail ale er amen Nen, me kit kaika ta ale, te en Ronmau me komail kaika ta ale er, mak eta komail en mak kin i.

5 Pue nai me kiki on me I jota man jikita jon joumaj en uanporon kan.

6 Pue ma nil ton men nai, a kaitin jo teteki men; a kit me katiaroka lar re omail karoj ni meakan.

7 Tatue, nai me jopon ki lar, ai akmal ki pein nai pue komail en kaintanta la ki ai kauue on komail en Kot a Ronmau jo akpuaipuai?

8 Nai me ki jon er akai momotjou, pokipoki re ir, puen kamarara komail la.

9 O ni tokan ai mimi re omail o jamama, kaitin aramaj men me I uki pa meakot: pue meakot me jo ai, joulan kai men Majitonia me kijai ton ia: o nai me uiauia ia ni meakaroj pue I te katoutoui komail, o I pan pil uia tueta.

10 Nai me kaupuk ki Kraij mealel, jota aramaj men pan tiaki ti jon ia ai akjuai ki jili me uet, ni jap en Akaia kan.

11 Pukita? pueki ai jo pok on komail? Kot me mani er.

12 A me I kin uiauia i me I pan uia ta, pue i en kajo ti jon ir men kin majamajan puen jauai tuen kit.

II. MEN KORINT KAN, 11.

13 Pue nan ir me jounpatak malaun kan, likilikom totok, uitiuitin pein ir uanporon en Kraij.

14 A kaitin kapuiram eu; pue tatue, Jetan kin kauikia la pein i, uiki on tounlan en janjal men.

15 Nan i jota kapuiriam toror eu ma na jounpatak me niki la uia la jounpatak en lamalam; me pan imui lan lokitoki la ar totok.

16 I pil pur on inta ta, Aramaj en ter akpuepue kin ia; ma ie, i en uia kin ia me lampon men, pue I en juai kin ia akij.

17 Met me I kin inta ue, nan kaitin Jioua me I puili jon, a likometa kijan ai lampon, ni ai akjuai ki me uet.

18 Pue me tapa kin akjuai ki uar puel, I pil pan juai ki.

19 Pue komail kin mauki katar on me lolipon, pueki pein komail me lolikon.

20 Pue komail lokalok, me aramaj men jokone komail, ma aramaj men kae la komail, ma aramaj men kulia ta komail, ma aramaj men aklemai ma aramaj men pikir komail ni maj omail.

21 Nai me inta ta ki kapon on, tena kit me ilokepa ue. Ari meamen me ainar, (I ap inta ta jon en lolipon,) nai me pil ainar.

22 Irail men Jutia? i me nai. Irail men Ijrael? i me nai. Irail katautokan Epream? i me nai.

23 Irail jounpatak ren Kraij? (jon en me lolipon me I itok)

Nai me lapalap jiki tar; ni totok puanok ta, ni uokiuk pan pak me neter, ni jaliti me toto, ni mela pupuriok.

24 Pan pak lim pak nai me ua er poki jili jok tuau ren Ju kai.

25 O pan pak jili pak me I uoki er ki tuka kai, eu me I pakajuk, pan pak jili pak takepa I jop olar, pon o ran eu me I pepe jili pon matau:

26 Ni jailok pupuriok, ni lapake kaukaule, ni tontola me lollap kai, ni kalokalok ren me nai eu, ni ren Menliki kan, kareni me juit ni kanim kan, o ni jap tan, o pon matau, o ren joulau likom;

27 Ni matok o lokalok, ni jonjonmaj, ni men mona tar, o men nim pil tar, ni ijejol, ni men pau, o jota likau.

28 O pil ian me pukat ni kili ai koua ki momotjou kan kaukaule.

29 Ij me kiauk, a nai jo kiauk? ij me kaleji lar, o nai jo jaro ki.

30 Ma I en akjuai ki, I pan akjuai ki ai luet kan.

31 Kot me Jaman atail Jioua Jijoj Kraij, me iajanai koko la ta, kin mani me I jota kin likilikom.

32 Kaon en Tamajkoj pan Aritaj nanmaraki me kajinjila ki kanim Tamajkoj toun pei kai, me rukiruk ia ti puen jaik ia ti:

33 O ni uanim tuk nai me apie ki ti kiam eu likin kajukajuk, ap piti jon er ni pa ar.

II. MEN KORINT KAN, 12.

IRA 12.

ARI jo, nan jota kamau eu on ia kajukajuai ki. I pan kapare ta kautial kai, o katiarok kai me ren Jioua.

2 Maj o, jounipar naul pai eu iroka to jon, nai me mania tar ol men (ma a mi nan uar puel, I jaja; te likin uar puel, I jaja: Kot me mani:) nan i ol ota pauka ta lan nalan pera poa kajilu.

3 A nai me mania ta ol o (ma a mimi nan uar puel, te likin uar puel, I jaja: Kot me mani;)

4 Tuen a pauka ta lan Parataij, ap rona tar kajoi kai me jopon aramaj en inta ta.

5 Nan i ol men me I pan juai ki: a pein nai me I jota pan juai ki, a ai luet kai.

6 Pue ma I men juai ki tar, I jota pan puepue; pue mealel pot me I pan inta ue: ari jo, I pan puiook maj, pue aramaj men te uia kin ia mealapajon me a nar ia, o me a ron kin ia.

7 A pue I te akilela jiki tar ki kautial toror ka, nan kamatok teok pot me teoki ti ni utuk ai, papan Jetan puen kalokalok ia, pue I te lamlama ilela jiki tar.

8 Pan jili pak nai poki Jioua, en kot ki jon ia me.

9 I ari majani on ia, Man ai pan itar on uk: nai ari me kak on ni ai luet kan. Nan i me nai peren ki ta ai luet kan, pue manaman en Kraij mimi ta re I.

10 Nai ari kin mauki luet, o

kalook juit kai, o jamama, o komakom kan pueki Kraij: pue ni ai me luet, nan i token ai me kelail.

11 Nai me puepue ki ai juaijuai, komail me koiton ia on ta: maka ta me komail kapon kin ia: pue jota ren akij me nai peti jon joumaj en uanporon kan, ma nai me tikitik.

12 Mealel manitin uanporon me uiauia tar nan pon omail ni impai, ni manaman, o me kalom.

13 Pue ia meakij me komail paii peti momotjon te ko, me a jo pein nai jo kapone ta komail? ari en mak on ia jopon uet.

14 Nar, pan pak kajili pak I onop ue on komail; o I jota pan kapone ta komail: pue kaitin omail kapue kan me I noroka: pue kaitin jeri ka en naka penan me uia tar ir, a me uia tar ir on jeri ka.

15 Ari I pan peren ai papai, o kijakija ue on komail; pala ai pok on komail lapalap, pan tipuk ki omail pok on ia tikitik.

16 Ari i eta, I jota kapone tar komail: ari jota, ai katakataka, nai kaloe ti akai.

17 Tatue, nai me kapuapua ki amen irail me I ilaki ue on komail ier?

18 Nai me katara uan komail Taitoj iana ki joulan men. Ari ta, Taitoj me ale on i meakot re omail? kit jo raj pena ta? kit jo uia jon tai eu?

19 O pil eu, komail kiki on

II. MEN KORINT KAN, 13.

me kit kin kaana ta mau kin kit *on* komail? kit me katiti mon Kot ren Kraij: a kit kin uiaua meakaroj puen kamauia ta komail, me kompokepa at.

20 Pue I pere ki, I te par ue jota kono komail ti tuen me I pan mauki, o me I pan janjal *on* komail, me komail jo mauki: pue kapei lokaia, peirin, 'makar mal, lipeipei, kauai koto, litu monin, lemai, moramoron kan:

21 Pue I te puro to, ai Kot te kanomanok kin ia re omail, o I te mauka ki akai me tip ar mia, o me jota loka ki lar jamin, o nenek, o tuma jaja kan me irail kin uiaua ta.

IRA 13.

METET pan pak jili pak me I pan para ue *on* komail. Nan auan men katete ria men te jili men katiti karoj pan katete ki ta.

2 Nai me inta tar maj o, o pil tekop *on* komail, tena I mi re omail pan pak kariau: o me tou ue *jon* ap intin ki ue *lan* komail me ufa tar me jopon kan, o pil *on* ir karoj, ma I para ue, I jota pan mak kin komail:

3 Nan pueki komail kin men katete ki ta ua Kraij kin titi po I mamajani, me jo luet irair *on* komail, a me mana mau.

4 Pue a kamata ki lar ni a uiaua *jon* luet, ap it kamaur ki lar manaman en Kot. Pue kitail me *ian* i luet, a

kitail pan *ian* i mamaur ki manaman en Kot.

5 Komail en katete ta pein komail ma komail ni lamalam; komail en kaaje ta pein komail. Komail jo aje ta pein komail tuen Jijoj Kraij me kotikot lol omail, ma jo lokatoka la komail?

6 Ari I lamalama me komail pan aja ta me kaitin men lokatoka la kitail.

7 Ari iet nai me kapakap ki *on* Kot pue komail en ter uia ta me juit kot; kaitin pueki klt en parapar me kapon ki lar, a pue komail en uiaua meapon ma kit tena men lokatoka la.

8 Pue kit jota pan kak uia meakot me kaokaoe lamalam, a puen kapuaia ta lamalam.

9 Pue kit me peren ni at me luet, o komail me kelail: o kit pil men komail en unjok la.

10 Ari i me I intin ki ue metet ni ai tou ue, pue I te nil patik ki ai kareni, tuen Jioua majani ton ia puen kamaui, kaitin kaoe la komail.

11 Ari, ri ai ko, ranmau. En uia meapon, en popol, eu minimin pena, en jonti mau pena; o Kot en limpok o kamol en mimi ta re omail.

12 En metik pena nan pon omail amen amen, metik ijou.

13 Nan joulau karoj kin ranmau ue *on* komail.

14 Limpok en Jioua Jijoj Kraij, o limpok en Kot, o limpok en Nen Jaraui en mimi ta re omail karoj. Amen.

KIJILIKAU EN POL ON MEN KALEJIA.

IRA 1.

P**O****L**, (uanporon men, kaitin jon ren aramaj, kaitin pan aramaj, a pan Jijoj Kraij o Kot me Jam atail, me kaiaja ta i jon ni mela kan;)

2 O ri atail karoj me mi re i, ranmau on momotijou en Kalejia kan:

3 Kalanan o pol en mi re omail jon ren Kot me Jam atail o Poatail Jijoj Kraij,

4 Me jokonapaut ki pen i tip atail, en kajan ki kitail me juit kan me mimi jappa, tue kupur en Kot o Jam atail:

5 En uani i koko la ta. Ei.

6 I puiriamui ki omail matan uiki jon i me molipe ki komail kupur en Kraij, uiki on eu lamalam:

7 Me kaitin eu lamalam; ari jo, akai mi er me kin kaponepone komail, o me kin men kalikoma ronmau en Kraij.

8 A ma kit te tounlan amen pataki on komail ronmau me tora jon me je pataki on komail ier, i en ria la.

9 Tue maj je katiti er, I pil metet katiti, Ma amen kaueue on komail ronmau me tora jon me komail apualie lar, i en ria la.

10 Tatua met, I kin men konkon ki lar ren aramaj te Kot? te I kin akapaie ki aramaj? ma I men akapaie ki aramaj I ap jo lar pan papa en Kot men.

11 I katiti ki on komail ri ai ko, lamalam me I pataki er, a jo ta tapi jon ren aramaj.

12 Pue I jo ta ale jon ren aramaj, o jo ta me pataki on ia, a a ko ki ton re i kajalepan Jijoj Kraij.

13 Komail ron er ai uiauaia maj ni pun en men Jutia, tuen I kin morono on momotijou en Kot lapalap ia o kaue la i:

14 O Nai ere ki la pun en men Jutia kan lapa jon me neter ti i, o men jap ui, kajompual ki patok en kaua kan.

15 A ni en Kot a kotin kupukupur, me kator ia jon ni kapet en in ai, o molipe kin ia a kalanan,

16 Puen kajale on ia Na, pue In pataki ta i on me rotarot, I jo ta kalelapok ren aramaj:

17 O I pil jo ta para lan Jirujalem ren ir me uanporon mo i: a I ap matan ko lan nan jap Arepia; katekateo I pil puro ton Tamajkoj.

18 Ari mur en par jilu I ap

ko ta lan Jirujalem, ren Pita paj re a, I ap mimi ta re a ran ejok limau.

19 A jo ta a men uanporon me I kilon, Jemej eta, ri en Jijoj.

20 Ari iran me I intin uon komail ier Kot me mani, I jo ta likom ki ta.

21 Muri I ap ko lan uein Jiria o Jilijia.

22 A jo ta momotijou en Kraij ni Jutia me aja maj ai.

23 A irail ron er, i me kin morouo on ir, metet a kin pataki jili lamalam me a kin maj kaokaoe.

24 Irail ari kin uau i kin Kot ia.

IRA 2.

KATEKATEO murin par ejok paiu Nai pil ko ta lan Jirujalem ian Parnapaj, pil ian a ki Taitoj.

2 I ko ki ta la kajalepan Kot; Nai ari kaueue on ir lamalam me I kin pataki on rotarot kan, a okiok on ir me kalook mau, pue I ter totok mal met, o jo er totok mal maj.

3 A Taitoj me ian ia, men Krik men, re jo ta kakaliki on en jirkomjaij la:

4 Pueki ir pirian likom piuk lon to okiok, me ko lon to en majamajan at maio pan Jijoj Kraij puen kalitui kit la:

5 A je jo ta man peiki on ir, pue lamalam mealel en mimi ta re omail.

6 A ir me mur kalook mau, (I jaja ar lolook maj, menta re i: jo ta lipilpil ren Kot,) I

inta, me kalook mau, jo ta kalalapoke on ia meakot;

7 A me toror, ni ar aja patak men ko on toun jo jirkomjaij puil ti re i, tue patak men ko on toun jirkomjaij puil ti er ren Pita.

8 (Pue I me kapuaia ta en Pita a uonporon on toun jirkomjaij, pil ian ia pataki me rotarot kan:)

9 Ni ar tete ki ai konakon lar, Jemej, Jipaj, o Jon, ir me re ure ki ta, rap ri an kin ia o Parnapaj pa ar pali maun, pue kit en ko uon rotarot kan, a ir en ko uon toun jirkomjaij.

10 A re kin kakaliki on kit en tamanta jamama kan; totok eu me I kin mau ki uia ta.

11 Katekateo ni en Pita a para lan Antiok, I ap kapon on i mon maj a, pue a jopon lar.

12 Pue mon akai para to jon ren Jemej, a jakjak ren rotarot kai: a ni ar para to a pueok jon katora ta pen i, mamajak toun jirkomjaij kan.

13 O pil men Jutia teko ian i malamalaun ta, o pil Parnapaj loti on pil uia malaun.

14 A ni ai tiara ta re jo ta inen ue ta tue uene en ron-mau, I ap potoon on Jipaj mon ir karoj, Main, ma men Jutia men komui ap kin uia tiak en rotarot, a jo tiak en men Jutia, menta komui kin kakaliki on rotarot kan en uia ta tiak en men Jutia?

15 Kita tikitan Jutia, jo me juit tue rotarot kan.

16 Kita aja aramaj me jo ta pon ki la uiaua en lamalam kan, a, a liki Jijoj Kraij eta, nan kita kamealele Jijoj Kraij, pue jen pon ki la at kamealele Kraij, a kaiti uiaua en lamalam kan: pue jo ta aramaj me pan pon ki la uiaua en lamalam kan.

17 A ma kita men pon ki la Kraij, ap tiaroka ta kita me juit, tatuen, Kraij me tapipan me juit? Kaiti.

18 Pue ma I kajuka ta me I kin karok pajon, nan Nai me juit.

19 Pue Nai aki imuin lamalam, ap mue jon lamalam, pue I men mauri on Kot.

20 I ian Kraij lopue lar; a I mauri ta; a kaitin Nai mauri ta, a Kraij me kotikot lol i: o ai maur iran pali utuk me puai ta pue ki ai liki me tapi jon ren japuilim en Kot, me pololol on ia, o jokonpaut ki pen i ia.

21 I jo ta kajamal la kалан en Kot: ma kaponpa utan lamalam en kaua, nan Kraij me mat la mal.

IRA 3.

E! MEN Kalejia puepue kan, ij me kotaua komail? mon komail Jijoj Kraij kajale lar lopue lar?

2 I men lelapok ki jon komail met, komail ale er Nen Jarai jon ni uiaua en lamalam kan, te ronaron ap liki?

3 Komail lolapon tue met? komail tapi ki ta Nen Jarai, ap imui pon ki lar pali utuk?

4 Komail kaankomakom ki

lar mal me juit? tena a jo mal.

5 Me kupurai on komail ier Nen Jarai, o uia manaman nan pon omail, tatuen uiaua en lamalam kan me kare ta, te ronaron ap liki?

6 Nan tue Epream me kamealele Kot, ap uatok on i kaponapa.

7 Komail kupukupur me kin liki, re uia jeri en Epream la.

8 Puk jarai aja tekop tue Kot me pan kupuro kin rotarot kan ar peik, ap kokop ton Epream ronmau, mamajani, Ton uein jappa karoj me pan paie kin komui.

9 Nan mealel ir me kin peik rap pan paie la tuen Epream me kin peik.

10 Mealel ir men uiaua en lamalam kan meit ria lar: pue a intin ti er, Ir karoj meit ria lar me kan poten kapuaia ta meakaroj me intin ti er nan puk jarai.

11 Ari pue jo ta aramaj me pon ki la uiaua en lamalam kan ren Kot, me janjal; pue joulan kan me pan maur ki ar liki.

12 A kapon me jo tapi ki peik; a meamen me pan kapuai ir ata pokon me pan maur kin ir.

13 Kraij me tore kitail jon ni karia pan kapon, pue a ria kin kitail la: pue a intin ti er, Ir me lonalon jon nin tuka pot meit ria la.

14 Pue pai en Epream me tapi jon Kraij Jijoj en lel penan rotarot kan; pue kitail

en aine ki kopun en Nen Jaraui ni peik.

15 Ri ai ko, I lokaia tue aramaj kai; ma inau tuen aramaj, ap kileleti, jo ta me pan kae la, o kaujai on.

16 Ari kopun ko uiaua on Epream, o katautok a meta men. A jo ta majani, Katautok a kai, meneter, a meta men ta, katautok om, me Kraij.

17 Iet me I inta; Inau o me Kot kotin katone ti maj, lamalam o, me ko ta mur, par papuki jilijok, jo ta pan kak kapoie la pue kopun o ter puai ta.

18 Ma pail ko tapi ta jon kapon, nan a jo ta tapi jon kopun: a Kot ki on ki ir Epream kopun.

19 Ta kapon? A uiaui er pueki tip kan, (uia la men tom), katautok o lao para ta me kopun o uia on; o a pan ki ton Joun kapon (me Mojej) ren tounlan kai.

20 Ari Joun kapon jo ta kin keleip ta, a Kot me keleip ta.

21 Ari ia tue kapon? men kapoie la kopun en Kot kan? Jo: pue ma kapon eu mia me kak kamaura ta, nan kapon me pan tap ki ta.

22 A intin jaraui me majani kitail karoj me tipan; pue kopun o me tapi ki liki Jijoj Kraij, en puai on ir me kamealele.

23 A mon liki (Kraij) kai-ken ta par, aramaj kin upai on lamalam, auiaui ur liki (Kraij) me pan janjale to mur.

24 Nan lamalam me raj on joun patak amen, men kalam kin kitail Kraij, pue kitail en pon ki la atail liki.

25 A metet liki (Kraij) me uiaui, kitail jo lar upan joun patak o.

26 Kitail karoj japuilim en Kot pueki atail liki Jijoj Kraij.

27 Pue komail me paptaijer on Kraij komail nain Kraij lar.

28 Jo lar men Jutia, jo lar men Krik, jo lar litu, jo lar jo litu, jo lar ol, jo lar li: jou lai eu komail karoj ren Kraij.

29 O ma komail nain Kraij, nan komail pil nain Epream, na jojo kan tue kopun o.

IRA 4.

AI inta, jojo men arain a tikitik, a jo tora jon litu men, ma a anaki er kapua karoj:

2 A kin upan jounpatak o jounkoa lao lel anjou me jam a kokopa tar.

3 Tue ta kitail, ni atail kijen jeri akai, kitail kin upai on patak en jappa kan.

4 A katekateo anjou mau me kokopa er puai ta, Kot ap porone to japuilim en na, naitika jon ren li, ipui ti on men papa men,

5 Puen kajapatok ir la me kin upai on kapon, pue irail, (kitail), en uia jeri en (Kot) la.

6 Ari pue ki japuilim en na komail, Kot me porone tor nan kapet omail en na Nen Jaraui mamajani, Apa, Papa.

7 Ari jo lar papa men koa, a japuilm en na men, ari ma na, pil jojo men ren Kot.

8 A nin tokan o, komail kin jaja Kot, komail kin papa ir me jo ani mealel:

9 A metet komail kin aja Kot, te aje la ren Kot, menta komail pil japal lan lamalam juit o jakanakan, komail kin pil men upai on?

10 Komail kin kajarauie la ran kai, o jounipon kai, o jounipar kai.

11 I non kin komail, tena I pataki komail ier mal.

12 Ri ai ko, I nitnit kin komail, komail raj on ia, pue I raj on komail, komail jo uiat on ia me juit.

13 Komail aja tue maj ni pali uar ai luet I kin pataki on komail ronmau:

14 A me jonpa omail ni pali uar ai komail jo ta nomanok ki, o tata ki; a komail apuali ia la tuen en Kot na tounlan men, tuen Kraij Jijojo.

15 Ia tuen jon en omail kajakajui ki omail paii? I katiti ki on komail, ma a kak, komail me pan puatika jon maj omail ap ki on ia.

16 Tatuen imuintit omail Nai, pue ki ai kapakapon on komail?

17 Ir kin nonnon rapaki komail, a jo mealel, re kin men katora ta komail pue komail en ian ir la.

18 Nan me mau en roparop la kaualap ren aramaj ni anjou karoj, a kaitin nin tokan ota I kin mi re omail.

19 Jama ko! me I kin men

naitik japali komail, Kraij lao kotikot re omail,

20 Nna I kin men mi re omail metet, kauika nil i; pue I jaliel ki komail.

21 Intai on ia, komail me kin men upai lamalam, komail jo lelapon ki lamalam o?

22 A intinie ti er, nain Epream na putak ria men, amen ren li papa, amen ren li inen mot.

23 A me nain li' papa ipui ki ue pali uar, a me nain li inen mot ipui ki ue kopun.

24 Me pukat karajaraj eu: pue li ria men pukat me raj on inau riau; eu jon nin tol Jainai, me naitiki on na kan papa, i me Ekar.

25 Ekar men et me raj on tol Jainai me mi Arepia. O pil raj on Jirujalem me mi er: kankanranir lar ian na kan.

26 A Jirujalem me mi poa me maio la, me ina pot atail.

27 Pue a intini er, En popol, koa topuon me jo naitik er; katailin, uira ta koa, me jo kaipui on; pue nain li topuon na me toto jon me a pant mi er.

28 Ri ai ko! kitail, tue Aijak, kitail jeri en kopun.

29 A tuen maj o i me naitik ki pali uar me morouo on i me naitik ki Nen Jarau, pil tue anjou uet.

30 Ari jo, ta me puk jarau. intin ta? Kajela li papa o na: pue nain li papa me jo ta pan ian jojo ta nain li inen mot.

31 Ri ai ko, kitail me jo

uan li papa, a nain li kaon men.

IRA 5.

KRAIJ me kamaio ta ki-tail: en ton ti on, ter pil pin ki la lamalam likom.

2 Nai Pol intai on komail, ma komail jirkomjaij la, Kraij me jo ta pan puai on komail.

3 Nna, I pil katete on aramaj-karoj, meamen me pan jirkomjaij la, i en apuali lamalam en kaua pokon.

4 Nan komail mue jon er Kraij, komail me pon ki la lamalam; komail me mora ue jon er limpok.

5 Pue ie kitail ren Nen Jaraii likiliki o auiaui kin kaporapor ki pail pon.

6 Pue ren Jijoj Kraij jirkonjaij jo ta kin man puai on, o jo jirkomjaij, a peik me kajale ta (atail) pok on.

7 Komail kin ueueri mau: ij me karompua komail pue komail en ter peiki on mealel?

8 Panau uet jo ta kin tapi jon i me molipe komail ier.

9 Men kamut tikitik kin kamute la mar pokon.

10 I kaporapor kin komail ren Jijoj, komail jo ta pan uia lamalam toror; a me kin kajopone komail la me pan kateik la meamen i.

11 A Nai, ri ai ko, ma I poten kaueue ta jirkomjaij, menta I kankanranir la? nan kajuit pan lopu ap jo lar.

12 I kin men ir me kalol-moke on komail ren kamueta pen ir jon komail.

13 A ri ai ko, komail paeker on maio; komail ter men maio pue pali uar en puai ta, a komail palolol pena, papa amen o amen.

14 Pue majan pot kapaiipan kujonot pokon, kon pok on aramaj tue pen uk.

15 A ma komail pakolok kaukaue amen o amen, kalaka komail ter mom ki lar amen amen.

16 I inta, alu ki Nen Jaraii, komail jo ta pan kapaia ta inon en pali uar.

17 Pue pali utuk kin inoni me toror jon Nen Jaraii, a Nen Jaraii kin inoni me toror jon pali utuk, a ir poronoron pena, i me komail jo lar uia ki ta me komail kin men uia ta.

18 A ma komail kaluua la ren Nen Jaraii komail maio jon er lamalam.

19 Uiauia kan en pali utuk me janjal, nenek, jamin, monupil, tenteron,

20 Pontik en ani, uinani, kailuk, akatat, luak, makar, akamai, kamanouo, patak likom.

21 Peirin, kamon joko, uiti-pitip; o tue me pukat: iran me pukat I kokop on komail janjal, tue I kin maj kokop on komail, ir me kin uia ta me pukat jo ta pan puai on muei en Kot.

22 A uan Nen Jaraii kan, pok, peren, pol, mpai, katak, kamau, kamealele,

23 Opampap, likijon; jota kaponpan me pukat.

24 Ari ir me nain Kraij,

kalopue lar pali utuk, iana ki norok, o inon juit kan.

25 Ma kitail maura ki ta Nen Jarai, kitail en alualu ki Nen Jarai.

26 Kitail ter akamomo, kamoromoro on amen amen, peipeirin aki amen amen.

IRA 6.

RI ai ko, ma joulau loti on me juit, komail me autaut ki er Nen Jarai, mpai kajapal to i; majamajan pen uk pue ko ter pil loti la.

2 Palikit ki pena nan pon email tautau omail, i tue kapuaia ta muen Kraij.

3 Ma aramaj akmaui pen i, a jo, me juit amen, pan kin kotaua pen i.

4 A aramaj karoj en kajajon on pen a uiaua, (ma me mau) ap pan peren ki ta pen i, a kaitin amen aramaj.

5 Pue aramaj karoj en pen ua autapa.

6 A i me patak ki er ron-mau en kalu on me mau joun patak.

7 En ter ponapon ki; Kot me jo pakatau; meakot aramaj kin kamore ti on, i me a pan tuluna jon.

8 Me kin kamore ti on ni pali utuka, a pan tuluna jon ni pali utuka men lokatoka la; a me kin kamore ti on Nen Jarai, a pan tunole jon

ren Nen Jarai maur potapot.

9 Kitail ter pona ki atail uiaua mau: pue ni anjou me kon on kitail pan puai ta, kitail jo mator la.

10 Ari tuen a kakepa tail, kitail en uia mau on aramaj karoj, iei ir penainai pojou.

11 Nar tuen kijilikau laut me I intin ki er uon pen pai komail.

12 Ir me kin men lolook ni pali utuk, kin men komail jirkomjaija la; a re uia me pue re jo kin men komakom ki lopu en Kraij.

13 Nan pen ir me jirkomjaij la jo ta kin apuali lamalam; a re kin men komail en jirkomjaij la puen jujuaikin pali utuk omail.

14 A Nai, I jo ta pan ponmajajo, a iran lopu en Po atail Jijoj Kraij eta, pue ki i jappa katia jon ia, o Nai katia jon jappa.

15 Jirkomjaij jo ta pan kare ta meakot, o jo jirkomjaij, a kauilikap.

16 Ir me inen ki ue ta patak pot et en popol, o puai la, o joulau en Kot kan.

17 Jon met koko la ta aramaj en ter morouo on ia: pue I ua jili ta nan uar ai lopu en Jijoj kan.

18 Kalanan en Po atail Jijoj Kraij en mi ren nen omail, ri ai ko. Ei.

KIJILIKAU EU ME POL UANPORON MEN ME INTINIA LAN MEN EPIJOJ KAN.

IBA 1.

POL uanporon men en Jijoj Kraij pan kupuran Kot, on joulan mi Epijoj kan, o me kokoplel on Kraij Jijoj:

2 Iet mak, o pol, on komail, me ren Kot me Jam atail, o me ren Jioua Jijoj Kraij.

3 Kot me iajanai o Jam en atail Jiona Jijoj Kraij, me kapàia kin kitail lar paii lamalam kan jon nalan pueki Kraij:

4 Tuen a pila tar kitail on pein i ni jappa jaik nia, pue kitail en min la, o jo tip mo a ni limpok:

5 Me kilele ti kitail on Jijoj Kraij en it uia na jeri la, tuen a pein kupure ta,

6 Puen kaintin ta a kalana-na kin kitail on kompokepa Kraij.

7 Me kitail kajapal ki tar int a, lapua tar tip kan, tuen a mak japan;

8 Me a japan on kitail ni a er pit o tetekopa tar;

9 Tuen a katiarok on kitail kupure ta mearir kan, tuen a kalanan on me a kupure tar ren pein i:

10 Pue katekateo lao anjou lel er, i en uijik penan Kraij

meakaroj, men nalan kan, o men jappa kan; on pein i:

11 Me kitail pil ale er atail jou, atail kilele ti er on me a kupure tar kan me kin uiaua on karoj tuen a pein kupure tar:

12 Pue kitail en kalina ta i, me para moai peik on Kraij.

13 Me komail pil peik ion er, omail rona tar patak meal-lel, Ronmau me kamaurepa mail: me komail pil kei er on omail kamealele pan Nen Jarai me kopon tor,

14 Me ko moan on atail jou ki la lao lel paii not japal en, on kaintinta a kalinan.

15 Nan i nai rona tar omail peik ion Jioua Jijoj, o pok on joulan kan,

16 Ap jota kin tuki ti jon kapikapina komail, ni ai uia kapakap;

17 Pue Kot en atail Jioua Jijoj Kraij, Jam en linan, en kot ki on komail manan er pit o kantial puen aja ta i:

18 Majan nan kupur omail en marain la; pue komail en aja ta kaporapor eu a kilele tar, o a jou ki paii apual ren joulan kan,

19 O a manaman kaulap

MEN EPIJOJ KAN, 2.

on kitail me kamealele tar,
tuen a uia tiak toror kan,

20 Me a uia ki tar Kraij, ni
a kaiaja tar i jon a mata lar,
o kajapuila tan i ni a pali
maun nalan,

21 Iela jon me poa karoj, o
uiauia, o manaman, o mui,
o mmarr karoj mia ni mui
uet, o mui koko to:

22 O me kajapuli ti on ne i
meakaroj, o kajapuila tar i
en tapuin meakaroj ren mo-
motjou,

23 Me kalepa, me katirepan
i me kaitar en meakaroj.

IRA 2.

NAN a kamauria tar ko-
mail me melar ki uia tar
jopon o tip kan;

2 Me komail tataure ki maj
o tuen tiakan uiauiian jappa
et, tuen uiauiian poet en pan-
puetlan, ani me kin uiauia
me jo peik kan:

3 Me kitail keit ki maj o ni
kamom uar puel, anana ta
inon en puel o nankapeti; o
me utan jeri en komakom,
tuen me te kan.

4 A Kot, me tir en kalanan,
pueki a mak, me a pok on
kin kitail lar,

5 Ni tokan atail melar ki tip
kan, nan a kamauri tar ki
Kraij kitail, (pue mak me ki-
tail kamaur ki lar;)

6 Nan a kaiaja tar kitail, o
kamot on kitail ti ni uaja
linalin kan ren Kraij Jijoj:

7 Pue katekateo lao kana, i
en kapare ta a mak lapalap,
o a kalanan on kitail pan ku-
puran Kraij Jijoj.

8 Pue komail kamaur ki lar
mak pan peik; a kaitin pueki
pein komail: nan pai mak eu
me ren Kot:

9 Kaitin me ren uiauia eu,
pue aramaj te akjuai ki.

10 Pue a tok kitail, tok ja-
pal eu on uiauia me mau pan
Kraij Jijoj, me Kot kopa tar
moa pue kitail en keit kin
ir.

11 Komail ari en tamatamen
ta me Menliki komail maj o,
me alu ki uar puel, men kain-
tinta Jo jirkomjaij ren me
Jirkemjaij kan ni kili, monin
pan aramaj;

12 Pue maj o komail me jo
kapara Kraij, me men likin
kainok en Ijrael, o me ap par
kai on inau o kopon, me jo
kaporapor, o jo Kot ni jappa
et:

13 A komail, me tou ue jon
maj o, met, ni Kraij Jijoj me
karen tor pan intan Kraij.

14 Pue i me kaeupat, me
uia kin irail eu, o karonk a-
pajon kel me ira pajon irail;

15 Me tiaki ki ti er kalep a
puel, jempok, ienta, tiak en
uiauia kan; puen uia ki on
pein i aramaj kap men, puen
kamole la uaja;

16 Puen kalol maui on Kot
irail ni jon lai eu pan lopu, a
tiaki ki ti er arail jempok:

17 Ap kotin pataki ton ko-
mail men kaila ue kan, o on
ir me karen, jonmau.

18 Nan pueki i me kitail kin
para ki penan Kot ni Nen
Jarani.

19 Komail ari jolar men liki,
o men uai, a me puelitar kan,

MEN EPIJOJ KAN, 3.

o me eu ren joulau kan, o ren penainai en Kot;

20 O me ian kaukau im pajoni ti-pon uanporon kan, o joukop kan, Jijoj Kraij me pikkaim;

21 Me kajuk pena, ni kakon meakon, kin kajuka ta uta ni imjaraui on Jioua ta:

22 Me komail pil tata kakon penan mol en Kot pueki Nen Jaraui.

IRA 3.

PUEKI met nai Pol, en Jijoj Kraij a jali ti men pueki komail Menliki,

2 Ma komail rona tar iran Kot a mak eu me a kajanjale ton ia er pueki komail:

3 Tuen kautial me a katiarok ki on ia me kaponapon eu; (tuen I intin ki ue maj lepen kajoi kijakij,

4 Me komail lao uatok, komail pan tete ki ai aja tar mearir kot eu ren Kraij;

5 Me jo katirok on tia te ko koko to, tuen a ap katiarok ki tan na uanporon jou kan, o joukop kan, pan Neni;

6 Me Menliki kan jou penan inau tai eu, o puaij anaki en Kraij a kopon kan ni Ronmau:

7 Me nai papa ki, tuen Kot a maka ki on ia er tuen a uiauia manaman.

8 On ia, me tikitik me pe ti jon joulau kan, me mak uet pan ton ia, pue I en kauene ta Ronmau on Menliki ka iran kalanan lapalap ren Kraij;

9 O puen kaaje ta aramaj karoj tuen jou apual mearir eu ren Kot jon tapin kaua me tipia ki tar meakaroj ren Jijoj Kraij;

10 Puen katiarok on momotjou anjou uet ni uaja kajalel kan, o on poeti kan en Kot a kalanan japan,

11 Iran a uonopa tar pote-pote tar ren Kraij Jijoj atail Jioua:

12 Me kitail lol koko on kamealele.

13 Nan ie me I men komail en ter motot ki ai komakom kin komail lar, men kalinana ta komail.

14 Pueki me, I kin uiauia kelipuki, on Jam en atail Jioua Jijoj Kraij,

15 Me penainai pokon nalan o jappa me ata jon,

16 Pue i en kot ki on komail, en tinain ta nan kupur omail, tuen a mak japan, pan Neni;

17 Pue Kraij en kotikot lol omail pueki omail peik; pue komail toni ti o jone ti ni limpok,

18 Ap kak on ian joulau kan tete ki ta telap, o anet, o ile;

19 O en aje ta en Kraij a limpok me jiki ta jon er pit, pue komail en tire ki kupur en Kot kaulalap.

20 Ari on i me manaman on uia ta me lapa jon atail poki o inoni on, tuen a kak on uiai on kitail,

21 Uau en ko on ni momotjou pan Kraij Jijoj koko la ta jo tuk. Amen.

IRA 4.

NAI ari, en Jioua a jali ti men, kin papain komail pue komail en kekeit inen ue ta ni koa eu komail paeker on,

2 Impimpai on jo aklemai, kokoa lar, mak pena nanpon omail;

3 Ankelail on uia minimin pena ni Neni jou pena ni jou mau eu.

4 Nan uar tai eu mia, o Neni tamen, tuen komail me paeker on ni kaporapor tai eu en omail paeker on:

5 Jioua metamen, peik tai eu, paptaij tai eu,

6 Kot metamen me Jam en karoj, me poe ti karoj, o tau-tau loli, o pit komail karoj.

7 A on kitail karoj paii mak me papan on tuen tiak en Kraij a kaponlol.

8 Nan i a majania tar, Ni a koti ta lan poa, a tiaki ti poe ti me poa kan, ap ki on aramaj kan paii mau.

9 (Ari tatuen a koti ta lan er, kaitin a pil koti ti la pajet maj o?)

10 Me koti la i ota me koti ta ue ilela jon pon nalan kaualap puen katire la uaja karoj.)

11 A kot ki on akai, en koua uanporon lar; o akai, en koua joukop; o akai, en koua uanronmau; o akai, en jilepa, o jounpatak;

12 Puen kapona ta joulan kan, o jounpatakia ta, o joukpuelia ta momotjou en Kraij:

13 Kitail karoj lao lel on

lamalam, ere ki la Nain Kot, lel on aramaj lelapok, on ilelan Kraij unjoke ta:

14 Pue kitail en jolar taun jeri puelel, me ipiprok jili, autaut patak likom, o uitiu-tin aramaj, kotakota ue ta, me re majamajan liliapai;

15 A en katak pataki meal, en kakaira ta ni meakan ni Kraij, me inoja ta;

16 Me uara tata me kakon pena o ari, o katona ki ti penan monin pan tiak kakon kan, kin uiauia ura kamaio ta ni kamau.

17 Nan i ari me nai pataki ue, o kau ki la Jioua, pue komail en ter uiauia tuen Menliki te ko, ni ar jar lemai,

18 Me nankapeti rotarot, o me pura jon maur en Kot pueki ar jalelapok ki, kapeti pon la:

19 Me jolar paam uaja me muet on pein ir en tenter, o en inon kajaot kan, kamomata.

20 A kaitin i tueta me komail aja tar Kraij;

21 Ma komail rona tar i, o pataka jon i, tuen meal, ni Kraij:

22 Pue komail en puili ki ti kajokajoi en maj, me ip puel, me jota kot e, me kainon juit tuen noroka likom;

23 O en uilikapa tar lol omail;

24 O pue komail en tanuar anaki lar aramaj kap, me kauoja tar kapona lar, monin pan Kot.

25 Nan i aramaj karoj en kaje la likom kan, en lokaia

mealel on me imp a : pue ki-
tail me toun jap tai eu.

26 En ter makar mal; kati-
pin en ter itan ue omail ma-
kar :

27 En ter loti on tepil o.

28 Me pirap lar en ter pur
on pirap : a maka ta en to-
tok, katok ki pa kan tipijo
mau, puen kaonopa ta men
kijakija on me jamama kan.

29 Kajoi kajaot en ter ko ue
jon nan au omail, a men ka-
mau, puen papa ki on me
karona kan me mau.

30 En ter kamauki Nen Ja-
raui en Kot, me komail keiei
ki er on ran en kajapala ta.

31 En kaje la jon komail
limilim juit, o makar, o men
peii, o paupaulap, o karaun
mal, o peirin :

32 O komail en katak pena,
pokapoka pena, maka ki
pena amen amen, tuen Kot,
pueki Kraij, me maka kin
komail lar.

IRA 5.

KOMAIL en ionan Kot
tena na jeri kompok
kan;

2 O en kekeit ue ni kompok,
tueta Kraij me pok on kitail,
o jokenpaut kin kitail on Kot
puen alu ijik puen pomau eu
en kamaur.

3 A nenek, o jaot, o norok,
en ter man puai ta re omail,
tuen meapon ren joulau kan;

4 Pil ter jamin, o kamon, o
kajoi mal, me jo inen : a en
kapin pena nan pon omail.

5 Pue komail mani er, nan
jota me nenek, o me jamin, o

me noroka, me poni ani mal,
me pan jou ki muein Kraij, o
Kot.

6 En ter muet on aramaj
men en liliapa kin komail
kajoi mal : pueki i me pukat
onion en Kot me ko ki ton
me jo oki kan.

7 Komail en ter an ir ta.

8 Pue maj o komail me kijan
me rotarot, a met komail ma-
rain lar ki Jioua : en keit ki
marain :

9 (Pue manitin Neni me ka-
mau, o meapon, o mealel ;)

10 Katete ta me palal on
Jioua.

11 O ter uaroki ki men uia-
uia juit kan ren me rotarot, a
maka ta en kapon on ir.

12 Pue nan me kanomanok
kajokajoia ta me ir kin okiok
uia ta.

13 A karoj me katete tar kin
katiaroka tar nan marain : pue
me kajanjala tar eu marain.

14 Nan i a majani, En piri
ta koe me mamair, o pauri ta
jon melar, o Kraij pan kama-
raini uk ta.

15 En kalaka pue komail en
keit inen ue ta, kaitin tuen
me jalelapok, a tuen me lela-
pok,

16 En autaute anjou kan,
pueki ran kan me japail.

17 Komail ari en ter lampon,
a en lelapok ki la kupuran
Jioua.

18 En ter kamom uain, loti
on ; a en tir ki la Neni ;

19 En kamakamait ki pein
komail kaul, o kataillon kai,
kaul kamakamait nankapet
omail on Jiona ;

20 Kapikapina kaukaule
Kot me Jam atail ni mma-
ren Jioua Jijoj Kraij:

21 En papa komail pena
amen amen ni majak tolan
Kot.

22 Li papaut ka, en uti on
omail uarok, tuen on Jioua.

23 Pue ol me tapuin a paut,
tuen Kraij me tapuin mo-
motjou: o i me kamaurepan
uara.

24 Nan i tuen momotjou me
pananin Kraij, nan i tuen li
kan en pananin ar uarok ni
meakaroj.

25 Ol ka, komail en pok on
omail uarok, tuen Kraij me
pok on momotjou, o kot ki
tan i maur i;

26 Puen kajaraui o kalomu-
in, ia a uiten ki pil a majan,

27 Puen kajanjale ton pein i
momotjou linan, me jota to-
pala, o omrok, o lipua kij; a
meamin la, o jo kaopa kot.

28 Nan i tuen ol kan en pok
on ar uarok tuen pein uar
arail. Me kin pok on a ua-
rok kin pok on pein i.

29 Pue jota ol men kin me
juiti ki pein uar a; pue a kin
kanainai ta, tuen Jioua kin
kanaitika ta momotjou:

30 Pue kitail me kajonan
kalepa, o utuk a, o kakon.

31 Pueki i me ol pan muet
ue jon jam a o in a, ap muet
on a paut, ira ari pan uar tai
eu la.

32 Meit kaponapon lapalap
eu: a nai me kaparok ki on
papaut eu en Kraij a uaroka
ki momotjou.

33 Ari jo ol karoj en pok on

a uarok amen amen tueta
pein i; o a uarok li en kalaka
puen kakaki a uarok ol.

IRA 6.

KOMAIL kijin jeri ka, en
oke tar me uia tar ko-
mail ka pan Jioua: pue i me
inen.

2 En kakaki jam om o in
om; me tapin kujnot kan me
kaponepa mia;

3 Puen me mau re omail, o
pue komail en uarai jappa.

4 O, jam ka, komail en ter
kaloka ta no mail kan: a en
kaikaian kin ir kamau o pa-
nau mau ni Jioua.

5 Me papa ka, en oke omail
joumaj pali uar, majak o lo-
muin ki, o lolepote on, tena
on Kraij;

6 Kaitin akintant ki; a en
papan Kraij, uiaua kupuran
Kot jon nankapeti;

7 En lol koko on, papai on
Jioua, kaitin on aramaj:

8 Ajaja me mau kot me ara-
maj men uia tar, pan taura
jon Jioua, ma a men poa men
te men pa.

9 O, joumaj ka, en uia ta
inen on ir, ter jokone ir: aja-
ja omail joumaj kotikoti ta
nalan; me jota kin lipilipili
aramaj janjal ar.

10 Ari, ri ai ka, komail en
kelail ki Jioua, o ni a mana-
man.

11 En ki ta tatan mauin
pokon ren Kot, pue komail
en kelail on palian en tepil a
uitiuitin kan.

12 Pue kaitin uar puel me
kitail palian on, a on joumaj

ka, *on* uiaua ka, *on* kaon ka en me rotarot en jappa, *on* me juit en jappa kan me pura jon ni lamalam.

13 Ari komail en ale ta tatan pei ren Kot, pue komail en poe ti ran en tapak pena o ari, en toniton.

14 Ari en toniti, omail lonalon en katintin ki mealel, o pera ki meapon;

15 O ne omail en kitim ki lamalam;

16 O en moa ki, perepa lamalam, me komail en pere ue jon ki katiu en me lollap kan.

17 O ale *on* lijorop en kamaur, o kotlaj en Neni, me Majan en Kot:

18 En poti ti *on* kapakap o pokipoki Neni, o majamajan ta o kaporapora ki o laolao ki joulan kan:

19 O laolao kin ia, pue I en nil malitok, o au ai en jara pajon aiainar en kauene ta mearir en Ronman,

20 Me nai jounpatakepa me jali ti ki lar: pue I en kelail *on* kauene ta, tuen me kou *on* ia.

21 A pue komail en aje ta ir ai kan, Tikikoj, joulan kompok men, o papan Jioua, pan kaire ki *on* komail meakaroj:

22 Me I porone la pue komail en aje ta ir at kan, o pue i en kamait kupur omail.

23 Pol en ko *on* joulan kan, o pok en lamalam jon Kot me Jam, o Jioua Jijoj Kraij.

24 Limpok en mimi ta ren karoj me kin pok *on* mealel atail Jioua Jijoj Kraij. Amen.

KIJILIKAU EU ME POL UANPORON MEN INTINIA LAN MEN PILIPAI KAN.

IRA 1.

POL o Timoti, papan Jijoj Kraij, on joulan en Kraij Jijoj kin me mimi Pilipai, o uanponmau o jouunkoa kan :

2 Iet mak o pol, jon Kot Jam atail, o jon Jioua Jijoj Kraij.

3 I kin kapikapina ki Kot anjou kan en ai tamataman komail,

4 Anjoun ai kapakap kin komail peren tar pokipoki,

5 Pueki kajarloleitpa I komail ni Ronmau koko to lel met;

6 Kamekamealele tar me tapi on komail ier tok mau pan kanikie la lao ran en Jijoj Kraij :

7 Tuen a pon on ia en lamlamai on komail, pueki I kin kolakol komail nankapet I; pueki ni ai janjali ti, o kauue ta Ronmau o katete ta, komail karoj me ian ia kapakapai ia.

8 Pue katetepa I Kot, tuen I kin kanon kin komail pan kupuran Jijoj Kraij.

9 O I pil kapakap ki me uet, pue omail pok en lapa-lapa lar kakaira ta ni lelapok o lamalam kan ;

10 Pue komail en meapon ki me mau kan ; pue komail en mealel on o jo tipan lao lel ran en Kraij ;

11 Me tir en uiaula meapon, me ren Jijoj Kraij, on kalina-na ta Kot kapina ta i.

12 A, ri ai ko, I men komail en aje tar, meakan me pit ia me tia lan kaintintar Ronmau ;

13 Nan I ai jali ti kan pueki Kraij me parapar tar uaja nan im en monjap, o uaja karoj ;

14 O joulan me neter ni Jioua, me ainar ki tar ai jali ti, me lamalam toni ti o ainar on kauue ta patak jo majak.

15 A akai ir kin kauue ta Kraij akpeirin o akalekonikon ; o pil akai puen kaponlol :

16 Eu pui kin kauue ta Kraij kapei lokaia, jo mealel on, kiki on me re pan kalapa la ai jali ti kan :

17 A pui tei eu pueki kaponlol, ajaja tar me nai kaja-puila tan kainta ta o katete ta Ronmau.

18 A tatue ? ni karoj, ni li-ajoj, te ni mealel, Kraij me kauue tar ; nai ari me polaul ki tar me, o I pan polaul tar.

19 Pue I aja tar me iet pan uiki la tia lan kamaur ia la pueki omail kapakap kin ia, o Nen en Jijoj Kraij me ian ia,

20 Tuen ai aniani kaporapor ki, o kajikajik ki puen jolar me I en nomanok ki, a pue I en lollap on met o tataur ta, me Kraij pan kaintinta ki uar ai, me a mauri la o me a mela.

21 Pue I mamaur, Kraij me I mamaur lan, ari pein nai, maka ta I en mela.

22 A ma I mamaur eta nan uar puel, nan ai uiaua pan katapai on Kraij: ari I pan jaja me I en irair on.

23 Pue nai me ni peikajal eu; eu I en mela, puen mi la ren Kraij; me mau moa:

24 Ari jo, en tataure ta pali uar ai me katinain on komail.

25 Ari ai likia lar me uet, ap aja tar me I pan kaujon, o mimi ta re omail, puen kalaute la omail paii lamalam;

26 Pue omail polaul en lapalap lar ren Jijoj Kraij ki ai para lan komail.

27 Ari omail uiaua en uar on en Kraij a Ronmau: pue ma I para lan komail, te jo, I en ron ki ira mail, me komail jone ti min tai eu, o lamalam ta pot o an kelail penan peiki on Ronmau;

28 O jo man majak jempok omail kan: me kilelepai on ir komakom, o on komail kamaur ren Kot.

29 Pue a tunole on komail pan kupur en Kraij, en kamealele i, o kalokaloka ki i;

30 Jonajon, tue me komail utial I jonajon ki er, o ap rona tar mi re I.

IRA 2.

MA kainjin mau kij ren Kraij, ma liok mau kij ni limpok, ma kajarloleit ren Neni, ma kamokit pokapok, nan kapet omail,

2 Komail en ana ta ai peren, pue komail en min tai eu, o pok tai eu, o lamalam tai eu, o jou lai eu.

3 Ter aklemai uiaua meakot; a impai pena amen en kaka ki amen moa.

4 Aramaj en ter apuali pein a tipijo kan, a en akai ar tipijo.

5 En Kraij Jijoj a kupur ota en mimi ta nan kupur omail;

6 Me tueta Kot, o kupure ta me i o Kot metamen:

7 Ap akkamala la pein i, uia lituia la, o uia la jon en aramaj:

8 O para tar uia aramaja lar, o opampapa lar, o uti on er mela, ienta, on mela ni lopu.

9 Nan i me Kot kajapuila ta i ilela, o kammare ta i mmareu jiki ta jon mmare karoj:

10 Pue aramaj karoj en keli-puki jon mon mmare en Jijoj, tipijon lan, o tipijon jappa, o tipijon pajet;

11 O loo karoj en katiti ki me Jijoj Kraij me Jioua, on kalinana ta Kot me Jam.

12 Ari, kompokepa I ko, tuen omail okoke koko to, kaitin ni omail uokaren ia to, a me jiki tar anjou uet ni

MEN PILIPAI KAN, 3.

at tou pajon, en pere ki, o lomuini ki katokatoki kamaurepa mail.

13 Pue nan Kot me kauiaua lol omail puen kamen ton o uiaua kupur a.

14 En uiaua meakaroj jo lipanete o jo akamai;

15 Pue komail en meapa o mealel, nain Kot na ol kan, jo kapoko, nan pon tia juit, o katiuo, me komail jer janjal nan pon ir likometa jer kan en jappat;

16 Kajanjale majan maur; pue I en polaul lao ran en Kraij, pue I te tan pon mal, o totok mal.

17 Nan mealel, o ma I pana lan komakom puen kapuaia ta omail peik, I pan ian komail karoj polaul, o peren ta.

18 Nan pueki i ota komail kin ian ia polaul, o peren ta.

19 A I ap kaporapora ki Jioua Jijoj me I pan matan porona ue Timoti, pue I en pil peren ta I lao aja tar ir omail.

20 Pue jota aramaj men me kompokepa I, me pan apuali komail.

21 Pue karoj kin pok on pein ir, kaitin me ren Kraij.

22 A komail mani er iren i, tena nai ol men, me kin papai ia ni lamalam.

23 Nan i me I men poron ue eten, I lao aja tar ir ai mo I.

24 A I liki Jioua me pein nai pan pora ue matan.

25 Ari I kiki on me I en poron ue on komail maj Ipaprotaitoj, ri ai men, o ai uarok en totok, o peipei, a men

kaire kin komail, o me papai ia ni ai jamama.

26 Pue a kanon kin komail, o patoutou ki lar omail rona tar me a jomau tar.

27 Pue nan mealel a jomau tar toropoka lar: a Kot me kupure tar i; ari kaitin i eta, pil nai, pue I te paiaa lar pokon.

28 Nai ari me kanainai porone la i, pue, komail lao utial i, komail pil peren ta, o ai mauk en tikitiki la.

29 Komail ari en kajamo i ni Jioua popol; o kanikit me tueta i kan:

30 Pueki a totok on Kraij me a karen ki on mela, jolar pok on pein i, puen piliali komail en apuek ia la.

IRA 3.

ARI, aniki er, ri ai ko, en polaul on Jioua. Intin pure ki me pukat on komail, me jota kamatok lol on ia, a me kamau on komail.

2 En kalaka kiti kai, en kalaka me uia juit kan, en kalaka iran jirkomjaij.

3 Pue men kin poni Kot ni mana, o liki Kraij Jijoj, o jo liki uar puel, me men jirkomjaij kan.

4 I kin pua liki uar puel me mau. Pue ma amen aramaj kele ki uar puel, nai me en kele ki uar puel kaualap:

5 Me jirkomjaij lar auil en ran, o me ipui tuen Ijrael, kainok en Penjamin, men Ipru; Pariji men me paki kapon;

6 Kataulomui, nai me kame

lar joulan; kiki on meapon en uia me, jota japai.

7 A meakan me pail on ia tar, I akmal lar pueki Kraij.

8 Iei mealel, I ap mala ki meakaroj pueki kamaur ren Kraij Jijoj ai Jioua: me I komakom ki lar, o ap kin uia puel ki lar, pue I en anaki lar Kraij.

9 O pakatiara ta¹ re i, jo ni ai pein kapona tar, me ren uia kapon, a kapona ta eu me ren peiki on Kraij, kapona ta me ren Kot ni lamalam:

10 Pue I en teteki i, o a kalaja tar, o pei penan a komakom, pueki ai tue la i a kamata lar;

11 Pue I en konoti iaja ta jon mela uar puel.

12 Kaitin likometa I kono ti er, te me pon unjoka lar: a I kin tatanra ta, pue I en kono ti me I komakoma ki lar Kraij Jijoj.

13 Ri ai ko, I jota kiki on me I kono ti er: a iet meakot me I uia ta, I likit malie la men likin jakari, ap tan on meakan mo I,

14 I kin katokatoka uan ta kilele poa puen katin ren Kot ni Kraij Jijoj.

15 Kitail ari, me lelapok unjoka lar en lamalama tue met: o ma komail uiki jon meakot ni lamalam, Kot pan katiarok on komail me.

16 Ari jo, me kitail lelapok on er, kitail en inen ki ue on eta, kitail en lamalama ta me.

17 Ri ai ko, en uia ki en

itauen ia to, o en kilele ti er ir me kin ian kekeit ue tueta, pueki komail kin kaalemonin kin kit.

18 (Pue me neter kin kekeit ue, me I katiti ki on komail pan pak toto, o me I ap jonijon kaire ki komail, me irail jempok on lopu en Kraij:

19 Me kilele ti on uia nan kit la me uia ani ki nan kapeti rail, o me kin juai ki me kanomanokepa rail, me kin kapapaila tipijo mal.)

20 Pue atail kajarloleit mimi ta nalan; uaja kitail kin majamajan Kraij Kamaur pan para to jon ia, me Jioua Jijoj:

21 Me pan kauilikapa ta uar at jamin, puen momue lan kalep a linan, monin pan a uiania puen kaloeti on pein i meakan te karoj.

IRA 4.

ARI, ri ia ko, me kompokepa I o me I kanon ue on, kapol o kalinan ai, en katiini ti ni Jioua, kompokepa I.

2 Nai me pokipoki Iuotiaj, o pokipoki Jintiki, pue ira en min pena ni Jioua.

3 O I pil pokipoki komui, palian ia mealel, en apualie la li ko me papai ia ni Ronmau, o pil Klement, o pil akai me ian ia totok, me at ar intini ti on nan puk en kamaur.

4 En polaul ki Jioua kaukaule on: o nai me pil katiti ki, En polaul.

5 Omail jonti en janjal on

MEN PILIPAI KAN, 4.

aramaj karoj, Jioua me kotikot karen tor.

6 En ter laualu ki meakot; a en kajakaj o pokipoki o kapikapina ta omail pokipoki en katete on Kot eta.

7 O pol ren Kot me lapalap jiki tar, pan kanikiti ki ta komail pan Kraij Jijoj.

8 Ari, ri ai ko, meakan me mealel, meakan me inen, meakan me meapon, meakan me min, meakan me kajalel, meakan me kalook mau; ma meakij kot kaman mia, o ma meakij men kapina ka mia, en kalelapok on me pukan kat.

9 Meakan me komail rona tar, o nara tar, o aja tar, o ale er re I, en uia ta: o Kot en kapol en mimi ta re omail.

10 A nai me polol ki Jioua kaualap ia, pueki ni anjou uet omail apnali ia me tapuen tar; me komail inoni on maj o, ap jota pijoki on.

11 Kaitin ai katiti ki me I jamama: pue I an lar, en nennen la ir ai kan.

12 I aja ta tuen tiakan jamama, o tuen tiakan kapuapua: ni uaja karoj, o ni meakaroj nai me patapataki ta tuen tiakan mui met o men mona tar, tuen tiakan kanoonan o tatan.

13 Nai me kelail on uia ta

meakaroj pueki Kraij a katinain ia ta.

14 Ari jo, me mau omail apuali ia la, ai paiio lar kan.

15 Ari men Pilipai ko, en tak tuen tapin patak, ni tokan ai pan ko la jon Majitonia, jota momotjou eu me kalelapok re I tuen pakijakija, komail eta.

16 Pue komail irair ton ia Tejalonika pan ria pak ni ai jamama lar.

17 Kaitin ai ane tar, kijakij eu: a katapa men kalona ta komail.

18 A nai anaki er me pokon jiki tar: I meti er, pue I ale er jon Ipaprotaitoj meakan me pakatara to jon komail, net en pomau eu, me tonmete me mau, kaponlol on Kot.

19 A ai Kot pan kaitar japan on komail tuen a kalanan ni Kraij Jijoj.

20 Ari, on Kot me Jam atail uau en ko on koko la ta. Amen.

21 En ranmau on joulan kan karoj ni Kraij Jijoj. Joulan kan me mimi re I kin ranmau ue on komail.

22 Joulan kan kin ranmau on komail, penainain Jija me moai ue.

23 Limpok ren atail Jioua Jijoj Kraij en mimi ta re omail karoj. Amen.

KIJILIKAU EU ME POL UANPORON MEN ME INTINIA LAN MEN KOLOJI KAN.

IRA 1.

POL uanporon en Jijoj Kraij men pan kupuran Kot, o ri at Timoti,

2 On joulau o me mealel ni Kraij kan mimi Koloji: Mak, o pol, me ren Kot Jam atail o Jiona Jijoj Kraij en ko on komail.

3 Kit me kapikapina ki Kot me Jam en atail Jiona Jijoj Kraij kapakapa kin komail, kaukaule.

4 Kit lao rona ta omail peiki on er Kraij Jijoj, o omail pok on joulau kan,

5 Pueki kaporapora ki me nikinikit on komail nalan, me komail aja tar moa ni patak mealel ni Ronmau;

6 Me itar ue lan komail, tuen ni jap te kan; o katapai on komail jon ni ran o me komail rona tar, o aja tar mak mealel ren Kot:

7 Tuen omail rona jon Ipapraj kompokepat men, me jounpatak mealel pan Kraij on komail;

8 Me pil kaire ki ton kit omail pokapoka pena ni Nen Jarani.

9 Pueki me, kit jota kin tuki ti jon kapakapa kin ko-

mail jon ran en at rona tar, o non ki me komail en tiri ki la aja ta kupur a erpit tete ki tar lamalam;

10 Pue komail en kekeit ki ue uar Jiona, ni meakan, omail totok en katapai on koko ta, ajaja ta Kot:

11 Katinain ta ki la man a, lel on papajan o papataka popol;

12 Kapikapina ki Jam atail, me kamauia tar kitail en uar on jou ki nalan ren joulau linan:

13 Me kapiti jon kitail ni rotarot, o kajou to kitail ni muein Na kompokepa:

14 Me kitail not kajapal ton loli inta, ienta, tip atail kan lapua tar:

15 Me janjal en Kot me jo tikatik a, me tipia tar meakaroj:

16 Pue i me kauje tar tipijo karoj, mi nalan, o mi jappa, me kin parapara ta, o me jo parapara ta, poe kan, o kaon, o uiauia kan, o manaman kan: meakan te karoj me uiauia ki tar, o on i:

17 O i me kotikoti er moa ta karoj, o nan i me meakan mimia ki er.

18 O nan i me tapuin uaran

momotjou : me uoja tar men,
me tapia tar me ioja tar jon
mela; pue en kotikot moe
ti karoj.

19 Pue Jam me kupure tar
Na en kaitar penan i kamau
kan karoj;

20 I ari me kamauia tar
penan pein i, ki intan lopu,
meakan karoj; i eta, men
jappa o men nalan.

21 O komail, me touen jon
maj o, o me jempokepa pueki
nankapeti mail me uiauia
juit, ap injin mau lar.

22 Ni kalep a aramaj ni a
mata la, puen kapare ta ko-
mail min lar, o jo tip o jo
kateikepa mail mo a:

23 Ma komail tataure ta
lamalam katonaton o jone ti,
o jo kamokit ue jon ni kapo-
rapor ki Ronmau, me komail
rona tar, o me kauene tar on
aramaj karoj mi jappa; me
nai Pol me jounpatakepa;

24 Me ap kamait ki ai ka-
lokalok pueki komail, o pauje
la en Kraij a kalokalok ni
uar ai puel, pueki kalep a,
me momotjou:

25 Me I papa, tuen poron
en Kot me a poron ia ton
komail, puen uje la en Kot a
majan;

26 Ienta, mearir kot me
potapota ta koko to, ap ka-
tiarok ton na joulau kan:

27 Me Kot pan kin katiarok
ki tar a kalanan mearir uet
on Menliki kan: me Kraij
kotikot nan pon omail, me
kaporapor en kalinan la:

28 Me kit kin kauene tar,
karakarauni aramaj karoj, o

patapataki aramaj karoj ni
patak karoj; pue kit en ka-
pare ta aramaj karoj ni un-
joki on Kraij Jijoj:

29 Nan i me I kin totok,
uiauia on eta, an kelail.

IRA 2.

PUE I men komail en aja
tar iran ai patou kin ko-
mail, o men Leotijia, o irail
karoj me jo nar maj ai ni uar
puel;

2 Pue irail en lol peren ta
ni limpok, on kamau karoj,
er unjok ta, en tete ki tar
mearir en Kot, o en Jam, o
en Kraij.

3 Me utun er pit o tete ki
tar me kaponapon.

4 Ari nai me inta me uet,
pue aramaj men te kotaue ki
komail patak juit kai.

5 Pue ma I tou ue lar pali
uar, I ap karen ki pali nen,
popol ki omail uiauia mo I,
o omail toni ti lametari Kraij.

6 Tuen omail oke er Kraij
Jijoj Jiona, komail en keit ki
ue ta i:

7 Poti ti on, o kaukau ki ta
i, jonti on kamekamealele i,
tuen omail patapataka tar,
autaute kapikapina.

8 En kalaka pue aramaj te
kota ue ta ki komail patak
mal, o potok en kaua tuen
tiakan aramaj en jappa, kai-
tin tiakan Kraij.

9 Pue nan i manan Kot me
kotikot loli tanuarana ki lar.

10 O komail me kaunjok lar
ki i, me moan kaon o mana-
man te karoj;

11 Me komail pil jirkomjaij

ki on jirkomjaij eu me jo monin pan aramaj, a tuen puili ki ti tip ni ki ti uar puel ni jirkomjaij eu me ren Kraij:

12 Ian i jaripi ti ki paptaij, me komail ian i jarapa ki tar ni lamalam ren Kot, me kaiaja tar i jon mela.

13 O komail, me melar ki tip omail, o omail jo jirkomjaij ni kili, i me iaja tar iana ki komail, lapua tar jon omail jo pon kan;

14 Irij ue jon me intin on kitail, me kapoko on kitail, kajori ti ue lar, mati ti on ni a lopu;

15 O a tiaki ti er muein pa kan, o uiaua kan, o kajale tar kaualap, a poe ki ti ir er a lopu.

16 Ari aramaj en ter ale kin komail mona, o pil, o ran jarau, o maram kap, o ran en japat:

17 Me para moa kan; a katokepa Kraij.

18 Aramaj en ter kota ue jon komail katinepa mail, ar pitipiti komail en poni on tounlan kai, lamai on me a jaik utial kan, aklolikon ki uar puel,

19 O jo kele ki Tapui, me kalepa tapi tor jon, o kajona kan kokon pena kin kama-kamona a pokon, ap koko ta en Kot a uiaua.

20 Nan i ma komail ian Kraij melar jon uiauan jappa, ta me komail papa ki potok en kua kan,

21 (Ter toka; ter jon; ter tamar;)

22 Me pan mokonai ki ti katoke par;) tuen patok o kujnot en aramaj?

23 Meakan ka me komoa katoke janjal, impai, kalokalo uara; kaitin kauauia ta puen kamaui uar puel.

IBA 3.

ARI ma komail ian Kraij iaja tar, en rop ton poa kan, uaja Kraij kin kotikoti ta pali maun Kot.

2 En lamalama men poa kan, kaitin tipijon jappa.

3 Pue komail me melar, o maur omail riri lon Kraij ren Kot.

4 Kraij me maur atail lao para tor, kitail pan pil ian i para ta ni linan o.

5 En kalokalok uar omail mimi jappa; nenek, jenu, norok, inon juit, maju, o pokapoka kapua, me olu:

6 Pueki me pukan me onion en Kot kin lela penan aramaj jo peik kan:

7 Me komail pil kekeit ki maj o, anjoun omail akma-maur ki.

8 A metet komail puili ki ti er ir karoj; makar, linaran, katantat, lalaue, kajoi kajaot nan au omail.

9 En ter lokaia likom nan pon omail, pue komail puili ki ti er ira marin a uiaua;

10 Ap ki ta ira kap, me uilikapa tar lolikon mom en me kauja tar i:

11 Uajan jota men Krik, jota Ju, jota jirkomjaij pil jota jo jirkomjaij, pil jota Menliki, pil jota Jitian, pil

jota litu, te inen mot: a Kraij eta me kote ni karoj.

12 En puil po omail, me en Kot a pili tar kan, me jaraui o kompok, nan kapetin pok, o kaponlol, o impai, o koua lar;

13 Kapon ki lar amen amen, o mak ki pena, me amen akjopon ki amen: tuen Kraij mak kin komail i tuen komail en uia ta.

14 O en mon ki kapon lol me ora pena kamau pokon.

15 O popol ren Kot en kaon nan kupur omail, me komail paeker penan ni jou tai eu; o en akkapina.

16 Majan en Kot en toni ti on nan kupur omail kalolikon; patapataki o panapanaui ki komail pena amen amen, kaul lamalam o kaul kamait, kaul kupur omail autaut ren Jioua.

17 A meakot komail men uia ta patak o totok, en uiai on mmaren Jioua Jijoj, kapikapina ki Kot me Jam pueki i.

18 Li papaut, komail en peiki on omail uarok, tuen me pon ion Jioua.

19 Ol papaut, en pok on uarok omail, en ter makar pa irail.

20 Jeri ko, en oke me uia ta komail, ni meakaroj; pue i me palal on Jion.

21 Jam ka, en ter koloka nomail jeri kan; pue irail te patou la.

22 Men papa ka, en oke omail papa ni meakaroj pali

uar; kaiti puen ale konikon ren aramaj; a en lolepote la laan Kot:

23 O karoj me komail uia ta, en lolin on uia ta, pueki Jioua, kaitin aramaj;

24 Aja ta me ren Jioua komail pan ale katin jou ki; pue Jioua Kraij me komail papa ki.

25 A me uia jopon pan pein puko ki a jopon: pue kaitin pejipal eu.

IRA 4.

JOUMAJ ka, en puain on omail litu kan me inen; aja me omail Joumaj men kotikot nalan.

2 En poti ti on kapakap, o majamajan kapikapina;

3 O pil laolao kin kit, pue Kot en kaonopa ta mo at uajan patak, o en kauue ta en Kraij a mearir kot, me nai jalie ki ti er:

4 Pue I en kalana ta i, tuen I en pataki ue.

5 En kekeit lelapok ue mon Menliki kan, katokatoki anjou kan.

6 Omail kajokajoi tolo ki jol, patapata ta, pue komail en aja ta tuen japajap on aramaj karoj.

7 Tikikoj, ri ai kompok men, o jounpatak mealel, o ian ia papai Jioua, pan kaire ki on komail ir ai kan:

8 Me I porone ue on komail ier pueki me, puen aja ira mail, o kamaiti kupur omail;

9 O pil Onejimoj ian ue joulan mealel, o kompok men,

MEN KOLOJI KAN, 4.

me kija omail. Ira pan kaire ki on komail karoj me uiaui met.

10 Arijtarkoj me ian ia jali ti kin ranmau on komail, o Mak, nain ri a li en Parnapaj, (me intin ki lan komail ier: komail en kajamo i, a lao para ue:)

11 O Jijoj, me Jojtoj, me kijan jirkomjaij. Irail eta me ai uarok en totok ni murin Kot, me kaperen pa I.

12 Ipapraj me kija omail, papan Kraij men, kin ranmau on komail, me totok kapakap kaukaule on komail, pue komail en toni ti o unjok la ni kupuran Kot potepote ta.

13 Pue nai me katiti ki i, me a pok on komail, o men

Leotijia kan, o men Aierapolij kan.

14 Luk, joun uini kompok men, o Timaj, ranmau on komail.

15 En ranmau on joulan kai mi Leotijia, o Nimpaj, o momotjou eu nan im a.

16 O kijilikau uet lao uatok ta nan pon omail, komail en pil toropue ta on momotjoun Leotijia; o komail en pil uatok kijilikau ma ko to jon Leotijia.

17 O intai on Arkipoj, En kanainai on papa eu me ko ale jon er ren Jioua, pue ko en kapuaia ta.

18 Iet nai Pol intin ki lan pa I ai ranmau. En tamataman ta ai jali ti. Limpok en mimi ta re omail. Amen.

EN POL A KIJILLIKAU ON MEN TEJELONIA KAIU.

IRA 1.

EN Pol o Jilpenoj o Timoti ar ranmau uon momotijou eu me mi Tejelonia, me utan Kot me Jamatail, o Poatail Jijoj Kraij, Kalanan on komail, o pol jon ren Jamatail Kot, o Poatail Jijoj Kraij.

2 Je kin poten kapina kin Kot komail karoj, patak ki tan mmarr omail ni at kapkap;

3 Tamataman jo tuk omail totok karepan liki, o omail totok karepan limpok, oomail mpai karepan kaporpor, tapi-pan Poatail Jijoj Kraij janjal mon Kot me Jamatail.

4 Je aja ri at, kompok pat, omail lipilpil rea.

5 Pue at ronmau jo la patak i on komail ni lokaia eta, a ni manman, o ren Nen Jerani o ni kamealelepa koualap, komail aja jon en aramaj kit reomail, pue ki komail:

6 Komail ari alale jon kitail, o Poatail, ane ki er lamlam ni komkom laplap, o ni peren en Nen Jerani;

7 Komail ari uia la kilel en joulon karoj mi Majetonia o Akaia.

8 Pue jon reomail majan en Poatail kaparpar uon nan Majetonia o Akaia, o pil nan kaniin karoj omail liki Kot look la ia; kitail ari jo ta lokaia kin komail meakot.

9 Pue ir karoj (me momait reomail) katiti ki on kit tuen at par lan re omail me puaita, o tuen omail uiki on Kot jon tiktik en ani kan, puen upai on Kot mealel o maura a men;

10 O tuen omail auiaui Na jon nalan, me a kaiaja ta jon ni mela kan, Jijoj, me tore jon ni anian pan Kot me pan janjal to.

IRA 2.

RI ai ko, pen komail lelpok ki at par lan komail, kaiti me laun kai kit:

2 Murin at komkom maj, o komkom lemai ni Pillippai, komail aja kit kaporpor ki Kot aima on pataki komail ronmau en Kot ni nonon laplap ia.

3 At panapanui komail me uiaui jo ni karepan kotaua, o jamin, o uitin.

4 Pue tue kit lipilpil ren Kot en kainaki ronmau, ietue at pataki on; kaiti en kon-

I. MEN TEJELONIA, 3.

kon la ren aramaj, a Kot me ireron na kapet at.

5 Jota anjou me je kin lin-kapina komail, komail aja, o jo ta akamaui on; Kot me tete ta:

6 Jo ta aramaj me je aka-kapina jon, jo jon re omail, o pil akai aramaj, ni je kak akajoun koa on komail, tuen uanporon en Kraij.

7 A kit me mpai on komail tue li en kamait a men me kin apuali na jeri kan.

8 Ituen at non kin komail, je men katunole kin komail ronmau, a kaitin i eta a pen nen at, pue je kajompual ki komail.

9 Komail kin tamen ta atail totok o nainaitik: pue ni ran o ni pon je uia totok, pue je kan kotoue kin komail kit, je ap kauene on komail en Kot a ronmau.

10 Komail katetepa, o Kot, tuen at uiauia kapon ren komail me kin kamealele, ni kaminpa, o kapon pa, o jo karaunpa:

11 O komail aja tuen at uiauiuiai on komail, tuen ol na kan, nitnit kin komail, o kamait ta o panaui komail karoj,

12 Pue komail en alu ue ta ni me konon Kot, me eker er komail on ni mue a linan.

13 Pue ki met je poten kapina Kot, pue ni omail ron, aine ki majan en Kot, me komail ron jon kit, komail jo aine ki la tuen lokaia en aramaj, a tuen majan en Kot mealele, me puai ta reo-

mail kaualap me kin kamealele.

14 Pue komail, ri ai ko, kaankomkom, tuen momotijou en Kot kan mi ni uei en Jutia me an Kraij Jijoj: pue komail kaankomkom ren ton uei omail, tuen ir komkom er ren Juj kan:

15 Me kame la Poatail Jijoj, o ar joukop ko, o re pake ue kit; o re jo ta kapole Kot, o katiuo on aramaj:

16 Kaikainapue jon en pataki on rotrot kan me kin men tore la, pue re kin uia mejuit ni ti en aramaj karoj; nan Kot me anian pa rail kaualap ia.

17 A ri ai ko, kit piuk ue jon komail anjou kij ni pali uar at, kaitin ni pali kapet at, je ap nantion laplap en kilon maj omail.

18 Pueki met je kin men par uon komail, Nai Pol, pan meapak te riapak; a Jetan ka rompa kit.

19 Ta kapor pat, te kaperen pat, te kapinpat? Kaiti komail mon Poatail Jijoj Kraij, ni a koti to?

20 Komail kalinpat o kaperen pat.

IRA 3.

PUE ki met je jo er kak nenela, je kikion meman en keleip ta ni Atenj;

2 Je ap katar ue Timoti, ri at, ua ron mau en Kot a men, o at joun totok ni ronmau en Kraij, en katone komail, o kalolmaui komail iran omail lamlam:

I. MEN TEJELONIA, 4.

3 Pue jo ta aramaj en uapon ki ta komkom pukat: pue komail aja kitail katoror on met.

4 Pue mealel a ta, ni at mimi re omail je kin kokop ki ton komail komkom; tuen a puai tar, komail aja.

5 Pue ki met, pue I jo la kak nenel la, I katar ue en lelpok ki omail lamlam, tena ta kajojon pat kajojon on komail ier, ari atail totok jo ta pan puai ta.

6 A metet ni en Timoti a jam ton kit jon komail, uaua ton kit ronman en omail peik o limpok, o tuen komail kin poten tamanta kit, o kin men kilon kit kaualap, tue kit kin men kilon komail:

7 Pue ki met, ri ai ko, kit kamait ki la komail ni at komkom karoj o nonnon, pue ki omail pojon:

8 Ari kitail maura ta, ma komail poten ton ti on Poatail.

9 Pue ia kapin me je kapina kin Kot, me pan raj on peren me je peren ki ta mon Kot (me omail pojon kare ta);

10 Ni pon ni rau, kapkap kin komail kaualap pue jen kilon maj omail, o puen kani-kie la omail lamlam.

11 Ari pen Kot o Jamatail, o Poatail Jijoj Kraij, kalua uan komail kit.

12 O Poatail en kalaute la, karokia la omail limpok pena, o on aramaj karoj, tue at limpoki on komail:

13 Pue en katone kapeta-tail ni pakainak en makolkol

mon Kot, me Jamatail, ni en Poatail Jijoj Kraij a para to iana ki a joulon kan.

IRA 4.

O IET me luati, je men nitnit kin komail, ri ai kan, o men panau kin komail pan Poatail Jijoj, tuen komail ron jon kit er en uiauui, o en kapole Kot, ietue komail en uia ta kaualap ia.

2 Pue komail aja at patak me je pan on komail ren Poatail Jijoj Kraij.

3 Pue iet kupur an Kot, omail anla, pue komail en liki jon nenek:

4 Pue komail karoj en lolkon ki en niknikit kalep ni kaian pa o uan pa;

5 Kaiti ni tenter on mejuit tuen rotrot kan me kin jo laan Kot:

6 En jo ta joulon piti o kajoponi on ria ni meakot: Poatail me pan ikie kin on, tuen je kakaliki on o pataki komail maj.

7 Kot jo ta kator on mejuit kitail, a on an jon mejuit.

8 Ie i me pan ronronan jor ki, a jo ta ronronan jor ki aramaj, a Kot, me kupurai ton kitail na Nen Jeraui.

9 Tuen joulon kan ar limpok pena, iermen ai intia uon komail; pue komail patak er ren Kot en pokpok pena.

10 Nan met komail kin uiai on joulon karoj me mimi ni jap en Majetonia karoj: a je nitnit kin komail ri ai kan, pue komail kalaute la;

11 O komail en mon ki inen

I. MEN TEJELONIA, 5.

ue ta, apuali pen omail totok, katotoke kin komail pa omail, tue je pataki on komail ier maj;

12 Komail en jaramur ta mon rotrot kan, pue komail en jo ta pan anane meakot.

13 Ri ai ko, I jo ta men komail jalelpok ki ir me one lar, pue komail ter jonlol ki tue ir me jo ar kaporpor.

14 Ma komail kamealele Jijoj me mat la ap iaj tar, pil tuen ir me on la ren Jijoj, Kot me pan pil kalua ta la re.

15 Pue iet me je katiti ki on komail jon ni patak en Poatail, kitail me maur lel on en Jijoj a para to, jota pan ko ue jon ir maj me on la.

16 Pue pen Poatail me pan koti ti to jon lan ian nijnij, nil en tounlon laplap, o ian jaui en Kot: ari en Kraij a me mela kan pan iaja ta maj:

17 Ari muri kitail memaur ap pan piuk ta lan ir nan tapuok kan puen tuon Poatail pueti lan: ari kitail pan momot ren Poatail koko la ta.

18 Ie me komail en kalol mau ki amen o amen lamlam pukat.

IRA 5.

ARI ri ai ka, iran anjou o token, I jo ta pan intin uon komail, ieremen.

2 Pue komail aja kaulap ran en Poatail me pau para to tuen lipirap a men ni pon.

3 Ni ar inta, Memau, me kalalel; matan kauopa nok lel

ton ir, tuen li me lijean lar pan naitik; ari irail jo ta pan piti la.

4 A komail, ri ai ko, jo mi ni rotrot, pue ran o en kanoti komail tue liprap a men.

5 Komail jeri en marain, o jeri en ran: kitail jo kijan pon o rotrot.

6 Pue ki met, kitail ter memair tue me teko; a kitail en majamajan o taulikin.

7 Pue ir me mair ta memair ni pon; o ir me puepue ki pil juit puepue la ni pon.

8 A kitail me kijan ran, en liki jon, til uon nan perapan marmarat liki o limpok; o lijorope ki mon at, me kaporpor pan maur.

9 Pue Kot kaik en ter kator on komkom kitail, a pue kitail en anki maur pan Poatail Jijoj Kraij,

10 Me mat kin kitail, pue kitail papat te memair en maur pena rea.

11 Pue ki met, komail en kalolmaui pena pen komail, pataki amen o amen, tue a kin uiauia re omail.

12 Je nit kin komail ri ai ko, komail en apuali ir me kin totok nanpon omail, o me kaon ta komail pan Poatail, o me kin kapon on komail;

13 Kakakin ir limpoki iran ar totok, komail pollol pena.

14 Je nitnit kin komail ri ai ko, komail en kapon on ir me jopon, kalelpok on ir me lol tiktik, apuali me ar lamlam tiktik, impai on aramaj karoj.

15 Kalaka omail tipuk ki on

II. MEN TEJELONIA, 1.

aramaj mejuit; a tataura ta memau kokola ta, nanpon omail o aramaj karoj.

16 Ni anjou karoj pereperen ta.

17 Kapkap ta jo tuk.

18 Ni meaka karoj uia kapin on, pue i kupur en Kot iran komail ren Kraij Jijoj.

19 Ter kakun ti Nen Jeraui.

20 Ter mamal ki patak kan.

21 Kajojon on meaka karoj, koli ti memau.

22 Liki jon karepan mejuit.

23 A Kot en kapolpa en

kamaui komail kaualap; nen omail o kapet omail o uar omail en niknik mau on en Poatail Jijoj Kraij a para to.

24 Mealel i me ekeker komail ier, me pan pil uia ta me.

25 Ri ai ko, kapkap kin kit.

26 Ranmaue ki joulon karoj metik mau.

27 I kakaliki on komail pan Poat, komail en uat on joulon karoj kijinlikan net.

28 Kalanan en Poatail Jijoj Kraij en mi re omail. Emen.

EN POL A KIJILLIKAU OŃ MEN TEJELONIA KARIAU.

IRA 1.

POL o Jilpenoj, o Timoti ar ranmau uon momotijou en Kot me Jamatail, o Poatail Jijoj Kraij:

2 Kalanan on komail, o pol jon ren Kot me Jamatail o Poatail Jijoj Kraij.

3 Je pan poten kapina ki on Kot komail, ri ai ko, pue me konon, pue omail lamlam kairaeta kaualap, o omail limpok pena me puai ta kaualap;

4 Ie me pen kit juuai ki on momotijou en Kot kan komail, aki omail mpai o liki ni komkom o kenkanranir karoj, komail kin potpot e ta:

5 Ie me kajanjalepan en Kot a kapon mealel, komail ap pan konon muen Kot me komail komkom ki.

6 Pue meapon ta on Kot en tipuk ki on ir me moromoru on komail.

7 A komail me moromoro la komail pan ian kit molailai la, ni kajalepan Poatail Jijoj jon nalan ian a tonlan laplap.

8 Janjal to ni kijiniai umpumpul, kapakapon on ir me popon jaja Kot, o ir me jo peiki on ron mau en Poatail Jijoj Kraij:

9 Me pan loktok lan komkom jakatuk, jon mon Poatail, o jon mon a manman linan;

II. MEN TEJELONIA, 2.

10 Ni a kotu ton uau la pan joulon kan, o en ujun ki ir karoj me kamealele (nan komail mealele ki en at pataki on komail) ni ran o.

11 Ie me je kin pil poten kapkap kin komail, pue Kot en akakon ki on komail ekerpat, o kaponlol on komail, kapuaia ta kaulap ia totok en lamlam :

12 Pue mmaren Poatail Jijoj Kraij en uau ki la re omail, o komail en konkon la re a, tuen kalanan atail Kot o Poatail Jijoj Kraij.

IRA 2.

JE men kalelpok on komail, ri at ko, iran Poatail Jijoj Kraij a para to, o atail pan piuk ta lan i,

2 Komail ter kapet moruj-ruj, o ter uapon ki ta, kokop eu, o kajoi pot, o kijin likau (likom) me tapi re at, me (intin ta) nar, ran en Kraij me koren tor.

3 Komail ter pan pokoto la ren aramaj a men : pue ran o a jo ta pan para ta lao morajon uiaui maj, o ol juit janjal la me utan loktok la.

4 Me kapoie la o aka laplap pen i me lap jon me utan Kot, te me kautok la; ari aka Kot, a mon ti nan im jeraui, aka pen i Kot.

5 Komail jo ta taman ta, ni ai mimi re omail, I katiti on komail mepukat ?

6 Ari met komail aja me kapuan ti, ol a men pakajanjal to ni anjou i.

7 Nan mejuit okiok ap mur

puai ta met: a i me kin kapuan ti pan kapuan ti, a lao piuk ue jon.

8 Nin token o ol juit o me pan janjal to, me Poatail me pan kae ki la a patak o a janjal linan to :

9 Mejuit o me a parpara to raj on Jetan, iana ki manman o kilel akai o kapui-riam likom,

10 O ian aki uitin juit karoj on ir me loktok la; pue re kan mauki patak mealele, pue ren tora la.

11 Pue ki met Kot nok muet on ir en katakat mau la kaulap, rap pan kamealele likom pot :

12 Ari re pan ria la, ir karoj me jo kamealele ki me mealele, a re mau ki me jupon.

13 A kit je pan poten majakkitolan Kot komail, ri at kompok pan Poatail, pue jon nin tapi Kot me pila ki tar komail on maur potpot makolkol la pan Nen Jeraui o pan kamealele patak mealele :

14 On met a eker ki komail er pan patak mealele, pue komail en puaijan ki linan en Poatail Jijoj Kraij.

15 Pue ki met, ri at ko, ton ti on, o apuali patak me komail patak ki er, ma pan kajoi, te at kijinlikau.

16 Ari Poatail Jijoj Kraij, o Kot, me Jamatail, me pok on kit er, o kupura ue kitail injini mau potpot o kapor mau pan kalanan,

17 I en kalol mau kapet omail, o katini komail on ni patak o totok mau karoj.

II. MEN TEJELONIA, 3.

IRA 3.

ARI, ri at ko, komail kap-
kap kin kit, pue patak
en Jijoj en pual ta, uauin la,
tuen a kin uiaua re omail :

2 O pue kit en japtok la
jon aramaj jalelpok o morjuut
akai: nan kaitin aramaj karoj
me kin kamealele.

3 A Poatail me mealel, me
kin katone komail, o nikit
jon mejuit.

4 Je kaporpor ki Poatail ira
omail, komail kin uiaui o
pan uia ta me je kakaliki on
komail.

5 O Poatail en kompoke on
kupur omail Kot, o pue ko-
mail en raj on Kraij mpim-
pai.

6 Ri atail ko je kakaliki on
komail, pan mmaren Poatail
Jijoj Kraij, komail en mue
jon joulon karoj me kin tatau-
ra ta patak jopon, me jo ta
kin tataura ta patak me ko-
mail ron jon kit.

7 Pue komail aja tuen ite-
tauen kit: pue kit jo ta kin
uia jopon nanpon omail ;

8 O je jo ta kin tunole jon
en aramaj a men kan a mona
jo pain a ; a ni ran ni pon je
katoke ki pen kit, pue je ter
akapuaipuai pan meamen re
omail :

9 A kaiti pue me japai on
kit, a pue jen uia kin kit kilel
en me komail en alale jon.

10 Pue ni at mimi re omail,
iet me je kakaliki on komail,
meamen me kan uia totok,
en ter mona.

11 Pue je ron er akai mi er
me kajaparok ar uiaua nan-
pon an komail, jo ta men uia
totok, ari re ko ue ko to.

12 Ari ir me tue met, je
intai on o panau i ir pan Poa-
tail Jijoj Kraij, irail en jopi-
jok la, tunole jon pen kan ar
mona.

13 A komail ri ai ko, komail
ter pana ki omail uiaua mau.

14 Ma aramaj a men me
kan oke at patak nan kijinli-
kau uet, kilele ti aramaj o,
komail ter apuali i, pue i en
nomnok la.

15 A komail ter imuin titi
kin i, a kapon on i tuen ri
omail a men.

16 Ari Poatail mau en pen
kupurmaui komail kolkol eta
ni anjou karoj. Poatail en
kotkot re omail karoj.

17 Nai Pol a ran mau pan
mon en pa i, me kijinlikau
karoj kilele ki ti: ie tuen ai
intin.

18 Kalanan en Poatail Jijoj
Kraij en mi re omail karoj.
Emen.

EN POL A KIJILIKAU KAEU UON

TIMOTI.

IRA 1.

POL uanporon en Kraij Jijoj men pan majan en Kot kamaurpatail, o Po atail Kraij Jijoj me kitail kaporapor ki; (I ranmaui)

2 On Timoti nai ol mealel ni lamalam: limpok o pol en mi remui jon ren Kot me Jam atail o Kraij Jijoj Po atail.

3 Tue I kin panauui komui en mimi ta. Epijoj, nin tokan I pan ko laa Majetonia, pue komui en kapon on joun patak, ren ter uia patak toror,

4 Pil ter kamealele kajoi mal o patok en ti kan neter, me kare ta akamai, a jo kare ta kokoan Kot me utan lamalam.

5 A imuin patak lempok jon nan kapeti makolokol, o injinimau, o lamalam jo liajoj:

6 Jon mepukat akai mue jon er, rap uiki on poupoulap:

7 Re kin men uia joun patak la en kapon, a re jo uene me re inta, o me re kin men pataki kaualap.

8 A kitail aja kapon me

mau, ma aramaj jo kajapone, tue je;

9 Ajaja me, kapon me jo uiai on aramaj mau, a on me jo peik, o kataiau, o me juit, o metipan, me jo makolokol, likalikaurur, o me kamela jam a o in a,

10 O on ir me kamela aramaj, o me nenek, o ol me maton nan pon ar, o me kin pirapirap aramaj, o me likom kan, o me kau likom, o meakot me jo kon on patak anianin;

11 Tue ronmau en Kot kаланan majani ta, me pan ton ia en kanikit.

12 I ap kapina i me kaani ia lole, Jijoj Kraij Po atail, me mealel kin ia, ap kajapuul ia tan joun patak;

13 Maj nai lalaue men, o jokon men, o uiauia juit men; ari jo, nai joijoi la, pue I jaj ki ta:

14 O kаланan en Poat me lapalap lar kaualap, ni liki o limpok me mi ren Jijoj Kraij.

15 Mealel kajoi apot, o me mau on kamealele, Jijoj Kraij me para ton jappa en tore la me tipan kan; nai mejuit ajon karoj.

I. TIMOTI, 2.

16 Ari jo pue ki met I ap konokon la (ren Kot,) pue re i mealap Jijoj Kraij en kajele ki ta a mpai lapalap, kilelepan ir me muri pan kamealele i karepan maur potapot.

17 Ari Kaon potapot, me jo uik, jo janjal, Kot eta, (kitail) en kakake, o uau potapota ta. Ei.

18 Patak uet I ap pan lan remui, nai ol Timoti, tuen patak kai maj me ko on komui, pue re ir komui en uia mauin mau;

19 Kolakol lamalam, o injin iman, me akai kaje la jon ir iran lamalam rap pela.

20 Amen ir Aimeneuj, o amen Alejanter; me I pan lan er ren Jetan, pue ren ter lelapok ki laulaue.

IRA 2.

I KIN panaui maj, papain, kapakap, nitinit, kapin en uia kin aramaj karoj;

2 Uia kin Nanmaraki kan, o joumaj kan, pue jen molailai o injinimau, uiaua me kon on, o mealel.

3 Met me kon on Kot o atail Jountor.

4 Me kin men aramaj karoj tore la o lelekon ki la patak mealel.

5 Pue Kot metamen, o pil joun patontor metamen nan pon en Kot o aramaj, ie aramaj Kraij Jijoj;

6 Me uia la en aramaj karoj ar joun tom, katete en met me pan janjal la ni anjou i.

7 Me Nai pakatar on joun

patak o nanporon men (I inta mealel, I jo uia likom;) jounpatak on rotarot kan ni lamalam o mealel.

8 Ie me I kin men aramaj kapakap ni uaja karoj, puoka ta pa ar min, jo makar o aka-mai.

9 Pil tue ta, li kan ren kapuat ki pen ir likau pa, ni kara mok o lelapok; kaiti ni pitin mona inin, o kol, o manaman, o likau puai laut:

10 A (tuen a kin mau on li ka joulan) ni totok mau kan.

11 Li en patak ata nennela o pepeika ta.

12 I kan er li en patak, te, kakaon ol, a en nennela ta.

13 Pue Atam me uiaua ta maj, muri li Ip.

14 A kaitin Atam me katiamau la, a li o me katikatiamau la ap popi ti ni me juit.

15 A a pan tore la ni a naitik, ma ira poteti on lamalam o limpok, o an, o kanonma.

IRA 3.

MEALELE ta kajoi, meamen me kin men it joun patak la kin mau ki tok mau.

2 Joun patak en jo pakainak, jo pokai, liki jon kanonma, uiaua mau, apual, koiok on patak.

3 Jo kamom joko, jo aka-mai, jo pamara, jo noroka moni;

4 Me kin kaon mau ton im a, na kan me peik kan;

5 (A ma amen me jokoik on kaon ta ton im a, ia tuen a pan kaon ta momotijou en Kot ?)

6 En jo joulau kap, pue a pan ipuarok ki ap pan popi ti ni kateik pan tepil.

7 O en pil kalolook mau ren Menliki, pue a ter loti on kanomanok pa o katekatia mau en Tepil.

8 Pil tue ta joun koa kan en lelapok, jo lo ria pot, jo kamom joko, jo noroka moni japa ;

9 Kolakol lamalam jo teteki nan kapeti mau.

10 Ir pukat en kajojona la maj ; mur rap pan it joun koa la, ma jo karaunpar.

11 Pil li (joun koa) en lelapok, jo likinikin, a kanon ama o patieti on meakaroj.

12 Joun koa en jo pokai, kaon ta mau nair kan o ton im ar.

13 Pue ir me joun koa papa mau, re kalook mau pen irail, o lollap on lamalam en Kraij Jijoj.

14 Mepukat I ap intin uon komui, kiki on I pan par lan remui met karen :

15 A ma I puapuant uarai, kom aja tue kom pan uia nan tanipaj en Kot, me momotijou en Kot mamaur, me ur o pajon en mealel.

16 Mealel ta, jo ta kamam ki, lamalam meapal kanalap: Kot me janjal ni pali utuk, kalolmaui amen, pinar tounlan, kauene lan rotarot kan, kamealele ren ton jappa, pauk ta lan uaja linan.

IRA 4.

A NEN Jaraui me kokop mealel, tue anjou mur joulau kai me pan pop ue jon lamalam, ap peiki on ani katikatiamau kan, o lamalam en tepil kan ;

2 Ren aramaj katakataua, me likilikome ta, ar lol in kalipuilipua ki kijen mata karakar ;

3 Re kan er kapapaut, kainapue jon utuk en man, me Kot uia tan tunole la ren ir majak tol a me kin peik o me aja mealel.

4 Pue man karoj me mau me Kot uia tar, jo ta meakot jakanakan, ma ale on er ni majaktola :

5 Pue ren majan eu Kot o kapakap a kamaui on.

6 Ma komui kataman pirian ko mepukat, kom pan jounpatak en Jijoj Kraij mau a men, anian en ki kajoi en lamalam, o patak mau me kom kin kaitaue ni lel met.

7 A kom kan en li laut ar kajoi likom, a kom kaian ki komui pali en Kot :

8 Pue kaian kin kom pali utuka me jo ta non mau : a kaian ki pali en Kot me mau kaualap, a kare on maur et me mau, o on maur koko to.

9 Nan mealel kajoi pot et, o uar en apualie la.

10 Pue ie me kit katoke ki kit o pakailuk, kaporpor ki Kot mamaur, jounkamaurpan aramaj karoj, ir me kamealele.

11 Mepukat kom katiti o pataki on.

12 Aramaj ter nomanok ki om manakap; a kom uia la ar men alemoni ni peik, ni lokaia ni uiaua, ni limpok, ni lamalam, ni makolakol.

13 Nai lao par, kom uatauatok, kapakaparok, patapatak.

14 Ter kaja mala ki pai o me kokop kare ta, iana ki me ma kan ar puok tan po om pa ar.

15 Kom patieti on mepukat; jopijoki on ir potopote ta; pue om lolekon en janjal on karoj.

16 Kalakalakai pen kom, o om patapatak, tinti on mepukat: pue uiaua mepukat me pan kamaura ta pen uk o ir me ron uk.

IRA 5.

KOM ter kaponi juit ol laut, a kaponi mau, tuen jam om; me tiki jon tue ri om akai;

2 Li laut tue nono kai: me tiki jon tue ri om li kai, ni makolakol ta kaualap.

3 Apuali li oti me li oti mealel.

4 A ma li oti na jeri mia te uanati kai, ir maj en pok on ar panainai, o apuali ar papa, nono, pue me kon on Kot.

5 Nan i me li oti mealel, jo lar na, kin kaporpor ki Kot, kin potiti on pokapok o kapapak rea pon ran.

6 A me kin muet on pen i peren mual me katakat lar ni a mamaur.

7 Mepukat kom pil pataki, pue en jo ta karaunapar.

8 A meamen me jo apuali na, te a panainai, ap kali-koma lamalani, nan me juita jon kajou a men.

9 Ter katora ta li oti me tiki jon par uonejok, ol metamen a paut,

10 Kalook mau ki a totok mau ko; ma a uiaua jeri, ma a apuali er Menliki kai, ma a uiten er ne en joulan kai, ma a katak on me koma-kom. kai, a ma a kin tataur ta totok mau kan karoj.

11 A li oti pen akap kom kan: pue irail lao inon ue jon er Kraij, pan men kapapaut;

12 Kare ton ir kateik, pue re kan er ar lamalam en maj.

13 O re pil men pijok la, papan jili im; a kaiti pijok, re kin poupou jili, pil uja jili en amen a uiaua, katiti ki me japai on.

14 A I kin men li oti pen akap en kapapaut, naitik, apuali im ar, ter uia meakot juit, pue rotarot ter kan kit ki;

15 Pue met akai me uiki er on Jetan.

16 Ma li joulan na li oti kai mi er, reu apuali ir, a momotijou en ter toutou kin ir la; pue en kak apuali ir me li oti mealel.

17 Joun koa me kokoa mealel uar ki kakaki kaualap, ir me kin toke ki ta majan o patak.

18 Puk intin jaraui inta, Kon ter pina ti au en kau ol

I. TIMOTI, 6.

me tiak ti uan uit. O toun totok me uar on pain ar.

19 Karaun pan joun koa kom ter kamealele, a katete ria men ti jili men, (ap kamealele).

20 Ir me uia tip kapon on mon karoj, pue me teko en majak la.

21 I kakaliki on komui mon Kot o Poatail Jijoj Kraij, o tounlan lipilipil, kom uia ta mepukat jo lipilipil, kom ter lipilipil ki meakot.

22 Ter matan poka tan pon amen pa om, o pil ter tipan ki la tip en aramaj kai: pen kom eu min la ta.

23 Kom ter nim pil, a uain kij me kon on kapet om o om luet ko.

24 En aramaj kai tip ar me janjal ti on mo ar ran en katetik; a en akai aramaj re itetauen.

25 O pil totok mau kai me janjal; a me toror me jo kakrir ala.

IRA 6.

IR papa kan ren akauai ar monjap kanalap pue mmar an Kot o a lamalam ter la laue la.

2 O ir me ar joumaj joulan, joumaj ko ter kailuk kin ir, pue pirian eu ira karoj; a ren papa ir, pue ir me ainaki er lamalam kin kamealel o kompok kai. Mepukat kom pataki o panau on.

3 Ma aramaj kin pataki lamalam toror, kan er patak me imui mau, majan en Poatail Jijoj Kraij, o lamalam me imui lan pali en Kot;

4 Nan a popon majo, kin jo lelapok okotome, a a kin kajompual ki peitok kai o akamai en jip en lokaia me kare peirin, akamai, kankaurur,

5 Limek juit, akakamai en aramaj kapet ar me juit, kattia jon mealel, kikion lamalam en Kot me pan kare kapua.

6 A lamalam en Kot o lelpote ion me pai kajompual ia:

7 Pue kitail jo ta ua ton nan jappa meakot, kitail jo pil ua ue jon meakot:

8 A jak atail o likau mi er kitail itar on.

9 A ir me kin-men kapua-pua la, rap loti on katiamau-pa, o katauapa, o inon pue-pue o kamatok, me kakir ti lan ni uajan komakom o juit aramaj kan.

10 Pue nonoroka moni me tapin jon juit karoj: me akai inonion, rap jalon lar jon lamalam o kare on pen ir kalu la lapalap ia.

11 A komui, japuulim en Kot men, liki jon mepukat; a itaue ni kapon, min ren kot, pojien, limpok, mpai, opampap,

12 En lamalama pei mau pei ue ta, ainaki maur jo tuk me kom paeker on, o kom kin kakaire ki kair mau mon me neter me tete ki.

13 I kakaliki on kom mon Kot, me kanikinikit mau meaka karoj, o mon Kraij Jijoj me ren Pontioj Pailot katete me mau;

14 Kom en kanikit majan

II. TIMOTI, 1.

kan, jo jamin, jo pakailuk, lao Poatail Jijoj Kraij para ta.

15 Me ni a anjou a pan kajale ta me kaon mau eta, Nanmaraki lapalap ia, o Jopeti lapalap ia;

16 Me i eta a maur jotuk, kotikot nan marain jo er me kak on; me jo ta aramaj kilon er, o jo er kak nar: i en uau la o manaman jotuk la. Ei.

17 Kom kapon on ir me kapuapua ki er tipijo en pali pa et, re ter akajuai, ter kaporapor ki kapua jo mealel, a Kot me kupurai on kitail

japan meaka karoj pue kitail en paie ki ta:

18 Ir en uia me mau, en rok ki la tok mau kan, neok pajon, japan, men jouaja:

19 Uiaua on pen ir pajonon mau on anjou koko to, irail en nain ki maur jotuk mealel.

20 Main Timoti, pere ki me pan lan er - remui, uikiuiki jon pou pou mal kai o lamalam likom me kaontonkoma, me re aka mealel ki;

21 Me akai kamealele rap pirok la jon lamalam. Kalanan en mi remui.

EN POL A. KIJILIKAU KARIAU ON TIMOTI.

IRA 1.

POL, uanporon en Kraij Jijoj pan kupur en Kot, puen kaparapar kopun en maur me ren Kraij Jijoj,

2 On Timoti nai ol kom-poka pai: Kalanan, kupur, pol, (en mi rem) jon ren Kot me Jamatail o Kraij Jijoj Poatail.

3 I ap majak tolan Kot, me I kin papa ki kapet i min, jon ren jam ai ka maj, tue I kin poten lamalama uk ni ai kapakap, ni pon ni ran, men kilon uk ata,

4 Tamataman ta pil en maj

om, pue Nai en tiri ki la peren:

5 Kataman ki lar lamalam mealel me mi lol om; maj me mi ren in om liakalap Loij, o in om Iunij; o I lama ta pil nan kupur om.

6 Ari pue ki met I kin men kataman kin uk kou katura ta kijakij en Kot me mi ki lol om pai me ko lan po om.

7 Kot me jo ta kupurai on kitail en majak la; a en aniana la, o pollolol o lelapoka la.

8 Ie me kom ter maka ki om katete ki Jijoj, o pil Nai

II. TIMOTI, 2.

na janjal amen: a men ian ia komakom ki ronmau pue Kot me manaman on.

9 Me kamaura ta kitail, o uorone kin kitail uoron mau, kaitin iran atail uiaua, a pue ki a kupur o kalanan, me a kupurai on kitail ren Kraij Jijoj moa ia;

10 A apton janjale to, ni en atail jountor Jijoj Kraij a para ta, me kapoie la mela, o kajale ki ta maur potapot ronmau:

11 Me I toror on uia la joun kair, o uanporon, o joun patak men.

12 Pue ki met I ap kin lok ki la me pukat: a I jo nomanok ki la: pue I aja me I kin kamealele, o I aja a kak nikinik mau on ran o me I puil ti re er.

13 Nikinikit jon en patak mau me kom ron jon ia er, ni liki o pok, me utan Kraij Jijoj.

14 Pai o me puili ti lar rem pera ki Nen Jarau me kotikot lole tail.

15 Kom mani er met, ir karoj me mi Ejia rap uiki jon ia; kijan ir Paijeloj o Ermojenij.

16 Jioua en kupura ta ton im en Onejiporoj: pue a kin pan pak me neter katak on ia, o jo ta nomanok ki ai jal mata;

17 A ni a mimi Rom, a kin rapa kin ia ap tiar ia, (Jioua en muet on i en tunole jon ren Jioua kupur ni ran o;) o kom aja tuen a apualie kin ia kapua neter Epijoj.

IRA 2.

KOMUI, nai ol, anianin ki la kalanan me mi ren Kraij Jijoj.

2 O patak me komui mani jon ia ren joun tete neter, (patak) ota kom pataki on ol mealel kai, me pan kak pataki pil akai.

3 Kom ian ia komakom, tue joun pei en Kraij Jijoj man men.

4 Jo ta ton pei papa me kin katoke pen i totok en jappa; a pan kin men kainjinmaui me aka ton pei kin i.

5 O pil tue ma aramaj kin kajojon ni maton kai, a jo ta pan mmarin ki la ma a jo kajajon mealel.

6 Men japajap, en tunole maj jon en ua kan.

7 Motaue ta me I inta; pue Jioua me pan kalolekon ki komui meakaroj.

8 Kom taman ta Jijoj Kraij, iaja ta jon mela kan, katautok en Tepit, tuen ai ronmau:

9 Me I komakom ki, janjal ki tue amen me uiaua me juit; a majan en Kot me jo jali ti er.

10 Ie me I kin potapot ki ue ta ni meakaroj ki lipilipil kan, pue ren aina ki maur ren Kraij Jijoj iana ki linan jakatuk.

11 Nan kajoi mealel: Ma kitail ma ki la i, kitail me pan maur ata re i:

12 Ma kitail tataura ta kitail me pan ian i kaon ta: ma kitail pon jaja i, a pan pon jaja kitail.

II. TIMOTI, 3.

13 Ma kitail jo kamealele, a mealele ue ta; pue a jo kak kalikoma pen i.

14 Kataman kin irail me pukat, katete on irail mon Jioua, ren ter akamai ki ta jip lokaia kai, me jo ta pan puai on meakot, a kajopone ir la me karonā.

15 Nantion konakon la ren Kot, ton totok men me jo nomanok la, me kin patak ue ta pon majan mealel.

16 A maka ki paupau mal kai: pue (ol ako) me pan jo pon lapalap lar:

17 Ar patak me pan para-para ta tue kinj: kijan iair Aiminioj o Pailitoj:

18 Ol me pirok ki la (lamlam) mealel, intin ta jo lar iaja ta, a uiaui er, rap kaeo la en akai ar lamalam.

19 Ari jo, pajonon en Kot me apa; kilele ki ti met, Jioua me mani me na: Ir karoj me mmaran ki er mmarran Jijoj en liki jon me jo pon.

20 Nan im lapalap kapua en kol o jilepa mia, o pil tuka o puel; akai men kalinan, o akai jo men kalinan.

21 Ma aramaj me pan katora pen i jon ir (me juit), a pan raj on kapua mau ko, torora lar, pai on papa joumaj, onop on er totok mau karoj.

22 A inon juit en manakap kom liki jon, a tataura ta meapon, liki, pok, minimin, ian ir me kin kapakap ki on Jijoj jon nan kapet ar min.

23 A patak mal o likom kon

kan, aje ta re pan naitika ta akamai.

24 Papa en Jijoj men en ter akamai, a en opampap on ir karoj, katak on patak, mpai on,

25 Ni akamau kapon on ir me uia (lamalam) toror: ma Kot me jo pan kainjino kin ir, pue ren mealel ki lamalam,

26 Rap pan kajapal pen ir jon katikatiamap pan Tepil, me re loti on, papa en Jioua, Kot me muet on er.

IRA 3.

A KOM kupukupura met, ni ran mur ako, anjou apual me pan puai ta.

2 Pue aramaj kan mi pan kajompual ki ta pen ir, kajompual ki ta moni, poponmajo, kejej, laulaue, kataiau on jam ar in ar,

3 Me juit, jojalek uaja, jo matarok, mpimpa, jo kalaka pen ir, uait,

4 Jo lar mauki me mau, katil, kantua, akalapalap, mauki peren lapa jon mauki Kot,

5 Aka joulā, a kan er kapon: me pukat kom pil uiki jon.

6 Pue akai ir me kin petalon on nan im, kaloe ti on li puepue me tonton ki tip ar, me loti on er inon juit,

7 Me kin ua patak potapot ap jo kak lelapok ki mealel.

8 Tue Jannej o Jamprij kin kauntoma Mojej, pil tue me pukat kin pajon me mealel; aramaj kapet ar juit lar, me pop ue jon er lamalam.

9 A jo ta puai ta: pue ar

lolapon me pan janjale on aramaj karoj, tue ar me janjal lar.

10 A komui kin lelapok ki ai patak, uiaua, inau, ai ponjon, a mpimpai.

11 Ai kankomakom, ai lokalok; me lel on ia ni Antiok, lkoniom, Lijtria; komakom kai me I kin kokoua: o jon ir karoj Jioua me kapit ia lar.

12 Mealel, ir karoj me men tatauara ta lamalam en Kraij Jijoj me pan kankomakom la.

13 A aramaj juit o malaun ko, me pan lapalap la ni juit me pan kataua o pakataua.

14 A kom tatauara ta me kom patak ki er, lelapok ki ar aja ta me kom ron jon er;

15 O tue jon ni om jeri tikitik kom ajai er puk jarau me kak kalolekoni uk maur potapot, ni kamekamealele Kraij Jijoj.

16 Puk jarau karoj me autaut ki er ren Kot, me kon on patak, kapon, kainen, kalelapok on meapon:

17 Pue en Kot na aramaj en pon la, kaonop on er uiaua mau karoj kaualap.

IRA 4.

I KAKALIKI on komui mon Kot o Kraij Jijoj me pan kateika ta me maur o mela kan, ni a para ta, o mue a;

2 Kaueue ta majan, nantion ta ni anjou mau o jo me mau; katekatete on, kapon

on, panaui mpimpai kaualap o patapatak.

3 Pue anjou me pan par to ni ar jo pan tatauara ta patak mealel; a jalona peik re pan kipenan pen ir jounpatak me re kin inoni on;

4 O re pan kauiki jon mealel jalon ar, ap kauiki on kajoi mal.

5 A kom mataua ta ni uiaua karoj, maiiai ue ta ni komakom, uia ta totok en uanporon men, kapuai ata om koa.

6 Metet Nai ap komakom la, anjou en ai mela lel er.

7 I ulai er pepeu mau eu, I kanikie lar ai koua Nai nikinik ier lamalam,

8 Met koko la mmarm mau pan nikiniki on ia, me Jioua, joun kapon mau me pan kupurai ton ia ni ran o: a kaitin Nai eta, a ir karoj me kin loleiti ki a par.

9 Kom niani on matan para ton ia:

10 Pue Timaj me kaje ia lar, pue a mau ki jappa et, ap jame lan er Tejelonia; Krejen on Kalejia, Taitoj on Talmejia.

11 Luk eta mi re i. Uke Mak, en ian kom ko to: pue a mau on ia patapatak.

12 A Tikikoj I ap katar lan Epijoj.

13 Likau o me I puili ta Troaj ren Karpok, kom ua to ni om para to, o puk kai, nan kijilikan eta.

14 Alekjanta joun uia mata kapo uiai on ia me juit lapalap: Jioua en tipuki on i tuen a uiaua:

TAITTOJ, 1.

15 Me kom pil pan kalaka jon pue a kajamal la at patak.

16 Ni ai katete ta maj jo ta me pinpor kin ia, a ir karoj tan ue jon ia: a ter kanikit on irail la.

17 A Jijoj me kotin u re i, kaanian ia ta; pue lamalam en kaparapar kin ia kaualap, o pue rotarot karoj en ron: o I ap katore la jon au an laion.

18 Jioua me pan kapit ia la jon ni uiauaia juit karoj, ap

pan kamauri ia on mue a lan: I en uaua la koko la ta. Ei.

19 Ranmaui on Prijka o Akuila, o ton im en Onejiporoj.

20 Erajtoj me mon ti Korint; a Tropimoj I kamon ti Mailtiporoj.

21 Kom nantion para to mon a jaik en ta kapau. Epuloj kin ranmaui on kom, o Putenj, o Lainoj, o Klautia, o ir pirian karoj.

22 Jijoj en kot ren nen om. Kalanan en mi rem.

EN POL A KIJILIKAU UON TAITTOJ.

IRA 1.

POL papa en Kot, o nanporon en Jijoj Kraij, men apuali lamalam en japuilim en Kot na pilpil kan o patak mealel men kamaui,

2 Tapin at kaporapor ki maur jotuk, me Kot me jo kak uia likom kupura ta men kauaia;

3 A ni anjou i a kajale ki ta a majan patak me a liki ti on ia tuen majan en Kot kamaur patail;

4 On Taittoj, nai ol mealel ni lamalam jo lipilpil: Kalanan o pol en mi remui jon ren Kot me jam atail o Jijoj Kraij kamaur patail.

5 Iet karapan ai kamonti komui Krit pue komui en kapuaia ta me kaiken ta

uiauii, o kajapuila ta jounkoa ni kanim karoj, tue I kakaliki on komui;

6 (Joun koa) en aramaj jo pakaraun, jo pokai, na jeri kamealele, me jo kaintanin jajok, o kataiau.

7 Joun koa aramaj me jo pakaraun, en tue papa en Kot amen; jo katiuo; jo puirianikom, jo akamai joko la jo pemara, jo noroka moni.

8 Ajalek-uaja, me kin inonion me mau, kanonama men, meapon, me makolikol, me likijon;

9 Kolokole ta majan mealel me utan patak, puen kak uia panau mau, o kameteroke kajoue kan.

10 Aramaj jopeik neter mia, paupaulap o liapa kan, ir men jirkomjaij,

11 Me au ar en kapinapin; aramaj me kauiktok la ton im karoj, patapataki me japai, aki moni.

12 Amen ir, ar joukop amen me majani er, Nan men Krit me uia likom potepot ta, me komat, nainmona.

13 Katete pot et mealel. Ari pueki me komui kapon on ir kaualap, pue ren mealeli on lamalam,

14 Ter kamealele ki men Jutia ar potok kan, o patak en aramaj me kauiki jon mealel.

15 Ir me makolikol meakaroj kon on; a ir jamakolikol o jopeik, jolar me kon on; a kapet ar o ar injino me juit.

16 Tanaja Kot; a kamam ki ta i ar uiaua, re meit jakanakan, jopeik, o japai on totok mau karoj.

IRA 2.

KOMUI majani ue ta me kon on lamalam mealel:

2 Ol ma kan ren majamajan, akakaka, mpai:

3 Li ma kan ni ar uiaua ren makolakol, jo kineilikom, jo kamomjoko, ren pataki ue ta me mau.

4 Ren panaui penakap en pok on ar paut, o pok on uair jeri kan.

5 Ren pen akap lelepok, makolokol, poten mot, katak, peiki on ar paut, pue majan en Kot ter pakarur.

6 Pil manakap komui panaui ir ren lelapok la.

7 Ni totok karoj komui kajale ta pen komui alemoni

mau men; ni om lamalam mealel men, lelapok men.

8 Kaue ta patak mealel me re jo kak kalikome ta; i me utan pali teui (kaunton koma) en nomanok la, jota me juit me a kak kajoia kin kitail.

9 Litu kan komui panaui ir ren oke ar joumaj, mal on ir ni uiaua karoj; ter japono;

10 Ter pirap, a pa ki mealel; ren kaojonia ki uiaua karoj patak en Kot kamaurpatail.

11 Pue kalanan en Kot me par er, kare on aramaj karoj maur.

12 Katiti on kitail, kitail liki jon me juit o inon juit, kitail en lelapok, o pon, o kakake Kot ni maur et;

13 Auniauue ki kapor mau, o janjal linan en Kot lapalap, o kamaurpatail Jijo Kraij;

14 Me jokonpaute ki pen i kitail puen note japal kitail ni me juit karoj, o kamakole on pen i aramaj me a pan naine ki, me kin patieti on uia mau karoj.

15 Mepukat komui pataki ta, o panautiki o kapon on, akapetepet. Aramaj en jo jalelepok kin komui.

IRA 3.

PANAUI ir ren peiki on monjap o lapalap kan, oke, apuali totok mau karoj,

2 Ter kineilikom on aramaj, ter lipuijinar, a en kamantik, opampapi on aramaj karoj.

3 Pue pen kitail meit pue-

PILEMON.

pue maj, jopeik, jalona la, papa jon en inon o moton juit kan, kokoa me juit o peirin, pakailuk o kailuk amen o amen.

4 A ni kalanan en Kot, kamaurpatail, o a kupure la aramaj, para ta,

5 Kaiten pen atail uia pon (me kamaura ta kitail) a pueki pen a kupur a kamaura ki ta kitail paptaij en kaipuikap o kauilikap ren Nen Jaraii.

6 Me a kupurai ton kitail kaualap, ren Jijoj Kraij kamaurpatail.

7 Pue, pen ki la a kupur, kitail en uia jojo la kaporapor aki maur jo tuk.

8 Mealel patak et, o mepukat I kin men komui kaueue ta jo peikijal, pue irail me kin kamealele Kot ren katoke kin ir tok mealel. Mepukat me mau on o kon on aramaj;

9 A peitok mal akai, o patak en ti akan, o patak likom,

o akamai ki kapon, komui liki jon, pue me japai o me mal.

10 Aramaj likinpanau kapon lar pan metapak ter ria pak mue jon;

11 Komui mani tue i me likom, o me tipa men, pakateika la pen i.

12 I lao katar uon (komui) Artimaj, te Tikioj, komui penok ton ia Nikopolij; pue i uaja I pan kaujon ta nani par et.

13 Jinaj jounlokaia, o Apoljoj komui matan porone ton ia, joujouaja ira pue ira ter anane meakot.

14 O naita aramaj ren koioki on totok mau, apuali ir me anane, re ter pen lik ala.

15 Ir karoj me mi rei ranmaui on komui, Komui ranmaui ir me kin pok on kit ni lamalam.

Kalanan (en Kot) en mi re omail karoj.

EN POL UANPORON A KIJILIKAU ON PILEMON.

POL, jenjal en Jijoj Kraij men, o riat Timoti, at ranmaui on Pilemon kompokepat, o at uarok ni totok kan,

2 O at ranmaui on Apia, o Arjipoj at uarok jounpei, o

on momotijou me mi nan tanipaj omui, (main Pilemon,)

3 Kalanan en mi re omui, o pol, jon ren Kot me jam atail, o Poatail Jijoj Kraij.

4 I kin kapina ai Kot, pa-

pan ue ta mmarr omui pota-
pota ta ui ai kapakap.

5 Pue I ron er omui limpok
o pojou, me komui kin ui ai
on Poatail Jijoj, o joulau
Karoj.

6 (I kin kapakap kin komui)
pue kijakij me om lamalam
kare ta en puaita, kajanjale
ta mau karoj mi remui tapi
ta jon ren Kraij Jijoj.

7 Kit pol ki tar o injinimau
ki tar omui limpok, pue ku-
pur en joulau kan kelail ki
er remui, ri ai.

8 Pue ki ai limpok, I kak
jo majak kakaliki on komui
pan Kraij en uia me kon on.

9 A pue ki ai limpok I kin
men mpai on poki rem, pue
Nai Pol likailap lar, o jenjal
en Jijoj Kraij meui met.

10 I poki remui nai ol One-
jimoj me I naitikia ta ni ai
jenjal;

11 Maj me jakatapai on ko-
mui, a met me kapai on ko-
mui o Nai.

12 Ol o I ap katar uon ko-
mui; komui ari en apuali i,
pue tue kapeti, (me kajom-
pual.)

13 I kin men kamonti rei,
pue uiliomui en uia mau on
ia jenjal ki lamalam.

14 A I jo ta pan uia meakot
jo lelapok ki kupur omui; pue
om uia ter manjairen, a en
jo manjairen.

15 Tena a lipue jon komui
er lepen anjou kij ta, pue
(lao puro to) komui en naine
kin i kokola ta.

16 Kaite tue litu men, a
mau jon litu men, ri omui
kompok amen; ie tue rei,
nan me lap ajon on komui,
ni pali utuk a, o ni pali en
Jijoj.

17 Ma komui akauoron kin
ia, apuali i tue pen Nai.

18 Ma a uia tipi on komui
er, te puaiquanti on komui, I
pan kapon ala.

19 Nai Pol intin ki er pen
pa i, I pan pain on: Ari jo I
jo inta tue komui Nai, puai-
quanti on ia pen komui.

20 Nna ri ai, I men paie kin
komui ren Jijoj: (komui)
kainjinimaue ta kapeti ren
Jijoj.

21 Kaporaporki om peik, I
ap intin uon komui, komui
me pan uia me I intai er.

22 I men komui kaonopa ta
teui, pue I kiki on motakon
om kajakaj I pan paki on
komui.

23 Ipapraj, ai uarok jenjal
pue ki Kraij, kin men ran-
maui on komui.

24 O Markoj, Arijtarkoj,
Timaj, Lukaj, ai uarok en
totok kan,

25 Kalanan en Poatail Jijoj
Kraij en mi ren Nen omui.
Ei.

EN POL A KIJILLIKAU ON MEN

IPERU KAN.

IRA 1.

NI anjou neter, o uiaua neter, men kua Kot me kin majani on jam atail ko ren joukop kan,

2 A ni mue uet a majani on kitail er ren Na me a kapoie ki tipijo karoj; o pil uia ki ta i uei pokon;

3 I me ujun ki a linan, o uaua mau on moma, o lonlon ki ta meakaroj a manman, ni a pen kajore jon kitail tipa-tail, a koti ti ni pali maun en Kaon laplap poa.

4 A mon lap jon tounlon kan, pue a mmaran ki er mmarr lap me lap jon mmarr arail.

5 Pue ia tounlon me a majani on, Koa me Nai, ni ran uet Nai kaipui uk atar? O pil eu, I pan uia Jam a, a a pan uia la Nai?

6 O pil eu, ni a kotin kapara ton jappa na, a majani on, Man en katar en Kot karoj ren poni i.

7 A majani on man en katar kan, A uia ki na tounlon kan man en katar, o a men papa kan en raj on umpul en kijiniail.

8 A a majani on Na, Mol omui, Main Kot, me potpot ta: a jokon me jokon en ita moi:

9 Komui mau ki er meapon, tat ki mejuit; ie me om Kot keie kin komui potik, me lap jon nan mar ke karoj.

10 Komui Main, nin tapin kua kapara ta jappa, o lan totok en monen lim omui.

11 Ir me pan mom la, a komui me pan kotikot la: ir me pan marina la tue likau;

12 Tue likau komui uitik ir pena, rap pan uik la: a komui me pan tuetue ota, o om mue kan jo ta pan roje la.

13 A ia tounlan me a majani on er, Kon mon ti on ni pali maun i, I lao uia ki imuintitim kan om jok poa?

14 Kaitin ir karoj nen en men papa, pakatar on ir me pan jojoki maur potpot?

IRA 2.

PUE ki met kitail en lojon-poni patak me kitail ron er pue a ter roja jon kitail.

2 Ma majan pot me pouja jon ren ani en katar kai me inen, o kaopa karoj, o kan pa ap ukonki;

3 Ia tuen atail pan pit la ma kitail ronron an jor ki kamaupa laplap, me maj patak jon ren Jijoj, ap pakatete on kitail me ron;

4 Pil Kot me katete ki ni kilel kai, o lom kai, o manman kai, o kijakij en Nen Jeraui, tue pen i kupukupura?

5 A jo ta kakoa kin jappa tounlan kan, me je intinta ki.

6 A a men kaitok (nan kiji-likau) Ta aramaj me komui kin kupura i? te na a men me komui kin apuali i?

7 Komui me katiktik la i jon ren tounlan kan; a komui kin kalinana i, kauui, o kakoa kin i totok en monin lim omui kan:

8 Komui kau ti on aramaj mea ka karujia. Ari kau ti on i mea karoj, nan jo ta mea kot me jo uti on. A je jo ta kilon mea ka karujia uuti on i.

9 A je kilon Jijoj me katiktik la jon tounlan kan, motkan a komkoma la, ap kalinan la o kauau la: pue ie kupur an Kot i en mat kin aramaj karoj.

10 Pue memau on Kot, me tipijo uiaui ai on er, o uiaue ki i, ni a kaluua uan lan na kan, en kamaue ki la nair joun kamaur komkom.

11 Pue me kin kamaui, o ir me mau la rea, nan ir karoj raj eu: ari pue ki met a jota aila ki rian kin irail.

12 Tuen a intin ti er, I pan pataki on ri ai kan mmarmomui, o nan momotijou I pan melekakai on komui.

13 O pil eu, I kaporpor kin i. O pil eu, Majani iai o nai kan me Kot me ki on ia ier.

14 Ari pueki na kan me kijan pali utuk o nta, pil pen i kija ta; pue ki ni a mat la i en kapouie la i me kaon en mela, iet tepil;

15 Jap ta la ir me mauitata ki mela me arain ar maur me liliorarar ta.

16 A jo ta uia la tounlan a men a uia la petel to jon Epeream.

17 Pue ki met ni uiauia karoj mi pai on i en tue ria kan, puen uia la jamero laplap o limpok o mealel iran meakaroj me utan Kot, puen jokonpaut kin pen i tipan aramaj kan:

18 Pue tuen pen i kanautok la, jonjon, a mani tuen jouaja irail me jonjon er.

IRA 3.

PUE ki met, ri ai mau kan, me puaij an ki er en lan a eker, komail kupukupura uonporen, Jamero laplap en at lamlam Jijoj Kraij.

2 Me kin mealeli on me katoror ta i, tue Mojej ren na aramaj kan.

3 Pue ol a men et me kaka jon Mojej, tue aramaj me uia ta im me kaka jon im o.

4 Pue im karoj me uiauia ta ren aramaj; a me uia ta tipuijo karoj me Kot.

5 O Mojej koa ki na kan mealel, tue papa a men, men kilel pan lamlam me pan janjal to.

6 A Kraij me raj on ol me

MEN IPERU KAN, 4.

koa ki im a; ari kijan im a
kitail ma kitail kolkol ta po-
jon o peren en kaporpor lao
imuijok la.

7 Pue ki met (tue Nen Je-
raui me majani er Ranuet
ma komail pan ron nil i,

8 Ter kapitakai kapet omail
la, tue nin anjou en kaanian,
ni ran en jonjon nan jap tan.

9 Ni jam omail kaututi on
ia, kajojon on ia, o kilon ai
manman kai par pajok.

10 Ie me I makar pan ti o,
ap inta, kapet ar kin poten
joupon la; ir jalelpok ki ai
uiauia.

11 Ie me I kauki ai makar,
Re jo ta pan molailai ki ka-
mol pai.)

12 Kalaka ri ai kan, pue
kapet omail te jo peik, mue-
mue jon Kot maur.

13 A komail panaui pena
kaukaule, tuen a majani, Ra-
nuet; pue akai reomail ter
kapitakai ki la mejuit kau-
liapa.

14 Pue kitail kijan Kraij
ma kitail kolkol ta tapin
atail liki, lao imuijok la;

15 Tuen a majani er, Ra-
nuet, ma komail pan karona
nil i ter kapitakai kapet
omail la, tue ni anjoun kaa-
nian.

16 Pue akai ni ar ron kau-
tuti on ia, a kaiti ir karoj me
ko to jon Ijip ren Mojej.

17 A aniani pan ij par pai-
jok? kaitin ir me uia tip, me
kalepar pope ti ni jap tan?

18 A kauki on ij, re jota
pan molailai ki kamol pai,
ma jo ir me jo peiki on?

19 Ari kitail tiara ta re jo
kak kanoti (jap o) aki jo liki.

IRA 4.

KITAIL ari kalaka, ma a
kopun on kitail molailai
ki a kamol, a men reomail jo
ta lel.

2 Pue ron mau me pataki
on kitail ier tue irail: a ar
ron patak jota puai on irail,
pue ir me ron jo ta katolo ki
peik.

3 A kitail me kamealele er
me pan molailai la, tuen a
majani er, Tue I kau ki lar
ai makar, re jo ta pan molai-
lai ki ai kamol: me mi er jon
ni anjoun totok en jappa ka-
nikie lar.

4 Pue a majani er ni uaja
ta kij tuen ranjeraui, iet Kot
me kotin molailai ki ran kaiju
jon ni a totok karoj.

5 O pil ni uajet, ma irail
pan molailai ki ai kamol.

6 Ari naja mia me akai kak
molai ki, a men kua me ron
patak jo ta molai ki pue ki
jo kamealele.

7 A pil kilele ran eu, mama-
jani nan puk en Tepit, iet,
Ranueta, jon men kua me
uarai, Ranueta, ma komail
pan karona nil i, ter kaka-
pitakai la kapet omail.

8 Pue ma Jioua kamolailai
ir, a jo ta pan katiti ki eu
ran.

9 Ari mealele kamolpan nain
Kot na aramaj mia.

10 Ari aramaj me kanoti ier
kamol me maio la jon a to-
tok, tuen Kot me molailai
jon a.

11 Ari kitail en nanti on ta kano ki ti kamol o, pue a men retail ter jara jon, tuen ir me jo peik.

12 Pue majan en Kot me metan o manman, o me kon jon kotlaj au riau, til uon kajar pajon pali nen, pali uar, o kanon en kokon o kajalipan lamlam o inon en kapet.

13 Ari jo ta aramaj me jo jala tan i: nan meaka karoj me jal on pak ar jilan en me kaonpat.

14 Ari pue atail jamero me laplap o intant, me piuk ta lan lan, Jijoj me nain Kot, kitail lolpote i.

15 Pue at jamero laplap kaitin i a men me jo pan paam ta at luet; nan jo, a a jonjon ren me juit karoj tue kitail ap jo tip a.

16 Ie me kitail aima ko ton mol an limpok puen tunole jon men jouaja kitail ni ka jon pa tail.

IRA 5.

JAMERO laplap karoj me pilpil lar jon ren aramaj kan rap toror on koaki on Kot me a, men pajon ki kija-kij, o men tom.

2 Me kak paam ta lolpon kan, o jalon la kan; pue pil pen i katipa.

3 Ie me a tom kin pen i, tue aramaj kan.

4 Ari jo ta aramaj me pen puaijan ki tiak uet, a me kajapuul tar ren Kot, tue Aron.

5 Nan pen Kraij me jo ta kajapuul ta pen i puen uia la

jamero laplap; a me majani on, Komui nai, metet i ap kajapuul uk atar.

6 Tuen a pil majani ni akij uaja, Komui jamero tue pena ta Melkejetek ko ko la.

7 (Jijoj) ni a pali utuk, ni a kapkap nitnit, o ninit o pil en jilani ie ian, (kapkap) on me kak tore jon inela, ap mani a, pue a joijoi la rea;

8 Ma na, a lelpok ki peik jon ni a kaankomkom.

9 Ari majmau a men, a uia la kamaurpan maur potpot, on ir karoj me kin uoke i;

10 Kujmare ren Kot jamero laplap tupena ta Melkejetek.

11 Iran i kajoi me toto mi rei me i men pataki on komail, a meapual en kauene ta, aki omail lolpon.

12 Nan a lel er anjou komail en uia la joun patak, ari jo, komail kin men a men kauene on komail tapin lamlam en puk jeraui; raj on ir me pan tunole pil en titi, kaiti jak nun.

13 Pue ir karoj me kin tunole pil en titi me man jalonpon ki majan en kamaur pue a raj on jeri puelel.

14 A jak me nun utan me laut kan, ir me an ki lar lamlam ap kin lolkon ki memau o me juit.

IRA 6.

ARI pueki met kitail muejon tapin patak en Kraij, kitail en lolkon ki patak me lap jon; kaiti patak en kainjino me tapi ta jon totok mual, o liki Kot,

2 O patak en paptaij, o pok tan poa pa ar, o en mela kan ar iaja ta, o kateik jotuk.

3 Ari met kitail me pan uia ta, kaporpor ki Kot.

4 A jo kak pa rail, ir me marain lar, o me ueue ki er kijakij jon lan, o autaut ki er Nen Jeraui,

5 O lolkon ki er majan en Kot mau, o manman en mue mau,

6 Ma irail mamual ki ta, ap pil kajapal ki to pen ir loklok; pue irail pen kalopue er nain Kot, kanomnok a la i janjal.

7 Jap me lamlamur ki kotau me kin purepure morti on, o me kauoja tan ir kapua mau me kin uia japjap, (ie jap) me kin puai ta ren Kot.

8 A jap me kin kauoje ta tip kan loktok la, ria lar, me utan ron la.

9 A ri ai kompok pa i ko, I aja komail me mau jon me-pukat, meakai me utan lam-lam, ma I uia kaparok pot et.

10 Kot me jo jopon maliela omail totok o totok limpok, me komail kajanjale on mmara, tuen komail apuaki er joulon kan, o kin potiti on.

11 I kin men komail karoj en nantion tuetue ta kajan-jale ta kaporpor mealel alao jipal la.

12 Komail ter tanana akai, a komail alale jon ir me liki o mpimpai, jojo ki kopun kan.

13 Pue ni en Kot kopun on Epeream, a kauki pen i, pue jo ta me lap jon en katiki,

14 Mamajani, I pan kamaue la komui, o kaneter la kotau-tok omui.

15 Ari auiani, mpimpai ta ap puai ki ta kopun o.

16 Aramaj kan kau ki me lap jon: ari ar kaula kin kaimuijok la akamai karoj.

17 Pue ki met Kot kin men kajale on ir me pan jojo ki kopun kan, tuen a kopun me jouik, ap kamealele ki kaula eu.

18 Pue ni riakot jouik, me Kot jo kak likom ki on, kitail en pil kaporpor mau, kitail me pit ue jon er en kaporpor ki maur me mo at:

19 Kaporpor uet me raj on paipon en-nen tail, me mealel o ton, kaporpor lel uon nan pera jeraui;

20 On ni uajao joun kair mi koti lan ier, Jijoj, uia la Jamero laplap tupena ta Mel-kejetek koko la ta.

IRA 7.

PUE Melkejetek a men et nanmarki en Jelem jamero en Kot laplap, me tuon Epeream japal to jon ni a mauini nanmarki kai, ap kaj-kaj kin i;

2 Me Epeream muet on katinaul en a a tipuijo karoj: i nanmarki me inen, o pil nanmarki en Jelem me nanmarki en kamue mau;

3 Je jaja jam a, je jaja in a, je jaja a kainok, jo ta kilel en a ipui ti, jo ta kilel en a mat la; a a raj on Nain Kot me jamero potpot ta.

4 Komail kupukupur tuen

ol laplap a men et me jam at
Epeream muet on katinaul a
tipuijo me loti.

5 Mealel ata kotaotokan
Lipai me uta jamero, me kon
on ir en ale jon aramaj nopue
tuen tiak en Juj, ale jon kijan
kotaotokan Epeream:

6 A i me jo kija ir, ale no-
pue jon Epeream, ap kajkaj
kin i me kopun uiaui on
er.

7 Mealel mmara tiktik kon-
kon lar ren mmara laplap.

8 Ari pali et me utan mela
ale nopue; a pali o a ale
nopue me pa katiti me a
maur ta.

9 A raj on met, joun Lipai
me akanopue on, kin uia
nopue ren Epeream.

10 Pue Lipai kaikenter mia
ni Melkejetek tuon jama ka-
lap Epeream.

11 Ari ma kamaupa mia ren
jamero Lipai kan (pue ni tiak
uet kujnot kan uiaui er,)
menta jamero en eu jon ko
ta raj on Melkejetek, a jo raj
on joun Aron ?

12 Pue ma joun jamero uiki
jon nan tiak me pan pil uiki
la.

13 Pue i mepukat intinta ki
utan eu jou, a jou uet jo ta
kin papa ni peijeraui.

14 Pue mealel, Poetail ta-
pita jon Jutia: ari iran jou
uet Mojej jo ta katiti ki mea-
kot jamero.

15 Nan mealel ta, joun ja-
mero me uiki jon: pue tuen
Melkejetek eu joun jamero
me it ko ta.

16 Me jo ta tapi ren jon en

pali nar, a jon eu me pan
polpot ta.

17 Pue Kot me majani,
Komui jamero me tue Mel-
kejetek.

18 Nan tiak en maj me pou
lar pue me kokon japarok.

19 Pue tiak o jo la ka
uonjok meatmen, a lamlam
me kaka; ren met, kitail kak
kai on ren Kot.

20 (O pil iet eu karajpa) a
jo ta japuil ta ma kaula jo ta
uiaui.

21 (Pue jamero ko me japui-
li ta jo kaula (en Kot) ian: a
ol a men et japuili ki ta kau-
la ren i me majani on i, Jiona
kaula ap jo ta pan uiki jon,
Komui jamero a men me raj
on jou en Melkejetek.

22 Ie me Jijoj uia la kapon-
pan inau mau jon.

23 Irail jamero me neter, a
jo ta potpot pue ki ar mat la;

24 A ol a men et me potpot
ta, pue a uia la jamero jo uik.

25 Ari pue ki met, a kak
kamaura ta mealel ir karoj
me kai ki on Kot i, pue a po-
ten kajkaj kin ir.

26 Jamero tue ol a men et
me mau on kitail, pue me-
mau a men, katak a men, jo
jamin a men, me jo ta ian me
tipa kan, me japuil ilela jon,
lan;

27 Me jo ta raj on Jamero
te ko, me kaukaule tom kin
tip ar, ap mur tom kin ara-
maj kan: a uia ta tom eu ni
a muet tan Kot pen i.

28 A tiak o kajamerouie la
aramaj me tipa kan; a inau
en kaula, me maur en tiak o,

kajapuil ta Na, me tor on
potpot.

IRA 8.

ARI ietet ueue en kajoi me
je katiti er: Atail ja-
mero, me kotkot ni pali
maun en mol en Kaon lap-
lap en lan;

2 Jamero en me jerani kai,
o jamero en im jeraui mealel,
me Jioua kua ta, kaiti ara-
maj.

3 Jamero lap karoj mi tor
on en ki lan kijikij kan o men
tom kan: nan me mau ol a
men et en pil uia tom.

4 Ma a kotkot jappa, a jo ta
pan jamero, pue jamero kai
mi er me kin ki tan kijikij
tuen tiak:

5 Me kin alale jon meakai
mi lan, tuen Mojej me Kot
kotin kalolkon la ni a pan
kua ta imjeraui: A majani
on, komui ea uia ta meaka-
roj alale jon me i kajale on
komui nin nana.

6 A (Jijoj) aine ki er totok
me mau jon ir, pue i kapua-
ipan inau me mau jon, me
tap ki ta kopua kan me mau
jon.

7 Ma tiak en maj meapon,
nan men mur jo ta pan ti on.

8 A pue (Jioua) jo ta kin
mau kin ir, a majani, ni eu
anjou I pan inau kapi on joun
Ijrael o joun Jutia:

9 Kaiti tue inau me I inau
ki on jam ar ko ni Ai kalua
irail to jon nan jap en Ijip;
pue re jo ta potiti on ai inau,
ari I ap japual ue jon irail.

10 A iet inau me I pan uiai

on toun Ijrael murin ran ko,
me Jioua majani; I pan aute
ki lol ar ai kapon kan, o in-
tinie ti ir nan kapet ar; I
pan uia la arail Kot o re pan
uia la nai aramaj:

11 Re jo ta pan pataki on
aramaj kan, o jauarail, intin-
ta, Kon lelpok ki Jioua: pue
karoj me pan lelpok kin ia,
me lap kan, o me tik kan.

12 I pan maki ki on ar jo-
pon, o tip ar o ar mejuit I
pan jo la taman ta.

13 Ni a majani inau kap,
pue men maj marin lar, Ani
mealel me uarai ta marin la
ap pan loktok la.

IRA 9.

ME utan inau maj tiak en
kautok kai, o im pual
mia.

2 Ari im pual uiaui ai er;
nan ueip liki lamp mia, o
tepel, o peret janjal; ie uaja
me atan ki uaja jeraui.

3 A pali la jon pera ilol on
i uaja me atan ki uaja likaik;

4 Tal kol en kijinlai, mia o
kopa jeraui me kitim ki pena
kol, a lole tal kol me mana
mi lole, o jokon en Aron me
majal pajon, o pali takai en
inau;

5 Pon kopa o jerupim linan
mia, me kompual ti uajan
tom; mepukat I jo ta pan
kajoia ta.

6 Ari mepukat uiani er,
jamero kan petilon on nan
ueip liki, uia kautoki on Kot.

7 A nan ueip lole jamero
laplap eta koti lon on kelep
ta pan meapak nan par eu,

iana ki ntan man me a tom ki ta tip a, o tip an aramaj.

8 Nen Jeraui lolok ki to met, tuen al me imui lan lan kaiken ta janjal to, ni im jeraui men maj mia:

9 Me kajalepan anjou o, tuen kij kij kai o tom, me uiaui me, jo ta kak kapon la mulik en me a toke ki ta;

10 Nan mepukat men nom o nim, o uiten tal kan, men kamaui pali uar ar, me a ki on ir, lao anjou kap me para ta.

11 A Kraij me koti tor, jamero en me mau kan me pan para to, a jamero ia ta nau uaja me mau jon imjeraui me jo ta uia ki pa an aramaj, o me jo ta utan pali paet.

12 A jo ta ua tom ki man kot te man kau, a ken nta me a ua nan uaja jeraui lan tom ki, ap kare ton kitail maur potpot.

13 Ma ntan man kau ol, o man kot, o paaj en kau li kaje pet on me jamin, ap kamin la pali uar an aramaj;

14 Tatuen ntan Kraij me jo mau jon, me jounmeteki pen i on Kot ren Nen Jeraui, jo jamin: puen kaponi mulik omail jon ni mejuit puen papa Kot me ani memaur?

15 Pue ki met a uia la joun tom ni inau kap, pue ki a mat kin me tipa kan me utan inau maj pue ir me paekeker ren aini ki maur jo tuk.

16 Inau uiaui er, nan a kajanjale on kitail mat la en me uia ta inau en uiaui.

17 Ari inau me puai ta mur en aramaj a me la: ma jo, a jo ta pan kare ta meakot ni a maur.

18 Nan inau en kana me jo ta puai ta ma ntan jo ian.

19 Pue Mojej ni a katiti ki on er aramaj kajoi karoj en inau, ale ntan man kau pul, o man kot, iana ki pil, o uunen man jip uaitata, ap uijip ki ta puk jeraui o aramaj pokon,

20 Mamajani, nta uet kilel en tiak me Kot kotin kakali ki on komail.

21 A pil uijip ki nta im jeraui o kapua kan me utan.

22 Nan meakaroj ni tiak uet mejerauie ki la nta; a ma jo nta nan jo ta tip en aramaj me kamak.

23 Nan me mau on men alale jon kapua en lan en jerauie ki la mepukat: a me utan lan en jerauie ki me mau jon mepukat.

24 Kraij me jo ta petelon on nan uajan jeraui uiaui ki pa an aramaj, men alala jon me mealel; a a petelon on lan eta, puen korenie ki Kot kitail.

25 O a jo ta petelon on puen tom kin pen i, pan pak neter, tue jamero laplap me kin petelon on nan uaja jeraui iana ki ntan man ko;

26 Ma ie tue, nan a pan mat la pan pak me neter jon nin tapin jappa: (a jo,) metet met a pak ni imuin jappa a para to puen tom kin tip kan pen i.

27 Tuen tiak en aramaj en

mela pan me pak, a muri ran en kateik;

28 Pil tue Kraij me mat la pan me pak puen tom ki tip en aramaj kan: a ir me kin majamajan a pil para to, a pan pil para ton ir, kaitin uia tom, a puen kamaura ta.

IRA 10.

NAN tiak o, kajalepan mau kan me pan ko to, a kaitin ir eta, jo kak kamakolkoli ir me ijik man nan par potpote ta.

2 (Ma ie), aramaj jo pan tuk ti jon tom ki ta mepukat? pue ir me min la jo la muilik ki tip ar.

3 A ni tom ko men kataman pan tip ni katakatau par.

4 Pue ntan man kau ol, o man kot jo ta kak ua jon tip kan.

5 Pueki met, ni en (Jijoj) a para ton pali pa et majani on, men tom o men kijikij komui kin kan, a komui kator on ia totok uet.

6 Kijkij ijij o men tom komui jo ta kakaliki on.

7 (Jijoj) ap majani on, I ko ton (tuen a intinti er nan puk) kapuaia ta kupur omui, Main Kot.

8 A maj, ni a majani kijikij ijij o men tom komui me kan, o jo ta kin pereperen ki; ir me uiauiuai nin tiak o;

9 A majani, nar I koton uia kupur omui Main Kot. A kapoie la tiak maj pnen katone men mur.

10 Ren totok uet kitail paka

maur la, kalep en Jijoj uia la tom pat pan met pak.

11 Jamero kan me kin uia tom kakaule, ap pur on uia tom ota me jo kak ua ue tip kan.

12 A ol men et (iet Jijoj) me tom ki pan meapak tip kan, ap koti on ni pali maun en Kot;

13 Auiuai a imuintiti en loti on i.

14 Pue ni tom lainu a uia to tom jo tuk me kamin irail la me uia ki.

15 Nan Nen Jeraui me kin katete on kitail; pue a majani maj,

16 Ietet inau me I pan inau ki on irail murin ran ko, Jloua me majani; I pan autateki lol ar ai kapon kan o intin ir ti ni kapet ar.

17 O tip ar, o ar me juit I jo ta pan taman ta potpot ta.

18 Ari tip pukat mak ki er, jo la pil uia tom kin tip.

19 Ri ai ko, kitail ap lollap ki on uaja jeraui (me raj on lan) ntan Jijoj.

20 Ni tiak kap me a uiai on kitail ier ni pali kalepa, me raj on likau en pera, pali utuk a;

21 O atail jamero: laplap mimia kaon pan joulon kan;

22 Kitail kai ki on i kapet at mealel, liki kaualap, kapet atail uiten jon muilik juit, o uar atail uituit ki pil makolkol.

23 Kitail ton ti on atail joulon la jo peikjal; pue mealel a men me kopun er.

24 A kitail en kupukupur a

men a men puen kompoke kitail pena, o kainon on totok mau:

25 Kitail ter tuk ti jon atail motan kautok pena, tuen a kin uiaui ren akai; a kitail en panaui a men a men uia- uia pue komail tiar ta ran o koren tor.

26 Ma kitail kamam ta murin atail lolkon ki lamlam, jo ta men tom ki me juit mia,

27 A mamajak o kajakajain ki kateikpa, o onion laplap me pan karoje la ir me kin imuintiti on.

28 Me kin ronron an jor ki tiak en Mojej katete ta pan ria men te jili men rap komkom la jo ta me pokpoka:

29 Tatuen, kaiti komkom me lap jon me kon on me tiak ti lamlam en Jijoj, o ronronan jor ki ntan inau, me a tom ki la, o me uia tipi on Nen en Kompok?

30 Nan kitail aja me majani er, ikipa ai tok, I pan tupuk ki on, me Jioua majani er. O pil eu, Jioua me pan kapon on na aramaj kan.

31 Nan meit kalom loti on ni lim an Kot me manman.

32 A kataman kin komail ran maj ko, murin omail marain la, komail kotin ni kenkomkom loklok kaulap.

33 Ni omail janjal kenkaurur o pan kitau o komkom; o ni omail riana kin ir me pil lel mejuit.

34 Komail pok on ia ni ai janjal, ap jo lipanet ki omail kapua paat, ajaja nalon omail tipuijo mau jon kotin mia.

35 Komail ter kaje la kalikpa omail liki, me pan kare ta katinpa laplap.

36 Komail mpai la ta, pue ni omail uiaua kupur en Kot; komail en paie ki kopun ko.

37 Anjou tar kij, me onoper pan para to, a jo ta pan puant.

38 Nan me mau kan ni ar memaur en liki ta: a meamen me pueoki jon kupur ai jo ta pan peren kin i.

39 A kitail jo ta kijan kin ir me pueoki jon loktok lan ni uaja juit; a kijan kin ir me kin kamealele on inau lan kamaurpan nen arail.

IRA 11.

LIKI me pajon en me kitail kaporpor ki, o katetepan meakan me jo janjal.

2 Pue ni met, me lap en kaula lookmau la.

3 Ni liki kitail kamealele lan o jappa me uiauiue ki ren majan en Kot, ie me tipuijo kan me je nar jo uia ki meakai me janjal.

4 Ni liki Epel me koleir ki on Kot me mau jon Ken, ap tete la me ol meapon a men, Kot kupukupura a kijakij: o pue ki met murin mela a kapinan la.

5 Ni liki Inok me piuk ta la puen ter lel on mela; ari a jo er mi er, pue Kot me uk ta la i: a mon a piuk ta la kate- tepa mi er tuen a kapole Kot.

6 A ma jo liki jo ta me pan kak kapole i: pue me kin kai on Kot, en kamealele a kot ia, o katin en ir me kin nanti on papa i.

MEN IPERU KAN, 11.

7 Ni liki, Noa pakakalin ki Kot, meakai me kaiken ter pinnar, majak, kokon pena uarim pot puen kamaura ta na kan: ari pue ki met a kapon on ton jappa, ap joi joi ki pai me tapi ta jon liki.

8 Ni liki Epeream paekek ton koti lan jap me a pan jap an ki muri, peiki on ta; ari a koti la jaja uaja me a pan koti lan ia.

9 Ni liki a mon ti ni jap en kopun, raj on men liki a men kaukaujon ta nan im pual, raj on Aijak o Jekop, ian ir pai ki pai ota.

10 Pue a kupukupura kanim me a pajon mia, me uiauuia la ren Kot.

11 Ni liki pil Jera me kak on lijeian la, ap naitika ta jeri a men ni a li tapon, pue a kiki on me mealel a men me kopun on er.

12 Ari jon metamen, me raj on mela a men me neter me tapi ki ta, tue iju kan ni lan metoto ia, o me raj on pik kan ni man jet me pera jon uat.

13 Ir karoj me mat la nin liki; kaiken ter paie ki kopun ko, muilimuili kin ir, o kamealele, aka men liki, o aka kairu kin pen ir ni jappat.

14 Ari ir me kajoia tue met, nan me janjal re kin koki al on eu jap.

15 Mealel ta, ma irail nonon jap re ko to jon ir pan kak pur on.

16 Ari jo re kin man ki jap me mau jon, nalon: pue ki me Kot me jo aila kin ir uia

la nain Kot: pue a kaonop on irail ier kanim eu.

17 Ni liki, Epeream ni a jonjon, muet on na putak Aijak; o i me ale er kopun kan muet on na ieroj eu.

18 Iran i a majani er, Jon Aijak kotautok om me pan irerok to:

19 Ki ki on me Kot me kak kamaura ta i jon ni a mela; jon met a pil nain kin i ni karajapa eu.

20 Ni liki, Aijak ap kapkap kin Jekop o Ijau meakan me pan uiauii.

21 Ni liki Jekop, ni a pan mat la, kapkap ki nain Jojep na ria men, kapkap paruk la pon a jekon pot.

22 Ni liki Jojep, ni a pan mat la, kupukupura kotautokan nain Ijrael kan, ar pan lip la; o a kakakalin kin ir ua ta la ti a kan.

23 Ni liki Mojej ni a ip, okioki la ren jam a in a, jounipon jilu, pue rekilon me jeri mau a men; re jo ta majak en nanmaraki a kujnot.

24 Ni liki Mojej, lao laut la, kan inan ki nain Pereo na jeripen.

25 A men ian nain Kot na aramaj kaankomkom jon a men puaij ana ki me juit ni anjou kai,

26 Kajakajompual ki a ua matok en Kraij me mau jon kapua en Ijip: pue a kupukupura me katin.

27 Ni peik a lipa jon Ijip, jo ta lomuini ki anian en Nanmarki: a kotin on (lamlam) kalikaliati me jo janjal.

MEN IPERU KAN, 12.

28 Ni peik a uia pajopa, o ujujip en nta, pue me pan kamela mejeui kan en ter kai on ir.

29 Ni peik irail koite la jet uaitata, likomata nan jap matokon: me men Ijip ako jon en uia rap kiri la.

30 Ni peik kel en kanim Jeriko ronki pajon, murin ar kapil ir pena ni ran iju.

31 Ni liki, Reap li juit a men jo ta ian ir mela me jo peik, pue ki a apuali lipor-roka ko ranmaui ir.

32 Ta me I pan pil kajoia ta? pue anjou me tiktik en uia kajoi en Kiteon, o Parak, o Jamjon, o Jepta; pil Tepit, o Jamuel, o joukop kan.

33 Tuen ni arail peik kaloe ki ti uei kai, kapuaia ta lamlam mau, paie ki kopun kan, kaku pena au en man laion,

34 Kalau la kel en kijiniaia, pita jon au en kotilaj, luet lar rap kelaila jon, komat ni mauin, pak ue joun pei en uai kan.

35 Li kai pil nain ki nair mela kan me iaja tar; o akai ikitantat la, kan japtok la, pue re men puaijan ki kamaio me mau jon.

36 Pil kai ueuelok la, o uok-uok, o pil janjal, o loti on nan imaton:

37 Pakajuk, raj pajon, paka jonjon, koma ki la kotilaj: janjarauaru jili, likauia ki kil en man jip o man koat; jamama lar, kaankomkom, ikitantat;

38 Nan jappa jo palian irail:

irail koko jili nan jap tan, nin nana kai, pan paip kai.

39 Mepukat karoj, lokmau ki la ar liki, a jo ta paie ki kopun kan.

40 Pue Kot kin men kaonapa tan ir o (kit) me mau jon, pue ar lamlam puai ki kitail.

IBA 12.

PUE ki met, o pue joun katete, raj on tapok kan, kapil pena kitail, kitail en mue jon katoutoupatail, o inon juit me kitail anki er, kitail en poten ueir on pai me mo atail,

2 Kaporpor ki Jijoj me tapl pan kaimuipan atail liki; me kin kupukupura pai me moa, ap kin mpai on lopu, mamai ki kanomnokpa, ap koti ti ni pali maun en mol en Kot.

3 Komail kupukupura i me uon ue ni kaopa ren mejuit kan, pue kapet omail ter mur tiktik la.

4 Komail kaiken ter erieri ki mejuit kare ta puk omail uia nta.

5 O komail monoke lar patak me pataki on komail ier, tuen jeri tiktik kan, Nai, ko ter ronronan jor ki kopon en Jioua, kapet omail ter tiktik ki a kitaue komail.

6 Pue ir me Jioua kupura la, a kin kopon on ir, o koma na kan me a nain ki er.

7 Ma komail koton on ni kapon, nan Kot me kin uiai on komail tuen na kan; pue ia jeri a men me jam a me jo ta kin kapon on?

8 A ma jo ta kaponpam, me na karoj kin tunole, nan komail raj on jeri jo jam a.

9 O iet, jam atail ni pali utuk kin kapon on kitail: je ap kin peiki on: kitail jo pan peiki on jam an pali nen ap maur ta?

10 Pue irail kin kapon on kitail ni ran melanlan tuen a mau on pen ir: a i (Kot) pue ki a mau on kitail, pue kitail en tunole jon kupur a.

11 Jo ta kompa me je kin peren ki ta, a kaapual ki, ari jo, muri a kare tan ir me kin peiki on limpok o mpai.

12 Pue ki met poka ta pa a me motor, o pukie me luet:

13 O uiai on ne kan al kok, pue me jikilki en ter pirok la jon; a en kelail la.

14 En ua mau ren aramaj karoj, o kanonama, ma jo, jo ta aramaj me pan kak tu on Poatail.

15 Kalaka pue jo ta aramaj en pirok ki la jon kalanan en Kot; pue katantat ter puai ta kae komail, o me neter ap pan juit ki la;

16 Pue en jo ta men nenek, ter mejuit a men tue Ijau me not ki la kijan mona a joujoumaj.

17 Pue komail aja tuen muri ni a kin men paie ki ta pai, a jo puai ta, a jo ta kak kauik la kupur an jam a, jonjon ki pil en maja kaulap.

18 Komail kaiken ter lel ton nana jair, me nkinkon, o jo ko ton uajan tontol, rotrot o melimel.

19 O maten jaui, o nil en

lokaia: me irail ron tar rap pokpoki en ter pil pur on.

20 (Pue irail lomuini ki me majani on er, ma man a men jairi nana o a pan pakajuk, o toke ki la katiu.

21 Meit kamajak, pue Mojej majani, I ap lomuini ki o rer-rer:)

22 A komail lel er nana Jaion, o kanim en Kot uoj, Jirujelem en mi lan, o on pokon tounlan me neter en ia.

23 Me kapakapina Kot, o on momotijou en mejeni, o on Kot joun kajau pan karoj, o on nen en joulam kamakolkol kan,

24 O on Jijoj joun tom en iuau kap, o nta ujip me kare ta me mau jon uiauiian Epel.

25 Komail ter ronronan jor ki me majani on er: ma irail me manjipue kin i me majani on ir ni jappa, jo pit la, nan pil kitail jo ta pan maio la ma kitail jope jon i me majani er jon nalan:

26 Kapit in i me kamokita ta jappa: a a majani er, I pan pil kamokita ta jappa o pil lan.

27 Katiti pot et-Pil eu-iet ueue, en kauik la lamlam ko me pan mor pajon, tue tipijo me uiauui er, pue lamlam me jo mor pajon en potpot ta.

28 Ari pue kitail uei an ki lar uei me jo pan mor pajon, kitail en ton ti on, kitail en upai on Kot ni me utan, kakaki, lomuini ki.

29 Pue atail Kot raj on kiji-niai nkon.

IRA 13.

KOMAIL en polollol pena.

2 Komail ter kan apuali men liki kai: pue i tue akai me apuali er tounlon akai me re jaja.

3 En paam ki ta me janjal kan tue pen komail jali ti er; o ir me kaankomkom tue pen komail mi er ni pali utuk.

4 Kainen meapon ren karoj; o loj me jo jamin: a me tenter kan, o me nenek kan Kot me pan kapon on.

5 Komail en jan mauo kin kapua; tipijo me mi re omail en itar komail pue a majani er, I jo ta pan mue jon komail o kaje la komail.

6 Ari kitail ap pan aima on intinta, Jioua jouajpai, I jo ta majak ki me aramaj pan uiai on ia.

7 Matarok on omail joun patak, me kauue on komail ier majan en Kot: alal jon arail liki, taman ta imuin arail uiaua:

8 Iet Jijoj Kraij me tuetue ta aio, ranuet, koko la ta.

9 Komail ter okoktaut ki jon en patak me neter o me toror.

10 Atail pei jeraui mia, me jo ta mau irail en tunole jon, (ir) me kin papa nan im pual.

11 Uar an man ko, me ntar uijik lon on, nan imjeraui ren jamero laplap aki tip, ijij er likin kanim.

12 I tue Jijoj, puen tom kin aramaj nta, komkom la likin kanjm.

13 Kitail en ko ie lan rea likin kanim, puaijan ki a mon kaurur la.

14 Jo ta atail kanim potpot met, a kitail roprop ki eu mi mo at.

15 Kitail poten kapakapina Kot ren Jijoj, iet, muet on i uianian likin au tail, kajakajoia mmara.

16 A kitail ter monoke la uiaua mau on o kijakijai on, pue i kijakij Kot me kin mau ki.

17 Oke ir me kakaon komail o peiki on: pue re kin tauliki nen omail, raj on ir me pan papan (on Kot): puen uiauui ni kaperen, jo ni injinuit: pue i me japai on komail.

18 Komail kapkap kin kit: je kiki on je kin men inen ue ta ni totok karoj.

19 I kin men komail uia met, pue jen pitpit pakatar lan komail.

20 Ari Kot me ani en Kapol, me kaiaja ta jon mela kan, Poatail Jijoj, jilepan jip laplap, ni nta inau potpot,

21 I en kamaue kin komail ni jon en totok mau karoj en kapuaia ta kupur a, ren Jijoj Kraij; i en uau la koko la ta.

22 Ri ai ko, peiki on panau, kij et: I intin ier uon komail kijillikau ni lokaia laulau.

23 Tena komail aja ri atail Timoti japtok lar; ma a metan ton ia, I pan ian i momait lan komail.

24 Ranmau on ir me kakaon komail, o joulan karoj. Joulon en Itali ka me ranmau on komail.

25 Kalanan en Kot en mi re omail karoj. Emen.

KIJILLIKAU EN JEMEJ.

IRA 1.

JEMEJ uonporon en Kot o Poatail Jijoj Kraij, a ran mau uon joulon kan me pakajar jon er.

2 Ri ai ko, komail peren ki jonjon kin ni kaankomkom.

3 Aja met, jon panomail lamlam me pan kare ta mpai.

4 A muet on omail mpai en kapare ta me utan i; pue komail en an la, uonjok, jo anene meakot.

5 Meamen re omail me jo tete ki, en kalelepok ren Kot, me kin japan kalelepoki on karoj, jo kitane; a nok ki on i.

6 A i en kalelepok popojon, ter peikjal: pue me kin peikjal me raj on iluk en nan jet me an kin ipir ue pukpuk.

7 Pue i aramaj e ter kaporpor me a pan tunole meakot jon ren Poatail.

8 Aramaj lol riapot me pepeikjal a men ni a uiauia kan.

9 Ri omail a men me jamuamua en peren ta a pan puai ta:

10 A kapuapua a men, pue a jamuamua la, pue tuen majal eu a pan tauulul ue jon.

11 Pue al me para ta karakar, ap kamotore ti re kan, o ar majal mor ti jon, o a linan me jora jon: i kin tuen ara-

maj me kapuapua ap pan jora jon ni a uiauia.

12 Meit pail aramaj me uon ue ta ni jonpa: pue ni a jonjon a pan pale ki mmarr en maur me Jijoj kopun ki on ir me kin pok on i.

13 Aramaj a men en ter inta ni a jonjon nan, Nai ap jonjon ier ren Kot: pue Kot me jo ta kak jonjon la ren me juit, o a pil jo ta jonjon ki ta meamen me juit:

14 A aramaj karoj jonjon er, ni a inon juit kajajon on i, ap loti on.

15 Ari inon juit lao uiauiuiai er, ap naitika ta me juit; o me juit ni a puai ta naitika ta mela.

16 Ri ai, kompok pa i, komail ter ponpon ki la ta (met):

17 Kijakaj mau karoj o kijakij pokon jon poa, o a ko ti to jon ren Jamatail me kamarainpatail me jo ta man jon toror, o jo ta man uik la.

18 A pen naitik ki ta kitail a majan mealel, pue kitail en uia la na para moa kan.

19 Ari pueki met, ri ai kompok pa i ko, aramaj karoj en metan ron, nennen, puant makar.

20 Pue en aramaj a makar

jo ta kin kapare to en Kot a kupur.

21 Ari kaje la men kajamin o kajuit laplap, ap impim pai, ale patak me kak on kamaura ta nen omail.

22 A komail en toke ta ronmau, kaiti korokorone ta katakataua pen komail.

23 Pue ma aramaj a men kin ronron patak, ap jo ta toke ta, a raj on aramaj me kin kilikilon maj a nan kelaj:

24 A kilon pen i, ap ko ue monoke la jon a.

25 A meamen me lamlama tiak en kajapetok, o potiti on, jo monoke la, a a toke ta, nan i aramaj me pan puai ki ta a uiauaia.

26 Ma aramaj men re omail me joulon, ap jo ta kainene a lokaia, nan en aramaj a men et a akajoulon me likoin.

27 Lamlam inen o min moan Kot o Jamatail, met, en apuali japoupou o li oti kan, o pera ki pen i jon men kajuitia la i.

IRA 2.

RI ai ko, komail ter lipilipil ki on aramaj kan lam-lam en Poatail Jijoj Kraij me kalanan.

2 Ma aramaj a men pete lon on ni omail mot pena, kapuat ki kijen mata kol, o likau linan, o ol jamuamua nan tuk en likau pil pete lon on;

3 A komail kakaki me mi nan likau linan, ap intai on i, kon kaipok ti on ni lampantam; ap intai on me ja-

mnamua a men, kon u ta monen, te mon ti met mpan uitpa i.

4 Komail jo lipilipil, jo kin kajau mual ?

5 Ri ai kompok pa i, komail karona, ma Kot me jo ta pila tar me jamuamua kan jappa et kapuapua ia pojon, o me pan jojoki uei en me a kopun on ir me pok on i ?

6 A komail juit ki er jamuamua kan. Kapuapua kan me jo kin jokjoknai komail, o uke komail on momot en kapon ?

7 Irail jo kaullima mmarijon me komail mmaran ki er ?

8 Ma komail peiki on kapon ijon tue puk jeraui me majani on, Kon pok on aramaj tue pen uk, nan komail uia me-mau.

9 A ma komail lipilpil ki aramaj, komail uia tip, o komail katete er kaopan kapon.

10 Meamen me mon ki kapon pokon ap kaue la eu, nan tip a mi er tue kaopan pokon.

11 Pue me majani on, ter nenek, a pil majau on, en ter kame la aramaj. Ari ma komail jo ta nenek, a mia komail kame la, nan koa kaopan kapon.

12 Ari kou lokaia o uia tuen ir me pan katete ren tiak en kamaio.

13 Nan a jo ta pan tiara ta katak ni kateik me jo ta katak on, o katak poponmajo on kateik.

14 Ri ai ka, ta me a pan

kare ta, ma aramaj inta, Nai me pojon ta, ap jo ta kin totok? a pojon me pan kamaura ta i?

15 Ma ri at ol te li me jo lar a likau, o jo lar kan a mona kaukaule,

16 A a men re omail intai on i, uko ue popol, ronron, autaut: ap jo ta kijai on i me konon uar a, i meapon?

17 Ari tueta liki, ma jo ta totok ian, me mual la, pue i eta.

18 Nna, aramaj a men inta, om pojon mi er, a ai totok mi er: kajale on ia om pojon jo la totok ian, a I pan kajale on uk ai pojon totok ian.

19 Koa kamealele ani meta-men mi er; memau: nan tepil kan kin pil kamealele o majak ta.

20 A koa men aja kanalap main, ma jo ta totok ian liki pan me mual la?

21 Tatuen Epeream me jamatail, a jo puai ki ta totok ni a muet tan na putak Aijak Kot pon peijeraui?

22 Ko jo nar tuen a liki ian totok, ari a liki me puai ki ta a totok?

23 Ari mealel ta patak en puk jeraui, me inta, Epeream me pojon Kot a ap uia la kaponpa; o orin ki ol en pan kupur en Kot.

24 Komail ari tiara ta tuen joulon me pon la ren a totok, kaiti pojon eta.

25 O pil Reap, li juit o, kaitin i kapon la ren a totok ni a apuali liporoka ko, ap katar ir ue ni a pot al?

26 Puen tuen uar at me la jo lar nen, pil tue ta pojon me mual jo ta totok ian.

IRA 3.

RI ai ko, komail ter joun patak meneter en, pue kajauparail me laplap.

2 Pue ni totok karoj kitail uia tip. Ma aramaj a men jo ta jopon ni lokaia nan i koa mau a men ap pan kak koa ki pali uar a pokon.

3 Kitail ki lon on nan au an oj akai kainenpar pue ren peiki on kit, kitail ap kak kauik ir jili.

4 Pil jop pot, me laplap, a melimel kin iripa ue, ari jo, men ilil tiktik kak kauiki on uajan kapin kin inonion ia.

5 Pil tue ta lo at, me tiktik kot, a a jujuai laplap. Nar, tuen kijiniai pue tiktik kin ijika ta tui laplap.

6 Nan lo at me raj on kijiniai, te raj on jon en me juit pokon, i tuen lo at ni uar at, a kajuiti pali uar at, o kajuiti ti la en ren aramaj karoj; a an jon el.

7 Pue jon en man karoj, man pir, o jerepent o mam en nan jet, me kamanta la ren aramaj.

8 A lo at jo ta aramaj me kak kamanta la; nan me juit kot me tir en men kame la.

9 Kitail kapina ki Kot me Jamatail i, o kitail karia ki i aramaj, me uia la ren Kot tue Kot.

10 Jon ni au a ota kamaupan o kariapan tapi ta jon! Ri ai ko me jo pon me pukat.

11 Tatuen utun pil pot, a kin ki ne pil ian o jatok ni anjou ota?

12 Tuka pik pot me kak uua uan olip? o on kerep uua uan pik? pil jo ta pil pot me kak kapil ue pil jatok o pil mem.

13 Ij me lolkon re omail o er ki la patak? I en kajale ta ni lamlam mau me mpai a men o lolkon a men.

14 A ma perin o akamai mi er nan kupur omail, ter juuai kin komail, ter kalikoma mealel pot.

15 Pue lolkon uet me jo ta tapi jon lan, a utan pali pa et, pali utuk, pali jetan.

16 Pue ni uaja perin, o akamai mia, nan i uaja jaminmin, o totok juit karoj kin uiauuia ia.

17 A kalolkon me tapi jon ni pali poa, men kamakolkol, men kaminmin, men kampai, matarok, kaponlol, o ka ua mau, jo lipilpil, jo me laun.

18 Ari uan kapon pa kamore ti er re ir me kin uia mue mau.

IRA 4.

MENIA pepei o akakamai nan pon omail? Kaiti me jon ni omail inon juit, me puai ta nan kapet omail?

2 Komail kin nonorok, a jo ta puai la; komail kin men kame la, ap kin men aine ki: a jo ta puai ta: komail kin pei o mauin ap jo ta kano ti, pue komail jo ta kin pokpok.

3 Komail kin pokpok, ap jo ta puaita, pue komail kin

pokpok mual, pue komail kin kapuaia ki ta omail inon juit kan.

4 Komail ol nenek li nenek ko, komail jo kin aja tiak en jappa et me imuintiti on Kot? ari meamen me joun ki la tiak en jappat nan i imuintiti en Kot a men.

5 Komail kin kikion puk jeraui pataki er mual, me inta nen tail utan peperin?

6 A (Kot) me kaponlol on: a majani er, Kot me kan me ponmajo, a a kaponlol on me opampap.

7 Ari komail en peiki on Kot. Kan la tepil, ap pan tan ue jon komail.

8 Kakontak on Kot, ap pan kupukupura komail. Ominia ta, komail me tipan; kamine la kapet omail, komail me lol ria pot.

9 Kainjino, maiie, jonjon: omail kaukaurur en uiki on mauk; o omail pol on kaboutou.

10 Akatiki pen komail mon Jijoj, a ap pan kajapuul komail ita.

11 Ri ai ko, komail ter lokaia juiti amen amen. Me kin lokaia juiti ri a, o kajau ria, nan i lokaia juiti ronmau, o kajau ronmau: a ma ko kajau ron mau, nan ko jo ta kin peiki on ron mau, a joun kajou a men koa.

12 Joun kapon metamen mi er, me kak on kamaur ta o karia la: ij koa me kin kajauia ta amen?

13 Iet pil eu, komail me inta, Ranuet, te lakop je pan

ko lan nan en kanim, kanjon ia uajao par eu, o notnot ap kapuapua la:

14 (Me jo pon,) pue komail kin jaja me pan uianui lakop: Pue tatuen omail maur? A kin raj on tokui, me kin mia anjou kij ap mokonaiti.

15 Makata komail inta, Ma Jioua kupukupura, je pan kaujon ia, ap uia ta met, te en jon.

16 A jo, komail kin peren ki omail juuai; nan juuai tue met me jopon.

17 Ari mealel ta, meamen me lelpok ki meapon, ap jo ta uia, nan i me tipan.

IRA 5.

A KOMAIL kapuapua kan, jonjon ki, uiruir ki kom-pamail me pan lel on komail.

2 Omail nak kan o lar, o omail likau kan por pajon ki er jeret.

3 Omail kol o jilepa mir lar, ari ar mir me pan katete on komail, o me pan nar pajon utuk omail tue kijiniai. Nan komail naki er kapua on ran en kateik.

4 Komail nar, tuen ir me kop pena tipijo en jap omail, pain en ar kap pena komail koli ti jon er; ari ap kin ikatantat: o ar lipanet me kapkap pena er a lel uon er nan karonan Jioua kaon en Jappat.

5 Komail ipuepuarok ki er mejuit ni jappa, tenter on; komail kamuemati er kapet omail raj on man ui ap kom-kom la.

6 Komail kateika ta karne la meapon a men; ari jo ta me kapon on komail ier.

7 Ri ai ko! komail en mpimpai ta, aui Poatail a para to. Nar tuen men uia jappa men kin aui uan tipijo en jap ua, tuen a kin mpimpai ta uarai, a lao kotau en maj o mur mori ti er.

8 Komail en pil mpai ta; katone kapet omail: pue en Poatail para to me koren tor.

9 Komail ter pilipil en pan mole ki amen amen, pue komail ter katete la: nar joun kajau me kotkot mon uanim.

10 Ri ai ko! komail kupukupur joukop ko, me kokop ki ni mmarr en Poatail, alala jon ar potpot, o mpimpai (ni komkom).

11 Kitail kin kapina irail me koton. Komail ron er mpai en Jop, o kilon er imuin Jioua a uiaua; tuen Jioua kin kupukupura o kapokaponlol kaulap.

12 Joulon kan, kalaka kaulap ia omail kaula, ter kauki la lan, o jappa, o ter uia eu jon en kaula; a omail japon en ei ta; o omail jo, en jo; pue komail ter katete la.

13 Meamen mi er re omail me jonjon lar, en kapkap. Meamen injinjin mau? en kapakapai tik.

14 Meamen mi er re omail me jomau? en uke to jounkoua en momotijou; irail ari en kapkap kin i, kekeie kin i le ni mmarr en Poatail:

15 Ari kapkap en likipa me pan kamaura ta jojomau a

I. PITA, 1.

men, o Poatail me pân kakela ta i; o ma a uiai er tip kai ap pan japtok la jon.

16 Komail ueok pena tip omail, o kapkap ki amen amen, pue komail en kelaail la. Kapkap nitnit, o nantion en joulon, ap kare ta me loto.

17 Ilaiaj ol a men jonpa mia, me raj on kitail, a nantion kapkap kin kotau en ter mere ti: ari a jo ta more ti

on jappa ni par jilu o jounipon uonu.

18 A pil pur on uia kapkap, ari kotau more ti jon lan, o puel pil kaparpar ta.

19 Ri ai ko, meamen re omail me jalon la jon mealel, o amen kajapal to i,

20 I en aja, me kajapal to me tipa a men jon ni a jopon a kamauria ta jon me la nen en, o a pan kare ta painpan tip me neter.

EN PITA A KIJILLIKAU KAIU.

IRA 1.

EN Pita uonporon en Jijoj Kraij a men, a ranmau uon joulon me kaikairu pakajar lan Pontuj, Kaletia, Kapatojia, Aja, Petinia,

2 Lipilpil pan tetekop en Kot me Jamatail, makolkol ki Nen (Jarai), en peiki on uijip ki la ntan Jijoj Kraij: kalanan, o pol, komail en rok ki la.

3 I ap kapina Kot me Jam an kaonpatail Jijoj Kraij, pueki a kalanan laplap me kapuikap on kitail maur potpot, pan Jijoj Kraij ni a iaja ta jon ni mela kan,

4 On jap potpot, jo jamin, me jota pan mokonaite, panikniki on komail nalon,

5 (Komail) me pakolkol manman en Kot, ni liki on maur potpot, me pan janjal to ni ran nik.

6 Iran met, komail peren ki ta kaulap, metet anjou kij tena pinakonuk ki jon en kaankomkom neter:

7 (Ari a uiaui er) pue omail lamlam jonjon er, me kajompual jon mata kol me utan ola, me kin pepajon nan kiji-niai, en kare ta kapin o uau o linan ni en Kraij a para ta:

8 Me komail kaiken ter kilon, a kin pok on, me komail jo nar er, a komail kin kamealele, ap kin pereperen ki, o popol ki kaulap ia.

9 Kaporpor ki imuin omail liki, kamaurpan nen omail koko la.

10 I manr jonkop ko me kin kalekalelpok ki, o pot roprop ki, ir me kokop ki ta kalanan me pan janjal ton komail:

11 (Re kin) pepeitok nat anjou, te ia tue anjou me Nen en Kraij lol irail kin

I. PITA, 2.

katiti ki, ni a kokop ki to komkom en Kraij, o a linan me puai ta mur.

12 Pakair on irail kaitin pen ir, a kitail ta re kin papa ki kajoi ko, me joun patak kin kauene on komail ren Nen Jeraui pakatar to jon nalon; mepukat toun lon kin men lelpok ki.

13 Ari pueki met, katone omail lamlam, kalaka, poten kaporpor ki maur me para ton komail ni anjou Jijoj Kraij janjal to.

14 Komail en raj on joulon kan me kin peik, ter tataura omail uiaua ni pali lolpon.

15 A tuen i me pil komail tar me makolkol komail en pil me makolkol la ni jon en uiaua karoj;

16 Pue a intin ti er, komail en makolkol; pue Nai me makolkol.

17 Ma komail kin kapkap ki on Jamatail me jo lipilpil rea, ap kak kajaue ki aramaj a totok, ari komail ni omail maur et poten laan ta:

18 Pue komail aja kaiti ren kapua mual, tena mata jilepa te kol, me komail maio ki la jon omail tataur ta kautok me men kua patoki on komail;

19 A pan ntan Jijoj kajompual, me raj on jip pul me jo jamin jo muaimuai:

20 Me toror tar mon tapin jappa, a mur ni anjou uet kajanjat lan komail,

21 Pue ki i komail kin liki Kot, me kaiaja tar i jon ni mela kan, ap kalinana ta i;

pue omail liki o kaporporpa en tapi ta jon ren Kot. ~

22 Ari pue komail ka makolkol ki ta kapet omail, pan matroki on lamlam mealel, ren Nen Jeraui jo aka limpoki ri omail, komail en nantion pok pena ni kapet me makolkol.

23 Pue komail ipui japal ier, kaitin ni me utan mor, a ni me jo mor, pan majan en Kot me maur ta kotkot eta kokola ta.

24 Pue aramaj karoj me raj on rea, o en aramaj a linan me raj on majal en uan rea. Rea o me kin mon ti la, o majal en uan rea me kin mor ti:

25 A majan en atail Kot me potpot ta kokola ta. I kara-japa me kauene lan komail ni ron mau.

IRA 2.

ARI pueki met komail en puil ki ti jon en juit karoj, uitin karoj, malaun, peirin, lokaia juiti on,

2 Tuen jeri puelel, komail en inoni on patak en majan mealel, pue komail en kairi ki ta i:

3 Ma komail tiara tar Jijoj me kalanan.

4 Me komail kin kaporpor ki, me raj on takai mau, me aramaj kan er, a me li pilpil er ren Kot, me kajompual,

5 Pil komail me raj on takai mau kan, me kajokajoka lar, uia la im en nen, o puin jamero jeraui men, uia kijakij

I. PITA, 2.

en lamlam, me kon on Kot ren Jijoj Kraij.

6 A intin ti er nan Kijillikau, Nar, I ki ti on ni Jaion takai mau en puk kaim, lipilpil, kajompual; me liki i a jo ta pan nomnok la.

7 Komail ari me liki i me kajompual (on komail): a ir me jo liki, takai me men kau im mamual ki, i ap it uia la takai lap en puk kaim,

8 O takai men kapop ti, o takai men kanomnok, ir me jalelpok ki majan, me katiuo: me irail kator on:

9 A komail jou lipilpil, jamero ijou kan, kainok mau kan, aramaj me a note er; pue komail en kaparpara jili a kalanan me uke komail to jon ni rotrot, on a marai kapuiriamui:

10 Maj komail me jo na kan, a met aramaj me nain Kot lar, me maj kaiken ter ale konkon re a, a met konkon lar re a.

11 Kompok pai, I nitnit kin komail me men liki, men kairu kai, en liki jon inon juit kan me kin mauini on nen;

12 Omail uiaua nanpon en rotrot kan en pon; pue ni ar kinei likom on komail, tena komail me juit kai, ir lao kilon omail uiaua memau, ren kapina Kot ni ran en kajanjal.

13 Komail en matroki on kapon pan aramaj karoj, pue ki Poatail: ma on kaon laplap a men;

14 Te on kaon kai me kaja-

puil lar re a, kaponpan ir me uia mejuit, o kapinpan ir me uiaua memau.

15 Pue i kupur en Kot, komail en katuk ki ti, omail uiaua mau kan, puepue kau ar uiaua.

16 Komail jalatok lar, komail ter liajoj ki on me juit, a raj on litu en Kot kan.

17 En kake aramaj karoj. Pok on joulon panainai kan. Uaue Kot. Lomuini ki Nanmarake.

18 Komail litu kan, en upai on nomail monjap, laan ki ta irail: kaitin ir eta memau o mpai, a pil me katiuo.

19 Pue i memau, ma joulon men injinjino on Kot kin potiti on i, ni aramaj pokolko, pakomkom jopon.

20 Pue me mau ma komail pokoki tip omail ap kin mpimpai on ta? a ni omail uiaua memau ap kin komkom ki, ap mpimpai on, nan met me kon on Kot.

21 Pue komail paeker ton met; pue Kraij pil komkom ki kitail uia la kilel patail, pue komail en alale jon i.

22 Me jo ta uia tip, pil jo uitin tiarok la ni jilan i.

23 Kaankaurur, a jo ta kin kaurur ki, kaankomkom a jo ta aka tipuk; a a kaporpor kin i me kajau mealel.

24 Pen i tom ki tip atail nan uara nin tuka, pue kitail me la jon er tip kan, ap pan mauri on meapon; komail ari kelail ki er mo a kan.

25 Pue komail me raj on man jip kan me jalon lar: a

met japal ton filepomail o
kaonpan nen omail.

IRA 3.

PIL tue ta komail li popaut
kan, en peiki on omail
paut; pue ma ol kai jo peiki
on ronmau, en toro ki la
uiauia en arail paut li kan;

2 Kilikilon omail uiauia min
iana ki laan.

3 Omail kapuat, en ter ka-
puati liki ininit pena pit en
mona, o kapuat ki kol, o til
uon nan likau linan;

4 A kapuat me jo janjal, mi
nan kapet omail, me jamor,
mpai, opampap, me kajom-
pual on jilan en Kot koualap.

5 Pue i kin tue ren li en
kaua kan, li kanon ma, me
liki Kot, rap kapuat kin pen
ir pepeiki on ar paut ol kan:

6 Tuen Jera me peiki on
Epereani, kuje mmara, ari na
li komail arain omail uiauia
mau, o jo majak ki meakot.

7 Pil tue ta komail ol po-
paut kan, lelpoki on omail
paut kan, kakakin irail me
pali luet jon komail, pue
koma en joujou ki pena maur
kalanen: o pue oma kapkap
en ter pou la.

8 O pil karoj en uia lamlam
ta pot, pokpok pena, pok on
ri omail kan, katak, akatik-
tiki on.

9 Ter tipuk ki mejuit me-
juit, te tipuk ki kaurur ka-
urur, a en toror, kupurmaui
ir; pue komail aja komail
paeker er ton met, pue ko-
mail en pali kin pali nalon.

10 Pue i me men paie ki

maur o ran kaperen, en pera
jon mejuit lo a, o kilin aua
en ter uia uitin:

11 En kai la jon mejuit, en
uia ta memau; en rapaki pol
ap tataura ta.

12 Pue jilan en Jioua me
kin pera joulon kan, o karon
a me mani ar kapkap: a jilan
en Jioua me jo ta pera me
uia juit.

13 Ij me pan kak kaokaoe
komail ma komail tataura ta
memau?

14 A ma komail komkom ki
memau, komail meit pali:
komail ter lomuini ki ar men
kamajak, ter ninakonuk;

15 A komail en kajeraui ki
nan kapet omail Kot: en
kak kaneue on aramaj karoj
me peitok rem tapin om lam-
lam, opampap ki o laan ki:

16 En muilik ki memau;
ma re kineikinei likom on
komail, tuen ir me uiauia
juit, ren nomnok kin ar ka-
raun ki komail likom me
uiauia mau ren Kraij.

17 Meman, ma i kupur en
Kot, komail komkom ki me-
mau, jon omail komkom ki
mejuit.

18 Pue Kraij pan meapak
komkom ki tip kan, meapon
men uilian ki ti me jepen,
puen kalua ton Kot kitail,
pali uar a komkom la, ap
maur ki ta ren Nen (Jeraui):

19 Ren i a koti lan pataki
nen kan me mi ni uaja ton;

20 Me men maj jo peiki on,
nin token Kot me mpai on ir,
ni muen Noa, ni uarim me
uiauiuai re a, aramaj me

I. PITA, 4.

laulan, uali men, me maur ki ta pon pil.

21 Ie karajpa me raj on paptaij eu me kamaura ta kitail, (kaitiu kamine la pali utuk, a a kare ta japon en muilik mau me konon Kot,) ren Jijoj Kraij a iaja ta :

22 Me koti ta lan nalan kot-kot ni pali en Kot pali maun; tonlon kan o laplap kan o uiauia kan upai on i.

IRA 4.

ARI pueki Kraij komkom ki la kitail ni pali utuk a, komail en raj on ni lamlam ota: pue me komkom lar ni pali uar a, nan a tuk ti jon er uia mejuit;

2 Pue a ter poten tataura ta inon juit en aramaj kan, a tataura ta kupur en Kot.

3 Pue uiauiian atail maur maj itar on atail uia tar lam-lam en rotrot kan, ni atail tenter on mejuit, inon juit, kame uain, uia kamatip, kautoki on tiktik en ani jakana-kan :

4 Iran me re puiriam ki omail jota ian ir uia juit laplap, kaukaurur kin komail :

5 Me pan ueok on i me onop er en kajau i me maur o mela kan.

6 Pue ki met, ronmau me pil pataki on er me mela, katakatei ta pan aramaj, a mauri on Kot ni pali nen.

7 A imuin meaka karoj me koren tor: komail en lamalama, o majamajan on kapkap.

8 A meta ta komail en pok-

pok pena kaulapia: pue limpok me pan pain ti tip neter.

9 Komail en apuali men liki, ter lipalipanet.

10 Tuen omail paie ki er kijakij, itue omail kijakij ue ta nan pon omail, tuen jouu nak mau kan en Kot a kala-nan.

11 Ma aramaj men patak, en uiauui tuen majan en Kot; ma aramaj a men kokoa ki en uiauui (rea) tuen Kot me kupurai on i er; pue Kot en uau i ki la meaka karoj ren Jijoj Kraij: kapinpa o kaonpa me a kokola ta. Emen.

12 Kompok pai, ter puiriam ki jonpa omail karkar men kajojon on komail, tena ta meakot kapuiriam me uiau-uia i on komail ier :

13 A komail peren ki ta, pue komail puaij anki en Jijoj a komkom; pue ni a linan jan-jal to, komail me pan peren ta kaulap ia.

14 A ma komail kaukaurur ki la mmarr en Jijoj Kraij, meit paii: pue nen linan eu Kot me kotkot re omail :

15 A en jota a men reomail komkom ki kamela, te lipa-rap, te uia juit, te kaonton-koma en aramaj a uiauia kan.

16 A memau me komkom ki a joulon, en ter nomnok ki; a en uauin ki Kot met.

17 A lel er anjoun komkom me pan tapi ta jon monioti-jou en Kot: a ma a tap ki kitail maj, tatuen ir me jo peiki on en Kot a ronmau ?

18 A ma meapual kamaura

I. PITA, 5.

ta joulon kan, ir mejuit o me tipan me pan para lan ia?

19 Ari ir me komkom pan kupur en Kot ren liki on i nen arail, i uiauia memau potpot ta, pue ani mealel a men.

IRA 5.

JOUN patak kan me mi reomail I kin men panaui ir, pue Nai joun patak a men, o katete a men en Kraij a komkom, o pan puaijan ki a linan me pan janjal to:

2 Komail en apuali pirion ijou en Kot kan me mi reomail, kokoa ir, jo manjairan, a utmarai; kaitin pueki mone, a polollol on;

3 O kaitin akajoupeti on en Kot a momotijou, a men alalejon puen joulon en ale jon.

4 Ari ni en Jilepa laplap para ta komail me pan ale jon linan me jota pan monit la.

5 O pil komail tiktik kan, en matroki on me laut kan. Nna komail karoj upa pena, opampap: pue Kot me kan me ponmajo, a a kaponlol on me karakarak.

6 Komail en karakarak ni limen Kot, pue en kajapuili

ta komail ni eu anjou me konon;

7 Katakatar on i omail uapon pue a kin kupuro kin komail.

8 Komail en lelpok, majamajan; pue imuintiti omail jetan, tue laion uuruur a men, kin koko jili ta, roprop ki me a pan kan:

9 Komail ari ponjakir jon tonti on lamlam, ajaja jon komkom ota me uiauiui on riomail me utan jappa.

10 A Kot me kaponlol, me eker kitail ton a linan potpot pan Jijoj Kraij, murin omail loklok lepen anjou lep, en jarauili komail, katone, kakela ta, katourok ti komail.

11 Uau o manman en ko on i potpot ta. Emen.

12 Pan Jilpenoj, riatail mealeli on komail, I puatoki, Nai intin ti er motmot panapanau i o katiti lamlam et kaponlol en Kot mealel me komail puai ki ta.

13 Momotijou me mimi ni kanim Papilon, om joupual, ranamaui on komail, o nai ol Mako.

14 Komail en ranmaui ki pena meti kipena limpok. Pol en mi reomail karoj me uaroki on er Kraij Jijoj. Emen.

EN PITA A KIJILLIKAU KARIAU.

IRA 1.

EN Jaimon Pita litu o uon-
poron en Jijoj Kraij, a
ranmaui on ir me pail ki er
lamlam tue kit pan kupur en
Kot o Joun Kamau patail
Jijoj Kraij.

2 Kalanan o pol en rok lan
komail pan lolkon en Kot, o
Jijoj me Poatail,

3 Tuen a manman on ka-
tunole ki kitail meaka karoj
me utan maur kap o kama-
kolpan Kot, ni lolkon en i
me eker ier kitail ton a ka-
lanan o kupur:

4 Pue ni pukat kopun toto
o laplap uiauuian on kitail
ier, pue komail en tunole
kupur an Kot, jalatok la jon
mejuir me mi jappa, kanapan
inon juit.

5 O iet eu, komail pil nan-
tion ta, arauai on omail liki
kei, o on omail kel lolkon;

6 O on omail lolkon, kanon-
ma; o on kanonma, mpai; o
on mpai makolkol;

7 O on makolkol, polollol
pena; o on polollol pena,
limpok.

8 Ma mepukat mi er nan
kupur omail, o rok la, nan
re kajale ta tuen komail me
jo pijok o topuon iran patak
en Poatail Jijoj Kraij.

9 A meamen me jo puaij an
ki mepukat nan jololkon a
men, me raj on majlikaun a
men, monoke lar a uitut jon
tip marin kan.

10 Ari ri ai ko, 'komail en
nanton kapuaia ta ekerpa
omail pilpil (ren Kot): pue
ma komail uia ta mepukat,
komail jo ta pan pou la.

11 Pue itue omail pan pet
lon to kaulap nan uei pot-
pot en Poatail o Kamaur
patail Jijoj Kraij.

12 Ari pue ki met, I jo ta
pan janai on kataman kin
komail mepukat, ma komail
ajai er, o tontion er ni lam-
lam uet.

13 Nna, I kiki on me kon
on, arain ai mimi nan maur
et, en kataman kin komail
(pue komail ter monoke la);

14 Pue I aja, eten I pan
puil ki ti uar ai, tuen Poatail
Jijoj Kraij me majani on ia
er.

15 O I pan jon pue komail
en poten tamataman ta me-
pukat murin ai mela.

16 Pue je jo ta tataura ta
kajoi uitin, ni at pataki on
komail manman en Jijoj o a
japal to, a je kilon ta a linan.

17 Pue Jam at Kot kakai i
o uai i, nin token nil eu
peiti to jon ni me linan lap-

II. PITA, 2.

lap, intinta, Nai Ol a men et, kompok pai, me I mau ki tar.

18 O nil uet me peti to jon lan, je ron, ni at mimi re a nin nana ijou.

19 Pil patak en kokop mealel mi er re at; ari mak ta komail en kalakalakai on, pue a raj on marain me takera ta uaja rotrot, lao ran pajon, o uju ran me para ton nan kapet omail:

20 Iet me kitail aja, jo ta kokop nan puk jeraui me tapi ta jon ren aramaj.

21 Pue jo ta kokop nin kaua me ko ki to ni lamlam en aramaj, a joukop en Kot ko kokop ta mokmokit ki ren Nen Jeraui.

IRA 2.

A JOUKOP likom pil mi er ren aramaj kan, tuen jounpatak likom me pan mi er re omail, me pan okiok ualon to patak likom kaualap, kamama ta joupeti me nain kin ir, ap pan kare ton pen ir metan kaopar.

2 Meneter me pan itauieni ar patak jopon: ari pue ki met lamlam mealel me pan kaankaurur la.

3 O pueki ar nonorok, ni lokaia uitin, re pan paie kin komail: ari kateikpar men maj jo ta pan puant, o ar pakomkom jo ta pan molai-lai.

4 Ari ma Kot jo ta kamaura ta tonlon ko me uia tip, a kaje ir ti lan nan el, ap jalieki ti jal rotrot nikniki on ran en kateik;

5 O ma a jo ta kamaura ta men kaua kan, a kamaura ta Noa aramaj kaualu, jounpatak en lamlam pon, o ki on ton juit ka jappâ, nolik laplap;

6 O kaniun Jotom o Komora, a karia irail la, uia kin ir kilel eu me men mur, me jopon, me pan kilel ki ti.

7 O ma a kapiti la Lot, ol memau a men, me loklok ki juit kan ar uiauia:

8 (Pue i ol meapon a men kaukaujon nan pon ar, kili-kilon o karakarona ar uiauia, kupur a ap loklok ki arail uia jopon kakaule:)

9 Nan Jioua lolkon on en kamaio la jon ni jonpar joulon kan o niknikit on ran en kojau mejuit kan pue ren pa komkom:

10 A ir ta me kaitauieni pali utuk, tenter on kajaminpa, me tatki kapon: meit komat irail, katiuo, jo ta majak lokaia juiti on monjap kan.

11 A tounlon kan, me lap jon o kelail jon ir, jo ta kin kinei likom on ir mon Jioua.

12 A mepukat, me raj on man kan, me utan loti on, o pakomkom la, nan re kin kaukaurure ki me re jo tete ki; re pan loktok ki la pen tip ar kaualap;

13 Re pan ale katin, tipuk en ar jopon, tuen ir me kin uia men kanomnok ni ran. Re raj on men kajamin o kanomnok, puai ki ta ar pakapakatau, ni ar ian komail ni kamatip jeraui.

14 Maj ar momtik, re jo ta

II. PITA, 3.

kak tuk ti jon uia tip; kota-kotaua ir me kapet ar jo ton: o kapet ar nonorok: jeri me ria la:

15 Me kaje lar al inen, ap jalon la, itetaueni totok eu Paalam me nain Pojor, me mau ki pain en mejuit;

16 A pokok ki tip a: man aj lokalokaia ki nil en aramaj kapueoki jon joukop o ni a uiauaia jopon.

17 Irail me raj on utun pil matata, o tapok me melimel kin iripir jili; nan rotrot lap-lapmi niknikit on ir kokola ta.

18 Pue ni ar akajonnpatak lolkon, re kin papane ki ne-nek aramaj me metar kij en maio la jon ir me jopon ki patak likom.

19 Kopokopun on ir en jal-tok la, nan pen ir litu en kajuitpar: pue mealel me kaloe ti aramaj, i mi a pan lituie ki la.

20 Pue ma irail maio ki jon er men kajamin ir, pan lam-lam en Poatail Jijoj Kraij, rap pil lijalpin ki lar i o lot lar, nan ar uiauaia mur mejuit jon men maj.

21 Nan memau arail jaja tiak en lamlam, jon ar aja, ap pueokjon patak mau me pan lan irail ier.

22 A uiauaiai er re rail tuen kaparok mealel pot, Kiti me pil puron er kan a mmuj; o puik li me uuitut er ap pur on uultok nani puel.

IRA 3.

KIJILLIKAU kariau uet I ap intin uon komail

kompokpai; pue ni ira karoj I kin men kainjino kin komail pue komail en taman ta (patak):

2 Pue komail en injino ki ta patak ren joukop mau ko maj, o at patak uonporon en Poatail Joun Kamaur:

3 O lelpok ki met, ni ran en ikmuri, jounpatak likom me pan para to, itetauen pen ar inon juit.

4 Kaikaitok, Ia kilel en a pan koti to? pue jon nin tokan men kaua kan on la lel met, nan meaka karoj me uiauni tuen nin tapin kaua.

5 Ari iet me re kin men poponjaja, tuen ni majan en Kot lan me uiaui er, o jappa me uia ki ta pil:

6 Ari pan pil o jappa me katapual ki ti, ap ola:

7 A lan o jappa, me mi er metet, pan manman ota me niknik ier, niknik on kijiniai ni ran en kateik o kompan aramaj juit kan.

8 A, kompokpai, komail ter ponpon ki met, tuen ran eu o par kit raj pena ta ren Poatail, o par kit o ran eu tue pena ta.

9 Poatail me jo ta puant on a kopun, tuen aramaj kin puapuant; a a mpai on kitail, o jo ta kin men aramaj a men en loktok la, a a kin men ir karoj en uia kainjino.

10 A ran en Poatail me pan para ta tuen lipirap a men ni pon: nin tokan o lan me pan mor pajon ni moron lap, o tapipa kan me pan pepajon ki kijiniai kel, o pil jappa

o a tipijo kan me pan ron la.

11 Ari pue mepukat karoj me pan uiauui, komail jo pan uia la jon en aramaj mau mealel, pepeik?

12 Kaporpor ki o kametan to ran en Kot, ni lan ijika la, ap pan pepajon, o tapipa kan pil pan pepajon ki karkar mulatok?

13 Ari jo, kit iran a kopun on kitail, kajakajin ki lan kap o pali pa kap, o lamlam pon me pan uiauui lole.

14 Kompokpai! pue omail kajakajin ki mepukat, naution ta pue komail en tiar rok rea popol, jo jamin, jo karaunpomail.

15 O tamanta en Poatail a

mpai men kamaur patail, tuen ri at Pol, kompok patail me lolkon ki lamlam, intin ti uon komail ier;

16 Tuen nan a kijinlikau karoj, a kajoia mepukat; ari akai meapual en uene ki, me jololkon o jo lolin kin kauk la, tuen re pil kanik la intin jeraui kai, me kare ta ar loktok la.

17 Komail kompokpai! komail teteki mepukat, kalaka pue komail ter jopon ki la patak en mejuit kan, a pop ti jon omail tonton.

18 A komail en kair ta, kаланan la o lolkon ki patak en Poatail o Joun Kamaur patail Jijoj Kraij. I en uau la metet o kokola ta. Emen.

KIJILLIKAU EN JON KAIU.

IRA 1.

ME kin mia jon nin tapi, me je ron er, me je kilon ki er maj at, me je nar er, o pa at me toke er, Majan en maur;

2 Pue maur o janjal er, o je kilon, ap tete ki, o katiti ki on komail maur potpot, me mi ren Jamatail, me a kajanjale on kitail;

3 Me je kilon er o ron, je katiti ki on komail, pue komail en pil uaroki on kit: ie kitail uaroki on Jamatail o na Jijoj Kraij.

4 Mepukat je intin uon komail, pue omail peren en laut la.

5 Ari ietet patak me je ron jon i, ap katiti ki on komail, Kot marain eu, o jo ta man rotrot mi re a.

6 Ma kitail inta kitail uaroki on i er ap ueuet ni rotrot, kitail me likom, ap jo ta uia mealel.

7 A ma kitail ueuet ni marain tue i me kolkol ni marain, kitail uarok pena er, o ntan Jijoj Kraij Na kama-kolekole kitail jon ni tip karoj.

8 Ma kitail inta jo ta tip at, kitail piti pen kitail, o kitail me jo mealel.

9 Ma kitail ueoka ta tip atail, i me mealel en makiki on kitail tip atail o kamine jon me jopon karoj.

10 Ma kitail inta kitail jo ta uia tip, kitail kalikoma i, o a lamlam jo ta mi re atail.

IRA 2.

JAMA ko, mepukat I intin uon komail, pue komail ter uia tip. A ma aramaj a men uia tip, jouaja pa tail mi er ren Jamatail, Jijoj Kraij meapon:

2 I me tompatail: o kaiti atail ta, nan a tompan tip an ton jappa karoj.

3 Ni met kitail aja kitail ajai er i, ma je niknikit a majan kan.

4 Me inta, I aja i, ap jo ta niknikit a majan, i me likom a men, mealel pot me jo mi re a.

5 A meamen me niknikit a majan, i me kapuaia ta limpok en Kot: ie me kitail aja ki kitail utan i.

6 Me kin inta nan I potpot re a, makata i en uiaua ue, tuen a kin uiaua.

7 Ri ai ko, kaiti lamlam kap me i intin uon komail, a lamlam en maj me komail ron er nin tapi. Lamlam en maj i patak me komail ron er jon nin tapi.

8 Pileu, lamlam kap I intin uon komail, me mealel re a o re omail, pue rotrot mur

tiktik la, a marain mealel ap taka ta.

9 Me inta nan i mi er ni marain ap kailon kin ri a, nan a mi er ni rotrot lel met.

10 Me kin pok on ri a, a mi er ni marain, ari ap jo la re a men kajopon.

11 A me kin tat ki ri a, i mi er ni rotrot, o ueuet ni rotrot, ap kin jaja uaja a pan ko on ia pue rotrot karotone la maj a kan.

12 I intin uon komail, jama ko, pue tip omail maka ki on komail ier pue ki mmara.

13 I intin uon komail jam kan pue komail aja i jon nin tapi. I intin uon komail mankap kan pue komail kaloe ti er mejuit a men. I intin uon komail ier jeri kan pue komail me aja Jam at (Kot).

14 I intin uon komail ier jam kan pue komail aja i jon nin tapi. I intin uon komail ier mankap ko, pue komail me kelail, o majan en Kot mi er re omail, o komail kaloe ti er mejuit a men.

15 Ter pok on jappa, o tipijo mimi jappa. Ma aramaj men pok on jappa, limpok en Jam me jo ta mi re a.

16 Pue meakaroj mi jappa, inon en ni utuk, o inon en ni maj ko, o linan mal en maur, a jo ta tapi ta jon ren Jam, a a tapi ta jon ni jappa.

17 Jappa me jojore la, o a mejuit kan: a i me uia kupur en Kot me pan maur potpote ta.

18 Jama ko, metet imuin anjou: tue omail ron er

Kraij likom me pan para to, nan anjou uet Kraij likom meneter me para tar; i me kitail aja ki met imuin anjou.

19 Irail me ko la jon kitail, a kaiti kijatail: pue ma irail kijatail re pan mimi ta re tail: a irail ko la jon kitail puen janjal me kaiti irail kijatail.

20 Komail pukjor er ren Men kamau, ari komail lelpok lar.

21 I jo intin uon komail pue komail jo lelpok ki mealel, a pue komail lelpok ki lar, o pue likom me jo tapi ta jon ni mealel.

22 Ij me likom a men, kaitin i me kamama ta, intinta, Jijoj me jo Kraij? I me Kraij likom me kamam ki ta Jam o Na.

23 Meamen me kamama ta Na, nan i me jo lelpok ki Jam: a me apuali Na a pan pil apuali Jam.

24 Ari me komail ron jon er nin tapi, en potpot re omail. Me komail ron jon er nin tapi, ma a mimi re omail potpot ta, komail me pan potpot ren Na o Jam a.

25 Ari iet inau me a inau ki on kitail ier, maur potpot.

26 Mepukat me I intin ier uon komail, tuen me kajopone komail la.

27 A tue omail pukjor me komail ale er re a, a mi er re omail; o komail ap jo ta kin anane a men en pataki komail: pue tue a pukjor kin kalolkonie kin komail meakaroj, o me mealel, me

jo likom, o tue omail patak ki er re a, komail potiti on i.

28 Ari jama ko, potiti on re a; pue ni a para ta kitail en ainar, jo nomnok mo a ni a para ta.

29 Ma komail i meapon a men, komail aja meamen me uia meapon me ipui jon i er.

IRA 3.

NAR jon en limpok me Jamatail kupurai ton kitail ier, pue kitail en atani ki la jeri en Kot. I me jappa jaja ki kitail, pue a kin jaja i.

2 Kompok pai! kitail me jeri en Kot, a a jo janjal me kitail pan uia la: ari jo, kitail aja ni a para to kitail pan raj on i; pue kitail me pan kilon tua.

3 Ir karoj me kaporpor tue met, a kamakolkoli pen i tuen (Jijoj) me makolkol.

4 Ir karoj me uia ta tip ap kaukaue kapon: pue tip kaopan kapon.

5 Komail aja a par to puen ua jon kitail tip atail; ari i me jo tipa.

6 Meamen me pot re a jo ta kin uia tip: meamen me uia tip kaiken ter lelpok kin i, o jaja i.

7 Jama ko! kalaka pue aramaj ter kajopone komail: me kin uia pon nan i meapon a men, tue i (Jijoj) meapon a men.

8 I me uia tip utan tepil; pue tepil me uia tip jon nin tapi. I me nain Kot janjal ki puen kapoie la an tepil a totok kan.

9 Meamen me ipui jon Kot jo ta kin' uia tip, pue kaponpa mi lole: a jo kak uia tip pue a ipui jon Kot er.

10 Ni met jeri en Kot kan me janjal, o jeri en tepil kan: meamen me jo uia meapon, me jo utan Kot, o pil i me kin jempoke on ri a.

11 Pue iet patak me komail ron jon er nin tapi o, kitail en limpok pena.

12 Kaiti tue Ken me utan mejuit a men, ap kame la ri a. Ari menta kame la ri a? Pue a totok mejuit, a ri a meapon.

13 Ri ai ko! ter puiriam ki ma men jappa kin tata kin komail.

14 Kitail aja kitail tauili jon er mela, ap ko on maur, pue kitail kin pok on ri atail. Ari me kin jempoke on ri a a mi er ni mela.

15 Meamen me kin tat ki ri a nan i men kamela a men: ari komail aja maur potpot jo ta kin mi ren men kamela a men.

16 Ni met kitail tiar ta limpok, pue (Jijoj) me mat kin kitail lar: kitail en maki la ri atail.

17 Meamen a tipijo en jappa mi er, ap kilon ta ri a jama-ma lar, ap jo ta kin pokpoka i, ia tuen limpok en Kot mi re a?

18 Jama ko! kitail ter pok pena ni lokaia ta o lo atail, a ni uiaua o mealel pot.

19 Ie me kitail aja ki kitail me mealel kai, o kainjini-maue la kapetatail re a.

20 Pue ma kapet atail kateika ta kitail, nan Kot me lap jon kapet atail, lelpok ki meaka karoj.

21 Kompok pa i! ma kapet atail jo kateika ta kitail, nan kitail aima on Kot.

22 O meakot kitail poke re a, kitail tunole jon i, pue kitail niknikit a majan kan, o uia ta meakan me a kin pole ki la.

23 Ietet a majan, kitail en kamealele mmarr an Na Jijoj Kraij, o pokpok pena tuen a majani on kitail.

24 I me kin niknikit a majan a pot re a, o (Kot) me pot ren aramaj o. O ni met kitail aja ki a pot re atail, Nen Jaraui me a kupurai ton kitail ier.

IRA 4.

KOMPOK pai! komail ter kamealele joun patak karoj, a kalelpok jon en joun patak ma re tapi ta jon ren Kot te jo: pue joukop likom me neter kaparpar jili jappa.

2 Ni met kitail me aja ki joun patak en Kot: Joun patak karoj me katiti Jijoj Kraij me uia aramaj ala, nan i me tapi ta jon ren Kot.

3 O joun patak karoj me jo katiti Jijoj Kraij me uia aramaj ala, nan a jo ta tapi ta jon Kot: nan i Kraij likom, me komail ron er me pan para to; nan a mi er metet jappa.

4 Komail me utan Kot jama ko, o kaloe ir iti: pue me

palian ti komail, me lap jon me palian ti jappa.

5 Irail me utan jappa: ie me irail lokaia kin jappa, ari men jappa kin ron ir.

6 Kitail utan Kot: ari me aja Kot kin ron kitail: ari me jo utan Kot jo ta kin men ron kitail. Ie me kitail aja ki me utan mealel, o me utan likom.

7 Kompok pa i! kitail en pokpok pena: pue limpok me tapi jon ren Kot; ari me kin limpoki on, i me ipui jon Kot, o a aja Kot.

8 Me kin jo limpoki on, i me kin jaja Kot; pue Kot me limpok.

9 Ni met limpok en Kot me janjal ton kitail, iet, Kot me porone ton jappa Na ieroj eu pue kitail en maur kin i.

10 Ietet limpok, kaitin kitail me tapi limpoki on Kot, a a tapi limpoki on kitail, o porone to Na, uia la joun tom pan tip atail.

11 Kompok pa i! ma Kot kin limpoki on kitail tue me, kitail en limpok pena.

12 Jo ta aramaj me kilon er Kot ni anjou eu: ma kitail limpok pena, nan Kot me kin kotkot re tail, o a limpok me puai ta re tail.

13 Ni met kitail aja ki kitail mimi re a, o a kotkot re tail, pue a kupurai ton kitail er Nen i.

14 Je kilon er, o tete ki, tuen Jam porone ta Na en uia la Joun kamaur pan jappa.

15 Meamen me katiti me

Jijoj me Nain Kot nan Kot me kotkot re a, o i mimi ren Kot.

16 O je aja, o kamealele ki limpok me Kot uian kitail. Kot me limpok; ari me kin potpot ni limpok, kin potpot ren Kot, o Kot me potpot re a.

17 Atail limpok me puai ta, pue kitail en aima i ni ran en kateik; pue tue i itetue kitail ni jappa.

18 Jo ta majak ni limpok; a limpok mealel kin kauje jon majak, pue majak kin kare ta komkom; ari me kin majak a limpok me jo mealel.

19 Kitail pok on i, pue i me tapia ta pok on kitail.

20 Ma aramaj a men inta, I kin pok on Kot, ap kin jempoki on ri a, nan me likom a men: pue me kin jempoki on ri a mi a kilon, a jo kak pok on Kot me a kaiken ter kilon.

21 Majan pot et kitail mani jon er i, Me kin limpoki on Kot en pil limpoke on ri a.

IRA 5.

MEAMEN me kamealele me Jijoj me Kraij, nan i me ipui jon Kot: o meamen me kin pok on me kauptui, me kin pil pok on me ipui jon er.

2 Ni met kitail aja ki kitail pok on jeri en Kot kan, ni atail pok on Kot o uoke a majan kan.

3 Pue iet limpok en Kot, atail niknikit a majan kan:

ari a majan kan me jo ta toutou.

4 Pue meamen me ipui jon er Kot me kaloe ti jappa: iet me kaloe ti jappa, atail liki.

5 Ij me kaloe ti jappa? kaitin i me kamealele me Jijoj me Nain Kot?

6 I met me ko ki to pil o nta, Jijoj Kraij; kaitik pilata, nan pil o nta. Nen me kaiti ki pue Nen mealel.

7 Jili men me katete nalon, Jam o Majan, o Nen Jarai: ari ir metamen.

8 Ari jili men me katete nin jappa, Nen, o pil, o nta: ir raj pena ta.

9 Ma kitail mealel ki katete en aramaj kan, nan katete en Kot me lap jon, pue iet en Kot a katete, a katete ki Na.

10 Me kamealele Nain Kot a men katete mi lole: me kin jo kamealele Kot ap kalikoma i: pue a jo kamealele kajoi me a kajokajoia Na.

11 Iet katete pot, Kot me ki on kitail ier maur potpot, a maur et mi er ren Na.

12 Me japuilim ki er Na, aina ki er maur: me jo japuilim ki er Nain Kot, me jo aina ki er maur (potpot).

13 Mepuko I intini uon komail ier me mealel ki mmar an Nain Kot; pue komail en aja me maur potpot mi

re omail, o pue komail en kaporpor ki mmar an Nain Kot.

14 Iet atail kaporpor kin i, meakot me kon on, kitail poki re a, a mani kitail.

15 A ma kitail aja a mani kitail, iran meakot kitail poki re a, kitail aja kitail puaijan ki er me kitail kapkap ki.

16 Meamen me kilon ta ri a uia tip me jo imui lan mela, en kapkap ki, Kot ap pan ki on i maur, on ir me jo uia tip me utan mela: A jon en tip eu mia me imuilan mela. I jo inta en kapkap ki.

17 Nan jupon karoj me tip: a jon en tip mia me jo ta imuilan mela.

18 Kitail aja meamen me ipui jon Kot me jo ta uia tip; a me ipui jon Kot appuapuali pen i, a mejuit a men me jo ta kaeo i.

19 Kitail aja kitail nain Kot, o ton jappa karoj mi er ni mejuit.

20 O kitail aja me Nain Kot para tor, o kalolokon kitail lar, pue kitail en aja me mealel, o kitail kijan i me mealel, kijan Jijoj Kraij. Met Kot mealel, o maur potpot.

21 Jama ko! nikit pen komail jon tiktik en ani kan. Emen.

KIJILLIKAU EN JON KARIAU.

ME ma a men a ranmau uon li lipilipil o na kan, me I kin pok on mealel; o kaitin Nai ta, a pil ir karoj me aja mealel lamlam;

2 (Je pok on komail) aki lamlam me mi re tail, o me pan mi re tail koko la ta:

3 Kalanan, limpok, pol, me pan mi re tail jon ren Kot me Jamatail, o jon Jijoj Kraij, me Nain Jamatail, ni mealel o limpok.

4 I ap peren ki ta kaulap pue I tiar ta nom jeri kai alialu ue ta ni lamlam, tuen ata ale er majan jon ren Jamatail.

5 Ari I nitinit ki remui, main li (lipilipil), kaiti patak kap pot me I intin ki uon komui, a me kita ale er men maj, kita en pololol pena.

6 Ari iet limpok, pue jen alu ue ta ni a majan kan. Ari met majan, Tuen ata ron nin tapi, jen alialu ta ia.

7 Men kataua me neter kin

mia jappa, ir me kin kama-
ma ki me Jijoj Kraij me
uia aramaj. I men kataua
o aka kraij likom a men.

8 Kalakai pen komail, pue komail te jo puai ki ta me komail uia tar, a pue komail en ale puai puai mulatok.

9 Meamen me uia jopon, me jo ta tonti on patak en Jijoj, a kaiken ter paie ki Kot: a me tonti on patak en Jijoj, me paie ki er Kot o Na.

10 Ma a men ko ton komail, jo ta ua to patak et, ter kajamoi i lon ton nan im omail, o ter ranmaui i:

11 Pue me kin ranmaui i a pan kin puaij an ki a jopon.

12 Kajoi me toto mi re i me i men intin uon komui, a I jo ta pan intin ki kijillikau o le en air: pue I kaporpor ki me I pan par uon remui, kita ap pan kajoi pena, pue kom pan peren ta kaulap.

13 Ari nain ri om li lipilipil me ranmaui on komui. Emen.

KIJILLIKAU EN JON KAJILU.

MA la a men a ranmau on
Kaioj kompok pai me I
kin pok on mealel.

2 Kompok pai, I kin men
komui en puai ta o rojon
ni uiaua karoj, tuen kupur
omui puai ta.

3 Pue I ap peren ta kaulap,
ni ri at ko me para to katiti
ki on ia om lamlam, tuen kin
alialu ue ta ni mealel.

4 Jo ta ai peren me lap jon
met, ni ai ron tuen nai jeri
kan me kin alu ue ta ni
mealel.

5 Kompok pai, me mau
meakot komui kin uiai on ir
ri at, o pil men liki kan;

6 Me katiti ki on momo-
tijou om limpok: me mau
ma komui pan jouaja irail
tuen me konon Kot, ni ar
japjapal to:

7 Pue ki mmarr a re kin
koko ue ta, jo ta tunole
meakot ren rotrot kan.

8 Kita en jouaja ir pue kita
en uia jouajpan mealel.

9 I intin uon er momotijou:
a Taiotrepej, me akajonmaji
on irail, jo ta peiki on ia.

10 Ari ma I para uon ko-
mui, I pan taman ta a uiaua
kan me a uia ta, pou pou juiti
kin kit lokaia juit: a kaiten
metet ta, nan pen i jo ta kin
apuali ri at ko, a a kaunton-
koma ir me kin men apuali
ir, o katoror ir ajon momo-
tijou.

11 Kompok pai, ter itaue ni
me juit, a me mau. I me
kin uia me mau me utan
Kot: a i me kin uia juit jo
ta utan Kot.

12 Temetirioj me intant
mau ren karoj, o ni pen lam-
lam: ei, pen kit tete ki ta;
a komui me aja at tete
mealel.

13 Kajoi me toto mi re i me
I kin men intin uon komui, a
I jo ta men intin ki le en air
o men intin.

14 A I kaporpor ki me koren
me I pan par uon remui, ari
kita me ap pan kajakajoi
pena. Men kapol mi remui
main. Joulon kan kin ran-
maui on komui. O komui
ranmauie kin joulon mmarr
ar.

KIJILLIKAU EN JUTAJ.

JUTAJ, litu en Jijoj Kraij
a men, o ri an Jemej, a
ranmau uon ir me pilpil tar,
o kamaue lar pan Kot me
Jamatail, me niknikit ren
Jijoj Kraij, paeker:

2 Kalanan, o pol, o limpok,
en rok lan komail.

3 Kompok pa i, ni ai lam-
lama kaualap en intin uon
komail ronmau jo lipilpil, I
non on panaui komail en
upalie kin lamlam me pan
lan ren joulon kan maj.

4 Aramaj akai mi er me
petelon to uitiutin, men maj
me pilpili on er komkom uet,
aramaj juit akai kauiki ka-
lanan en Kot en kare ta me-
juit, o kalikoma atail Joumaj
o Poatail Jijoj Kraij.

5 Ari I men kataman kin
komail, a tena komail kin
aja maj, tuen Jioua, ni a
tore la na aramaj kan jon ni
jap en Ijip, muri a kame la
ir me jo peiki on.

6 O tounlon akai me jo ta
kajompual ki uei arail, a
mue jon jap arail, a niknik
ki jal mata jo tuk ni uaja
rotrot on kateik en ran lap-
lap.

7 Tue Jotom o Komora, o
kanim me mi mpara, pil ara-
maj pukat loti on er nenek
o jon juit karoj, rap uia la

kilel eu, komkom ki kijinia
jo tuk.

8 Pil tue me pukat ni arail
auramen kajamine ki la pali
utuk, kan kapon kan, o lokaia
juiti joumaj kan.

9 A Maikiel, tounlon laplap,
ni a akamai on Tepil akaka-
mai ki uar an Mojej, a jo ta
ainar karaun kin i meakot,
a, a majani on, Jioua en ka-
pon on uk.

10 A aramaj pukat lokaia
ki mejuit meakan re jo ta
ueue ki: a meakan re aja,
tue man a men, i me re ka-
jamine ki la pen ir.

11 Kariai on irail! irail kin
alale jon uiauia en Ken, o
nanton kalolkon kin irail en
Balem a patak likom, me re
paie ki, o tue Kora, rap lok-
tok ki la ar kanoti on.

12 Ir me kaopan omail
kamatip limpok, ni ar ton
kapara komail ian jakjak jo
majak kamona pen irail; raj
on tapok matokon akai, me
kijinian uuua jili; raj on
tuka akai ua ar lempa ti er,
ma la kaualapia, jo la ua
akai, roki ti er jaratapi lar;

13 Raj on iluk en matau me
punpun potpot la, (tueta ara-
maj ko) kajanjale ta kanom-
nok par; raj on uju molol
nikniki on rotrot jo tuk.

14 Nan Inok, kaiji a men jon Atam, me pil kokopa me pukat, intinta, nar, Jioua koti to ian na mau kan me nen,

15 Puen koma ir karoj pakateik er, o kateika ki ta me tipa arail totok juit me irail juit uia tar, o kajoi juit me tipa kan lokaia juiti on i (Jijoj).

16 Irail meit lipanet kan, pilpil en pan mole, itetauen ar inon juit, au arail jujuai ki ar lolkon, akakakaki aramaj kan puen kare on ir kapua kai.

17 A komail, kompokpai, taman ta kajoi me ion an Jijoj Kraij Poatail me majani er maj;

18 Tuen ar kokop on komail, ni anjou nik, kalikoma kan me pan para to itaueni ar inon juit kan.

19 Ir mepukat me liak toror

jon, tenteri on mejuit Nen (Jeraui) me jo re rail.

20 A komail, kompokpai, kaua ki ta pen komail omail liki mealel, kapkap ki Nen Jeraui,

21 Niknikit pen komail on limpok en Kot, kaporpor ki kalanan en Poatail Jijoj Kraij karepan maur potpot.

22 O pokpoka akai, lolkon on ir.

23 O kamaura ta akai kama-jak kin ir, jarokin ir ue jon nan kijinias; jo ta injino ki likau me jamin ki la pali utuk.

24 Ari I (Jijoj) me kak pera komail jon omail pan pope ti, o kamotan ti on komail mon a linan, makolkol, o pereperen,

25 I Kot eta kamaur pa tail, ren Jijoj Kraij Poatail linan, o lomuin, uiaua pa o manman ko on, metet potpot ta ko ko la ta. Emen.

KAJALEPAN JIJOJ KRAIJ MOÑIN PA AN JON UANPORON MEN.

IRA 1.

KAJALEPAN Jijoj Kraij me Kot kot ki on i en kajale on na kan, meakai me pan uiaui met karen; ari a porone la na tounlan me a kajale ki on na papa men Jon;

2 Me katete ki majan en Kot, o katetepan Jijoj, o karoj me a kilon.

3 Meit apaii me uatok ti, o ir me ron kajoi en kokop kan, o me nikinikit me intin ti er lole: pue anjou mi er.

4 En Jon a intin uon momotijo me mimi Ejia: Limpoki on komail: o pol jon ren me kotikot met, o me kotikot maj, o me pan para ta: o jon ren Nen iju me mi mpan mol e.

5 O jon ren Jijoj katetepa mealel, me tapi pan maur japal, o kaon en nanmaraki en jappa kan. On i me kin kupukupur kitail, o lapua ki jon kitail tip atail nta;

6 O a uia kin kitail kainok eu, o joumaro on Kot o Jam at; Uaon o kaon o uiauia en mi re a ko la ta. Ei.

7 Nar, a para to nan tapok

kan; o maj karoj me pan kilon i, o me toke i; o kainok en aramaj karoj jappa me pan lomlomuar ki ta i. Mealel, Ei.

8 Nai Alpa o Omika, me Jioua Kot majani, me mia, o me mi maj, o me pan para ta, Tinkel a men.

9 Nai Jon, ri omail, o uamatok omail, ni komakom, o ian komail ni mue-o koton, me ren Jijoj, Nai mimi ki ni toka me ata Patmoj, majan en Kot, o katetepan Jijoj.

10 Nen Jaraii kotikot po i ni ran jaraii, I ap ron mur ia nil laut, me raj on jaii, mamajani,

11 Me ko kilon intinie ti nan puk eu, ap katara lan momotijo iju kan; On Epijoj, o on Jmerna, o on Perkamoj, o on Taiataira, o on Jartij, o on Pilatelpia, o on Leotijia.

12 I ap jope on en kilon nil o me kajoiai on ia. Ari jope tar, I kilon lamp kol iju;

13 O nanpon en lamp iju ko amen mia me raj on nain aramaj, likauie ki ta likau me lel ti on aluuiluua, o lukom ki ta ni maramar uaiuai kol.

14 O katokenmai, o piten pepe en mona me puotopuot raj on uunen man jip, o raj on jno; jilani raj on umpul en kijiniai;

15 O aluuiluua raj on mata praj linan, tue a kin linan ki la nan men inin, o kapiti tue nirjok en pil neter.

16 Ni lim a pali maun uju-iju mia; o jon ni jilani kot-laj linan ana riau u ue jon; o katokenmai raj on katipin jiran kelail ia.

17 Ari ni ai kilon i I ap pope ti ni aluuiluua tue melar. A ki tan po i lima pali maun, ap mamajani, Ter majak; Nai men moa o men mur:

18 O memaur men, o Nai melar, ari nar I ap maura tar kokola ta, o men kapir en mela o El mi re i.

19 Kom ari intin ti meakan me ko kilon er, o me mi er, o me pan uiaua mur;

20 (O intinie ti) me rir en uju iju me kom kilon nan pai pali maun, o lamp kol iju. Uju iju ko me raj on uanporon en momotijou iju: O lamp iju ko me raj on momotijou iju.

IRA 2.

KON intin uon jounpatak en momotijou en Epijoj; Mepukat a majani ue ta me kolakol ata ni lima pali maun, uju iju, me kin ueueit nan pon en lamp kol iju:

2 I aja om uiaua, o om tok, o om tataura ta, o tue kom jo ta kin mau ki ol juit,

kan, o kom kin kajojon on ir me aka uanporon, a me jo, ap kin tiara ta ir me likom:

3 O kom kin mpimpai on, o katok aki mmarr i, ap jo ta kin pon e tar.

4 A me I kin karaune kin uk, kom kin mue jon om lol maj.

5 Ari kom taman ta me kom pop ue jon er, kainjino ta, uia japali men maj; te I pan ko ton uk ap pan kajo ue jon om lamp jon ni teu a, ma ko jo kainjino ta.

6 A iet met ko kin uia, ko kin juiti ki lamalam en Nikolaitan kan, me I kin pil juiti ki ta.

7 Me jalon a mia, i en ron me Nen Jarau i kin majani on momotijou kan. Me kin kaloe ti, I pan muet on i en tunole jon tuka kamaur me mi nan Parataij en Kot.

8 Kom intin uon Jounpatak en momotijou en Jmerna; Me pukat a kin majani me men maj, o men mur, me mela ap kin pil maura ta;

9 I aja om komakom, o om jamama, (ari jo, kapuapua lar,) o ar'lalaue, me inta Juj kan ir, a jo, puin Jetan ir.

10 Kom ter majak ki mepuko me kom pan lokalok ki la: tepil me nok kaje lan imaton kai re omail, pue komain jonjon ala; komain pan kaanoutok la ran ejok: a kom kataura ta lao mela, I pan ki on uk mmarr amaur.

11 Me jalon a mia, i en ron me Nen Jarau i majani on momotijou kan; I me kaloe

ti jo ta pan komakom ki la mela kariau.

12 Kom intin uon Jounpatak en momotijou en Perka-moj; Mepukat a majani me kotlaj kon o au riau mi rea:

13 I aja uaja ko kaujon ia, ni uajan mol en Jetan mia: o ko kin poti ti on mmari, jo ta kin kamama ta ai lamlam, ni ran en Antipaj nai katete men, nai mealel men, me komakom lar nan pon omail, ni uaja Jetan kin kaukaujon ia.

14 A meakai karaunapom mi er re i, pue akai mi rem me kin kanikit lamalam en Pelam, me panau Pelak en kaja ti on mon katautokan Ijrael kajoponpar, ren tunole man akai me olu on er tikitik en ani kan, o ren nenek.

15 O pil akai mi rem me kamealele lamalam en Nikolaitan kan.

16 Kainjino ta; te I nok pitipit ton nk, I ap pan pe ki on ir kotlaj en au i.

17 Me jalon a mia i en ron ata me Nen Jarau kin majani on momotijou kan: Me kin kaloe ti, I pan ki on i en tunole mana jo janjal, o I pan ki on i takai puot, o nan takai mmari kap intinie ti er, jo aramaj me tete ki, i eta me ane ki er.

18 Kom intin uon Jounpatak en momotijou en Taia-taira; Me pukat Japulim en Kot, majani me jilani raj on umpul en kijiniai, o alialuua raj on mata praj linan:

19 I aja om totok kan, o om

pok, o om liki, o patak, o mpai, o tuen om totok men mur me neter jon men maj.

20 A iet me I kin kapakone kin uk, kom kin muet on li Jejepel, me aka joukop a men; me kin pataki on o kajojon on nai aramaj ren nenek, o ren tunole me olu on er tikitik en ani.

21 I ki on i er anjou en kainjino; a a kan loka ki la a nenek.

22 Nar, I nok kajeti i on nan loj, o ir me kin nenek rea nan komakom lapalap, ma re kan loka ki la ar uia uia.

23 I pan kame ki la na kan komakom eu; ari momotijou karoj me pan aja, Nai i me kin ireron nan kapet ar: o I pan pan lan komail iran omail totok kan.

24 A I intai on uk, o ir me mi Taiataira, ir me jo ale er patak et, o ir me jo tete ki uitin lapalap en Jetan, tuen ar lokaia; I jo ta kakaliki on uk meakai, (me pukat eta).

25 Ari jo me mi rem kola-kol eta I lao para ta.

26 Me kaloe ti, o me kanikit ai totok kan lao lel lan imui-jokpa, i me I pan kajapuul tan pon kainok kan:

27 A pan kaon ki ta ir jokon mata, tue tal en joupal kin ola kaualap: tue I ale er ren Jam ai.

28 I ap pan ki on i uju ran.

29 Me jalon a mia, i en ron me Nen Jarau me majani on momotijou kan.

IRA 3.

KOM intinie ti on Joun-patak en momotijou en Jartij; Mepukat a majani me nen iju, o uju iju mi rea: I aja om totok kan, tue mmarm om kaintant uk ala, a jo, ko melar.

2 Kon majamajan, katone me lua, me nok mona la: pue I jo tiara ta om totok me puai ta ren Kot.

3 Kon taman ta tue ko tunole er o ron er; kanikit, o kainjino ta. Ma ko kan majamajan, I nok para ta tue lipirap men, o ko pan jaja ni klok I nok para ta.

4 A joulau laulau mi rem Jartij me jo ta kapuelapuel la ar likau kan; re pan alialu rei nan likau puotapuot; pue re kon on.

5 Me pan kaloe ti ap pan kapuata ki la likau puotapuot; o I jo pan muan iriji jon nan puk en maur mmara, o I pan katete ki mmara mon jam ai, o mon na tounlan kan.

6 Me jalona mia en ron i en rona ta me Nen Jarau i kin majani on momotijou kan.

7 Kom intinie ti on Joun-patak en momotijou en Pilatelpia; Mepukat a majani me jo tipa, me mealel, me men kapir en Tepit mi rea, me kin riti ta, o jo ta me kak riti ti: o me kak riti ti, jo ta me kak riti ta:

8 I aja om totok kan: (nar I ki on uk er uaniin riti tar, jo ta aramaj me kak ritini

ti:) a kom me rojon tikitik, o kin kanikit ai kajoi, o jota kamam ata mmari i.

9 Nar, I kanain kin uk akai me utan puin Jetan, kijan, ir me aka-Juj, a jo, re uia likom: nar, I pan kainon ir ton poni ni ne om, o ren aja I kin lollol on uk.

10 Pue kom kin kanikit ai kajoi en mpai, I pan pil kanikit uk ui anjou en kajojon, me pan u ton ton jappa karoj, eu kajojone ir me mi jappa.

11 I pan matan para to: koli ti kaulap me mi rem, pue en jo aramaj kulia jon uk mmarm om.

12 Me kaloe ti, I pan uia kin i ur eu nan tanipaj en ai Kot, a jo ta pan pop ue jon koko la ta: I pan intin po a mmaran ai Kot, o at an kanim en ai Kot, Jirujalem kap, me pei ti to jon ai Kot nalan, o mmari kap.

13 Me jalona mia, en rona ta me Nen Jarau i me majani on momotijou kan.

14 Kom intinie on Joun-patak en momotijou en Leotejia. Mepukat Emen me majani, katete a men me apon o mealel, me tapipan en Kot a uia ta tipijo kan:

15 I aja om totok kan, ko jo pau tar, te karakar: I kin men koa pau tar te karakar.

16 A pue ko mur karakar tikitik, I pan mmuj kin uk ue jon nan au i.

17 Pue ko jnta, Nai kapua-pua amen, aniki er kapua kan, o jo ta kin anane mea-

kot; ap kin jaja koa me jakanakan, o jokonakon, o jamama, o maja kun, o kilijo:

18 I kin panaui uk kon noti jon ia kol linan aki kijinia, pue kon kapnapua lar; o likau puot, pue kon likauie uk, o kanomanokpan om kilijo ter janjal; o uini en maja men eliele ki maj om en kilon uaja.

19 Ir me I kin lollol on I kin kapon on, o koma: kom nantion kainjino ta.

20 Nar, I kin u mpan uanim letalet: ma aramaj ron nil i o riti ta uanim, I pan petalon on rea, o tunole rea, o i ian ia.

21 Me kin kaloe ti, I pan muet on i ian ia mon ti pon mol ai, tue Nai kaloe ti, ap ian Jam ai mon ti pon mol e.

22 Me jalona mia, i en ron me Nen Jaraui me majani on momotijou kan.

IRA 4.

MURIN me pukat, I kilon uanim eu riti tar nalan, o nil me I ron maj tue jaii kajakajoiai on ia, amen intinta, Ko ta ton met, I pan kajale on uk me pan uiaui mur.

2 Pitipit Nai katia Nen Jaraui: ari nar, mol eu mi nalan, o amen koti ti pon mol o;

3 Me koti ti poa peutial raj on takai jajper o jartioj: o aia me liteui mol o, raj on takai emiralt peutial.

4 O mole o kapili ki pena mol riaijok pai eu: o I kilon

lapalap riek pa men kotikoti poa, likauie ki likau puot: o mmaran ki mmar kol.

5 O jon ni mol o liol o nil akai o nanjapua kai uje ue ta. O lamp iju umpumpul mon mol o, me nen iji men en Kot;

6 O mon mol o, tueta jet eu me raj on klaj o krijtal; o nanpon en mol o, o mpan mol o man maur pa men me rok ki maj mo ar o mur ir.

7 Man en maj me raj on laion amen, o man kariau raj on kau pul amen, o man kajilu kar i raj on aramaj, o man kapa men raj on manpir ikel.

8 O man maur pa men ko, pa an pir uonu mi ren amen, me rok ki maja ni kaila o lole, o re jo ta nennela ni ran ni pon, intinta, Mejarau, mejarau, mejarau Jiona Kot Manaman, me men maj, me kotikot met, o me pan para ta.

9 Ari ni man maur ako me pan uai o kakaki o kapina i me koti ti pon mol o, me maura ta jotuk,

10 Me lapalap riek pa men me pan pori ti on i me koti ti pon mol o, o re pan pon i me maura ta koko la ta, o re pan puelike ti mmar ar mon mol o,

11 Intinta, Komui main at Jiona, o at Kot, en uaou la o kaka la o lomu in la: pue komui me uia ta meaka karoj, o pue ki kupur omui re mi er o uiaui er.

IRA 5.

I NAR nan lima pali maun me koti ti pon mol o, puk intini er lole o liki, katone ki pena men katon iju.

2 O I kilon tounlan kelail men, pepeitok ki nil laut, Ij me konon paka pajon puk o, o lapua ta a men katon iju?

3 Jo ta mi lan, pil jota jappa, pil pan jappa, me mau en uilika pajon puk o, o utial i.

4 Ari I ap jonijon kaualap aki jo ta me tiarok en uilik pajon puk o, o utial i:

5 Ari amen irail mealap ka-joi ai on ia, Ko ter jonijon: nar, Laion me utan kainok Juta, Tapin Tepit, me konon paka pajon puk o, o lapua jon men katon iju.

6 O I kilon nan mol o nan-pon en man maur pa men, o nanpon en lapalap aka, Jippul men uu, tue ukomakom lar, jalon a iju o maja iju mi er, me Nen en Kot iju pakatar lan tol en jappa karoj.

7 A koti to ap koti ki jon ni lim a maun me kaipoki ti pon mol o.

8 A ni a kotin ale er puk o man maur pa men o lapalap riek pa men me por ti on mon Jippul kolakol ar arp kai, o tal me aute ki er potik en ijij, me kapakap en joulon kan.

9 Irail kanli ki kaul kap, intinta, Komui me kon on kot ki ta puk o, o lapua ta a men katon ko: pue komui

kamat lar, o note japal ki on Kot ntamui aramaj jon ni uei karoj, o lokaia, o kainok, o jon en aramaj;

10 O uiai ki on atail Kot irail uei eu, o joumaro kan; irail ari kaon ta jappa.

11 O I nar, o I ron nil en tounlan neter mpan mol o o man maur ko, o lapalap ko; irail me neteren ia nen, nen, o kit, kit;

12 Intinta ni nil laut, Jippul o me komakom lar me kon on aini ki lom, o kapua, o lola-kon, o kel, o kaka, o uau, o paii kan.

13 Ir karajia nalan, o jappa, o pan jappa, o pon matau, o meaka karoj lole ir, I ron, intinta, me koti ti pon mol o, o Jippul, en kapina la, o kaka la, o uau la, en kaon koko la ta.

14 Man maur pa men me majani, Ei. O lapalap kan rap por ti on pone i.

IRA 6.

I KILON ni en Jippul o a lau at pajon katone kaiju, O I ron amen ren man pa men majanie ki nil me raj on nanjapua. Ko to.

2 I kilon man oj puotpuot, o me mon ti poa kajik katiu mi rea; o mar eu ko on i: i ari para, ta kolokoloe ti, puen kaloe ti.

3 Ni a lauata*jon katone kariau, I ron man maur karia men majani on, Ko to ututial.

4 Pil amen man oj uaitata me para ta: a utan i me mon ti en kaoe la mue mau jappa

o toa kan pakomakoma pena: kotlaj kalaimun me pan lan i.

5 Ni a lauata jon katone kajilu, I ron man maur kajili men majani, Ko to. Nai ari nar oj tontol men; o me mon ti poa men tonok mi ni lim a.

6 O I ron nil eu nanpon en man maur pa men, intinta, Jon en uit eu peni ejok limau o jon pale jili peni ejok limau; o le en olip o uan krep ter kaeo la.

7 A ni a lauata pajon katone kapaiu, I ron nil en man maur kapa men, majani, Ko to, ututial.

8 I ap nar man oj puotapuot: me mon ti poa mmara Mela; o El me lan itaue ni i. A kapi on i en kaon ta jappa pa kij, en kama ki la kotlaj, o kajol, o mela, o ren man laualo en jappa kan.

9 A ni a lauata pajon katone kalimau, I kilon pan peijaraui nen en me kom ki la majan en Kot, o ar katete me re uia.

10 Ir likiur ki nil laut, intinta, Arai ta, main Joumaj memau o mealel, komui jo kateika ta o iki kin ntat on ir me kaujon jappa?

11 Likau puotapuot me pana lan ir karoj: o a majani on ir, ren molailai jon maj ekij, alao ion ar o ri ar pakomakom lar tue pen ir.

12 I nar ni a lauata jon katone kauonu, rerer en jappa lapalap mia: katipin rot alar tue likau tol en pit en mona, o maram uaitata la tue nta;

13 O uju kan lan popi ti on jappa, tue tuka pik pot kaje ti a ua kan meapul, ni a tue lik ki an ma.

14 O lan pakajou la jon tue kijinlikau ni a limpena: o nana karoj o toka karoj tora jon teu ar.

15 O nanmaraki en jappa, o monjap, o joumaj kan, o kapuapua kan, o me kelail, litu kan, o maio kan, ruki la nan por o pan paip kan;

16 Re intai on nana kan o paip kan, Popi ti pon kit, pain ti kit jon ni jilan en me koti ti pon mol, o jon ni onion en Jippul o:

17 Pue a lel er anjou lapa lap en a onion: ij me pan puai ta?

IRA 7.

MURI I nar tounlan pa men uta ni kaim en jappa kaim paiu, kolakol an paiu en jappa, pue an en jo ipuip ton jappa, o pon jet, o ter ni tuka pot.

2 O I pil kilon amen tounlan para ta jon ni majalan, kilele ki ti kilel en Kot maur: a likiur ki nil laut, intintai tounlan pa men me utan kaeo la jap o jet,

3 Intinta, Ter kaeo la jappa, o matau, pil jo tuka kan, alao kit kilele ki ti er papa en at Kot kan ni tom ar.

4 Nai ari rona ta arail uatok: me kilele ti er me lop pa nen pa kit jon nin kainok en Ijrael kan.

5 Jon ni kainok en Juta nen ria kit kilele ti er, Jon ni

kainok en Rupen nen ria kit kilele ti er. Jon ni kainok en Kat nen ria kit kilele ti er.

6 Jon ni kainok en Ajer nen ria kit kilele ti er. Jon ni kainok en Naptalai nen ria kit kilele ti er. Jon ni kainok en Manaja nen ria kit kilele ti er.

7 Jon ni kainok en Jimion nen ria kit kilele ti er. Jon ni kainok en Lipai nen ria kit kilele ti er. Jon ni kainok en Ijkar nen ria kit kilele ti er.

8 Jon ni kainok en Jepulon nen ria kit kilele ti er. Jon ni kainok en Jojep nen ria kit kilele ti er. Jon ni kainok en Penjamin nen ria kit kilele ti er.

9 Mur en me pukat I nar pokon kalaimun ia, jo ta aramaj me kak uatoki ti, jon ni kainok karoj, o uei karoj, o ren aramaj karoj, o lokaia karoj, u mon mol o, o mon Jippul likauie ki ta likau puotapuot, paini ni lim ar;

10 O re nil laut ata, intinta, Kot kamaur pat me kaipok ti pon mol, o Jippul.

11 Tounlan karoj u kapilapena mol, o lapalap kan, o man maur pa men, irail pori ki ti maj ar mon mol o, poni-poni Kot,

12 Intinta. Meit paii, linan, o lolakon, o japan, o kalanan, o rojen, o manaman at Kot koko la ta. Ei.

13 Lapalap re rail amen peitok re i, Ir me me likauie ki ta likau puotapuot, ij irail? o irail ko to jon ia?

14 I ap poto on on i, Main komui mani er. A japon on ia, Ir me puai ta jon ni kan-komakom, o lope ar likau, kapuot ki ta ntan Jippul.

15 Ie me re mi er mon mol en Kot, re papa ta i ran o pon nan a im jaraui: o me kaipok ti pon mol me pan apapuali ir.

16 Re jo ta pan men mona potapota ta, jo men nim pil ata: katipin jo pan take ir, o jo karakar pan lel:

17 Pue Jippul o me mpan mol o me pan uia jilep arail, o a pan kalu ir uan ni pil en maur: o Kot nok limue jon pil en maj arail karoj.

IRA 8.

NI a lauata jon kilel kaiju, kaporamen uiaui nalan klok apal.

2 O I nar tounlan iji men me u ta mon mol en Kot; o jaui iju pan lan ir.

3 Amen tounlan me koti to u mpan peijaraui, tal kol men ijik potik mi re a; potik ijij neter pan lan re a, puen katole ki kapakap en joulankan me mi mon mol o.

4 At en ijik o ian aki kapakap en tounlan ati ta lan Kot jon ni pa an tounlan o.

5 Tounlan ari ale ta tal o; ap aute ki ta kijiniai en peijaraui, ap kaja ti on jappa; ari nanjapua o nil kan o liol, o en jappa a mokitikit uiaui ta.

6 O tounlan iji men me ar jaui mia apena en pupuk.

7 Men maj pupuk, ari el o

kijiniai, iana ki nta uiauui, rap pijikin ti lan jappa: ari jili por en jappa rona la, o jili por en tuka rona la, o re karoj ron ala.

8 Tounlan karia men pupuk, ari likom ata nana lap ijiji ki kijiniai ap pijikin ti lan matau: ari kajil por en matau ap uia la nta;

9 Ari kajili por en toa me mela nan jet, ir memaur maj; o kajili por en jop kan o lar.

10 Tounlan kajili men pupuk, ari uju lapalap pop iti pon jili por en pillap kan, o utun pil akan:

11 At an uju o Jatik: ari jili por en pil kan jatik la; o aramaj neter ma ki la pil ako, aki ar jatik.

12 Tounlan kapa men pupuk, ari jili por en katipin ola, jili por en maram, o jili por en uju kan; pue jili por en ir roton ala, o ran jo maram la ni kajili por, o pil tue ta pon.

13 I kilon, o I ron tounlan amen pipir nan pueti lan, intinta ki nil laut, Ori, ori, ori, ir me kaukaujon ta jappa, pue ki nil en jaui en tounlan jili men me pan pupuk mur.

IRA 9.

TOUNLAN kalim men pupuk, I ap nar uju en lan popi ti on jappa: ki en uaja juit me pan lan i.

2 A ritin ta auan uaja juit; ari atiniaiai ati ta jon, tuen atiniaiai en um kalaumun; o katipin o panlan rotarot ata pueki atiniaiai en uaja juit.

3 O manjiek kan me para to jon nan atiniaiai rap para-para lan jappa; o kapikapi eu pan lan ir tue a pan lan er ikimuan en jappa.

4 A majani on ir ter kaeo la re nan jap: o tuka ta ton-tol, o pil jo tuka laut, a aramaj kan ta me jo kilele ki kilel en Kot ni tom arail.

5 A jo muet on ir en kamela ir a ren kankomakom jounipon limau.

6 Ni ran puka aramaj me pan rapaki mela rap jo ta man tiara ta; o re pan men mela, a a pan ko jon ir.

7 Mom en manjiek tue man oj me onop on er mauin; pon mon ar meakot me raj on mmara kol, o maj ar tue maj an aramaj.

8 Pit en mon ar raj on pit en mon an li, o ni arail tue ni en laion.

9 Mara pera mi er, tue mara pera mata aion, o nirjok en pa ar tue nirjok en jariot me man oj tan aki uon mauin.

10 Puata ir tue ikimuan, o oj ar mi er; aki puata ir re kak komakoma aramaj jounipon limau.

11 O kaonpa rail ani en katar en uaja juit: at a lokaia en Ipru Apaton, a lokaia Krik at a Apolion.

12 Karia maj me taul er; nar, kariapa riau me pan para ta mur.

13 Tounlan kauonu pupuk, I ap ron nil eu me tapi ta jon kirik en peijarau me mon Kot.

14 Amen intintai on toun-

lan kauonu men me a jaiu mi er, lapua ta tounlan pa men me jali ti er ni kailan pillap Eupretij.

15 Ari tounlan pa men ako japtok la me onop er on klok o, o ran, o jounipon, o par, pue ren kame la jili por en aramaj kan.

16 Uatauatok en ton pei me take oj ria jap; I ron pan ar.

17 Tue met I kilon oj kan ni kajanjal o, o ir me mot po ar, mara praj ar tue kijiniaia, o jajint o primjton: o mon en oj ko tue mon an laion ko; o jon ni au ar kijiniaia o at o primjton kin at ue.

18 Kariapa jilu kat jili por en aramaj kan me kama ki lar, kijiniaia o at o primjton me at ue jon ni au ar, (au an oj ko).

19 Kompan oj kan ni au ar, o ni puata ir: pue puat air tue ta jerpent kan, o mon ar mia: re komakom kin ir.

20 A aramaj te ko me jo kom ki la komakom kat, jo ta kainjino ki uiaulian pa ar, pue en ter jaraui on tepil kan; o tikitikan ani uia ki kol, o jilpa, o praj, o takai: me jo kak nar uaja, o jo ron uaja, o jo alialu:

21 Re jo ta kainjino ki ar kamela, o ar uinani, o ar ne-nek, o ar lipirap.

IRA 10.

I PIL nar amen tounlan kel kotikoti ti jon ni lan, linan ki tapuok eu; o aia mi ni katokenmai, o jilan i tue ka-

tipin, o ne a tue umpul en kijiniaia:

2 Ni lima puk tik mi er pak pajon: o ne a pali maun jok iti pon matau, o ne a pali main jok iti pon jappa;

3 A moliye ki ta nil laut, tue laion men ni a uiriur: o ni a moliye er, nanjapua iju rap nirnir.

4 Ari ni en nanjapua iju nirnir I nok intin: I ap ron nil utan lan mamajani, Kom katone meakan me nanjapua ijo majani er, ter intin ir iti.

5 Tounlan o me I kilon u pon matau o jappa puoka ta lim a pali maun,

6 Ap kau kin i me maura ta jotuk, me uia ta lan o meaka lole, o jappa o meaka mimi lole, o matau o meaka mi lole, anjou en nik: (me pan uiauia)

7 A ni tokan nil en toulon kaiji men, ni a pan pupuk, ie anjou karirpan Kot niki er, iran mau kan me a kokop on na litu joukop kan.

8 Nil o me I ron jon nalan, a pil majani on ia, mamajani, Uko ue, ale ta puk me papak er ni lim an tounlan me u ta pon matau o pon jappa.

9 Ari i ap ko uan tounlan o, potoon on i en kiton ia puk a tik. A majani on ia, Ale, ap kan la; a pan kajatik la kapet im, a ni au om a pan iau tue oni.

10 I ap ale puk tik o jon ni lim an tounlon, ap kan la; ari nan au i me iau tue oni: a murin i kan er, kapet i jatik lar.

11 Re majani *on ia*, Ko nok pil kokop ta iran aramaj kan o kainok kan, o lokaia kan, o nanmaraki kan.

IRA 11.

MEN jon me inen me pan ton ia: amen inta, Kon u, jon im jarai en Kot, o peijarai, o ir me kaukautok lole.

2 A uaja moj me likin im jarai kon jo apuali, ter jone ta: pue a pan lan er kainok kan: o kanim jarai re pan kakaue jounipon pajok riau.

3 I pan muet *on nai tete* kan ria men ep pataki ue ta ni ran kit ria puki uone jok, likauie ki ta likau tol.

4 Ira tuka olip ria pot, o teun lamp riau, me mimi mon Jioua kaon en jappa.

5 Ma aramaj me koma ira, kijiniai luja ue jon au ara, ap karone la naira imuintiti kan: o ma aramaj men koma ira, ie tue re pan pakamela.

6 Ira kak pina la lan, pue a ter kotau arain ara patapatak: o ira kaon en pil, re kak kauik *on nta pil kan*, o koma ki jappa jon en komakom karoj, tue re inonion.

7 Ira lao kanikie la ar kate, man me pan para ta jon nan lol juit me pan pei *on ira kalo ira ta kamela ira*.

8 O kalep ara me pan mi nan i al en kanim lapalap, mi ni karajaraj, tue Jotom o Ijip, uajan ar Kaon lapalap lopue lar.

9 Ari jon ren aramaj kan, o lokaia, o kainok, aramaj kin

kilon uar ara mela ran jilu o ria por, o kin kan uar ara mela en jariti *on nan joujou*.

10 O ir me kaukaujon jappa kanakit kin ira, kapakapiti; re pan pakijakij pena; pue joun patak ria men kat kin kapakapon *on ir me kaukaujon jappa*.

11 A murin ran jilu ria por maur jon ren Kot pil til *on lol ara*, rap u nin ne ara: a ir me kilon ira majak ata kaualap.

12 Ira ron nil laut jon lan mamajani *on ira*, Koma ko ta ton met. Ira puoka ki ta lan nan tapuok; o imuintiti ara kilon ira.

13 Nin token ota jappa rerrer kaualap, por ejok en kanim o ola, o ni rerrer o aramaj iji kit kame ki la: me teko majaka lar, rap laan ta Kot en lan.

14 Komakom kariau uiaui er: nar komakom kajilu me pan pitipit uiaui.

15 Tounlan kaiji men pupuk; ari nil laut ap uiauui nalan, intinta, Mue en jappa it uia lar muen Poat, o na Kraij: a pan kaon ta koko la ta.

16 Ari riek lapalap pamen, me ariari Kot pon molar, rap popi ti ni jilan ar poni Kot, intinta,

17 Je majak tol omui Main Jioua Kot, me Manaman, me kotikot met et, o men maj; Komui lamuin lar, o kaon tar.

18 Kainok kan makara ta, o komui onion tar, o a (lel er)

anjoun mela kan pakateik, o a (lel er) anjou en katine nomui litu joukop kan, o joulan kan, o ir me lamuine ki mmarm omui, tikitik kan, o lapalap kan; o en kaeo ir me kin kaeo la jappa.

19 Im jarau en Kot mi nalan riti tar; o kopa en inau pinnar nan im jarau o; ari liol, o nil akan, o nanjapua kan, o rerrer en jappa, o el lapalap uiauuia ta.

IRA 12.

KI LEL lapalap pinnar nalan; li men linana ki katipin, o maram pan ne a, o a mmare ta uju ejok riau:

2 A lijean lar; a uiriur en naitik, uaiuairok en japetok la jon.

3 Pil en kilel pinnar nalan; man trakon lapalap uaitata, mona me iju, o jalon a ejok, o mmarm iju.

4 O a puatai uratok ki to jili por en uju en lan, ap jipet ir on jappa: o man trakon o uta mon li me pan naitik, pue lao a naitiki er, en kan ala na jeri.

5 Ari a naitika ta na jeri ol, me pan kaon ki ta kainok karoj jokon mata: ari na jeri piuk ta lon Kot, on mol a.

6 Li o tan uon nanauel, me teu a me onop er ren Kot, ie uajao re kin apuali i ran kit ria puki uone jok.

7 Mauin puai ta nalan: Maikel o na tounlan mauini on man trakon o; o terakon o na tounlan mauin ta;

8 A re jo puai ta, o jo la teu ar nalan.

9 O trakon lapalap pijikin ti la, me jerpent laut, me atu Tepil o Jetan, katimanapan jappa karoj, i me pijikin ti lan jappa, o na tounlan ian i pijikin ti la.

10 O I ron nil lap en nalan, intin ta, Met et me puai ta kamauapan, o uiâuuiapan, o mue en atail Kot, o lomuin na Kraij: pue karaunapan ri atail pijikin ti la, me kin karaun kin ir mon Kot ran, pon.

11 A re kaloe ti i aki ntan Jippul o, o pue ki ar katete ta lamalam; o re jo kajompual aki ar maur, ma re lan mela.

12 Ie me lan en peren ta, o komail me kaukaujon lole. Karia la jappa o jet: pue ki Tepil me ko ti lan komail, makar ta kaulap, ajaja a anjou me motamot.

13 Man trakon o ni a kilon a pijikin ti er jappa, a kanjore li me naitik er jeri uol.

14 Pa riau en man pir ikel lapalap me pan lan li o, puen pir lan nanauol teu a, uajao a panikinik ia anjou eu, o anjou, o anjou apor, jon ren jerpent o.

15 A man jerpent o kujupok ue jon nan au a on li o pil, tue pillap eu, puen kapuili ki ue pillap li o.

16 O jappa piupor ki li o; o jappa jara pajon au a, nima la pillap o me trakon o kujupok ue jon nan au a.

17 O man trakon makar

pan li o, ap ko la en mauini on kotautoka, me kin niki ta la kujenot en Kot kan, o koli ti patak en Jijo: a uta pon pik en ni oror.

IRA 13.

I AP kilon man men para ta jon nan jet, jalon a ek o mona iju mia, o mmarr ejok mi er ni jalona kan, o ni mona at en lalaue kan.

2 Man o me I kilon tue man lepat, o ne a tue ne an pea, o au a raj on au an laion; o man trakon ki on a kapikapi, o mol a, o kaon lapalap.

3 I kilon mon a eu tuen komakoma la; ari a komakom moti er: ari ton jappa karoj puiriam ki man o;

4 Irail ari lomuini ki man trakon, pue a kapie ki man o a kapikap; o re lomuini ki man o, intinta, Ij me raj on man o? ij me pan kak mauini on i?

5 A pan on i er au en juai lapalap, o en lalau; o a pan on i er en mimie ta jounipon pajok riau.

6 Ari a jara pajon au a en laue Kot, en laue mmare, o a im jarau, o ir me kaukaujon nalan.

7 O a kapie kin i en mauini on joulau kaloe irail iti: o a kapie kin i en kaon ta ue karoj, o aramaj kan, o lokaia, o kainok kan.

8 O ir karoj me kaukaujon jappa me pan lomuini kin i, me mmarr ar kaiken ta intini ti nan puk en maur en Jip-

pul me komakom jon nin tapin jappa.

9 Meamen jalon a mi er en ron.

10 Ma aramaj pan kaloe ti, nan pen i pan loti la; o ma aramaj pan kom ki la kotlaj, nan a pan koma ki la kotlaj. Nan ie en joulau ar mpai o ar liki.

11 O I kilon amen man para ta jon nan puel; jalon a riau mi er raj on Jippul men, o a kajoi tue trakon men.

12 O a kapikapi tue men maj me majani i, o ton jappa o ir karoj me kaujon ta lole, a kapeik ir ion man maj o, me a komakom moti er.

13 A uia ta manaman lapalap, kamore ti jon lau kijini ai pon jappa mon aramaj kan.

14 A kotaua kin ir me kaukaujon jappa uiaua ko me kapi on i en uia ta mon man o; mamajani on ir me kaujon ta jappa, ren uia i on man o me a lopuon kotlaj mi er, ap maur ata, tikitik en ani.

15 O a kapi on i en kamaura ta i, tikitik en man o, pue tikitik en man o en lokaia, o en uian ir me kan poni tikitik en man en komokom.

16 O a uian karoj, meatik o mealap kan, o kapuapua kan, o jo kapuapua kan, o me maio, o me janjal, ren uia kilel ni pa ar pali maun, te ni tom ar;

17 Pue jo ta aramaj en kak not, te note ki la, a i eta me kilele ti er, kilele ki ti mmarr en man, ter uat en mmarr o.

18 Iet lolakon. Me lelapok

er en uatok ti mm̄ar an man o; pue a raj on uat en aramaj men, o a uat raj on uone puki uone jok uonu.

IRA 14.

I NAR, ap kilon, Jippul utan pon tol en Jaion, o me ian i lop pa nen pa kit, o mm̄ar a o mm̄ar en Jam a intin ni tom ar.

2 O I ron nil eu jon lan tue punupun en pil neter, o tue nirnir lapalap en nanjapua; nil o me I ron tar tue nil en joun kaul pikipikir ar arpkan:

3 Irail kaul tue kaul kap mon mol o, o mon man maur pa men, o lapalap ko; o jo ta aramaj me kak koli ti kaul o, ir lop pa nen pa kit eta, ir me not japal jon ni jappa.

4 Ir me jo jamin ki li: pue ir me makolakol. Ir me itetauen Jippul o uaja a kin kot ilan ia. Ir me not japal jon ren aramaj kan; moai on Kot o Jippul.

5 O nan au ar jo ta likom me tiara ta: nan jo ta ar jamin.

6 O I kilon amen tounlan pipir ni ailepan lan, ron mau jakatuk mi er rea en pataki on ir me kaujon jappa, o on kainok karoj, o ue, o lokaia, o aramaj kan.

7 A majane ki nil laut, Laan ta Kot, o uau i; pue anjou a pan kateika ta me par er: o poni i me uia ta lan o jap-pa, o jet, o utun pil kan.

8 O amen tounlan, karia men, itaue ni, intinta, A ron ki lar, a ron ki lar, Papiion

lapalap, me kare on kainok karoj komakom aki ar nenek rea.

9 O pil amen tounlan, me kajilu, me itaue ni, katiti ki nil laut, Ma aramaj poni mau o nen en man o, o kilel ki er ni tom a, o ni pa a,

10 A pan tunole en Kot a onion me uiaui er jo kato-lepao tal en onion; o a pan pakalok ki kijiniai o primjton mon tounlan mau kan o mon Jippul o;

11 O atiniai en ar lokalok peipei ta la potepote ta, re jo molailai ran pon, ir me poni man o o nen i, o ir me kilele ki ta er mm̄ar a.

12 Ni met en joulan ar mpai, ir me kin nikinikit kujenot en Kot kan o lamlam en Jijoj.

13 O I ron nil jon lan majani, Kon intinie ti, Meit paii ir me mela ren Jijoj met koko la ta: Iei, Nen Jaraui me majani, pue ir en molailai jon ar uiaui kan; pue ar uiaui ian ir.

14 I ap kilon tapuok puot: o amen koti ti pon tapuok o me raj on Nain aramaj, umara ki er mm̄ar kol, o ni lima kotlaj kon.

15 O amen tounlan petoi ue jon nan im jaraui ekeker ki nil laut on i me koti ti pon tapuok o, Komui katar om kotlaj, pala ti: pue a lel er anjou en pala ti: pue rak en jappa mat er kaualap.

16 Me koti ti pon tapuok kaja ti jappa a kotlaj; rak kiri jon jappa.

17 O amen tounlan petoi ue jon nan im jarani me mi nalan, pil kotlaj kon apot mi re a.

18 O amen tounlan mi para to jon mpan peijarai me kin kak on kijiniai; a majan lauti on i me a kotlaj kon mia, majani, Katil on lole om kotlaj kon, jara jon tuntun en krep en jappa kan; pue a krep kan me mat er.

19 Ari tounlan o katil non a kotlaj jappa, a kotlaj ap jara pena krep en jappa, a kajeti on nan kopa eu en tiak ti uain, kopa lapalap en Kot a onion.

20 Irail tiaki ti nan kopa en uain likin kanim, pil a kujta ue jon nan kopa o, lel lan jal en man oj, lel lan pirlon kit uone puki.

IRA 15.

I KILON pil kilel eu nalan, mealap o kalom, tounlan iji men kalokalok iju kanik re rail, pue onion en Kot kaimuijok ki la ir.

2 I kilon jet klaj tolo ki kijiniai; (o I kilon) ir me jo loti on mau o, o nen i, o kilele pa, o uatokpan mmara, me u ta pon jet klaj, ap en Kot me mi re rail.

3 O irail kaule ki ta kaul en Mojej papa en Kot men, o kaul en Jippul, intinta, Om totok kan me lapalap o kalom, Komui Main Jiona Kot, Manaman, meapon o mealel om uiaua kan, komui kaon en kainok kan;

4 Ij me jo pan laau ta ko-

mui main Jiona, o uai mmarmui? pue komui eta makolokol: pue kainok karoj me pan parato poni komui; pue om uiaua pon me janjal atar.

5 Murin mepukat I nar, nan im jarani a katetepa mi nalan me janjal lar.

6 Tounlan iji men me petoi ue jon ni im jarani kalokalok iju re rail, kapuat ki takai min o puot, o ir pira ki ni pan ati uiauai kol.

7 Amen man maur o pan lan toun lan iji men tal kol iju, tir ki la onion en Kot, me maura ta jakatuk.

8 O im jarani me top ki la atiniai tapi ta jon uain Kot o a manaman: jo ta me kak petilon on nan im jarani, alao kalokalok iju mi ren tounlan iji men uiaua er.

IRA 16.

I RON nil laut jon nan im jarani, mamajani on joulan iji men, komail ko ue, uikitok ti on jappa tal iju aut eki er onion en Kot.

2 Men maj kot ue ap kieli ti on jappa a tal: ap uia la kinj juit ala pon aramaj me kilele ki ti kilel en mau o, o me poni nen i.

3 O tounlan karia men kieli ti on nan jet a tal: ap uia la nta la tue mela men o ari: ari me maur kan karoj mela, mam karoj nan jet.

4 O tounlan kajili men kieliti a tal pon pillap o utun pil kan, rap nta la.

5 I ron tounlan en pil kan mamajani, Komui meapon,

Main Jioua, me kotikot ier, o me kotikot maj, o me pan kotikot, pue komui kateik ata tue met:

6 Pue ir me kieliti er ntan joulán o joukop kan, ari komui katunole kin ir nta; ari me mau on irail.

7 I ron pil amen jon ni pei-jarai mamajani, Iei, Main Jioua Kot, me Manaman on, mealel o meapon om kateik kan.

8 O kapa men kieli ti a tal pon katipin; a kapi on i ijk ki kijiniai aramaj kan.

9 Ari aramaj ron ki la karkar kaualap, o re laulaue mmár en Kot me kaonpan komakom pukat; ari re jota loka la en uani i. (Kot).

10 O tounlan kalim men me kiele ti a tal pon mol en man o: ari a mue rotarot ala; o re kaminet lo ar motakan matok,

11 O re lalaue Kot en lon aki ar matok, o ar kinj kan, o re jo ta lokalok ki arail uiauia kan.

12 O tounlan kauonu men me kieli ti a tal pon pillap Iupretej; a pil ap nalli ti, puen kaonopa ta al mon nanmaraki me koti to jon ni pali maja lon.

13 O I kilon me ko to jon nan au en trakon, o jon nan au an man o, o jon nan au an joukop likom, nen jamin jilu, tue prok kai:

14 Ir nen en ani puepue akai, uiauia kilel kai, me kin para lan nanmaraki en jappa kan, en poto on kapokon ir

penan mauin en ran lapalap en Kot me Manaman.

15 (Nar, I para to tue lipirap men. Meit apaii me kin majamajan, nikinikit a likau kan, pue a ter kilijo la, rap kilon a kanomanok).

16 O re kapokon ir penan uaja me ata ni lokaia Ipru Armakiton.

17 O tounlan kaiji men kieli ti a tal nin uaua; nil laut ap para ta jon ni im jarai jon ni mol, mamajani, A uiauui er.

18 Ari liol o nil kai o nanjapua kai mia; jappa rerrer lapalap uiauui, jota tue jon nin tapin to an jappa mi er, me lapalap, o mulatok.

19 Ari kanim lapalap o pala pajon uia la jili por, o kanim en jap kan ronk pajon; o Papilon me lapalap Kot me kupure la i, en katunole kin i a tal en a onion lapalapia.

20 O toko karoj kiri ti la, o nana kan jo la janjal.

21 O el lapalap, toutou ki talent laut, me mori ti jon lan lel aramaj kan, o aramaj lalaue Kot motikan komakom en el; pue ie komakom me lapalap ia.

IRA 17.

TOUNLAN men kijan iji men ar tal iju mia, para ton ia, majani on ia, mamajani, Ko to, I nok kajale on uk katete en li juit me kaon ta pil neter;

2 Me nanmaraki kan nenek ki er, o tour jappa puepue ki a uain en kanenek.

3 Ari a uke ia lan nanauel ren nen: I ap kilon li men mon ti pon man uaitata, at a laue neter mi er, mona iju o jalon a ejok.

4 Li o likaue ki ta likau tontol o uaitata, o kapuat ki ta kol, o takai kajompual, o manaman kai, ni lim a tal kol mi er me tire ki la me jamin o me jaot en a nenek.

5 O ni tom a mmarr eu intini ti er, iet OKIOK POT, PAPILON LAPALAP, IN EN ME NENEK KAN O JAOT KAN EN JAPPA.

6 O I kilon li o a puepue ki ntan joulan kan, o ntan Jijoj na katete kan: ari ni ai kilon i, I ap puiriam ki la kaualap.

7 Tounlan majani on ia, Menta ko kin uapon ki? I nok kalelapoki on uk (karepan om uapon ki) li o, o man o me kin ua i, me mon a iju, o jalon a ejok mi er.

8 Man o me kom majani er, a mia maj, ap jo er mia, a nok para ta to jon nan uaja lol, ap pan ko lan uajan komakom: o ir me kaukaujon jappa me pan uapon ki, ir me mmarr ar jo intini ti er nan puk en maur jon nin tapin jappa, ni ar kilon man o, tue a mi er maj, ap jo er mi er, ap nok par.

9 Iet ueue lolakon kan pan lolakon ki. Mon a iju raj on nana iju, me li o mon ti poa:

10 O nanmaraki iji men mia; lim men nik la, meta men mi er, o amen kaiken ta para ta: a a lao para ta, a pan japuili ta anjou kij.

11 Man o men maj, ap jo er mia, pen i kaualu men tapi ta jon iji men, a pan lokatok la.

12 Jalon a ejok me kom majani er, raj on nanmaraki ek, me kaiken ta mue en ki mue ar; a re japuili tan mue motamot ren man o.

13 Ir kin uia kupur ta eu, o re pan mi la pan man o pakin i ar anianin o petekan.

14 Ir pan mauini on Jippul, a Jippul pan kole ir ti; pue i Kaon en kaon kan, o Nanmaraki en nanmaraki kan: me ian i (me pan puai ta), paeker er, o pil er, o mealel.

15 A majani on ia, pil ako me ko kilon, uajan li juit o mon ti ia, me raj on aramaj kan, o kainok kan, o lokaia kan.

16 O jalon a ejok me kom majani, o man o, ir me pan tat ki li juit o, kajamualia ta i, o kakilijauia ta, o re pan kajamua mela, karoni ki i kijiniau kaualap.

17 Pue Kot kainon ta kapet ar en uia kupur a, o en uia lamalam ta pot, o en upai man o, alao majan en Kot puai ta.

18 Li o me kom majani me kanim lapalap, me kakaon nanmaraki kan en jappa.

IRA 18.

MURIN me pukat I kilon pil amen tounlan ko ti jon lan, me manaman kaualap; o jappa marain ki la a linan.

2 A ekere ki nil laut, ma-

majani, A ronkpajon, a ronkpajon Papilon lap, ap it uia teun ani juit, o teun nen jaot karoj, o teun man pir jamin o katantat.

3 Pue kainok karoj me nim er uain-makar en a nenek rap pope la, o nanmaraki en jappa nenek er re a, o joun not en jappa kapuapua ki er a kapua kajompual kan.

4 O I ron eu nil jon lan, mamajani, Ko to jon i, nai aramaj kan, komail ter aine ki ta tip a kan, pue komail ter poko ki kompa kan:

5 Pue tip a kan lel on er lan, o Kot kupure ta a juit kan.

6 Neok on i tuen a neok on er komail, maj ria pak en uian i tuen a uiauia kan: tal me a aute er, katol penan i lole maj ria pak.

7 Tuen a kin uaun iki pen i, o muemat ier, ie tue ki on i kalokpa o kajonlolpa, pue a moneloleki, Nai li nanmaraki, o jo li oti, o I jo ta pan maiiei.

8 Pueki met kompa kan ap pan lel nin ran taiu, mela, o maiei, o kajjol; o a pan ron ki la kijiniai kaualap; pue me manaman Jioua Kot me kateik ta i.

9 O nanmaraki en jappa me nenek rea o muemat jon i, re pan maiei ki, o uiriuir kin i, ni ar majani atiniai en a ron la,

10 Uu uaja to uapon ki a komakom, mamajani, ori! ori! Papilon, kanim kelaill! matania kateik pom puai ta;

11 O joun not en jappa maiie o jonijon kin i, pue jo la aramaj me note ar kapua kan:

12 Autepan jop, kol, o jilpa, o takai kajompual manaman kan, o likau linen, o likau tol, o likau jilk, o likau uaitata: o jon en tuka pomau karoj, o tal aipori, o tal kan uia ki tuka kajompual ia, o mata praj, o aion, o takai marpel.

13 O jinimon, o jpaij, o me pomau, o kijeles, o pomau en ijij, o uain, o le, o plaia kajompual, o uan uit, o man kan, man jip, o man oj kan, o takepan man oj, o litu kan, o nen en aramaj kan.

14 Paii kan me kapet im kin u on, rap roje jon uk ier, o tipijo linan o kajalel me roje jon uk ier, koe jola pan tiara ta ir koko la ta.

15 Joun not en me pukat, me kapuapue ta rea, me pau u uaja to uapon ki ta a komakom, jonijon o maimaie.

16 Intinta, Ori! Ori! kanim lap, me kapuat ki likau ankottik, o tol, o uaitata, o kapuat ki kol, o takai kajompual, o manaman!

17 Ni klok taiu kapua neter pukat me uikitok ala. O joupal en jop, o ir me ton jop, o jela kan, o joun not en nan jet, ir u ta uaja to,

18 Uiriuiiri ta, ni a kilon atiniai en a ijij, intinta, Ia kanim me raj on kanim lapa-lap uet!

19 Irail tukatuk en mon uiri ta, jonijon, mamaie, intinta,

Ori, Ori, kanim lapalap, toa kapuapua la me ar jop kan mi nan matau pue a noti re ir mulatok ia! ni klok taiu (kanim o) me mokonaiti.

20 Kanakiti kin i, lan o joulan kan, o jounpatak, o joukop kan; pue Kot me iki on i komail.

21 Tounlan rojen uka ta takai tue takai lap men irij plaua, ap kaja ti on nan matau, intinta, I tue Papilon, kanim lap, pan karonk pajon, ap pan jo la mi er.

22 Nil en uia arp kan, o kakaul kan, o me puk kajon plut, o me pupuk jaii, pan jo la ron re a; o jo ta jouapal me pan tiarok lolim, o nirjok en takai irij plaua jo la pan ron lol am;

23 O marain en lamp pan jo la jenjer lol om; o nil en ol kamot o li kamot jo la pan maan ron lol om: pue nom jounnot kan jounmaj en jappa; kainok karoj pakatauki la om uitin kan.

24 Lole ntan joukop o joulan me tiaroka ta, o ntan karoj me komakom la jappa.

IRA 19.

MUR en me pukat I ron moron en pokon kalaimun palan, mamajani, Aleluia; Kamaur, o linan, o uaii, o manaman utan atail Jiona Kot:

2 Pue mealel o meapon a kateik kan; a kateik tar li juit lap, me kajuita ki la ton jappa a kajopon kan, o a iki er ntan na litu kan.

3 Pil kariapak re inta, Aleluia. A atiniai ati ta la koko la ta.

4 Lapalap riek pa men, o man maur pa men rap pori ti, poni on Kot me kaipokiti pon mol a, mamajani, Ei: Aleluia.

5 O nil me pei to jon mol a, mamajani, kapina Kot, komail na papa kan, me laan ki i, meatik o mealap kan.

6 O I ron er moron en pokon kalaimun, o tue nil en pil neter, o tue nirinir en nanjapua kan, intinta. Aleluia; pue Jiona atail Kot, me manaman kakaon ta.

7 Kitail en injini mau, o pereperen, kitail uaii i; pue a lel er en Jippul a kapa-paut, o li kamot onopa ta i.

8 A muet on i en likauia ki ta pen i likau linen, me min, me makolakol; pue likau linen o uia pon en joulan kan.

9 A majani on ia. Intin ti, Re meit paii me luk en tou kamatip en papaut en Jippul. A majani on ia, Me pukat majan mealel kan en Kot.

10 I ap popi ti ni aliuiiua en poni i. A majani on ia, Ko ter, Nai jou om o ri om me katete ki Jijoj; kon poni Kot; pue katetepan Jijoj i me karepan lamalam en joukop.

11 O I kilon lan riti tar: o man oj potapot; o me mon ti poa me oron aki Meapon o Mealel; a kateika ta o mauin ta ni meapon.

12 Jilani me raj on umpul en kijinia, o mmara a neter mia ni tapui; a eu mmara intini ti er me jo ta me aja, pen i ta.

13 A likauia ki ta likau katue ti ni nta: o mmara oroniki Majan en Kot.

14 Toun pei kan ni lan itaeni pon man oj kan potapot, likauia ki ta likau linen ankot tik, puot o min.

15 Jon nan jilan i kotlaj kon pot luj ue ta, men komakom ki ton jappa; a pan kaon ki ta irail jokon airon pot: a tiake ti kopa en uain me onion en Kot manaman.

16 Ni a likau o ni lonalona, mmara intin ti er, NANMARAKI EN NANMARAKI, O JOUPETI EN JOUPETI KAN.

17 O I kilon amen tounlan uta pan katipin; a moli pe ki nil laut, mamajani, man akan me pipir pueti lan, Ko to, pokon ton kamati lap en Kot:

18 Pue komail en kan utuk en nanmaraki kan, o utuk en kapin kan, o utuk en joumaj kan, o utuk en oj kan, o me monti po ir, o utuk an aramaj karoj, maio ko o litu kan, metik mealap.

19 O I kilon man o, o nanmaraki en jappa kan, o nair joun pei kan, pokon penan mauini on i me kaipoki ti pon oj, o na joun pei kan.

20 Man o loti on, o joukop likom ian la me uia kilel kai mo a, me a kotaua ki ta ir me kilele ti kilel en man o, o ir me poni nen i; Ira karoj

lokatok lan nan le en kijinia me ronaron ki primjton.

21 Me lua kan komakom ki la kotlaj en me kaipokiti pon oj o, ie kotlaj me luj a jon jilan i: ari man pir kan mue-mat ki la utuk ar.

IRA 20.

I KILON tounlan men koti ti to jon lan, ki en uaja juit mi er re i nan lim a o jal mata lap.

2 A jaiki ti trakon o, jerpent en kaua, me Tepil o Jetan ap jalie ti i par kit.

3 O kaja ti on nan uaja lol jo kapi, ritini ti, o kilele ti po a, pue en ter katikati-maua ton jappa alao par kit imuijok la: muri a nok japatok la anjou akij.

4 I kilon mole kan, o ir me kaipoki ti po ir re kateika ta: o I kilon nen en ir me mon ar lipuk ki jon er kate-tepan Jijoj, o majan en Kot, o ir me jo poni man o, o nen i jo, o jo kilele ki ta a kilel ni tom ar o ni pa ar; irail maura ta o ian Kraij kakaon par kit.

5 A mela te ko jota maur alao par kit imuijok la. Ie me iaj maj.

6 A meit paii, o memau me ian ir ni iaj ta maj: mela kariau jo kokoa irail: a irail it uia la joumaro en Kot o Kraij kan, o ian i kakaon par kit.

7 Par kit lao imuijok la Jetan me pan japtok la jon a im en katon.

8 Ap pan para tan katika-

tiamaua ton jap akan me mi ni kaim pain en jappa, Kok o Makok, kapokon ir apenan mauin: re me neter raj on pik en jet kan.

9 Irail parapara lan nan jappa, rap kapili pena pokon en joulau, o kanim kapaii; kijiniai ap mori ti jon lan karona ir la.

10 O Tepil me kataua irail pijikin ti nan le en kijiniai o primjton, uajan man o o joukop likom mia: o re pan pakalok ran o pon koko la ta jo tuk.

11 O I kilon mol e potapot lapalap, o i me kaipoki ti poa, mon jilan i jappa o lan tana ue jon; ap jo lar teu ar.

12 O I kilon mela kan, tikitik o lapalap, u mon mole o; o puk kan pak er: o pil eu puk me pak er, me puk en kamaur: mela kan kateik ki ta meakan me intin ti er nan puk ko, tuen ar uiaua kan.

13 O jet kapei ta ta mela kan mi lole, o mela, o el me ki ta ta me mi lolir; ir karoj pakateika ta iran ar uiaua.

14 Mela o el me pijikin ti lan le en kijiniai. Met mela kariau.

15 Meamen me jo intin en nan puk en kamaura pijikin ti lan le en kijiniai.

IRA 21.

I KILON lan kap o jappa kap: pue lan maj o jappa maj jo lar mia, o jo lar matau.

2 O I kilon kanim ijou, Jirujalem akap pepe ti to jon

lan ren Kot, kapuat er tue li kamot kapuat on er a paut ol.

3 O I ron nil laut jon mole o, mamajani, Nar, Tanipaj en Kot mi ren aramaj, o a pan kotikot re rail, o irail pan it uia na aramaj la, o pen Kot pan kotikot re rail, o uia nair Kot la:

4 O a pan limue jon maj ar pil en maj ar karoj; o mela me pan jo la; pil jo la maiei, o jonijon, o matok, koko la ta: pue men maj kan jo lar ia.

5 Me kaipokiti pon mole majani, Nar, I pan kajarauili meaka karoj. A majani, Intin; pue kajoi pukat mealel o meapon.

6 A majani on ia, A puai tar. Nai Alpa o Omika, tapi o imui. I pan muet on men nim en nima jon utun pil en maur japan.

7 Me kaloe ti, a pan paie ki me pukat; O I pan uia na Kot la, o a pan uia nai jeri la.

8 A me majak, o jakamealele, o jaot kan, o men kamela kan, o nenek kan, o uinani kan, o me poni tikitik en ani kan, o likom kan, teu ar nan le me ronaron ki kijiniai o primjton: ie mela karian.

9 Tounlan kijan iji men para to tal iju re rail, me aute ki er kalokalok iju kanik kan; a majani on ia, Ko ton met, I pan kajale on uk li kamot, li en Jippul.

10 Ari a uke ia ki la Nen on nana eu lapalap o ilela, ap kajale on ia kanim ijou,

Jirujalem, pepei ti, to jon lan ren Kot;

11 Linana ki linan en Kot; a marain me raj on takai kajompual ia, tena takai jajper, makolakol tue takai krijtal;

12 A kel lapalap mia o ila: a uanim ejok riau, o tounlan ek ria men mi ni uanim ko, o mmarr kan intini ti er, me mmarr en nain Ijrael ek ria men:

13 Ni majalan uanim jilu; ni apon uanim jilu; ni air uanim jilu; ni kapi uanim jilu.

14 Pajonon en kel en kanim o me ejok riau, o mmarr en joun patak en Jippul o ek riamen intin ti po ar.

15 Me kin majani on ia, mi re a men jonajon kol pot men jon kanim o, o uanim ko, o a kel.

16 Pali en kanim o pali paiu, aneta tue telapa: a jon ki kanim jon apot o, me anetan perlon nen ria kit. Aneta o telapa o ila raj pena ta.

17 A jojon a kel o, ari me tapon en pa apuki pajok paiu, tuen jon en aramaj, ienta, tounlan o.

18 A kel o uia ki takai jajper: o kanim o kol eta, me raj on klaj makolakol.

19 Pajonon en kel en kanim o ujun aki er jon en takai kajompual ia. Pajonon maj me takai jajper; kariau, japair; kajilu, kaljetoni; kapaiu, emiralt;

20 Kalimau, jartoni; kauonu, jartio; kaij, krijolait;

kaualu, peril; katua, topaj; katinaul, krijoprejo; ejok eu, jajint; ejok riau, amitij.

21 O uanim ejok riau takai perl ejok riau; uanim taiu i takai perl eu: o kanim o me kol makolakol, linan tue klaj.

22 I jo ta kilon im jaraiu lole; pue Jiousa Kot Manaman o Jippul o me im jaraiu.

23 Kanim o jo ta me a katipin, o pil jounipon, puen taketaki; linan en Kot kamairini i, o Jippul me a lamp.

24 O kainok kan me pan ueit ue ni a linan: o nanmaraki en jappa me pan uaoua la i.

25 O a uanim kan jota pan man ritin ti ni ran; (pue jo ta pon ni kanim o);

26 O kainok kan me uoia la i o kakake i.

27 Jota me pan petalon on me jamin, te me kin uia jaot, te likom; a ir eta me mmarr ar intin ti er nan en Jippul a puk en maur.

IRA 22.

A KAJALE on ia pillap en kamaur pot, makolakol tue krijtal, me u ue jon ni mol en Kot o Jippul o.

2 Nan al a, ni palian pillap pali et, tuka'n kamaur mia, uua jon en ua ejok riau, me ua jounipon kaukaule: o tan tuka o men kamaura ta ton jappa.

3 Jota me pan ria la koko la ta; a mol en Kot o Jippul me pan mi lole; o na papa ran man upai i.

4 O re pan nar jilan i, o mmar a me pan mi ni tom ar.

5 Jota pon ni uajao koko la ta; re jo ta anane marain en lamp, pil jota marain en kati-pin; pue Jioua Kot me pan kamaraini ir; o re pan mue-mue ta koko la ta.

6 A majani on ia kajoi puk-at meapon mealel: o Jioua Kot en nen en joukop kan porone to na tounlan en ka-jale on ia meakan me pan uiaui me karen.

7 Nar, I pan matan para to: meit paili me kanikit kajoi kan en kokop en puk uet.

8 Nai Jon me ron, o kilon me pukat. O ni ai ron o kilon, I ap pori ti en poni mon aluuiluan tounlan me kajale on ia me pukat.

9 A majani on ia, Ko ter: Nai pil ian uk papa, o ian ri om joukop kan, o ian ir me kanikit majan en puk uet: poni Kot.

10 A majani on ia, Ko ter katone kajoi kan en kokop en puk uet: pue anjou ka-reni er.

11 Aramaj me jopon en jopojopon eta; o me jamin en jamajamin ta; o meapon en ponepon ta; o me ma-kolakol en makolakol eta.

12 Nar, I matan para to; ai pain mi rei, en pain on ara-maj karoj tuen ar uiauia.

388

13 Nai Alpa o Omika, meñ maj o men mur, tapi o imui.

14 Re meit paili me lope ar likau, pue ren kon on tuka en kamaur, o en petilon on ni uanim en kanim kan.

15 Liki mejuit kan mi er, o uitinok kan, o nenek kan, o kamela kan, o me poni tikitik en ani, o ir karoj me mauki o uia ta likom.

16 Nai Jijoj porone tor nai tounlan en katiti on komui me pukat me pan ko on momotijo kan. Nai tapin o kotautokan Tepit; uju ran umpumpul.

17 O Nen Jaraui o li kamot majani, Ko to. O me ron er inta, Ko to. O me men nim en ko to: meamen me inoni-on, en tunole jon pil en ka-maur japan.

18 I katete on aramaj karoj me ron patak en kokop en puk uet, Ma aramaj pan ujai on, Kot me pan ki on i kompa kan me intin ti er nan puk uet:

19 O ma aramaj me pan kaje jon kajoi en puk uet (a) kokop, Kot me pan ki jon puaij a nin tuka kamaur, o (puaij an) kanim ijou, (o) mea-kai me intin ti er nan puk uet.

20 Me kin katete me pukat inta, Iei I pan matan para to: Ei: Koti to, Jioua Jijoj.

21 Kalanan en Jioua Jijoj en mi ren joulan kan. Ei.